




منیم پاییم

یازار : پرینوش صنیعی

ترجمه چی: معصومه شوکورزاده

ایران آذربایجانی ایفباسینا کوچوره ن : فرهاد شهبازی

قیساجا یازار باره ده :

پرینوش صنیعی ایران اصللی یازی چی، سوسیولوق و پسیخولوق دور. تئهران اونیورسیتئتین پسیخولوگیا فاکولته سینده

تحصیل آلمیش دیر. یازار کیمی تانیماغینا سبب ایسه ۲۰۰۳-جو ایلده قلمه آلدیغی "منیم پاییم" (سهم من)

آوتوبیوقرافیک رومانی دیر. اثر ۲۰۱۳-جو ایلده سارا خلیلی طرفیندن اینگیلیس دیلینه "[The book of fate](#)" "آدی

ایله ترجمه ائدلمیش دیر. ۲۶ دیله ترجمه اولونان اثر همچنین "[World Literature Today](#)" طرفیندن ۲۰۱۳ -

جو ایلده "ایلین ان دیرلی ۷۵ ترجمه سی" سیاهیسیندا یئر آلمیش دیر. اثرین ایتالیان دیلینه اولان ترجمه سی ۲۰۱۰-جو

ایلده مشهور "[Covanni Bokkaçço](#)" "موکافاتینا لاییق گؤرولموش دور.

«منیم پاییم» آوتوبیوقرافیک رومانیندا ایران قادینین حیات، عایله ده، جمعیت ده اونا اولان موناسیبت ساده و دوغال

بیچیمده تصویر اولونور.

https://az.wikipedia.org/wiki/Pərinuş_sənii

۱ ینجی بؤلوم

بیز قومدان تهرانا کؤچهنده آتام اوخولا گتیمیجه ایجازه وئردی. حتی اونا دئییهنده کی، تهرانا اوخولاریندا هئچ کس چادرا اؤرتمور، باشیما چادرا یئرینه یایلیق باغلاماغا ایجازه وئردی. اما بیر شرط قویدو کی، اونون آبریسینا خلل گتیرمیییم. عباس عمیمه قوربان اولوم. بیر دؤنه ائشیتدیم کی، آتام دئییر: قارداش، قیزین ذاتی گرک یاخشی اول. مسئله حیجابدا زاددا دئییل. اگر پیس اولسا، چادرانین آلتینداندان مین دنه ایش گؤره بیلر. ایندی کی تهرانا گلیمسن، گرک تهرانا لیلار کیمی یاشایسان. کئچدی او زامانلار کی، قیزی ائوده حبس ائدیردیلر. قوی اوخولا گتتسین. گئییمیده او بیریلر کیمی اولسون. یوخسا هامی اونو بارماقلا گؤسترر. عباس عمیم چوخ دوشونجهلی آدم ایدی. بئله ده اولمالی ایدی. اون ایله یاخین ایدی کی، تهرانا دا یاشاییردی. قوما آنجاق اورادا کیمسه اؤلنده گلردی. آتامین آناسی، رحمتلیک نهم هر دؤنه عباس عمی گلنده دئییردی: عباس، نییه منه بئله گئج - گئج باش چکیرسن؟ عباس عمی ده هوندوردن گوله رک: ننه، نئینییم، قوهوملارا دی کی، تتز - تتز اؤلسونلر، من ده قوما تتز - تتز گلیم، دئییردی. نهم الینی اوزونه ائله برک چیرپیردی کی، ایزی اوزون مودت گتتیردی. عباس عمینین یاشاییش یولداشی تهرانی ایدی. همیشه قوما گلنده چادرا اؤرتدردی. هامی بیلیردی کی، او، تهرانا دا حجاب اؤرتمور. هئچ قیزلاری دا بئله شئیلره عمل ائله میردیلر. اوخولا دا حجاب سیز گئدیردیلر. نهم اؤلندن سونرا آتام اونون بیز یاشادیغیمیز ائوینی ساتیب هامینین پایینی وئردی. عباس عمی آتام دئدی: قارداش، بورا یاشایاسی یئر دئییل. پایلاریمیزی قویاق بیریرینین اوستونه، گئدک تهرانا. سن ده یاواش - یاواش یاشاییشینی یولونا قوی. پولو تهرانا دا دا قازانماق اولار.

بیرینجی بؤیوک قارداشیم محمود اعتراض ائله دی. دئدی کی، تهرانا دا آدامین ایمانی الیندن گئدر. اما احمد قارداشیم سئوینیب دئییردی: اورا کؤچسک، بیز ده آدم آراسینا چیخاریق. آتام دئییردی: قیزلاری دا فیکیرلشین. اونلار اورادا یاخشی ار تاپا بیلملر. آخی بیزی اورادا هئچ کس تانییمیر. بوتون تانیشلاریمیز بورا دیرلار. بیری اوخولا گئده جک. الله بیلیر، تهرانا نه یولا دوشه جک. هامی دئییر کی، تهرانا دا بؤیویه قیزلار مین حوققدان چیخیر.



علی او واخت ایبتیدایی مکتبین ۳ جو سینفینده اوخویردو. اونون مسئلهیه موناسیبتی بئله اولدو: مگر من اولموشه؟ اونلارا ائله گؤز اولاجام کی، هئچ یانا ترپه نه بیلمه یه جکلر. سونرا فاطمه یه ائله بیر تیپک ووردو کی، قیز قیشقیردی. من گئدیپ اونو قوجاقلادیم: قارداش، نییه ائله دئییرسن، مگر تئهرانین قیزلارینین هامیسی اخلاق سیزدی؟ تئهران دان اؤترو اولن احمد قارداشیم دئدی: سن سسینی کس. اگر مساله معصومه دیرسه، بورادا اونو اره وئریب، سونرا تئهرانا گئدریک. بئله داها یاخشی اولار. فاطمه نی ده علییه تاپشیراریق. بونو دئییب گووه نجله علینین کورینه ووردو. بو، قئیرتلی اوشاقدی، آغلی باشیندادیر. اوریم قوپوب دوشدو. احمد قارداشیم ائله اؤنجه دن منیم اوخولا گتتمیمه راضی دئییلدی. اؤزو درس اوخویان دئییلدی، ۷ جی صنیفده نچه دؤنه کسيلمیشدی. آخیر کی، تحصیلی یاریمچیق قالدی. ایندی منیم درس اوخوماغیمی ایسته میردی. رحمتلیک نهم ده منیم یاخشی اوخوماغیم دان ناراحت ایدی. تئز-تئز آنامین اوزونه ووروردو: قیزینین الیندن هئچ بیر ایش گلیمیر. ار ائوینه گتسه، بیر آیدان سونرا بوشایاجاقلار. سونرا آتاما دئییردی: بو قیزا نییه بو قدر پول خرچلییرسن؟ قیزا پول خرچلمین هئچ بیر خئیری یوحدور. زحمت چکیب پول خرچلییرسن ساخالاییرسان، سونرا نه قدر پول خرچله ییب اره وئیررسن. او واخت احمدین آرتیق ۲۰ یاشی اولدوغونا باخمایارق، دوز عملی بیر ایشی یوخ ایدی. اسدوللا داینین دوکانین دا شاگیرد اولسا دا، همیشه کوچه لرده آوارا دولانیردی. محمود قارداشیم اوندان فرقلی اولاراق، بوتون گونو ماغازادا اوتوروردو. موظفر بی دئیهن کیمی، دوکانین بوتون یوکونو چکیددی. آتام دئییردی کی، موظفر بین ماغازاسینی محمود ایشله دیر. محمود احمددن هامیسی ۲ یاش بویوک اولسا دا، الله آدامی ایدی. نامازی، اوروجونو اؤتورمزدی. هامی دئییردی کی، محمود ائله بیل احمددن ان آزی اون یاش بویوکدور. انام چوخ ایستیریدی کی، خالامیز قیزی سعادتی اونا آلسین. دئییردی، سئید دی پیغمبر اوؤلادی. آما من بیلیریم کی، قارداشیمین بییم قیزی محبوبه دن خوشو گلیر. همیشه محبوبه یزه گلنده محمود قارداشیمین رنگی دیشیردی. آغاریب-قیزاریردی. دیلی توپوق ووروردو. یاواشجا بیر قیراقدا دوروب محبوبه یه باخیردی. خصوصیه ده او واخت کی، قیزین چادراسی باشیندان دوشوردو. گؤزونه دؤندویوم محبوبه ده ائله لاقئید ایدی کی، حجابینی باشیندا ساخلامیردی. ائله کی نهم داوا اندیب، اونا ائوده نامحرم اولدوغونو دئییردی، محبوبه: نه جان، بونلار منیم قارداشلاریم دیر، دئییه قهقهه چکیب گولوردو. گؤروردوم کی، همیشه محبوبه گئدن دن سونرا محمود ایکی ساعات ناماز باشیندا اوتوروب «استغفوروللاه، استغفوروللاه» دئییردی. یقین، نسه فیکرین ده گونا ایشلتیمیش اولوردو. نه واخت ایدی کی، تئهرانا گتتمک دن اؤترو ائویمیزده داوا

گئیدردی. تک بیر شئی ده هامی همرای ایدی کی، منی اره وئریب، راحت گتسینلر. ائله بیل تتهران دا هامی اوتوروب منی گؤزلیبردی کی، اورا گلیم، منی یول دان چیخارتسینلار. من هر گون حضرتی معصومه مسجیدینه گئدیپ دوعا ائدیردیم کی، عایله منی ده اؤزو ایله آپارسین، اورادا اوخولا گئدیم. آغلایاراق دئییردیم: کاش من ده اوغلان اولایدیم. یا دا زری کیمی دیفتیری توتوب اؤلیدیم. زری اوچ یاش مندن بؤیوک ایدی. سککیز یاشین دا دیفتیری توتوب اؤلموشدو.

شوکور تانرییا، دوعالاریم قبول اولوندو. او مودت ده قاییمیزی ائلچی زاد دؤیمه دی. آتام یاواش - یاواش ایشلرینی یئره یئر ائله دی. عباس عمی قورقان خیابانین اطرافین دا بیر ائو کیرایه له دی. سونرا دا همین ائوی آلدیق. هامی منه گؤره چاشباش قالمیشدی. آنام گؤزونه یاخشی آدام دیه ن کیمی دئییردی کی، معصومه نین ده اره گتتمک واختی دیر. من اوتان دیغیمدان و حیرصیمدن قیزا یریدیم. اما تانری منیم باجاردیغیم قدر آند ایچدیم کی، تتهران دا اونون ناموسونا خلل گتیرمه یه جه یهم. تتهران دا اوخولا گتتمیمده بیر سورون ایدی. قارداشلاریمین ایکسی سی ده منیم درس اوخوماغیمدا اعتراض ائله ییردی. آنام درزی لیک کورسلارینا گتتمیمی ایستیردی. اما آغلایاراق آتامی راضی سالدیم او، هامینین جاوابینی وئردی. آدیمی اورتا مکتبین ۸ جی سینفینه یازدیردی.

مکتب ائویمیزدن بیر نئچه کوچه آرالی ایدی. ۱۵ - ۲۰ دقیقه پیادا یول گتتمک گره ک اولوردو. اول - اول منی اؤزو آپاریب گتیریدی هئچ نه دئمیردیم.

چادرامدان مؤحکم توتوب موغایات اولوردوم کی، هئچ کیمه بهانه وئرمه ییم. قارداشیم محمود منیمله دانیشمیردی. قارداشلاریم اؤزلرینه ایش تاپدی. محمود موزففر بین دوکانین دا ایشه دوزلدی. احمد ده پیچشیمران طرفده شاگردلییه باشلادی. اؤزونه چوخلو دوست تاپدی. آخساملار اونلارلا گئیدردی. گتجه لر ائوه گئج گلیردی. یاواش - یاواش ائوده هامی اوندان آراق اییی گلدینی حیسس ائله دی. اما هئچ کیم بونو اونون اوزونه وورمادی. آتام باشینی آشاغیا دیکیب اونون سالامینی آلمیردی. محمود اوزونو دؤندریب: «استغفوروللاه!» دئییردی.

آنام تئز - تئز اونون سویوموش یئمه یینی قیزدیریردی. دئییردی کی، بو نه جور دردیر آخی، هئچ دوزلمیر. آنام همیشه احمدین ایشلرینین اوستونو اؤرتمه یه چالیشیردی. او، آنامین عزیز بالاسی ایدی. سونرا احمدین تزه حوققاسی باشلادی. یوخاری اوتاغین پنجره سیندن قونشو پروین خانیمین ائوینه باخیردی. پروین خانیم حیطده بیر ایش گؤره ن ده

همیشه چادراسی باشیندان دوشوردو. احمد ده قوناق اوتاغینین پنجره سیندن ترپه نمیردی. اؤزوم بیر دؤنه او بیرى پنجره دن گۆردوم کی، بیر-بیریلری ایله ایشاره لرله دانیشیردیلا. بئله لیکله، احمد قارداشیمین باشی ائله قاریشیق ایدی کی، من یادیندان چیخمیشدیم. حتی آتامین ایجازه سی ایله یایلیقلا مدره سه یه گئندده جمعی ایکی گون داوا -دالاش ائله دی سونرا یادیندان چیخدی. اما محمود قارداشیمین یادیندان چیخمامیش دی. منیمله دانیشمیردی. داوا دا ائله میردی. من اونا بؤیوک بیر گونا ائله میش کیمی گۆرونوردوم. حتی منه باخمیردی. بونلارین هئچ بیرینین منیم اوچون اؤنمی یوخ ایدی. چونکی اوخولا گئیدیردیم، درس لریمی یاخشی اوخویوردوم. صنیف یولداش لاریملا دوستلاشمیشدیم. داها دونیادان نه ایسته بیردیم؟ چوخ سؤینیردیم. خصوصیه پروانه ایله یاخین رفیقه اولاندان سونرا. آند ایچمیشدیک بیر-بیریمیزدن هئچ نه یی گیزلتمه یه جکدیک. آتاسینین اونا قارا «شئورولت» آلماسینی ایسته بیردی. من بیلیمیردیم، هئچ او «شئورولت» ی تانیمیردیم دا. اما اؤزومو گۆرممیش کیمی گۆستمک ده ایسته میردیم. بیر گون تزه بیر ماشین گۆره نده اونا گۆستریب دئدیم: پروانه، سن او «شئورولت» دن ایستیرسن؟

پروانه منه باخدی و گولودو. اونلارین ائولرینده هم رادیو، هم ده تئلوویزور وار ایدی. من تئلوویزور و عباس عمیمگیل ده گۆرموشدوم. اما اؤزوموزون بؤیوک بیر رادیوموز وار ایدی. نهم ساغ اولاندا، محمود قارداشیم ائوده اولاندا موسیقییه قولاق آسا بیلمزدیک. خصوصی له اوخویان قادین اولاندا و یا اویناق ماهنی سسله ن دیریله نده. البته، آتام و آنام دا موسیقینین حرام اولدوغونو دوشونوردولر. چوخ ایمان لی آداملار ایدیلر. اما هئچ بیرى محمود قارداشیم کیمی چتین آدام دئییلدی. حتی موسیقی دن خوشلاری دا گلیردی. محمود اولمایاندا آنام رادیونو آچیردی، اما ائله ائله بیردی کی، قونشولار ائشیتمه سین. آنام شعیر ده بیلیردی. خصوصیه پورانی شاپورون شعیرلرینی مطبخ ده دوداغینین آلتین دا میزیداییردی. بیر دؤنه دئدیم: آناجان، سن پورانین شعیرلرینی نه گۆزل اوخویورسان. آنام یئریندن گولله کیمی سیچرادى: قیزیم، بو نه سۆزدو؟ ساکیت اول. نباده قارداشینین قولاغینا چاتا...

«گوللر» پروقرامی ائفیره گئندده قارداشیم ایختیارسیز باشینی ترپیدیردی. کیم نه دئییر -دئسین، بیلیرم کی، او، مرضیه نین سسینه عاشیق ایدی. او اوخویان دا «استغفوروللاه» دئییر و رادیونو سؤندوروردو.

ویگئن اوخویاندا اونون اثرمنیلیگی یادینا دوشوردو. بو دین سیز یئنه اوخویور، دئییب رادیونو سؤندوروردو.

حمید داییم گۆزل کیشی ایدی. او بیرى باجی -قارداشلارین دان فرقله نیردی. اوندان همیشه اتیر -اطرافیم دا هئچ کیم دن

گلمه یه ن قو خو -ایی گلیردی. من اوشاق اولاندا منی قوجاغینا آلیب دئییردی: ساغ اول، باجی، عجب گۆزل قیز دوغموسان. اوغلانلارین کیمی اولسا، نئیلرین؟

آنام دئییردی: بو نه سۆزدور، قارداش، ماشاللاه، اوغلانلاریم شیمشاد کیمی دیلر. نه اولسون کی، بیر آز قارادیرلار. قارالیغین دا کیشیه بیر عئیبی یوخدو. آتا -بابادان اثشیتیمیشیک کی، کیشی ائله چیرکین اولار. حمید داییم دا قهقهه ایله گولوردو. من آتام و بییمه اوخشییردیم. هامی ائله بیلیردی کی، محبوبه بییمله باجییق. البته، او، مندن گۆزل ایدی. من بیر آز آریق ایدیم. اما او، دولویدو، ساچلاری بیر آز قیوریم ایدی. ایکیمیزین ده گۆزلریمیز توند -یاشیل ایدی. گولهنده یانقلاریمیز باتیردی. اما اونون دیشلری ایری ایدی. همیشه منه دئییردی: خوشبخت سن، سنین دیشلرین دوزدو، آغاپقادی.

آنامگیل باشقا جوره ایدیلر. ساچلاری دالغالی ایدی. هامیسی دا کۆک ایدی. اما قمر خالام کیمی کۆک، چیرکین دئییلدیلر. خصوصن ده آنام قاشینی آلاندا بوشقابلاریمیزدا اولان گونش خانیمین رسمینه اوخشییردی. دوداغینین قیراغیندا خالی وار ایدی. دئییردی، ائلچی لیک گونو آتام باشینی قالدیریپ خالیمی گۆره نده عاشیق اولدو. حمید داییم گئنده منیم یئددی سککیز یاشیم وار ایدی. یاخشی یادیم دادیر، ساغوللاشاندا منی اؤپدو و آتام دئدی: باجی، سن الله، بو گولو تئز اره وئرمه. حئیف دیر. قوی درس اوخوسون. بیزیم عایله ده بیرینجی خاریجه گئدن حمید داییم اولدو. خاریجی اؤلکهلر باره ده هئج بیر تصووروم یوخ ایدی. فیکیرلشیردیم کی، اورا یاشیل لیق و گول -چیچکدی. فیکیرلشیردیم کی، اورالار چوخ اوزاق دیر. داییم بعضه ن آناما مکتوب و شکیلر گؤندریردی. شکیلر چوخ گۆزل ایدی. بیلیم نیه همیشه باغچادا چکدیریردی. بیر دؤنه ده بیر شکیل گؤندریدی. او گون هئج واخت یادیمدان چیخماز. آخشام ایدی. آنام گلدی کی، آتام مکتوبو اونا اوخوسون. آتام ننه مین یانیندا موتککله یه سؤیکنمیشدی. آتام مکتوبو اوخودو و دئدی:

به -به -به، حمید ائولنیب، بو دا خانیمین شکیلری. آنامین آناسی اوزون دن گئتدی. آتامین آناسینین آنا ننه مله آراسی یوخ ایدی. چادراسیلا آغزینی اؤرتوب گولودو. آنام ننه می باشا سالدی کی، اورادا هامی کافیر دئییل. آتام چینلرینی چکیب دئدی: یوخ، اونلار خریستیاندیرلار. کیتاب اهلیدیرلر. آنا ننه م یئنه باشینا دؤیدو. آنام اونون اللرینی توتدو. آنا، سن الله، ائله مه. نه اولوب؟ گئت موللادان سوروش موسلمان کیشی کافیر قادیلا ائوله نه بیلر. باشقا بیر دینه اعتقاد ائدن خانیملا ائوله نه و اونو موسلمان ائده بیلر. آنامین آناسی حالسیر -حالسیر دئدی: بیلیم، ایماملاریمیز دا قئیری موسلمان قادین آلیلار.

آتام گولودو و دئدی: موبارک دیر. ایندی شیرنی پایلایا بیلرسیز. اجنبی گلینین شیرنیسی ده گۆزل اولار. نهم قاشقاباغینی ساللادی و دئدی: واه - واه! الله اوزاق ائله سین بیردن گلین پاکلیغی - ناپاکلیغی دا باشا دوشمز. آنامین چیچه یی چیرتلامیشدی: گلین ائوین برکتی دیر، بیز ده بعضیلری کیمی دئییلک کی، گلینین قدرینی بیلمه یک. جاماعات گلین گتیره ن ده ائله بیلیر کی، ائوه قول گلیب. اما بیز گلینی باشیمیزا تاج ائدریک. اؤزو ده اجنبی گلین اولا... آنا نهم داها بو سؤزه دؤزمه دی: گوردوک اسدوللا خانین آروادینی نئجه قویدوز باشینیزین اوستونه. بیر ده کی، نه بیلیرسینیز کی، قیز موسلمان اولوب؟ بلکه ائله حمید کافیر اولوب؟ اؤزو ده حمید ائله اولجه دن ده اصل موسلمان دئییلدی.

یوخسا کافیرستانا گئتمزدی. آنا نهم آتام باخیب دئدی: موصطافا خان، گوردورسهن، آنا من نه دئییر؟ آتام اورتایا گیریب داوانی کسدی. آنامین آناسی بؤیوک بیر قوناقلیق وئردی. اجنبی گلینین شکلینی هامییا گؤستردی. سونرا شکلینی چرچیوه یه سالیب تاخچایا قویدو کی، خانیمالارین هامیسی گؤرسون. اما آنا نهم اؤله نه قدر آنامدان سوروشوردو: حمیدین آروادی موسلمان اولدو، یوخسا حمید خریستیان اولوب؟ آنا نهم اؤله نندن سونرا اوزون ایللر حمید داییمدان دقیق خبر آلا بیلمه دیک. بیر دؤنه داییمین شکلینی اوخولا آپاردیم و اوشاقلارا گؤستردیم. پروانه نین چوخ خوشو گلدی: دایین نه یاراشیقلی دیر؟ خوش حالینا خاریجه گئدنین. کاش بیز ده خاریجه گئده بیلیدیک. پروانه یاخشی ماهنی اوخویوردو. دیلکئشین پرستیشکارلاریندان ایدی. مکتبین یاریسی دیلکئشین، یاریسی دا مرزییه نین پرستیشکار ایدی. من ده گرک دیلکئشین پرستیشکاری اولایدیم. یوخسا پروانه منیمله دوست اولمازدی. هله بیر ایل قورتارمامیشدی کی، من آرتیق چوخ شئی اؤیرنمیشدیم. همیشه پروانه دفترلریمی مندن آلیردی. بعضن بیرئرده درس اوخویوردوق. اونا بیزیم ائویمیزه گلیمک چتین دئییلدی. چوخ یاخشی و راحت قیز ایدی. اوزومه وورموردو کی، بیزیم نه ییمیز وار، نه ییمیز یوخ. ائویمیز نیسبتن بالاجا ایدی. کوچه نین قاپیسیندان ۳ دنه پیلله ایله حیطه گیریدیک. حیطین اورتاسیندا بیر دنه اوزونسو حووضوموز وار ایدی. حووضون کاناریندا تاختادان بیر اوتوراجاق واردی، حیطین بیر یانیندا ده قارنلیق مطبخ. او بیر یانیندا ده آیاقیولو و بیر دنه ده ال اوزیویان واریدی مجبور دئییلدیک کی، حووضون کانارینداکی شیردن ایستیفاده ائدک. گیریش قاپیسینین سول یانیندا دؤرد دنه پیلله ایله بیر بالاجا کوریدورا گیریدیک. آشاغی مرتبه ده بیر بیرینین یانیندا ایکی اوتاغین قاپیسی کوریدورا آچیلیردی. سونرا پیلله نله یوخاری مرتبه یه چیخاندا ایکی اوتاق. قاباق داکی اوتاغین ایکی پنجره سی حیطه طرف ایدی. اورادان پروانه خانیمین حیطینین بیر طرفینی و کوچه نین بیر طرفینی گؤرمک اولاردی. احمد و محمودون اوتاغینین

بیر پنجره سی آر خا حیطة آچیلیردی. ائوده بیر دنه قیرمیزی خالی، بیر گیرده ماسا، آلتی دنه ده پولشا کتلی واریدی. بیر دنه ده سوبا. اوتاغین بیر کونجون ده موتککه قویولموش دو. اوتاغین بزیه بیرجه دنه خالچا شکلی ایدی. تاخچانین اوستونو آنام اؤز اللری ایله ناخیشلامیش دی. اوستونده بیر آینا و آنامین تیوبون دا آیینان چیراق قویولموش دو.

بیز موتککه لرین اوستونده اوتوروب پیچیلدا بیر و گولوردوک. آرادا دا درس اوخویوردوق. اما منیم پروانگیله گتتمه یه ایجازمه یوخ ایدی. احمد قارداشیم دئییردی: سنین او قیزگیلین ائوینه آیاق باسماغا حاقین یوخدور. بیرینجی سی، اونا گؤره کی ائوده بؤیوک قارداشی وار. ایکینجی سی ده، اونا گؤره کی آچیق - ساچیق قیزدیر. اؤزو جهنم، آناسی دا حجاب سیز گزیر. من یواشجا دوداغیمین آلتین دا دئییردیم: بو شهرده کیمین حجابی وار کی؟ بیر دؤنه پروانه ایله گیزلیجه قادین ژورناللاری گؤتورمک اوچون اونلارین ائولرینه گتتیم. بشش دقیقه لیک. ائولرین ده هر یئر تمیز و گؤزل ایدی. چوخ گؤزل شئیلر وار ایدی. دیوارلاردان قادین رسملری و منزه لر آسیلمیش دی. قوناق اوتاقلارین دا توند گؤی رنگ ده بؤیوک مئبللر وار ایدی.

اوتاغین بیر طرفین دن حیطة آچیلان مخمر پارچا آسیلمیش دی. بیر یانیندا ده یئمک مئبللری قوناق اوتاغین دان پرده ایله آیریلیردی. زالدا تئلتئوزور قویولموش دو. مطبخ و حمام توالتین قاپیسی اورا آچیلیردی. یوخاری مرتبه ده یاتاق اوتاغی ایدی. پروانه و بالاجا باجیسی فرزانه نین بیر اوتاقلاری واردی. اونلارا حسد آپاردیم. بیزیم یئریمیز دار ایدی. گویا دؤرد اوتاق ایدی، اما، اصلینده، بیز آشاغی دا بیر بؤیوک اوتاق دا یاشاییردیق. شامی دا، ناهاری دا اورادا یئییردیق. قیش دا ایچین ده سوبا قوروردوق. گتجه لر ده علی، فاطمه و من اورادا یاتیردیق. آرخاداکی اوتاق دا تاخاندان بیر یاتاق وار ایدی. اوستونه یورغان - دؤشک ییغیردیق. آتام لا آنام دا اورادا یاتیردیلار.

پالتارلاریمیزین هامیسی بیر بؤیوک دولابا ییغیردیق. بؤیوک اوتاق دا بیر تاخچا وار ایدی. کیتابلاریمیزی اونون رفلرینه ییغیردیق. منیم کیتابلاریم چوخ اولدوغون دان یکی مرتبه سینی من مشغول ائله میشدیم. قادینلار قزئتینین شکیللرین دن آنا مین دا خوشو گلیردی. قزئتلرده کی ناغیللاری و بؤلوملری آناما اوخویوب اونا تعریفلییردیم. ائله تعریفلییردیم کی، آنام آغلاییردی من ده اونونلا بیرگه آغلاییردیم. قرارلاشمیشدیق پروانه ایله کی، ژورناللاری او اوخیان دان سونرا وئرسین، بیز ده اوخیایق. پروانه یه دئدیم کی، قارداشلاریم ایجازه وئرمیر سیزین ائوینیزه گله م. تعجوبله سوروشدو کی، نییه؟ دئدیم: آخی سنین بؤیوک قارداشین وار. بیزیم داریوش؟ اونون هاراسی بؤیوک دور؟ بیزدن بیر یاشدا بالاجادیر. اولسون، یئنه ده بؤیوک دور. دئییرلر، اولماز. من سیزین عنعنه لرینیزده ن هئچ نه آنلامیرام. پروانه چوخ وورغولامادی کی، اونلارا گلیم.

ایلین سونوندا قیمتلریم چوخ یاخشی اولموشدو. اوخولدا هامی منی تعریفلییردی. سانیردیم کی، قهرمانام. آتام دئدی کی، نییه بیرینجی اولمادین؟ یای آیلاری گلنده پروانه ایله بیر - بیریمیزدن اوزاق دوشدوک. ایلک گونلر قارداشلاریم ائوده اولمایاندا پروانه ائویمیزین قاپیسینا گلیردی، دانیشیردیق. آتام چوخ دئیینیردی. ائله بیل قوما اولاندا آخشامچاغی آتام گلنه قدر قونشو قادینلاریلا اوتوراراق توم چیرتلایب دانیشدیغی یادیندان چیخمیشدی. ایندی بورادا دوست تانیشی یوخویدو، قونشو قادینلار دا اونو سایمیردیلار. دؤنه لرله قادینلار اونا گولموش دولر. سونرا آتام یاواش یاواش کوچده قادینلارلا دانیشماغی ترگیتدی. بونا گؤره گرک من ده دوستلاریملا دانیشما یایدیم. آتام، عمومیتله، تئهرانا گلیمیزدن ممنون دئییلدی. بیزیم بورالارین آدمی اولمادیغیمیزی دئییردی: بورادا تک قالمیشام... عمیمین خانیمی دا بیزیمله چوخ مئهریبان دئییلدی. آتام او قدر دئییندی کی، آخیردا آتامی راضی سالدی مکتبین تتیل گونلرینی قومداکی باجیسی ائوینه گئدجکدیک. من اعتراض ائله دیم: هامی یایدا یایلاغا گئدیر، بیز ده قوما گئدیریک؟ آتام آجیخلا منه گؤز آغارتدی: هارادان گلدینی نه تئز یادیندان چیخارتدین؟ بوتون ایللی اورادایدیق، هئچ سسینیز چیخمیردی. ایندی منیمچون یایلاغا گئدن اولموسان؟ بیر ایلدیر، باجیمی گؤرمیشهم، قارداشلاریمدان خبریم یوخدور. اؤنلریمین تورپاقلارینا باش چکمیشهم. قوهوملارین هر بیرینده بیر هفته قالساق، یای قورتاراجاق. محمود بیزیم قوما گئتمیمیزه راضی ایدی، اما ایستیردی کی، آنجاق بییمین ائوینده قالاق. هفته سونلاری بیزی گؤرمه یه گلنده، سادهجه، بییمله محبوبه نی گؤرسون. بونا گؤره ده هامینین ائوینه گئتمیمیزین گرک ک اولمادیغینی دئدی: تک بییمین ائوینده قالسانیز، بسدی. یوخسا آیاقلاری اوزاناجاق، هر یئردن تۆکوله جکلر ائولرینه. آتام قهرلنه - قهرلنه دئدی: بییم ائوینه گئدک، اونلار گل سینلر، عئیی یوخدو. اما منیم یازیق باجیلاریم گلسه، گونا اولار. یایی بیز قوما گئتدیک. من چوخ اعتراض ائتمه دیم. چونکی پروانه گیل ده باباسیگیلین باغینا گولابدره یه گئدیردیله. شهر یورین اوللرینده قاییداجاقدیق. چونکی علی درس دن قالمیشدی و سینا وئرمه لی ایدی. بیلیمیرم نییه قارداشلاریم درس اوخوماق دا بو قدر تنبل ایدیلر؟ یازیق آتام اوغوللارینین حکیم، موهندیس اولماغینی او قدر آرزو ائدیردی کی... هر حالدا، شهر یوردا قاییتماغیمیزا سئوینیردیم.

داها اونون - بونون (خالا، عمی، دایی، بییی) ائوینده قالماق دان بئزمیشدیم. خصوصیه خالامین مسجدیه اوخشار ائوینده. خالامین ایشی - گوجو تئز - تئز بیزدن: نامازینیزی قیلمیسینینیزی؟ دئییه سوروشماق ایدی. نامازیمیز دوز اولمایاندا ایراد توتوردو. آتامین دا یانیندا دیندارلیغینا و یولداشینین عایله سینین وارلی اولماغینا گؤره قورره له نیردی.

بیر -ایکی هفته دن سونرا پروانه گیل ده قاییتدی. مکتبلر آچیلاندا دنیا گۆزومده گۆزللشدی. معلملریمی و دوستلاریمی گۆرمک منی چوخ هیجانلان دیریردی. داها کئچن ایلکی کیمی قریب و نابلد دئییلدیم. هر شئی دن تعجبله نمیردیم، آخماق سۆزلر دانیشمیردیم. اینشالاریم یاخشیلاشمیش، ادبیلشمیشدی. تهران قیزلاری کیمی نظرلری اوزریمه چکمه یی باجایردیم و بو دیرچلشیمی بیرینجی معلمیم پروانه یه بورجلو ایدیم. تنزلیکله درسدن کنار کیتابلار اوخوماغین لذتینی کشف ائله دیم. عاشیقانه رومانلاری الدهن -اله دولاندریب آه و گۆز یاشیلا اوخویور، صؤحبت آپاریردیق. پروانه نین بیر گۆزل خاطره دفتری وار ایدی. مؤوضولار خالاسی اوغلونون گۆزل ختتيله یازیلیمیشدی. هر مؤوزونون قارشیسیندا دا موناسیب شکیل واردی. سینفین بوتون اوشاقلاری، قوهوملار، نچه نفر ده پروانه نین آیلولی دوستلاری بو سواللار جاواب وئرمیشدیلر. زوؤقله اونلاری اوخویوردوق. سواللار وئریلمیش جاوابلار، مثلن، هانسی رنگی سئویرسینیز، یا سئودیینیز کیتاب هانسیعیدیر بونلار ائله ده ماراقلی دئییلدی. اما، مثلن، عشقه موناسیبتینیز، ایندییه کیمی عاشیق اولموسونوزمو، گله جک ایده آل یاشایش یولداشینیز نجه اولمالی دی کیمی جاوابلار چوخ ماراقلی گلیردی. بعضیلری اوتانما یاراق اورکلری ایستدیینی یازمیشدیلار. هئچ فیکیرلشمه میشدیلر کی، مکتب مودیرینین ایینه کئچه بیلر. منیم ده بیر شئیر دفتریم واردی. سئودییم شئیرلری گۆزل ختله دفتریمه یازیردیم، ورقین کنارینا دا بیر رسم چکیردیم. یا دا پروانه نین خاریجی ژورناللاردان کسیدی شکیللری یاپیش دیریردیم. بیر آچیق پاییز گونو پروانه ایله صؤحبت ائده -ئده مکتبدن قاییدیردیق. پروانه منی داواخانایا یارایا یاپیشدیریلان لئت آماغا آپاردی. داواخانا دوز اوخوللا بیزیم ائویمیزین اورتاسیندا ایدی. جناب حکیم حؤرمتملی قوجا کیشیدی، هامی اونو تانییر و حؤرمتم اندیردی. داواخانایا گیرهن ده گۆردوک کی، پیشتاختانین آرخاسیندا آدم یوخدو. پروانه سسله ندی: جناب حکیم! سونرا بارماقلارینین اوستونه قالخیب پیشتاختانین آرخاسینا باخدی. آغ خالاتلی بیر جاوان آدم آشاغی مرتبه ده درمانلاری سلیقه یه سالیردی. دؤنوب بیزه باخدی و دئدی: بیر ایستیینیز واردی؟ پروانه دئدی: یارا چسبی ایسته ییردیم. باش اوسته. ایندی وئره م. پروانه بؤیرومه بیر یومروق ووروب یاواشجاده ن دئدی: نجه گۆزلدیر! بو کیم دیر؟ گنج اوغلان چسبی پروانه یه وئردی. پروانه مکتب چانتاسیندان پول چیخارتماق اوچون اییله نده یاواشجاده ن دئدی: باخ، گۆر نه یاراشیق لی دی. باشیمی قالدیردیم، بیر آندا باخیشلاریمیز توققوشدو. آنی بیر حیسس ائلکتریک وورموش کیمی بده نیمی بورودو. اوزوم قیزاردی. تنز باشیمی آشاغی سالدیم. بیرینجی دفئیدی، اؤمرومده بئله حیسس یاشاییردیم. پروانه یه: گئدک! دئدیم. اؤزوم اوزومو توتوب چؤله چیخدیم.

پروانه دالیمجا قاجدی: آدام گۆرمه میسه؟ نییه اورکدون؟ اوتاندیم. او، تعجبله: نییه؟ سوروشدو. سنین یاد کیشی اوچون دئدیین سۆزلردن. بورادا نه وار کی؟ دوز دئییرم ده... دوز ائله مدین. منجه، ائشیتدی. خئیر، ائشیتمه دی. بیر ده کی، لاپ ائشیتسین. من نه دئدیم کی؟ دئدین کی، یاراشیق لی دی. رحمتلین نوه سی، ائشیدی بسه، لاپ سئوینیب کی. اؤز آرامیزدی، یاخیندان باخدیم، او قدر ده یاراشیق لی دئییل. گئدیم آتاما دئییم کی، حکیم اؤزونه شاگرد گتیریب. سحری گون گئجیک میشدیم. تلسیک داواخانانین قارشیسیندان کئچیردیک کی، اونو گۆردوک. او دا بیزه باخیردی. قاییدان دا شوشه نین آرخاسیندان باخدیق. مشغول ایدی، آنجاق او دا بیزی گۆردو. اوندان سونرا هر سحر -آخشام بیر -بیریمیزه هئچ نه دئمه دن گۆرورشوردوک. بئله لیکله، مکتبده تزه مؤوضو یارانمیشدی. اوغلانین سوراغی اوخولا ده چاتمیشدی. قیزلار گنج، یاراشیق لی آدامین داواخانادا ایشله مه یه باشلاماسین دان دانی شیر و موختلیف بهانه لرله داواخانایا گئدیردیلر. هامیسی اونون دقتینی اؤزونه چکمک ایستیردی.

بیز بو گونده لیک گۆروشلره وردیش ائتمیشدیک. آند ایچه بیلرهم کی، او دا بو گۆروشلری گۆزلییردی. همیشه چالیشیردی کی، بیزیم قارشیمیزا چیخسین. پروانه ایله اونون هانسی آکتیورا اوخشاماسی اوستونده موباهیسه اندیردیک. ان سونوندا، بئله نتیجه یه گلدیک کی، او، ایستیو ماککینه اوخشاییر. منده، دوغرو دان، خئیلی شئی اؤیرنمیشدیم. ایندی آرتیق خاریجی آکتیورلاری دا تانییردیم. آنامی دا بیر دؤنه زورلا فیلمه آپاردیم. چوخ خوشونا گلیمیشدی. اوندان سونرا هر هفته محمود قارداشیمین گۆزوندن اوغورلانیب کوچه میزین باشیندا یئرلشن کینوتاترا گئدیردیک. اورادا دا چوخ وخت هیند فیلملری وئیردیلر. گئدیردیک و فیلمه باخا باخا گۆزوموزون یاشینی سئل کیمی آخیدیردیک. پروانه تئزلیکله آتاسینین دوستو اولان مؤخرهم حکیم دن معلومات توپلادی. دئدینه گۆره، بو جاوان اوغلان سعید بی اجزاچیلیق اونیوئرسیتیین طلبه سعیدیر و چوخ یاخشی اوغلان دیر. اؤزو ده اورمیالی دیر. اوندان سونرا بیزیم باخیشلاریمیز توققوشدو. پروانه اونا بیر آد سئچمیشدی و بیز اونو او آدلا چاغیریردیک نیگاران حاجی آبدول. او، ائله بیل کی، همیشه نیگاران -نیگاران کیمیه گۆزلییردی. گۆزلریله کیمیه آختاریردی. او ایل یاشاییشیمین ان گۆزل ایلی ایدی. هر شئی ایستدیم کیمی کئچیردی. درس لریمین هامیسی یاخشی ایدی، پروانه ایله دوستلوغوم هر گون مؤحکم له نیردی. یاواش یاواش بیر روح، ایکی بده نه دؤنوردوک. تحصیل ایلینین بیتمه سی منی قورخودوردو هر آن تحصیلیمی داوام ائتمیمه مانع اولا بیلردیلر. پروانه دئییردی: سنین درس لرین یاخشیدی. سنه بونو ائله یه بیلملر. حئیف دی، مکتبینی یاریمچیق ساخلاما.

سن بیلیمیرسن، اونلار منیم درسیمین یاخشی، یا دا پیس اولماسی اؤنملی دئییل. قیزا دوققوزونجو صنیفدن او یانا درس واجیب دئییل، دئییر بیزیمکیلر. دوققوزونجو صنیف نه دیر؟ ایندی آرتیق اورتا مکتبی بیتیرمک ده آزدیر. بیزیم قوهوملارین قیزلارینین هامیسی اونیوئرسئته گیریب. اونلار گیره بیلیمسه، سن ده سیناودان کئچرسن. سن اونلارین هامیسیندان فراستلی سەن. آتان رحمتلیک، هله قویسونلار اورتا مکتبی بیتیریم، اونیوئرسئت اونلار پشککش دیر. بئله اولماز آخی، سن اونلار اعتراض ائله مه لیسەن. پروانه قریبه دانیشیردی. منیم نه وضعیتده اولدوغومو بیلیردی. من آنامین قارشیسیندا دایانا بیلر، جاواب وئره بیلردیم، اما قارداشلاریمین قارشیسیندا بئله بیر جور تیم یوخ ایدی. آخیرینجی سیناواردا مکتبین ایکینجیسی اولدوم. ادبیات معلمیمز منیمله یاخشی داورانیش اندیردی.

قیمت جدوه لیمی آلاندا دئدی: آفرین سەن! سن چوخ ایستعدالیشان. ایندی هانسی ساحه نی سئچه جک سەن؟ دئدیم: ادبیاتی ایستیرم. من ده ایستیردیم، سن بئله بیر یول سئچه سن. آخی اولمور، عایله م قویمور. اونلار دئییر کی، قیزا دوققوز صنیف بس ائلدیینی دئییرلر. خانیم بهرامی قاشقاباغینی ساللادی. باشینی یئلدیئلده مودیرین اوتاغینا گیردی. بیر نئچه دقیقه دن سونرا مودیره خانیملا گلدیلر. خانیم منیم قیمت جدوه لی می الیم دن آلدی و دئدی: گئت، آتانا دئیر سەن، صاباح اوخولا گلر، ایشیم وار. قیمت کاغیزینی دا وئرمیرم. یادیندان چیخماسین ها! آخشام آتام دئدیم کی، مودیریمیزین سنینله ایشی وار.

تعجبله منیم نه ائله دییمی سوروشدو. آلاها آند اولسون کی، من هئچ نه ائله مه میشم. آتام اوزونو آتاما توتوب دئدی: خانیم، گئت گۆر نه ایشلری وار. اولماز! دئدیلر، حؤکمه ن گرک اؤزونوز گله سیز. یعنی من قادینلار مکتبینه گئتمه لییه م؟ نییه؟ اوشاقلارین هامیسی نین آتاسی گلیر. دئدیلر، اگر آتان گلمه سه، قیمت کاغیزینی وئرمه یه جیبیک. آتام قاشقاباغینی ساللادی. اوزومه یازیق ایفاده وئریب، اونا چای تۆکدوم. ائله هئی اوندان باشینین آغرییب آغریما دیغینی، درمان ایسته ییب ایسته مه دیینی سوروشدوم. ان سونوندا، آتام صاباح منیمله اوخولا گلمه یه راضیلاش دی. مودیره خانیم آتامی گۆره ن کیمی ایستولون آرخاسیندان قالخدی و صمیمی سالام وئردی. اونو اؤز یانیندا اوتورتدو و دئدی: سیزی تبریک ائدیره م. نومونوی قیزینیز وار. هم درسلی یاخشیدیر، هم ده اخلاق و داورانیشی. من باشیمی آشاغی سالیب دایا نمیشدیم. سئوینجیمدن گولوردوم. خانیم اوزونو منه توتوب دئدی: معصومه، زحمت اولماسا، سن بایردا گۆزله. من آتانا صؤحبت ائدجه م. مودیره خانیمین نه دئدیینی بیلیمیرم، اما آتام اوتاقدان چیخاندا اوزو گول آچمیشدی. گۆزلی ایشیق ساچیردی. مئهریبان و قورورلا منه باخدی و دئدی: گئدک موعاوینه خانیمین اوتاغینا. سنین آدینی ایندی دن یازدیریم. سونرا واخت اولما یا جاق. سئوینجیمدن آر قالدی ییخیلیم.

آرخاسیلا یول گنده گنده دئییردیم: آتاجان، چوخ ساغ اول. سنه قوربان اولوم. سۆز وئیریم کی، بیرینجی اولاجام. هر نه دئسه نيز، ائدجه، قوربان اولوم. آتام گوله گوله دئدی: بسدی داها. کاش کی سنین بیر توکون قئیرت سیز قارداشلاریندا اولاردی. پروانه، دئدینه گۆره، بوتون گئجه یاتمامیشدی، مندن ایشاریله نه اولدوغونو سوروشوردو. چالیشیردیم اؤزومو قئمگین گؤستریم. چیینلریمی یوخاری آتیب دئدیم: اولمادی. ائله بیل گؤزونون یاشی اووجوندا ایدی. هامیسی بیردن آخدی. پئشمان اولوب اونا طرف قاچدیم و دئدیم: یوخ، یالان دئییرم. دوزلدی، آدیمی دا یازدیردیم. دلیلر کیمی حیطین اورتاسیندا آشاغی یوخاری آتلانیردیق. گوله رک گۆز یاشلاریمیزی سیلیردیک. آتامین بو سۆزو ائویمیزه چاخشما سالدی. لاکین او، هامینین قارشیسیندا مؤحکم دایاندی و دئدی: مودیرهلری دئدی کی، او، یاخشی اوخویور و گله جکده بؤیوک آدم اولاییلر. من سئوینجدن هئچ نییه فیکیر وئرمیردیم. حتی احمد قارداشیمین نیفرتله باخماغینادا. بو دؤنه او، همیشکیندن پیس باخیردی. پروانه ایله اوچ آیلیق آیریلیغیمیز گلن ایل یئنه بیر یئرده اوخولا گئدجکدیک دئییه یاخشی کئچدی. بیز بو دؤنه قوما بیرجه هفته لیه گئتدیک. پروانه هر هفته بیر بهانه یله تئهرانا گلیردی. منه ده باش چکیردی. اونلارلا بیر نئچه گونلوک گولابدره یه گئتمه ییمی ایستیردی. من ده ایسته ییردیم. لاکین قارداشلاریم ایجازه وئرمزدی. بونا گۆره هئچ ائوده دئمیردیم. ده. پروانه: آتام آتانا دانیشسا، مطلق ایجازه آلا، دئییردی. اما من ایسته میردیم. آتام باش آغریسی وئرمک ایسته میردیم. بیلیردیم کی، همده رد جاوابی وئرمک چتین اولاجاق، همده ائوده ساواش قوپاجاق. آنامین اورینی اله آلماق اوچون درزی لیک کورسلارینا گئتمه یه گؤیول وئردیم. بو اونا گۆره گره ک ایدی کی، ار ائوینه گئندنه نسه بیر باجاریغیم اولسون. درزی لیک کورسو تصادفهن داواخانانین یئرلشدی کوچه نین قیراغیندا ایدی. سعید هانسی ساعاتلاردا گئدیپ گلدیمی چوخ تئز اؤیرنمیشدی، او واختلاردا اؤزونو قاپنین آغزینا یئتیریردی. داواخانایا بیر کوچه قالمیش اوریم شدتله دؤیونوردو. هر دؤنه چالیشیردیم کی، داواخانایا طرف باخماییم. اوزوم قیزارماسین. اما بو، الیمده دئییلدی. باخیشلاریمیز قارشیلاندا قولالاریم کیمی قیزاریردیم. بئله یئرسیز قیزارماقدان چوخ اوتانیردیم. او دا آرزولو باخیشلاریلا، اینادلا باشیلا سالام وئیریدی. بیر دؤنه ده کوچه نین باشینا دؤندوم، بیردن قاباغیما چیخدی. ائله اؤزومو ایتیردیم کی، درزی لیک خطکئشی الیمدن دوشدو. ایلیب خطکئشی گؤتوردو، باشی آشاغی حالدا منه یاواشجا دئدی: باغیشلا، قورخودوم. تلسیک خطکئشی آلیب قاچدیم. اما اوزون مودت اؤزومه گله بیلمدیم، هر دؤنه او یادیم دوشه نده اوزوم قیزاریردی. شیرین بیر تیتره مه حیس ائدیردیم. بیلیم نییه، اما بیلیردیم کی، او دا بو حالا دوشوب. بیرینجی پاییز کولکلری ایله مئهر آیینین گلمه

بی بیزیم اوزون اینتیظاریمیزا سون قویدو. پروانه ایله دئییه گوله مدرسه یه طرف گئتدیک. صؤخبتمیز قورتارمیردی. یایدا اولان هر شئی، گۆردویوموز بوتون ایشلری، حتی فیکیرلریمیزی بیر-بیریمیزله بؤلوشوردوک. بوتون صؤخبترلرین سونو سعیدله قورتاریردی. پروانه سوروشدو: دوزونو دئی، منیم اولمادیغیم بو قدر واختدا نئجه دؤنه داواخانایا گتدین؟ آلاها آند اولسون، گتتمه دیم. اوزوم گلمه دی. نییه؟ اونون بیزیم نه دانیشدیغیمیزدان خبری یوخدو آخی. نه بیلیرسن؟ مگر اونا کیمسه نسه دئییب؟ هارادان بیلیرسن؟ بلکه دئییب؟ نه دئییب؟ بیر شئی کی هئج اؤزوموز ده بیلمیریک؟ اما گترچکلیک بو ایدی کی، بیر شئی دییشمیشدی. بو مودتده بیزیم گۆروشلریمیز آیری بیر رنگ آلمیشدی. کئچمیشه گۆره داها جدی اولموشدو. ایچیمده مۆحکم بیر تبدولات وارایدی اونونلا آرامدا هئج نه اولماسا دا، پروانه دن بونو گیزلتمیمدن ناراحت ایدیم. مکتبلرین آچیلماغیندان بیر هفته کئچمه میشدی کی، بیرینجی بهانه نی پروانه تاپدی منی زورلا داواخانایا آپاردی. اوتانجیمدان اؤلوردوم. ائله بیل بوتون شهر اورییمدن نه کئچدینی بیلیر و منه باخیردی. سعید ده بیزی گۆروب مات-مات یئرینده قورودو. پروانه بیر نئجه دؤنه آسپیرین ایسته دینی دئدی، اما او، منه باخیردی. ائله بیل پروانه نین سسینی ائشیتمیردی. آخیر کی، حکیم قاباغا گلیب پروانه ایله سالاملاشدی و آتاسنین حالینی سوروشدو.

سونرا اوزونو سعیده توتوب دئدی: جانیم، نییه مات قالمیسان؟ خانیم بیر قوتو آسپیرین وئر. داواخانادان چیخاندان سونرا هر شئی اوزه چیخمیشدی. پروانه تعجبله دئدی: گۆردون نئجه باخیردی؟ جاواب وئرمه دیم. منه طرف دؤندو و دقتله اوزومه باخیب دئدی: سنین نییه رنگین ساریکۆک کیمی سارالیب؟ آز قالیرسان کی، بیخیلاسان. من: یوخ! منه هئج نه اولماییب! - دئدیم، اما سسیم تیتیریردی. بیر ایکی دقیقه ساکیت گزدیک. پروانه فیکیرلی ایدی. پروانه، نه اولوب؟ یاخشی سان؟

بومبا کیمی پارتلادی. اوجا سسله: سن نه قدر آخماق قیز اییمیشسان! چوخبیلیمش! گۆر من نه قدر ائششک اولموشام! نییه ایندییه کیمی منه دئمه میشدین؟ نه یی؟ آخی سنه دئمه لی بیر شئی یوخ ایدی. سن دئدین، من ده ایناندیم. سیزین نسه سیررینیز وار. بونو گۆرمه مک اوچون گرک کور اولاسان. دوزونو دئنه، آرانیزدا نه وار؟ بو نه سؤزدو دئییرسن؟ بسدی داها. اؤزونو تولکولویه قویما. سندن نه دئسه ن چیخار. من آخماغا باخ. ایندییه قدر ائله بیلیردیم کی، هر گون منه گۆره قاباغیمیزا چیخیر. گۆر نئجه حيله گرسه ن کی، ایندییه قدر بونو گیزلتمیسه ن. بوش یئره دئمیرلر کی، قوملولارین هامیسی آخماق دی. اما من سنه هر شئی دانیشیردیم... قهر بوغازیمی توتوموشدو. قولومو آغزیم توتدوم: سن الله، بسدی، کوچه ده میللت ائشیدر. آتامین جانینا آند اولسون، هئج نه یوخدور. آلاها - قورانا آند اولسون! اما او، هله ده یوروشده ایدی: سن خایین سان. او واخت

منیم خاطره دفتریمده یازیردین کی، منی بئله مسئلهلر ماراقلاندیرمیر. من آنجاق درسلیمی فیکیرلشیرم. کیشیلر منه ماراقلی دئییل، بئله شئیلری دوشونمک گوناهدی. سنی آنانین جانینا آند وئیرم، بسدی. الیمی قورانا باسارام کی، هئچ نه یوخدور. ائولرینین یاخین لیغینا چاتمیشدیق کی، داها دؤزه بیلمدیم آغلاماغا باشلادیم. گؤز یاشلاریم پروانه نی اؤزونه گتیردی. اونون هیرسینین آلوو سؤندو. بیلیردیم کی، مئهریبان اوره یی منیم آغلاماغیما طاقت گتیرمه یه جک. آرام سسیله دئدی: نییه آغلاییرسان کوچه ده؟ من اونا گؤره هیرسلندیم کی، اؤزوم سنه هر شئی دئییرم. سنسه مندن بونو گیزلتمیسن.

آند ایچدیم کی، همیشه ان یاخشی رفیقه م او اولوب و من اوندان هئچ واخت هئچ نه گیزلتمیمشه. و گیزلتمه یه جه م. عشقین مرحله لرینی پروانه ایله بیرلیکده تجرو بدن کتچیرتدیک. او دا منیم قدر هیجانلاندیردی. تئز -تئز ایندی نه حیس اتدیییمی سوروشوردو. منی فیکیرلی گؤره ن کیمی سوروشوردو: دانیش گؤروم، اونو نئجه فیکیرلشیرسن؟

من ده یوخولایمدان، قورخو و هیجانلاریمدان، گله جک دن دانیشیردیم. بیردن اوندان سونرا با شقا بیر آداملا ائوله نمه یه مجبور اولماق قورخومدان دانیشیردیم. او، گؤزلرینی یومور و دئییردی: نه شاعرانه دی! عاشیق اولماق بئله دیر. اما من سنین کیمی حیسسیاتلی دئییلهم. بعضی عاشیق لرین ایشلرینی و یا سؤزلرینی اثشیدن ده گولیمیم گلیر. قیزارمیرامدا. بس من عاشیق اولدوغومو هارادان بیله جه م؟ خزانلی گؤزل گونلر پاییزین کولکلری کیمی سرعتله کتچیردی. و بیز هله ده بیر - بیریمیزله بیر کلمه ده دانیشمامیشدیق. یانیندان کئچن ده دوداغینین آلتیندا آستادان منه سالام وئیردی. قلییم یئتیشمیش مئیه کیمی بوداغین دان قوپور و سینه مین سبتینه دوشوردو. پروانه هر گون سعید باره ده تزه معلومات توپلاییر و بیرینجی خبرلری منه گتیریردی. ایندی بیلیردیم کی، سوی آدی زارعی ایدی و اورمیالی دی. آتاسی نئچه ایل بوندان قاباق وفات ائدیب. آناسی و اوچ باجیسی اورمیادا یاشاییرلار. اجزا چیلیغین اوچونجو کورسون دادیر. حؤرمتلی و عقل لی عایله دیرلر. چوخ زیرک و درس اوخویاندیر. جناب حکیمین ده تامامیله اونا گووه نی وار و اوندان راضی دیر. اونون حاقیندا ائشیتدیم بوتون بو خصوصیتلر سؤگیمه تصدیق مؤهورو ووروردو. حیس ائیدیردیم کی، دوغولان دان به ری اونو تانیبیرام و آخیرا قدر ده اونونلا اولاجام. همیشه سؤگی شئیرلرینی چوخ سئومیشهم و سرعتله اونلاری ازبرلمیشهم. هفته ده بیر ایکی دؤنه پروانه موختلیف بهانه لرله منی داواخانایا آپاریردی و نسه آلیردی. بیزیم گیزلینجه بیر -بیریمیزه باخیشلاریمیز اونون اللرینین تیتربیمینه و منیم اوزومون حددن آرتیق قیزارماغینا نه دن اولوردو. پروانه حرکتلریمیزی دقتله ایزله ییردی. بیر دؤنه دئدی: همیشه باخیش اویونونون نه اولدوغونو فیکیرلشیردیم. ایندی آنلادیم. سنین فالیندا بونون چیخماغی بوش یئره دئییل. زیرک

عاشیق و نظربازام کی، آچیق دئییرم. سن بیله سەن کی، من نئچه هونره بورونموشه. پروانه، بو نه سۆزلردی دئییرسن؟ سحرلر ساچلاریمی خصوصی سلیقه ایله داراییردیم. یایلیغی ائله باغلاییردیم کی، قاباق دان تئلریم پوزولماسین، آرخادان دا ساچلاریمین قالانی گۆرونسون. نه قدر چالیشسام دا، ساچلاریمی بوروق ائله یه بیلیمیردیم. آخیردا پروانه دئدی: آخماق، ساچلارین چوخ گۆزلدیر. ایندی دوز ساچلار دبده دیر.

گۆرمورسەن مکتبین بوتون قیزلاری ساچلارینین دوز اولماغینی ایسته ییر. خالاتیمی تئز -تئز یویوب اوتولیردیم. آنا دئییردیم، منه خالات پارچاسی آلسین و درزییه وئرسین. آنامین اؤزو پالتاری کندچی دبی ایله تیکیردی. درزی لیک کورسلارین دان آنجاق آنامین تیکدیکلرینه ایراد توتماغی اؤیرنمیشدیم. پروین خانیم گۆزل دبی بیر خالات تیکدی منه. من ده یواشجا دئدیم کی، اتیینی بیر آز قاتلا سین. بونولا بئله، منیم پالتاریم مکتبده بوتون قیزلارین پالتارین دان اوزون

ایدی. پوللاریمی ییغیب پروانه ایله منه بیر توند یاشیل رنگده یایلیق آلدیق. پروانه دئییردی: بو یایلیقلا گۆزلرینین یاشیلینی چوخ یاراشیر. ایل قیش چوخ سویوق ایدی. کوچهلرین قاری اریمه میش یئنیسی یاغیردی. گونش ائله رنگ سیز و گوجسوز ایدی کی، قارلاری اریتمه یه گوجو چاتمیردی. سحرلر هر یئر بوز اولوردو. کوچهلردن احتیاطلا کنچمک گرە ک گلیردی. هر گون اوشاقلارین بیر یئر ده ییردی. او گون ده منیم نؤوبه م ایدی. پروانه گیلین ائولرینه چاتماغا آز قالامیش

دوز بوزون اوستونده سوروشدوم. برک یئر دیدیم. چالیشدیم کی، یئردن تئز قالخیم، اما آیاغیم شدتله آغرییردی. آیاغیمی یئر قویان کیمی آغریسی بئلیمه قدر اوزانیردی. یئنه کوچه نین اورتاسیندا یئر سربلیدیم. پروانه ده همین وخت ائوده ن چیخدی. علی اوخولا گئدیردی منی گۆروب قاییتدی. کۆمکلشیب منی یئردن قالدیردی. یول گئتمه یه گوجوم اولمادیغینا گۆره ائوه قایتاردیلار. آنا م آیاغیمی باغلادی و آخشاما کیمی گۆزله دی. آیاغیمین شیشی و آغریسی چوخالمیشدی. آخشام کیشیلر ائوه گلنده هرەسی بیر سۆز دئدی. احمد: اشی، بیر شئی دئییل. آدام کیمی ائوده اوتورسایدی، بو سویوقدا چۆله گئتمه سئیدی، هئچ نه اولمازدی، دئدی و گئتدی. یقین کی، آراق ایچمه یه.

آتام: گرک خستخانایا آپاراق، دئدی. محمود: پیچشیمران دا ایسماییل بی آدیندا یاخشی بیر سینیقچی وار. اگر او دسه کی، دوغرودان دا، سینیب، اونا خستخانایا آپارایق، دئدی.

ایسماییل بی یاخناشیق آتام یاشیندا ایدی. دئییلنه گۆره، یاخشی سینیق چی ایدی. آیاغیمی گۆره نده دئدی کی، سینماییب، اما

چیخیب. آیاغیمی ایستی سویا قویدو و دانیشا -دانیشا اوووشدوردو. من جاواب وئرمک ایسته دیم کی، بیردن آیاغیمی قفیل قاپیردی. آغرینین شدتیندن ائله قیشقیردیم کی، اؤزومدن گئتدیم. اؤزومه گلنده سینیقچینین یومورتانین ساریسی، ساریکۆک و جور به جور یاغلارلا آیاغیمی باغلادیغینی گۆردوم. سینیق چی دئدی کی، ایکی هفتهیه کیمی آیاغا دورمايیم. آغلایا - آغلایا اوخولا گئتمه لی اولدوغومو، سیناوارین باشلادیغینی دئییردیم. اما اؤزوم بیلیردیم کی، سیناوارا آی یاریم واخت وار. گۆز یاشلاریمین باشقا نه دنی وارایدی. نئچه گون، دوغروسو، ده بره بیلمه دیم. بوتون گونو اوتوروب سعیدی دوشونوردوم. سحرلر اوشاقلار اوخولدا اولاندا اللریمی باشیمین آلتینا قویوب اوزومو قیشین گوجسوز گونشین توتوردوم. شیرین یوخولاریملا دیلکلریمین شهرینه گئدیردیم. سعیده گلهجک، گۆزل گونلریمیزی آنیردیم. پروین خانیم آنامی مین بیر بهانه ایله گۆرمه یه گلنده منیم ساکیت سحرلریمی پوزوردو. هئج بئله آداملاری سؤمیرم. سسینی ائشیدن کیمی اؤزومو یوخولوغا ووروردوم. آنلامیردیم کی، بو قدر دین، ایمان، نجابتدن دانیشان آنام نییه محله ده باره سین ده مین سؤز گزه ن پروین خانیملا دوست اولوب. یقین، بیلمیردی کی، پروین خانیمین بو مئهریانیلیغی احمد قارداشیم گۆره دی.

آخساملار اوشاقلار مکتبدن قاییداندان سونرا ائوین ساکیتلیگی پوزولوردو. علی بیر محله نی داغیدا بیلردی. سۆزه باخمایان و اوزلو اولموشدو. احمد قارداشیمسا اوخساماغا چالیشیردی. تقریباً او دا اونون کیمی منیمله پیس داورانیش ائدیردی. خصوصیه ده ایندی، آخی ایندی مدره سه یه گئتمیردیم، آنام بوتون ایشلریمی گۆرور، آتام حالیمی سوروشوردو. منه پاخیل لیق ائدیردی. ائله بیل حاقینی یئمیشدیم. کتیلدن آتالانیر، فاطمه یه اذیت وئیریر، کیتابلاریمی آياقلاییر، او یان-بو یانا آتیردی. آغرییان آیاغیما تپیک ووروردو. آخیردا آغلایاراق آنامی مجبور ائله دیم کی، منیم یاتاغیمی قوناق اوتاغینا آپارسین. هم علی نین اذیتلریندن جانیم قورتارسین، هم ده درسلریمه باخا بیلیم. هم ده کورسونون آلتیندا آیاغیما ضربه دیمه سین. آنام دئینه رک دئییردی کی، بو پیله لر نئجه قالخیب ائنه جک سن. یوخاری سویوق دور، سوبا دا خاراب دیر. بالاجا سوبانین منه بس اولدوغونو دئیدیم. آنام تسلیم اولدو. من یوخاری مرتبه یه چیخدیم. اورادا ساکیتلیک ایدی. درس اوخویا بیلیردیم. فیکرلشیردیم، شعیر دفتیریمه یازیردیم. یوخولاریمدا اوزاق سفرلره گئدیردیم. اؤزومون اوخویا بیله جیم خط ایله سعیدین آدینی دفتترلریمین قیراغیندا یازیردیم. آدینین کۆکونو عرب دیلینده تاپمیشدیم. موختلیف قالیبلره سالیردیم. سعد، سعید، مسعود، سعادت... بیر گون پروانه منی گۆرمه یه گلدی. آنامین یانیندا اوخولدان، سیناواردان دانیشدیق. آنام گئندن سونرا قالخیب قاپینی اؤرتدو و دئدی: بیلیرسن نه اولوب؟ بیلدیم کی، سعیددن خبری وار. دیکه لرک دئدیم: سن الله، دئی، سعید

نئجه دیر؟ کیمسه گلمه میش دئ! سعید ندی؟ ایندی او، حاجی عبدول نیگاراندی. هر گون داواخانانین قاباغین دا پیلله نین اوستونده دایانیب اویان -بویانا باخیر. ائله کی منی تک گۆرور، دوداغی قاچیر. بو گون جسارته گلدی منی تک گۆره ن کیمی قاباغا گلدی. اول خئیلى قیزاردی، سونرا سلام وئردی. ان سونوندا، دیلی توتولاراق دئدی: «نئچه گوندو کی، یولداشینیز اوخولا گلمیر. نیگارنام. نییه گلمیر؟» منده اؤزومو بيلمزمیلیه قویوب سوروشدوم: «هانسی یولداشیم؟» «همیشه بیر یئرده گلیردینیز ائولری گوشه ن کوچه سینده دیر». بللی اولدو کی، ائوینیزی ده تانییر. سنی ایزله ییب. دئدیم: «معصومه نی دئیرسن؟ او ییخیلیب، آیاغی بورخولوب. ایکی هفته اوخولا گله بيلمز». رنگی قاچدی. دئدی: «نه پیس اولوب؟!» آراسینی چئویردی و گئتدی. ایسته دیم چاغیریب دئییم: «سن نه تربیه سیزسن!» اما ایکی آددیم گتتمه میش گئری دؤنوب: «اونا منیم آدیم دان سلام یئتیرین!» دئدی و آدام بالاسی کیمی ساغوللاشیب گئتدی.

اوریم و سسیم اسیردی. دئدیم: سن اونا منیم آدیمدا دئدین؟ قورخما. نه اولسون کی؟ اؤزو بیلیردی، سوی آدینی دا بیلیردی، بوتون قوهوملارینی تانییب ایندییه قدر. او کی سنه بئله عاشیق دیر، منجه، بو گونلرده سنه ائلچی گلر. اوریمه یاغ کیمی یاییلدی. ائله سئوینجک گولوردوم کی، آنام چایلا ایچری گیرهنده تعجبله منه باخیب دئدی: نه خبردی؟ نییه بئله سئوینجک اولموسان؟ ال -آیاغیم سوستالدى، هئچ نه اولمادیغینی دئدیم. پروانه سؤزومو کسیب بو گون سیناو ورقلرینین وئریلدینی و منیم قیمتیریمین هامیسینین یاخشی اولدوغونو دئدی و منه گۆز ووردو.

آنم: فایداسی نه دیر؟ دئدی. قیز بئله شئیرله ماراقلانماز. بوش یئره واخت ایتیریر. ایکی گوندن سونرا ار ائوینه گئدی،

اوشاقلارین اسگی سینی یویاجاق. یوخ، آنجان. من بئله تنزلیکله اره گئدن دئیلهم. هله گرک اورتا مکتبی بیتیرم.

پروانه دجللیکله دئدی: بلی، سونرا دا حکیم اولاجاق. گۆزومو آغارتدیم. آنم: یعنی سونرا دا درس اوخویاجاق؟!

نه قدر چوخ درس اوخوسا، او قدر چوخ سیرتیلار. هامیسی آتاسینین گوناھی دیر کی، بو قدر اونون نازی ایله اویناییر.

دئیینه -دئیینه اوتاقدان چیخدی. پروانه ایله گولمه یه باشلادیق. یاخشی کی، آنم بيلمه دی. یوخسا «ادبیات دیپلومویلا حکیم

اولماق اولارمی؟» دئییه سوروشاردی. پروانه نین گولمکدن گۆزو یاشاردی. سونرا گۆزونون یاشینی سیلیب دئدی:

آخماق، من کی دئمه دیم سن حکیم اولاجاق سان. دئدیم، حکیم بین یولداشی اولاجاق سان. او گون شاد خرم گولمه یه هئچ

بیر منطیقلی نه دن یوخ ایدی، اما من خوشبخت ایدیم. آیاغیمین آغریسینی یادیمدان چیخارتمیشدیم. پروانه گئندن سونرا

لذتله بالیشیمین اوستونه ییخیلدیم و دئدیم: منه گۆره نیگاراندی، داریخیب! من نئجه ده خوشبخته م! او گون احمدین

پروانه‌نین بیزیم ائویمیزه گلمینه گۆره هیرسلنمی ده وئجیمه دئییلدی. بیلیردیم کی، جاسوس علی بونو بؤیوک قارداشیمما چاتدیریب، سحرلر یئریمدن قالخیب آخسایا -آخسایا اوتاغی ییغیشدیریردیم. الیمین بیرینی پیلله‌لرین نرده سینه دایاییب، او بیر ی الیمده ده ننه‌مین چلییندن یاپیشیب یاواش -یاواش پیلله‌لری آشاغی ائیردیم، ال -اوزومو یویوب سحر یئمه یی یئیردیم و زحمتله یئنه یوخاری قالخیردیم. آنام دئیینیردی کی، یا سویوق ده یه جک، یا دا بیر دؤنه پیلله‌لردن ییخیلاجاقسان. کیمدی اونا قولاق آسان؟! خلوتیمی دونیایلا دییشمیردیم. ایچیمده ائله ایستیلیک وارایدی کی، هئچ سویوق حیسن ائتمیردیم. ایکی گوندن سونرا پروانه یئنه گلدی. اؤزومو پنجره‌یه چاتدیردیم. آنام سویوقلوقلا اونون سالامینی آلدی. پروانه هئچ نه یه فیکیر وئرمه‌دن دئدی: معصومه‌یه سیناوارین نتیجه‌لرینی گتیرمیشه‌م. سونرا سورعتله پیلله‌لری یوخاری قاچدی. نفس آلا -آلا اوتاغین قاپیسینی باغلادی. نچه دؤنه گۆزلرینی یوموب قاپینی دینله‌دی. اوزو ائله قیزارمیشدی کی، بیلیمیردیم سویوق داندی، یا هیجان‌دان. گۆزلریمی اونا دیکمکله یاتاغیمما قاییتدیم. اونا سوال وئرمه یه جورتم یوخ ایدی. آخیردا اؤزو دیلله‌ندی: آتاندیم. یاتاغیمدا اوتوروب دئدیم: مکتوبو وئر، گۆروم نه یازیب؟ اولجه قاپیا باخ، هئچ کیم اولماسین، سونرا دا مؤحکم باغلا. مکتوبو آندا الیم تیتیریردی. اوستونده هئچ نه یازیلمامیشدی. آچماغا جسارتیم چاتمیردی . بیز بو واختا کیمی دوداقلتی سالامدان باشقا کلمه کسمه میشدیک. پروانه ده منیم کیمی هیجان‌لی ایدی. ائله بو واخت آنام اوتاغا گیردی. تئز ظرفی یورغانیمین آلتیندا گیزلتدیم. ایکیمیز ده ساکیتجه سوسوب بیر -بیریمیزه باخیردیق.

آنم: نه اولوب؟ یئنه نه خبردی؟ سوروشدو. ال -آیاغیم تیتره‌دی: هئچ نه. اما آنامین باخیشلاری شوبه‌ه‌لی ایدی. همیشه کی کیمی هاوانی پروانه دوزلتدی: هئچ نه اولماییب. سیزین قیزینیز چوخ حساس‌دیر. هر شئی یئرسیز بؤیودور. ایندی اینگیلیس دیلیندن قیمتی یاخشی اولماییب. جهنمه کی. سنین آنان منیم آنام کیمی دئییل کی، یئرسیز دالاشسین. مگر ائله دئییل، خانیم؟ دالاشرسینیز؟ آنام تعجبله پروانه‌یه باخدی، دوداقلارینی بوزوب دئدی: واللاه، نه دئییم. جهنمه کی، یاخشی اولماییب. قالسا، لاپ یاخشی اولار. گئدر درزی‌لیک کورسلارینا. بو داها واجیب‌دیر. چایی پروانه‌نین قاباغینا قویدو و گئتدی. بیز بیر آز سوسان‌دان سونرا بیر -بیریمیزه باخیب گولدوک.

پروانه دئدی: قیز، سن نه آخماق‌سان. بئله ائله‌سن، هامی باشا دوشر.

موغایات اول، یوخسا هامی آنلایار. هیجان‌دان اوریم بولانیردی. احتیاطلا مکتوبو آچدیم. ائله بیل ظرفی کورلاماق ایسته‌میردیم. اوریمین سسی دمیرین اوستونه دیه‌ن چکیج کیمی قولاغیمدا ائشیدیلیردی: تئز اول، بوغولدوم.

مکتوب آچیلدی، کلمه‌لر گۆزل ختله گۆزومون قارشیسیندا اویناییردی. ایکیمیز ده سرعتله مکتوبو آخیرا قدر اوخودوق، سونرا بیر-بیریمیزه باخیب سوروشدوق:

اوخودون؟ نه یازیب؟ یئنه ده ساکیتجه اوخوماغا باشلادیق. مکتوب بو شئیرله باشلامیشدی:

بدهنینن طبیی‌لرین نازینا احتیاجی اولماسین، اینجه ووجودون دان هئچ بیر شئی ساجماسین. سونرا سالاملاشیر و حال احوال سوروشوردو، ساغلاملیق آرزولاییردی. گۆزل و ادبله. ساوادلی آدم اولماغی ختتین دن بللی ایدی. پروانه تنز گئتدی، چونکی آناسینا ییزه گله جه یینی دئمه میشدی. منیم فیکریم اوندا دئییلدی. باشقا دونیادا ایدی.

بدهنیمی حیس ائله‌میردیم. اۆزومو اوچان روح کیمی گۆروردوم. مکتوبو سینهمین اوستونه سیخیردیم. دوداقلاریمدا گولوش وار ایدی. بیرینجی دؤنه ایدی کی، اۆلمک آرزوسوندان پشیمان ایدیم. یاشاییش او قدر گۆزل ایدی کی، بوتون دونیانی اۆپمک ایسته ییردیم. گونوم ائله بیل یوخودا کئچدی. بیلمه دیم، نه وخت گئجه اولدو، آخشام نه یئدیم، کیم گلدی و نه دئدی. گئجه‌نین یاریسی چیراغی یاندیریب مکتوبو دؤنه‌لرله اوخودوم و باغیرما باسدیم. گۆزل یوخولارلا گئجه‌نی صاباح ائله دیم. ایچیم‌دن بیر شئی منه دئییردی کی، بئله بیر شئی یاشاییش‌دا، عۆمورده بیر دؤنه: او دا آنجاق اون آلتی یاشدا مومکون اولاییلر. ساباحکی گون صبرسیزلیکله پروانه‌نی گۆزلییردیم. پنجره دن حیظه باخیردیم. آنام دا مطبخه گئدیب گله‌ن ده

منی گۆرور و ال حرکتيله نه ایسته دییمی سوروشوردو. پنجره‌نی آچیب هئچ نه اولمادیغینی، ساده‌جه، کوچه‌یه باخدیغیمی دئدیم. بیر نئچه دقیقه‌دن سونرا قاپی زنگینین سسی گلدی. آنام دئیینه- دئیینه قاپینی آچدی. پروانه‌نی گۆره‌ن کیمی منه معنايلا باخدی. یعنی بونو ایستیردین؟ پروانه قاچا-قاچا پیلله‌لری چیخدی. آياققابیلارینی چیخارتدی، چانتاسینی ائوین اورتاسینا آتدی. گل ایچری. نئینیرسن؟ بو ایپلی آياققابیلار... آخیر کی، آياققابیلارینی چیخاردا بیلدی، اوتوردو و دئدی: مکتوبو وئر منه، اوخویوم. بعضی یئرلری یادیمدان چیخیب. مکتوبو گیزلئتدیم کیتابی اونا وئردیم و دئدیم: دئ گۆروم، بو گون اونو گۆردون؟ او، منی گۆردو. داواخانانین پیلله‌لرین ده اوتورموشدو. اویان-بویانا ائله باخیردی کی، شهرده هامی اونون کیمیسسه گۆزلدیینی بیلدی. داها قیزارمادی، سوروشدو: «حالی نئجه‌دیر؟ مکتوبو وئردین؟» دئدیم: «هه، یاخشیدی، سالام دئدی». راحت نفس آلیب دئدی: «اوندان ناراحت ایدیم». بیر آرجا او آياق-بو آياغینین اوستونده دوروب سوروشدو: «بس جاواب وئرمه‌دی؟» «خبریم یوخدو. مکتوبو وئریب گلدیم. بئله تنز جاواب وئر بيلمزدی آخی». بیر سؤزله، ایندی او، سنین جاوابینی گۆزله ییر. یعنی من مکتوب یازیم؟ یوخ، بو، پیس‌دی. دئییه ر کی، نه اوزلو قیزدی. ائله همین وخت آنام گیردی و

سۆزومون آردين توتدو : دوغرودان دا، چوخ اوزلودو. اوريم يئرندن قوپدو. بيلميرديم سۆزلريميزين نه قدريني ائشيديب. انا قابداسي مئوهني يئر قويوب اوتوردو. دئدي: آخير، اؤزونده بيلدين كي، اوزلوسن. هميشكي كيمي پروانه اؤزونو اله آلدی: بو كي اوزلولوك دئييل. نه اوزلولوك دئييل؟ من انا دئديم، معصومه ايسته بير كي، من هر گون اونا باش چكيم. معصومه ده دئدي كي، ايندي انا دئييه ر، نه اوزلو قيزدي. انا باشيني تربتدي بيزه اينانماميشدي. ياواسجا اوتاقدان چيخدي، قاپينيدا آرخاسينجا باغلادي. پروانه ايشاره ائله ديم كي، دانيشماسين. بيلميرديم كي، سۆزلريميزه قولاق آسير. اوجادان درسلدن دانيشماغا باشلاديق. سونا پروانه عرب ديلي كيتابيني اوزوندن اوخوماغا باشلادي. انامين عرب ديليندن چوخ خوشو گليردي، ائله بيلدي كي، قوران اوخويوروق. بير نچه دقيقه دن سونا آياقلارينين سسيني ائشيتديك. پيلله لري آشاغي ائيردي. ياخشي، گئتدي. ايندي قرار وئر. نئيلاهجهكسن؟ يازيرسان؟ يا گرک يازاسان، يا دا دانيشاسان. عؤمرونوزون آخيرينا كيمي ايشاره يله دانيشماياچاقسينيز كي؟ گرک اصل مقصديني بيلك. ائوله نمك فيكري وار، يا بيزي آلماتماق ايسته بير. ماراقل ايدي. پروانه ايله بير بيريميزه بئله باغلي ايديك. سۆزلريميزده ده جمع فعللرين دن ايستيفاده ائيرديك. من ائده بيلميرم. بيلميرم نه يازيم. سن ياز. من؟ من باجارميرام آخي. سنين ختتين مندن داها ياخشيدى. چوخلو دا شعير بيلميرسن. فيكرينه نه گليرسه، ياز. من ده يازيم. سونا اوتوروب ايچيندن ياخشي بير شئي چيخارداريق. آخسام احمدين چيغير - باغيري حيطي باشينا گؤتورموشدو. ائشيتديم كي، دئير: بو پوزغون قيز نيه هر گون بورا گلير؟ نه معناسي وار؟ دئمه ميشم كي، او قيزين ادا لارين دان خوشوم گلير؟! اونون نه ايشي وار كي، هر ساعات بورادادي؟ انا: هئچ نه، دئيردي. سن قانيني قارالما. گلير معصومه نين درسلريني وئرير، تئز ده گئير. علي: قلت ائله بير، دئدي. اگر بير ده اونو بورادا گؤرسه، تپيكله چؤله آتاجام. علي قارداشيم اليه كئچسه يدي، اونو ياخشيجا كؤتكليرديم. بالاجا بويويلا مني هيله بيردي. دوزدو، هئچ نه ائده بيلمزدى. بونولا بئله، پروانه ده دئلميديم كي، موغايات اولسون، علي ائوده اولاندا گلمه سين. او گون آنجاق يازيب - پوزدوم. من قاباقجا بعضي شئير ده يازميشديم، اما اؤز خطيمله. يازديقلاريم دا قئيري - رسمي و حيسيياتلي ايدى. رسمي مكتوبدا بئله شئير يازماق اولمازدى. گرک فيكي رلريمي، ايستك و آرزولاريمي كاغيذا يازيرديم. يالنيز بو يوللا فيكي رلريمي دوزلدوب، دقيق نه ايسته دييمي بيلرديم. دوغرودان، نه يازمالي اولدوغومو بيلميرديم. حتى مكتوبدا اونا نئجه مراجعت ائده جه ييمي ده بيلميرديم. مؤخره م بي؟ يوخ، چوخ رسمي دى. عزيز دوست؟ يوخ، بو دا چوخ پيس دى. آدييلا؟ چوخ قئيري رسمي دى... جومعه آخسامي پروانه گون اورتا مكتبدن دوز بيزه گلدى. من بير كلمه ده يازماميشديم. پروانه هميشه كيندن

ده چوخ هیجان لی ایدی. فاطمه قاپینی آچان دا همیشکینین عکسینه، اونون باشینا سیغال چکمه دی. تلسیک پیلل لری یوخاری چیخیب، آتالانا -آتالانا اؤزونو اوتاغا چاتدیردی. چانتاسینی اوتاغین ایچینه آتدی، خالچانین اوستونده اوتوروب زورلا آیقاییلارینی چیخارتدی. تئز تئز دانیشماغا باشلادی: سیزه گلک ایسته بیردیم. منی چاغیردی: «خانیم احمدی، آتانین درمانی حاضیردی». یازیق آتام. نه دردی وار کی، بو قدر درمان ایچیر؟ یاخشی کی، مریه م یانیمدا دئییلدی. بیر قوتو درمان وئردی، چاتما قویدوم. تئز اول، چانتانی آچ، ائله اوستده دیر. اوریم چیرپینیردی. یئرده اوتوروب تلسیک چانتانی آچدیم. بالاجا بیر قوتونو آغ کاغیلا سانمیش دی. کاغیلا ته لسیک جیردیم. بیر شئیر کیتابی ایدی. صحیفه لرینین آراسیندا بیر ظرف واردی. بوتون بده نیم ترله دی. دیوارا سؤیکندیم تامام حالسیر ایدیم. پروانه آیقاییلارینی تزه جه چیخارتمیش دی ایمکله یه ایمکله یه یانیمدا گلدی و دئدی: ایندی سوستلشمه. واختیم یوخدو اوول اوخو، سونرا. ائله بو زامان فاطمه اوتاغا گیردی. اؤزونو منه سیخیب دئدی: آنام دئییر کی، پروانه خانیم چای ایچیر؟ گتیریم؟ پروانه: یوخ، یوخ، من گرک تئز ائوه گئدم، دئدی. سونرا فاطمه نین اینی توتوب اؤزونه طرف چکدی، اوزون دن اؤپدو و دئدی: ایندی گئت، آنا یا تشککور ائله. چوخ ساغ اول، یاخشی قیز... فاطمه یئنه منه قیسیل دی. گتتمک ایسته میردی. بیلدیم کی، اونا بیزی تک قویماق تاپشیریلیب. پروانه جیبین دن بیر شوکولاد چیخاردیب فاطمه یه وئردی: گئت، ایندی آنان پیلله لری چیخار، آیقاییلاری آغریار. گئت، دئنن، من چای ایچمیرم. فاطمه گئدن کیمی پروانه مکتوبو الیم دن قاپدی: تئز اول، کیمسه گلمه میش آچ! بیرلیک ده باشلادیق اوخوماغا. «مؤحترمه خانیم قیز!» بیر -بیریمیزه باخیب گولدوک. «خانیم قیز؟» گولمه لی ایدی. پروانه دئدی: ایسته ییب چوخ صمیمی اولسون. خانیم دا سنه اویغون گلیم. دوغرو دان، منیم ده بئله دردیم وار بیلیمیرم نئجه باشلایم.

«مؤحترمه خانیم قیز. هله اؤزومه ایجازه وئرمیشم کی، سیزین آدینیزی کاغیلا یازیم. لاکین قلبیم ده مین دؤنه آدینیزی باغیرمیشام. بئله بیر اوز صاحبین آدی دا اوزونه یاراشیر. سیزین معصوم باخیسلارینیز، گؤز لرینیز آدینیزا نئجه ده اوخشاییر. من سیزی هر گون گؤرمه لییم. سیزی گؤرمدیم گون نه انده جه ییمی بیلیمیرم. اوریم قم دن قوبارلانمیش بیر آینادیر. سن گولوشونله بو آینانین قوبارینی سیل. بو گونلر سنی گؤرمک دن محرومام. اؤزومو ایتیرمیشم.

منه بیرجه کلمه یاز اؤزومه گلیم. بوتون قلبیمله سنین سالامات لیغینی آرزو لاییرام. الله خترینه، اؤزونوز دن موغایات اولون». ایکیمیز ده سرخوش ایدیک مکتوب داکی گؤزل سؤزلردن.

قفیلدن علی ایچری گوردی. من سرعتله مکتوب و کیتابی آیاغیمین آلتیندا گیزلتدیم. علی غضبلی باخیش و خیریلتیلی سسله دئدی: آنام سوروشور کی، پروانه خانیم ناهارا قالاچاق؟ پروانه: یوخ، چوخ ساغ اول. من گئدیرم. من میزیلداندیم: بیز ناهار ائله مک ایستیردیک. چوخ عصبی و اوتانچاق اولموشدوم. بیلیمیردیم نه دئییم. پروانه عایله مین سویوق داورانیشینی گؤروب: من بورا تئز -تئز گلیرم، دئدی. یقین، هامینی بئزدریمیشه. سن نه واخت اوخولا گله جک سه ن؟ بو گون اییرمی گون دور کی، یاتیرسان. بسدی، بو او یون منی یوردو. من ده دلی اولورام. چوخ یورولموشام. بیرینجی گون گله جه یه م اوخولا... گله بیله جک سه ن؟ چوخ یاخشییام، شنبه یه کیمی ساغالارام. یاخشی، راحت نفس آلارام. داها آنانین اوزونه باخا بیلیمیرم. شنبه گونو سککیزین یاریسی دالینجا گله جه م. تئز اوزومدن اؤپدو و باشماقلارین باغلامادان آشاغی گئتدی. سسینی ائشیتدیم. آناما دئییردی کی، باغیشلا یین، ناراحت ائتدیم. گرک معصومه یه دئییدیم کی، شنبه سیناو وار.

آیاغی یاخشیددی. شنبه گونو اوخولا گله جک. آنام: گرک دئییل، هله آیاغی دوزلمه ییب، دئدی. آخی سیناویمیز وار؟ اولسون، عیبی یوخدو، موهوم دئییل. علی دئییر کی، سیناوارا بیر آی وار. پنجره نی آچیب: یوخ، آنا، مطلق گئتمه لییه م، سیناغمیز وار، دئدیم. قیمتله حساب لاناچاق. آنام آخیخلا اوزونو چئویریب گئتدی. پروانه ده منه باخیب گؤز ووردو و چیخیب گئتدی. من آرتیق وردیش ائتمه یه باشلادیم. آیاغیم آغریبان کیمی اوزانیب بالیشین اوستونه قویوردوم. بیر یومورتا ساریسی یئرینه ایکی یومورتا ساریسی و یاغ سورتوب، تزه دن سارییدیم. بو آرادا هر فرصت تاپاندا مکتوبو اوخویوردوم. یاشاییشیمین ان واجیب آنلاری ایدی. اؤزومه دئییردیم کی، آخی نییه اونون سینه سی قمله قوبارلانمیش بیر آینا کیمی دیر؟ یقین، دردی چوخدو اوچ باجی، بیر آنانین مسئولیتی، درس اوخویا -اوخویا ایشله مک آغیر ایشدی. اگر ایندی بو قدر دردی اولماسایدی، ائلچی گلردی. جناب حکیم دئییردی کی، اونلار آبیرونی عایله دیرلر. من اونونلا نملی، رطوبتلی اوتاقدا دا یاشاماغا حاضیرام. اما اونون «سنین آدین دا، اوزون ده، بیر -بیرینه یاراشیر» سؤزو منی ناراحت ائدیردی. منیم اوندان مکتوب آلمایم معصوم اولماغمیدان خبر وئیردیم؟ معصوم اولسایدیم، هئچ عاشیق اولاردیم؟ اونو فیکیرلشمه مک اوچون چوخ چالیشمیشام. اونو گؤره نده اوریم چیرینماسین، اوزوم قیزارماسین ایستیمیشه م، اما قارشیسینی آلا بیلمه میشه م. شنبه گونو تئز اویاندیم. اصلینده، هئچ یاتمامیشدیم. یئریمی ییغدیم، پالتاریمی گئیندیم کی، هامییا ساغالدیغیمی ثبوت ائدیم. ننه مین چلیینی قیراغا قویدوم. نرده دن یاپیشاراق آشاغی ائتدیم، سحر یئمه یینین آرخاسیندا اوتوردوم. آنام دئدی: اوخولا گئده بیلر سه ن؟ ایستیرسن اوتور، محمود موتوسیکلئتین آرخاسیندا آپارسین سنی. محمود گؤزونون آلتیلا آتاما باخیب دئدی: بو

نه سۆزدو، آتا؟ بیرجه بو قالمیشدی کی، حجاب سیز قیزی موتوسیکلئتین آرخاسینا مین دیریم؟ حجاب سیز نییه؟ یایلیغی باشیندادی. البته، دئدیم. من کی ایندییه کیمی یایلیق سیزاوخولا گتتمیشهم. آتام: سن ده کی قارداشیسان. نامحرم دئیل سهن، دئدی. استغفوروللاه، آتا. بو تئهران ائله بیل سنی ده یول دان چیخاردیب...من آرایا گیردیم: یوخ، آتا. پروانه گله جک دالیمجا. کۆمه کلشیب بیر یئرده گئدریک. آتام دوداق آلتی میز یلداندی. نه دئدینی بیلمه دیم. احمد قارداشیم گنجه ایچدیندن گۆزلری شیشمیشدی. حیرصلی-حیرصلی منه باخاراق: کیم؟ پروانه؟ بیز دئیریک او قیزلا اوتوروب -دورما، سن ده اونو چلیینه دؤندر میسهن. او قیز چوخ آچیق -ساجیق دی. بوتون گونو هیر یلدا بیر، اتی ده قیسادیر. نازلا یول گئدیر. اونون اتینین هاراسی قیسادی؟ مکتبده هامینین اتین دن اوزون دور. اؤزو ده ایدمانچی دیر. هئچ ناز ائل یه نه دئیل. بیر ده کی، سن نییه جاماعاتین قیزینا او قدر باخیرسان کی، نازلان دینغینی گؤرور سهن؟ سسینی کس! یوخسا بوتون دیشلرینی قارنینا تۆکرهم. آنا، گؤرور سهن، نئجه اوزلیب بو؟ آتام حؤوصله دن چیخدی: بسدی! من احمدی تانییرام چوخ عقل لی آدم دی. عباس امین ابولقاسیم سولتی ایله یانیمیزدا کی ماغازایا اونو رهبر تعین ائدیب. اونون سؤزونون اوستوندن هئچ کیم سؤز دانیشمیر. هامی اونا حؤرم ائدیر. احمد هیر سین دن قیزار میش دی. اوزونو آناما توتوب دئدی: بویورون، سونرا دا دئیر لر بو قیز نییه بئله سیرتیلیب؟ هامی بونون طرفینی ساخلایاندا نییه ده اؤزون دن چیخماسین. گئت، گئت، باجیم. اصلینده، او قیز نجابت هئیکلیدی. گئت، آیرحیا گۆزله مک عنعنه سینی اوندان اؤیره ن. خوشبخت لیک دن، همین وخت قاپنین زنگی چالین دی. فاطمه یه دئدیم: دئنه کی، باجیم ایندی گلیر. داوایا سون قویماق اوچون سورعتله یایلیغیمی باشیما باغلا ییب آخسایا آخسایا قاپیدان چیخدیم. کوچه نین سرین هاواسی اوزومه ده یدی. نئچه دؤنه دایاندیم کی، تمیز هاوا اودوم. هاوادان گنج لیک، سؤگی و شادلیق اییی گلیردی. آیاغیم هله ده آغرییردی، اما موهوم دئییلدی. چالیشیردیم، سئویندی می گیزله ده م. یاواش -یاواش مدره سه یه طرف یولا دوشدوک. اوزاقدان سعیدی داواخانانین پیله لری نده گۆردوم. او، بیزی گۆره ن کیمی ایکی پیله نی بیر دن ائنیب بیزه طرف گل دی. دوداغی می دیشله دیم. او آنلادی کی، دوز ائله مه دی. قاییدیب یئنه پیله لرین اوستونده دایاندی. اونون باخیشلاری منیم ساریقلی آیاغیما و آخساماغیما ساتاشدی. اوره ییم سینهمین ایچین دن اونا طرف اوچوردو. ائله بیل ایللرله اونو گۆرمه میشدیم. اما آخیرینجی دؤنه گۆره ن دن بری اونو اؤزومه یاخین حیس ائدیردیم. ایندی اونو تانییردیم. بیلیردیم کی، منه قارشى حیسلری وار. همیشکیندن چوخ سئویردیم اونو. داواخانانین قاباغینا چاتاندا پروانه دئدی کی، یورولموسان. بیر آز دایان. الیمی دیوارا دایاییب دوداق آلتی اونون سالامینین

جاوابینی وئردیم. یاواشجا آیاغیمین چوخ آغرییب آغریمادیغینی سوروشدو. ایستیرسینیز آغریکسیجی درمان وئرم؟ تشککور ائدیرهم، آرتیق یاخشیدی. دوزلیب. پروانه الینی اوزاداراق دئدی: احتیاطلی اول. علی گلیر بیز سورعتله خوداحافیظ له شیب، مدرهسه یه طرف گتتدیک. او گون بیر ساعات ایدمانیمیز وار ایدی. بیر ساعات دا درسه گیرمدیک. نه قدر سؤزوموز واردی اورییمیزده. موعاوینه خانیم حیطی گزه ن ده بیز توالث ده گیزله نیردیک. سونرا دا یئمکخانا بیناسینین آرخاسیندا ضعیف مارت گونشین آلتیندا اوتوردوق. مکتوبو ایکی -اوچ دؤنه اوخودوق. اونون مئهریبانلیغیندان، یاخشیلیغیندان، ادبیندن، خطیندن و ساوادیندان دانشدیک.

من: پروانه، دئییه سن، اورک خستلیینه توتولموشام، دئدیم. آخی قلییمین دؤیونتوسو طبیعی دئییل. ایچیمده قورخو وار. اونو گۆره ن ده بئله اولورسان، یوخسا گۆرمه یه ن ده؟ اونو گۆره ن ده اورییم ائله تنز -تنز چیرپینیر کی، نفسیم آز قالیر کسلیسین. پروانه گولدو: بو، اورک خسته لیگی دئییل. عاشیق لیک خسته لیگی دیر. او قاباغیما چیخاندا اورییم باشلا بیر چیرپینماغا. وای سنین حالینا! منجه، توپوموزدا دا بئله اولاجاق. سن نه سفح سن. اوندان گئت اورک حکیمینه. هئج اولماسا گرک ایکی ایل ده صبر ائده م. او اوخویوب قورتارانا قدر. البته، پیس ده اولماز. او واختا قدر من ده مکتبی بیتیرهم. اما ایکی ایل ده عسگرلیگی وار. اگر قاباقجا گئتمه ییب سه .. یوخ، گئتمز، منجه. نئچه یاشی وار کی اونون؟ اینانمیرام عسگرلییه آپارسینلار اونو. ائوین تک اوغلودو. آتاسی رحمته گئدی، او دا عایله نین تک باشچیسیدیر. اما یاخشی بیر ایش ده تاپمالی دیر. فیکیرله شیرم کی، ایکی ائوین خرجینی وئره ن ایش تاپا بیلرمی؟ اجزایلارین نه قدر معاشی اولای بیلر کی؟ بیلیم. اگر گرک اولسا، من گئدیب آناسی و باجیلاری ایله بیر یئرده یاشایارام کی، خرجی چوخ اولماسین. یعنی کئنده یاشاماغا حاضرسان؟ قایینانا و اوچ بالدیزلا؟ آخی اونلار تورکجه دانیشیر، سن اونلاری نئجه باشا دوشه جک سه ن؟ هه، حاضریم. من سعیدله جهنمه ده گئتمه یه حاضریم. تزه اورمیا گؤزل شهر دیر. دئییرلر، چوخ گؤزل و تمیز دیر. یعنی تئهراندان یاخشیدی؟ هئج اولماسا، هاواسی، سویو کی قومدان یاخشیدی. من قوما بؤیوموشه م. یادیندان چیخیب؟

نه گؤزل آرزولار ایدی! بوتون اون بئش -اون آلتی یاشلی، رومانتیک قیزلار کیمی اونونلا هر یئره گئتمه یه حاضر ایدیم. اونون ایسته دی هر شئی ائله مه یه حاضر ایدیم. مکتوبلارا یازدیغیم جاوابلاری بیر یئره گؤزدن کئچیرتدیک. چالیشدیق کی، اونلارین ایچیندن دوز -عقل لی بیر مکتوب یازاق. اما آلینمیردی. اللیم بوز لامیش دی. چانتانین اوستونده یازماقدان

خطیم پیس اولموشدو. قارا آلیق کی، مکتوبو گنجه یئیندن یازاق و سحری گونو سوده وئrk. گون یاشاییشیمدا ان ایستی و شیرین گون ایدی. حیس ائیدیردیم کی، دنیا اووجومون ایچینده دیر. هر شئییم واردی: یاخشی دوست، محبت، گنجلیک ، گۆزل لیک، آیدین گله جک. او قدر خوشبخت ایدیم کی، سوبوق دا اوتورماق دان آياغیمین آغری سینین چوخالماغینی حیس ائتمیردیم. اگر آياغیم بورخولماسایدی، من بو اوره یه یاتان مکتوبلاری آلمایا جاقدیدم. او گون آخشام هاوا یئیندن توتولدو. آددا -بوددا قار یاغماغا باشلادی. آياغیم زوققولداماغا باشلادی. یول گتتمک ده چتینلشمیشدی. قایداندا بوتون آغیرلیغیمی پروانه نین اوستونه سالمیشدیم. آرادا دایانیب نفس آلیردیم. آخیر کی، داواخانایا چاتدیق. سعید منی او وضعیت ده گۆره ن ده قاباغ قاچاراق قولوم دان توتوب کۆمک ائله دی. یوخاری چیخدیق. داواخانانین دیوانینین اوستونه دوشدوم. داواخانا ایستی و ایشیق لی ایدی. بوخار توتوموش شوشه لردن کوجه قارالیق و سوبوق گۆرونوردو. حکیمین خسته لری پيشتا ختانی دؤوره سین ده ییغیشدیقلارینا گۆره مشغول ایدی. بیر -بیر چاغیریب درمانلارینا گۆره ایضاح وئیریدی. اؤز ایشینده ایدی. هئچ کیم بیزیم

دیواندا اوتوردوغوموزا باخمیردی. سعید یئرده منیم قاباغیمدا اوتوروب آياغیمی قالدیریب ایستولون اوستونه قویدو و احتیاطلا توپوغومو یوخلادی. اونون الینین تماسی قالین پارچانین اوستوندن بئله جریان کیمی ووروردو. بده نیمی تیترتدی. گۆره سه ن، بو تیتترمه اونون دا بده نینه کئچدیمی؟

مهری بانلیقلا منه باخیب دئدی: هله چوخ شیشی وار. گرک یول گتتمیدینیز. من بیر یاغ، بیر آز دا آغریکسیجی وئره جه م. آياغینیزا وورار سینیز. بونو دئییب پيشتا ختانی آرخاسینا کئچدی. من باخیشلا اونو ایزله دیم. بیر ایستکان سو و ده رمانلا قاییتدی. درمانی آتدیم. ایستکانی قایتاراندایمه بیر باشقا مکتوب وئردی. باخیشلاریمیز توققوشدو. هر شئی گۆزلریمیزده عکس اولونوردو. دانیشماغا احتیاج یوخ ایدی. آغرینی یاددان چیخارتمیشدیم. هئچ کیمی گۆرموردوم. اطرافیمدا کی هر شئی بیر دومان بوروموشدو. سسلری درک ائتمیردیم. آیری بیر دنیادا سئیر ائیدیردیم. نه قدر گۆزل بیر حیس ایدی! بیردن پروانه نین دیرسه یینین ضربه سیله اؤزومه گلدیم. هه، ندی؟ نه اولوب؟ اورایا باخ. اورایا باخ. قاشلاریلا شوشه نین او

طرفینی گۆستردی. یئرمده قورو یوب قالدیم. اوریم چیرپینماغا باشلادی. علی شوشه نین آرخاسیندا دورموشدو. اللرینی اوزونون ایکی طرفیندن توتوب ایچری باخیردی. پروانه منه باخیب دئدی: نه اولدو؟ اوزون نییه ساپساری اولدو؟ سونرا قالخیب داواخانان چاخاراق چاغیردی: علی! علی! گل کۆمک ائله. معصومه نین آياغی آغری بیر من کۆمک ائده بیلیمیرم. علی

غضبله پروانه یه باخدی و قاچدی. پروانه قایدیب چیینلرینی یوخاری آتیب دئدی: ائله باخدی کی، ائله بیل کلله می قوپارتماق ایستیردی... مین بیر چتین لیکله ائوه چاتاندا هاوا تقریباً قارآلمیشدی. آخشام اولموشدو. الیم قاپنین زنگینه چاتمیش قاپی آچیلدی. بیر نفر منی ائوین ایچینه چکدی. پروانه نه باش وئردینی باشا دوشمه دی. آرخامجا ایچری گیرمک ایستیردی کی، آنام اونا طرف هوجوم ائدیب چؤله ایتله دی و دئدی: سنی بیر ده بو طرفلرده گؤرمک ایسته میرم. باشیما نه گلیرسه، سنین اوزونده ن گلیر.

من قاپنین آغزیندا کی پیلله لردن حیطین اورتاسینا دوشدوم. علی ساچلاریمی الینه دولاییب اوتاغا طرف چکیددی. اما منیم فیکریم پروانه ده ایدی. اوتاندیغیم دان یئرین دیینه گیرمک ایسته ییردیم. چیغیردیم: بوراخ، آخماق! آنام اوتاغا گیریب قیشقیرا - قیشقیرا سؤیوردو. قولوم دان مؤحکم چیمدیک گؤتوردو. قیشقیردیم: نه اولوب آخی؟! نییه هامینیز دلی اولموسونوز؟

نه اولماغینی ایسته ییردین، پوزغون قیز؟ او یئره چاتمیسان کی، هامینین گؤزو قارشیسیندا اؤزگه کیشیله مازاقلاشیرسان؟ نه اؤزگه کیشی؟ آیاغیم آغرییردی، داواخانانین حکیمی آیاغیما باخیب درمان وئیردی. آغریدان اؤلوردوم. حکیم کی محرم دی... حکیم! حکیم! نه واختدان بری طبابت دوکانینین شاگیردی حکیم اولوب؟ سنجه، من بو قدر ائششه یه م کی، سنین آياققابنین ایچینه قوم گیرسین، من ده گؤرمه یه م؟ آنا، بو نه سؤزدو دئییرسن؟ علی منه بیر تپیک ووردو و بونونون دامارلاری شیشه - شیشه خیریلتیلی سسله دئدی: اؤزوم هر گون سیزی ایزله ییرم! او آوارا اوغلان ماغازانین قاباغیندا دورور. هئی اویان - بویانا باخیر کی، خانیملاری گؤرسون. دوستلاریمین هامیسی بیلیر. دئییرلر، باجین و رفیقه سی او اوغلانلا مازاقلاشیر. آنام باشیما مؤحکم بیر قاپاز ووردو: اینشاللاه، سنی اؤلویویان تاختاسینین اوستونده گؤررهم. گؤر نه بیاییرچی لیق ائتمیسه ن! ایندی آتانا، قارداشلارینا نه دئییم؟ یئنه قولوم دان بیر چیمدیک گؤتوردو. همین آن اوتاغین قاپیسی آچیلدی. احمد قیزارمیش گؤزلی و دویونلنمیش یومروغو ایله منه باخدی. آیدین ایدی کی، سؤزلی ائشیتیمیشدی. بوغوق سسله دئدی:

آخر کی، آرزونا چاتدین؟ آناجان، بویور، تحویل آل. من اول دن بیلیردیم کی، بونون آیاغی تئهرانا چاتسا، هر گون اؤزونو بزه ییب - دوزه ییب بو قیزلا کوچه لره دوشه جک. آخیردا دآ بیزی بیاییر ائدجک. بویور، ایندی هانسی اوزله قونشولارین اوزونه باخاجاق سان؟ من قیشقیردیم: آخی من نئیلیمشه م؟ کوچه نین اورتاسیندا ییخیلیردیم. منی داواخانایا آپاردیلار، درمان وئردیلر. آنام آیاغیما باخدی. آیاغیم موتککه کیمی اولموشدو. ال وورماق ایسته دی، فریادیم گؤیه چیخدی. احمد: یاخشی گؤرک، بو

قدر آیرسیزلیق دان سونرا هله بیر سنه کۆمک ده ائدک؟! دئدی. یئنه «آیرسیزلیق» دئییر. من آیرسیزلیق ائتمیشه، یا سن؟ سن کی هر گئجه ائوه ایچکیلی گلیرسن، ارلی قادینلا گۆروشورسن. احمد اوتاغین اورتاسینا اتلاندی و آغزیم ائله بیر یومروق ووردو کی، آغزیم قانلا دولدو. دلی اولموشدوم. چیغیردیم: یالان دئییرم؟ اوزوم گۆردوم، اری ائوده اولمایاندا یاواشجا ائوینه گیردین. هم ده بیرنجی دؤنه دئییلدی. ایکینجی یومروق گۆزومون آلتینا ده یدی. گۆزلیمین قاباغیندا اولدوزلار پارلادی. بیر آن کور اولدوغومو فیکیرلشدیم. آنام قیشقیراراق دئدی: قیز، سوس! حیان اولسون! اگر بونو اونون ارینه دئمسه... آنام سیچراییب آغزیمی توتدو: سنه دئمیرم، سوس؟! باشیمی اونون اللرین دن قورتاریب بوتون حیرصیمله و گوجسوزلویومله قیشقیردیم: مگر سیز بیلیمیرسیز کی، او، هر گئجه ائوه ایچکیلی گلیر؟ ایکی دؤنه آداما بیچاق چکیب، پولیسه آپاریبلار. بونلار آیرسیزلیق دئییل؟ اما من یازیق بیر دؤنه داواخاناده درمان آلمیشام، بو، آیرسیزلیق دی؟ بیر -بیرینین دالینجا ده یه ایکی شیلله قولاغیمین ایچینی آغرتدی. اما ساکیتلشمه ک بیلیمیردیم.

سوس، قیز! او، کیشی دی، سنسه قیزسان! آنام اللرینی گۆیه توتوب آغلادی. الله، سن اوزون کۆمک ائله. کیمه پناه آپاریم؟ سنی تیکه -تیکه اولاسان. اوتاغین اورتاسیندا حالسیز دوشموشدوم. اوزومو چوخ چاره سیز گۆروردوم. گۆزلیمین یاشی اؤز - اؤزونه آخیردی. علی له احمد ده حیطده پیچیلداشیردی. آتامین بوغوق سسی مطبخ دن اونلارین سۆزلرینی کسدی:

علی، بسدی! سوس! علی، بسدی. گئت، کوچه باشیندان چۆرک آل، گتیر. آخیر کی، آنام الینین بوینونون آرخاسیندان ووراراق کوچهیه گۆندردی. آتامین «یا الله!» دئیهن سسینی ائشیتدیم. هر دؤنه ایچری گیرهن ده بئله ائله بیردی. ائویمیزده بیزدن باشقا قادین اولماسا دا، آتام یئنه ده ایچری گیرهنده اؤز گلمه یینی اعلان اندیردی. آنام سوروشدو: موصطافا بی، نه تئز گلیمیسینیز؟ بو سویوقدا هئچ کیم آلوتره گلیمیر. دئدیم، تئز باغلایم. ندی؟ نییه ال -آیاغم بیر -بیرینه دولاشیر؟ حووضون قیراغیندا اوتوران احمددی؟ یاخشی، دئمهلی، او دا گلیب. محمود نجه؟ یوخ، محمود هله گلمه ییب. اونا گۆره دئدیم. همیشه محمود سیزدن تئز گلردی. یوللار چوخ پیس دی. موتوسیکلئتینی ده گۆتورمه ییب. گرک ماشینلا گله. یقین، ماشین تاپماییب. بو قار -بوزدان دا جانیمیز قورتارمیر. ائله بیل بو ایل قیش قورتارماق ایسته میر. خانیم، تعطیل دی کی، اوشاقلار ائوه گلیبلر؟ آتام احمدله چوخ آز دانیشاردی. کینایه لری ده دیوارا دئیردی، قاپی ائشیت سین. احمد دیللهن دی: تا کی بو ائوده منیم تکلیفیم قبول اولونماییب، من ایشه گئتمه یه جه یهم. آتام الینی قاپنین چرچیه سینه دایاییب آیقاقاییلارینی چیخارتدی. دهلیزین چیراغینین نورو اوتاغین بیر قیسیمینی ایشیقلا ندیریردی. من قارالیقدا کورسونون کاناریندا بیخیلیب قالمیشدیم. او، منی دوز

عمل لی گۆره بیلیمردی. مسخره ایله دئدی: عجب. بیز بو آغایا سۆز دئمک عوضینه، او، بیزه تکلیف وئریر سیزینله یوخ، او پوزغون قیزلا! آتامین رنگی کریچ کیمی آغاردی: اوتان! هئچ بیلیرسن نه دانیشیرسان! باجینین ناموسو سنین ناموسوندو. اوتانمیرسان؟ بسدی، آتا. بو قیز بیزده آبر قویمايیب. باشینی یئرین آلتیندان چیخارت و منه آز ایلیش. سنین روسوایچیلیغین سسینی بوتون محله ائشیدی. سنسه قولاقلارینا پامبیق تاخمیسان کی، ائشیتمه یه سن. تئر وضعیتیه اله آلدی: بسدی، بسدی! آخشام یئمه یینی حاضیرلاییرام. گل سوفره نین اوجوندان توت. فاطی هاراداسان؟

بوتون بو وخت عرضینده فاطمه یاتمیشدی، اونون وارلیغینی هئچ کیم حیس ائتمیردی. تلسیک مطبخه قاچیب بوشقابلاری انامدان آلاراق کورسونون اوستونه قویدو. آتام دوداقلاریمی، قانلی بورنومو تزه جه سیلیب قورتارمیشدی.

مندن سوروشدو: بونو کیم ائدی؟ احمد؟ الین سین سین، ناکیشی! من اولموشم کی، منیم آرواد -اوشاغیملا بئله داورانیش ائدیرسن. شومر ده خالقین آرواد -اوشاغیملا بئله داورانیش ائتمزدی. احمد دونقولدان دی: به -به! ایندی خانیم پاک اولدو، بیز اولدوق شومر. آتا، سنین قیزین بیزده آر -ناموس قویمايیب. سنه واجب دئیلسه، منه واجب دیر. هله آداملار آراسیندا حۆرمتمیم وار. قوی علی گل سین، اؤزون دن سوروش، نه گۆروب؟ خانیم داواخانا شاگیردیله هامینین گۆزو قاباغیندا مازاqlاشیر. من قیشقیردیم: آتا! آلاها آند اولسون کی، یالان دئییر. ننه مین تورپاغینا آند اولسون. آیاغیم آغرییردی. بیرنجی گون سینان دا آغرییان کیمی آغرییردی. کوچه نین اورتاسین دا بیخیلیردیم. پروانه منی داواخانایا آپاردی. اورادا آیاغیمی یوخاری قویدولار، درمان وئردیلر. علی ده اورادا ایدی. پروانه نه قدر چاغیردی، دئدی، گل کۆمک ائله، آپاراق ائوه، گلمه دی، قاچدی. من ائوه چاتار -چاتماز دوشدولر جانیم... آغلاماغا باشلادیم. آنام اوتاق دا بوشقابلاری دوزوردو. محمود دیرسیینی تاخچایا دایاییب منیم باشیمین اوستونده دورموش دو. ساکیتلیکله بو گرگین لییه باخیردی. احمد وحشی کیمی اوتاغین قاپیسینا چاتیپ ایکی طرفی توتدو و قیشقیردی: دی، دی، کیم سنین آیاغینی ماسانین اوستونه قویوب اووردو؟ سن ده گولوردون، عیشوه کارلیق ائلییردین. دی، هر گون یولونون اوستونده دوروب سنه سالام وئریر، اؤزونو سنین نؤکرین ائدیر. محمودون اوزو دؤن دو. قیزاردی و دوداغینین آلتین دا نسه دئدی. آتا، بو برکته (علی همین وخت قولتوغون دا تزه چۆرکله ایچری گیردی. یئنی چۆرین ایی اوتاغا دولدو) آند اولسون کی، یالان دئییر. من بیلیرم کی، او، گیزلینجه پروین خانیمین ائوینه گئدیر، اونا گۆره بو سۆزلری چیخاردیب. احمد یئنه منه هوجوم ائتدی. آتام اللرینی قاباغا توتوب دئدی: الینی سال آشاغی. بو

سۆزلر معصومه یه یاراشماز. مودیرهلری دئییردی، بوندان عقللی و نجیب خانیم مکتبلرین ده یوخدور. هه ده، بوتون مکتب نجیب خانیملارلا دولودور! سوس! نه دئدیینی بیل! علی دیلله ندی: دوز دئییر، آتا، اؤزوم گۆردوم، آیاغینی قویدو ماسانین اوستونه، اووخالادی. یوخ، آلاها آند اولسون، آتا، آياقاييم دان ياپيشميش دى. آياغيم دا ساريقلي دير آخی، هئچ کیمین علی آياغیما ده یمز. حکیم نامحرم دئییل آخی. سادهجه، آياغيمين هاراسی آغريدیغینی سوروشوردو سن دئدین، بیز ده اینانديق! سن الله، ۲۰ کیلولوق قیز بیزی بارماغین دا اوینادیر. بیز اؤزوموز بو ایشلرین اهلییک. آتانی ائششک یئرینه قویورسان! سوس، احمد! یوخسا آغزیندان ائله وورارام! گل، گل، نییه دابانیرسان. آنجاق بیزی وورا بیلیرسن! علی، نییه سوسموسان؟ گل، منه دئدیکلرینی بونلار دا دئ. علی دیلله ندی: اؤزوم گۆروردوم، بو داواخانا شاگردی یولون اوستونده دایانیر، بونلار سلام وئیر، بونلار دا جواب وئیر، بیربیرلرله پیچیلدایب گولورلر. یالان دئییر، من اون گوندو، اوخولا گتیمیرم. او، پروانه نین آتاسینی تانییر. درمانلارینی پروانه یه وئیر. اونا گۆره ده سلام وئیر. اناام سینه سینه دؤیوب دئدی: پروانه نین قبری اودلانسین. بایقوش! هر نه وار، اونون باشینین آلتیندان چیخیر. نییه بس اونو ائوه گتیریرسن؟ من دئدیم آخی، او، بیزه گلمه سین. نئینیم آنا، گلیریک، درس اوخویوروق. علی احمدی چکدی و قولاغینا نسه دئدی. نییه یاواش دئییرسن؟ دئنه، هامی ائشیتسین. علی دئدی: کیتاب دئییل، آنا، باشقا شئیلردی. او گونو اوتاقلارینا گئتدیم، کاغیذلاری آياقلارينين آلتيندا گيزلتيدي. ائله بیلدیلر، اوشاغام. دور، دور، کیتابلارینی آختار. گۆر تاپا بیلرسن. اناام دئدی: قیز گلمه میش آختاردیم. هئچ نه یوخ ایدی. اوریم شدتله چیرپیندی. اگر چانتامی آختارسالار، هر شئی الدهن گئده جکدی. یاواشجا گۆزومله آختاردیم. آرخاما دوشموشدو. یاواشجا اونو کورسو یورغانین آلتینا ایتله دیم. محمودون سویوق سسی بیر آن سوکوتو سیندیردی: نسه وارسا، چانتاسیندادی. یورغانین آلتینا ایتله دی. ائله بیل بیر وئدره سویوق سویو باشیما تۆکدولر. بده نیم قورودو، دلیم لال اولدو. علی بیر حمله ایله چانتامی چیخاردیب ایچین ده کیلری کورسونون ایچینه تۆکدو. هئچ نه ائده بیلیمیردیم، ایفلیج اولموشدوم. مکتوبلار کیتابلاریمین آراسیندان یئره دوشدو. احمد حمله ایله هامیسینی گۆتوردو. تله سیک بیرینی آچدی. ائله سئوینیردی کی، ائله بیل دونیانین ان بؤیوک موکافطینی آلمیشدی. هیجان دان سسی تیتیریردی: بویور، بویور، آتاجان، قولاق آس. کئف ائله. «مؤحترم خانیم قیز، هله اؤزومه ایجازه وئرمه میشم...» حیرص، قورخو و اوتانجدان قیورانیردیم. یئر - گۆی باشیما دولانیردی. بعضی یئرلرینی اوخویا بیلیمیردی. ایندی بورایا قولاق آس. «سینه م

بیلیم ندى سنين قمينين قوبارين دان. بير گولوش دو بو آينادان... آى شرف سيز! آنانى... بير گولو گؤسترين اؤزو ده هز وئردين منه». باخ،

بو دا جاوابی دير. به -به، خانیم جاواب دا یازیب؟ محمودون بوینونون دامارلاری شیش دی، رنگی قیزاردی، چغیردی:

دئمه دیم؟ بیر قیز کی هئی اؤزونه باخا، حجاب سیز کوچه لره، یوللارا دوشه، تهرانی مکتبیین ده اخلاق سیز اولار؟

بو قدر قوردلارین آراسیندا سالامات قالماز. ائله هئی دئدیم، بونو اره وئرك. دئدیلر، یوخ، گئتسین اوخولا، عاشیقانه مکتوب یازماق اؤیره ن سین. هئچ بیر مدافعه مومکون دئییلدی. ائله سلاح سیز ایدیم کی، قورخو و نیگارانچیلیقلا آتما باخدیم. رنگی قاچمیش دی. دوداقلاری تیتیریددی. هر آن یئره ییخیلاجاغینی فیکیرلشیردیم. مات و قارالمیش گؤزلرینی منه طرف دیک دی. گؤزلدیمین عکسینه، اونلارین ایچینده هئچ هیرس یوخ ایدی. بلکه درین بیر سارسیستی آخمایان گؤز یاشینین ایچینده پاریلدا ییردی. دوداغینین آلتیندا دوقولدان دی: بو ایدی منیم سنه چکدیم زحمتین عوضی؟ وئردین سؤزه یاخشی عمل ائتدین. یاخشی قورودون ناموسومو! بو باخیش و بو کلمه لر یئدیم بوتون کؤتکلردن آغریلی ایدی. ائله بیل اوریمه بیر خنجر ووردولار. آغلادیم. بوغولموش و تیتیره یه ن سسیمله دئدیم: آلاها آند اولسون کی، هئچ نه ائتمیشمه. آتام آرخاسینی منه چئویریب دئدی: بسدی، سوس. پالتوسونو گؤتوروب ائوده ن چیخدی. گتیمینین معناسینی آنلادیم. او حمایه سینی چکیب، منی ائودکیلره تاپشیردی. احمد هله ده مکتوبلاری او یان -بو یان ائدیردی. بیلیردیم کی، دوز -عمل لی اوخویا بیلیم. اما اؤزونو ائله گؤستیریدی کی، گویا هامیسینی آنلاییر. چالیشیردی سئوینجینی غضبین آرخاسیندا گیزلتسین. اوزونو محمودا توتوب دئدی: ایندی بو باشیمزا گلن آیرسیزلیقلا نیلیک؟ حرامزاده فیکیرلشیر کی، بیز ده اونلاردانیق. صبر ائله، اونا ائله بیر درس وئریم کی، حظ آلسین. قانینی تۆکمیینجه دایانینا یا جاغام. قاچ، علی، قاچ، بیچاغیمی گتیر. محمود دئدی: اونون بیزیم ناموسوموزدا گؤزو وارا! اونون قانی حالادی! بو دا سند. اؤز خطی ایله. قاچ، علی، بیچاغی قویموشام یوخاری داکى دولابا! یئنه قیزیشیب قورخویلا قیشقیردیم: اونونلا ایشینیز اولماسین. او کی هئچ نه ائتمه ییب! احمد گوله رک اوزونو آتما توتوب دئدی: گؤرورسهن، آنا، اؤز معشوقونو مدافعه ائدیر؟ بونون دا قانی حالادی، محمود، ائله دئیل! آنام گؤزو یاشلی باشینا اللرینی چیریب دئدی: الله، گوردون باشیما نه تورپاق اله دین؟ جیرین یانسن، قیز! بو نه آیرسیزلیق دی؟! کاش زرینین یئرینه سن اؤلئیدین. گور باشیما نه اویون گتیردین؟! علی بیچاقلا آشاغی قاچدی. احمد گونده لیک ایش دالینجا گئدن کیمی یئردن قالدی و بیچاغی علی دن آلدی. بیچاغین اولگوجو چیراغین ایشیغینین آلتیندا پاریلدادی. اونو منیم

قاباغیما توتوب دئدی: هاراسینی ایسته بیرسن گتیریم؟ بونو دئییب سیرتیقجا گولدو. چیغیردیم: یوخ، یوخ! اونون آیاغینی قوجاقلایب یالواردیم. سنی آند وئریم آلاها، اونولا ایشین اولماسین.

من آیاغیندان سالانمیشدیم، محل قویمایب قاپیا طرف گتیدی. قاپیا چاتاندا بیر موردار سؤیوشله آیاغینی مؤحکم ترپه دیب اللریمدن چیخارتدی. اونون آرخاسینجا قاچان علی مؤحکم بیر تپیکله منی پیللهرلرین اوستوندن حیطین اورتاسینا آتدی. احمد قیشقیردی: آغ جیهه رینی گتیرهجهیم! سونرا قاپینی مؤ حکم باغلادی. حیس ائله دیم کی، قابیرغالاریم سیندی. نفس آلا بیلمیردیم. اما اصل آغری اوریمده ایدی. ایندی سعیدله نئجه داوراناجاقلاری فیکری باشیمدان چیخمیردی. اوجا سسله آغلائییردیم. حووضون قیراغیندا قارلارین اوستونده اوتورموشدوم. بدهنیم تیتیرییردی،

اما اوشوموردوم. آنام ماحمودو چاغیردی کی، بوندان آرتیق بیاییرچی لیق چیخارتمادان منی اوتاغا آپارسین. محمود ایسته میردی منه ال وورسون. ایندی اونون نظردن ده من نجیس کیمی موردار ایدییم. تا کی قریبه بیر آجیخلا پالتاریمدان یاپیشیب، مؤحکم بیر حرکتله منی حووضون یانیندان آیریپ حیطین ایکی پیلله سیندن یوخاری چکدی، اوتاغین اورتاسینا آتدی. باشیم قاپنین قیراغینا ده یدی. قانین ایستیلیینی اوزومده حیس اندیردیم. آنام محمودا دئدی کی، گئت احمدین دالینجا. قویما باشینا ایش آپسین. قورخما، نه ایش گؤرسه، حاقیدی. بونو دا گرک اولدوره. سونرا ائودهن چیخدی. ائوی سوکوت بورودو. آنام دیلینن آلتیندا اؤزویله دانیشیب آغلائییردی. من هیققیلدا ماغیمین قارشیسینی آلا بیلمیردیم. فاطمه نین رنگی سارالمیشدی. اوتاغین بیر کونجونده دایانیب دیرناقلارینی یئیه رک منه گؤز دیکمیشدی. باشیمدا قریبه حیس فیزلانیردی. زامانین کئچمه یینی بیلمیردیم. نه قدر وخت کئچدیینی بیلیرم، قاپنین سسیله اؤزومه گلدیم. دهشتله یئریمدن آتیلدیم. احمد قیزارمیش گؤزلری و چیرکین گولوشو ایله قاپنین اورتاسیندا دایانندی. قانلی بیچاگی گؤزلریمین قاباغینا توتوب دئدی: گل، یاخشی باخ. بو، سنین معشوقونون قانی دیر. اوتاق باشیما دولانندی. قارا بیر پرده تدریجه ن گؤزلریمین قاباغینی توتدو. درین بیر قویویا دوشدوم. اطرافیمدا کی سسلر آزالیردی. دایانینا هئچ حالیم یوخ ایدی. زری اولوردو. اوزونون رنگی فرق لی ایدی. چتین نفس آلیردی. سینه سی خیشیلدا ییردی. قارنی تئز - تئز آشاغی - یوخاری گئدیردی. من ده یورغان - دؤشه بین آرخاسیندان باخیردیم. دیرناغیمی چئینه ییردیم. حیطده کی سسلر قورخومو چوخالیدیردی. موصطافا بی، حالی چوخ پیس دیر. گئت، حکیم گتیر... نهم دئییردی: هئچ نه اولماز. اوغلو مون اوره یینی اوزمه. سن هر شئی چوخ بؤیودورسه ن. اوت - علف قاینامیشام، ایندی وئرهم، سن گلنه قدر دوزه لر. گئت، بورادا دایانینا. گئت،

ننه، خیالین راحت اولسون. قیزلار اؤلمزلر. زری الیمی توتوموشدو. بیر قارانلیق ماغارانین ایچین ده قاچیردیق. احمد بیچاقلا آرخامیزجا گلیردی. هر قدهمله نئچه متر بیزه یاخینلاشیردی. ائله بیل اوچوردو. بیز قیشقیریردیق. اما اونون اوجا سسله گولیمی ماغارادا عکس -صدا وئریردی. دئییردی: باخ، قان! قان! ننه دملدیکلرینی زورلا زرینین بوغازینا تۆکوردو. آنام باشینی قوجاقلاییب بارماقلاریلا آغزینین ایکی طرفینی سیخیردی. زری حالسیزدی، هئچ ترپه نمیردی. ننه مایئنی اونون آغزینا تۆکوردو، اما او اودا بیلیمیردی. آنام اوزونه اوفلییردی. زرینین نفسی کسیلدی. اللرینی، آياقلارینی ترپدی، اینانیلماز بیر سسله نفس آلدی. آنام آغلایاراق دئدی: عوذرا خانیم دئییرلرکی، حره مین یاخینلیغیندا بیر حکیم وار. گرک اونون یانینا آپاراق. قلت ائدیر، قالد آياغا، یئمکلرینی دوزلت. ایندی ارین اوشاقلارین گله جک.

ننه زرینین باشینین اوستونده دوعا اوخویوردو. زرینین رنگی قارآلمیشدی. اینانیلماز -قرايب سسلر چیخیردی بوغازیندان.

ننه حیطه قاچیب چیغیردی: طیبه! طیبه! قاچ، حکیم گتیر. سونرا زرینین الینی توتوب، ساچلارینی سیغالادی. رنگی قارآلمیشدی. کیرپیکلرینی بیر -بیریندن آرآلادی. گۆزلری بؤیوموشدو. گۆزلرینین آغی قانلا دولو ایدی. منیم الیمی سیخدی. قان گۆزلریندن ائشیه گلیردی قورخدوم. بالیشدان آیریلدی. باشی یئر دوشدو. الیمی زورلا الیندن چکدیم. قاچیب یورغان -دۆشه بین آرخاسیندا گیزلندیم. ال -آياغی ترپه نیردی. قولاقلاریمی توتوب، باشیمی بالیشا سیخدیم. ننه اود دولانديرانی حیطین اورتاسیندا توولاییردی. اود دولانديران هئی بؤیویوردو، اندازه سی حیطی توتوموشدو. ننه مین سسی قولاغیمدا ایدی، دئییردی، قیزلار اؤلمزلر. زری یاتمیشدی. ساچلارینی اوخشیاییردیم، اما او، سعید ایدی. باشی بالیشدان دیغیرلانیب یئر دوشدو. چیغیردیم، اما سسیم بوغازیمدان چیخمادی. کابوسلارین سونو یوخ ایدی. هر نئچه واختدان بیر اؤز چیغیرتیمدان ترلمیش حالدا یوخودان اواینیردیم و یئنه ده قویویا دوشوردوم. بیلیم ننه قدر واخت ایدی کی، من بو حالدا ایدیم. بیر گون آياغیمین یانیناسیلا اوایندیم. سحر ایدی، ایسپیرتین اییی اوتاغی بوروموشدو. بیر نفر منی دؤندریب دئدی: آيیلیب. خانیم، باخین، آلاها آند اولسون، آيیق دیر. منه باخیر. اوزلر هله آیدین دئییلدی، اما سسلری تانیییردیم. ایلاهی، اؤزون دادیمیزا چات! خانیم، اؤزونوزه گلین. سولو بیر شوربا دوزلدین، بوغازینا تۆکون. بیر هفته دیر، هئچ نه یئمهییب. معده سی ضعیف دیر. گرک یاواش یاواش یئمک وئر سینیز.... گۆزلریمی یومدوم. هئچ کسی گۆرمک ایسته میردیم. ایندی توپوق سویو حاضیر اولار. آلاها یوز مین دؤنه شوکور. بو مودتده بوغازینا نه تۆکدومسه، قایتاردی. دونه دن قیزدیرماسی ائیب. بیلیم کی، آيیلاجاق. یازیق اوشاق! بللی دئییل، بو قده ر ساییقلاما هارادان بو اوشاغین بده نینه تۆکولوب. وای، پروین خانیم،

گۆرورسەن، نەجە بدبختەم؟ بو نەجە گوندە من دە بو اوشاقلا یوز دۆنە اۆلوب دیریلیمشەم. بیر یاندان گۆزومون قاباغیندا سولوب گئدیر، دیگر یاندان دا بو قارداشلارینین طعنەسى... آبریمی تۆکورلر کی، بو قیز ندی، دوغموسان. جانیم اود قالانیب...هئچ آغریم یوخ ایدی. حالسیز یورغان -دۆشکده اوزانمیشدیم. حرکت ائده بیلیمیردیم. الیمی یورغانین آلتیندان چیخارتماق ایستەیه ندە ائله بیل بیر داغ آشیریردیم. چوخ ضعیفلە میشدیم. کاش کی ائله بئله جە ضعیفلە ییب اۆلیدیم. منیم بو دونیادا ایشیم یوخ ایدی.بیر دۆنە دە اۆزومە گلندە آنام باشیمی دیزینین اوستونە قویموشدو. ایستە بیردی زورلا آغزیمدا شوربا تۆکە. اونا مقاومت گۆستریب ترپدیردیم. قوربان اولوم، بیر قاشیق ایچ. گۆر نە گونە دوشموسن. الله سنین دردینی منە وئرمەسین!بیرینجی دفە یدی کی، اوندان بئله سۆزلر ائشیدیردیم. منە نە واختسا بئله شیرین سۆزلر دئدینی خاطرلایمیردیم. همیشه جانیندان چوخ ایستیدی بۆیوک اوغلانلاری ایله مشغول ایدی. من اورتادا ایتیمیشدیم. نە بیرینجی ایدیم، نە سونونجو، نە دە اوغلان. بلکه دە زری اولماسایدی، ایندییه قدر اونودولموشدوم. فاطمە کیمی بیر کونجده گیزلنردیم. هئچ کس اونو گۆرموردو. هئچ اونون دونیا یا گلە یی یادیمدان چیخمیر. نەمە دئیەندە کی، اوشاق قیزدی، نەم اۆزون دن گتتمیشدی. فاطمە دن اول آنامین ایکی اوشاغی دوشموشدو. دئییردیلر کی، بو باشیئەن قیز اۆزون دن اول ایکی اوغلانین باشینی یئییب. باشا دوشە بیلیمیردیم کی، او اوشاقلارین اوغلان اولدوغونو بیزیمکیلر نەجە بیلیرلر. فاطمە بیزیم ائویمیزدە بیر کۆلگە کیمی ایدی. شوربا یورغانین اوستونە تۆکولدو. آنام دوردو، دئیینە دئیینە اوتاقدان چیخدی. گۆزلریمی آچدیم، آشام ایدی. فاطمە یانیمدا اوتورموشدو. بالا جا اللریلە ساچلاریمی کنارا سیغالاییردی. او نەجە سادە و معصوم ایدی! اونا باخدیم. ائله بیل اۆزوم ایدیم -زینین باشینین اوستوندە دایانمیشدیم. گۆز یاشینین ایستیلیینی یاناقلاریمدا حیس ائله دیم. فاطمە آغلادی: بیلیردیم کی، اویا ناجاقسان. سن الله، اۆلمە باجی! آنام اوتاغا گلیردی. گۆزلریمی یومدوم. گنجه ایدی. هامینین سسینی ائشیدیردیم. ...سحر گۆزلرینی آچدی. اۆزونە گلمیشدی. اما نئیلدیمسە، آغزینا بیر قاشیق دا تویوق سویو تۆکە بیلە دیم. حالی یوخدو یئرین دن ترپەنمەیه. بیلیمیرم کی، بو قدر گوجو هارادان تاپیر؟ سحر پروین خانیم دئییردی کی، آرتیق داوا - درمانلا چوخ ساخلاماق اولماز. اگر یتمک یئمەسە، اۆلر. آتام دئدی: بیلیردیم کی، بئله اولاجاق. آنام حاقلی ایدی. بیزە قیز دوشمور. ساغالسا دا، بیر فرقی یوخدور. بو ناموسسوزلوق دان سونرا... د اها هئچ نە ائشیتە دیم. ائله بیل هر شئی اۆز الیمدە ایدی. ایستەیه ندە گۆروب ائشیدیردیم، ایستەمه یە ندە سوکوتا قرق اولوردوم. اما کابوسلار منیم الیمدە دئییلدی. تصویرلر گۆزلریمدە اویناییردی. احمدین بیر الین دە قانلی بیچاق، دیگر الین دە فاطمە نین کسيلمیش باشینی گۆروردوم. منە طرف

قاجیردی. فاطمه نین باشینی منه طرف آتدی. چالیشدیم توتوم، اما آلینمادی. درهیه دوشدو. آشاغیا باخدیم. زری و سعید سینمیش و قان ایچین ده، آشاغی دا ایدیلر. اؤز قیشقیریق سسیمه او یاندیم. بالیشیم جومجولوق سو ایدی. آغزیمدا پیس قورولوق حیس ائدیردیم. آنامین سسی گلدی: نه دی، نه؟ یئنه باشلادین؟ قویاجاق سان آدام کیمی یاتاق؟! سونرا الین ده کی سویو بوغازیما تۆکدو. ایختیارسیز اودوردوم. سحر هامینین سسیله او یاندیم. یئمک یئیردیلر. آنام دئییردی: دونه ن گنجه یئنه قیزدیرماسی قالخمیش دی. چیغیردی. سسینی ائشیتدینیز؟ محمود: خئیر، دئدی. احمد: قویاجاق سان بیر تیکه بو زهریمار بوغازیمیزدان کئچسین؟! - دئدی. احمدین سسی خنجر کیمی اورییمه گیردی. ایمکانیم اولسایدی، قالخیب اونو تیکه تیکه ائدردیم. هامیسینا نیفرت ائدیردیم. آرخامی چئویریپ اوزومو بالیشا سوخدوم. کاش تتز اولیدیم. بو داش اورک اینسانلاردان قورتولاردیم. اینه نین سیز یلتیسیندان گۆزلریمی آچدیم. یاخش، او یانمیسان. گۆزلرینی یالاندان یومما. ائشیتدیم، هله ده هئچ نه یئمیرسن. ایسته بیرسن گوزگو گتیریم، اوزونو گۆره سه ن؟ ائسکئلئت کیمی اولموسان. گئدیب «کا روان» قنادی سین دان بیسکویت آلمیشام. چاپلا الا گئدر. خانیم صادقی، معصومه او یانیب. چای گتیر، اؤزو ده بؤوک ایستکان دا. مات مات اونا پروین خانیم باخیردیم. بو قادینین نجه آدام اولدوغونو بیلیمیردیم. هامی آرخاسینجا دانیشیردی. دئییردیلر، ارینین گۆزون دن اوزاق لاشان کیمی یاد کیشیلرله اوتوروب دورور. بو، منیم اوچون چوخ ایرنج بیر شئی ایدی. اما بیلیمیرم، نه یه گۆره سه هر دؤنه اونو گۆره ن ده نیفرت حیس ائتمیردیم. بو چیرکین لیکلری اونون ووجودون دا گۆرموردوم. ساده جه، بونو بیلیردیم کی، اونونلا ایلگی ده اولماق ایسته میرم. آنام دو لو ایستکان چاپلا ایچری گیردی: آلاها چوخ شوکور، چای ایچمک ایستیر؟ بلی، بیسکویتله چای ایچمک ایستیر. قالخ، خانیمیم، قالخ. الینی کوریمه قویوب، منی دیکلئتدی. آنام بیر نچه بالیشی آرخاما قویدو. ایستکانی آغزیم یاخینلاشدیردی. اوزومو چئویردیم، آغزیمی مؤحکم باغلادیم. ائله بیل بوتون ائنیژی می بونا گۆره ساخلامیشدیم. آنام دئدی: قویمور. او قدر آغزینی آچمایاجاق کی، هامیسی تۆکوله جک. سیز ناراحت اولمایین. من وئره م. گون اورتایا قدر بورادا اوتورارام. ایچمه یه نه قدر گئتمره م. سیز گئدین. راحت اولون. آنام دئیینه دئیینه اوتاقدان چیخدی. گۆزل قیز! یاخش قیز، آغزینی آچ، بیر قاشیق یی. او گول کیمی درینه حئیف دئییل می، سارکۆک کیمی سارالیب؟ او قدر آغلامیسان کی، فاطمه سندن اتلی جان لی گۆرونور. سنین کیمی گۆزل بیر قیز گرک هله چوخ یاشایا. اگر یئمک یئمه سه ن، اؤله جکسن. بیلیمیرم، باخیشیم دا نه گۆردو کی، دوداقلارین دا بیر طعنه لی گولوش حیس ائله دیم. ساکی تچه منه باخدی. سونرا نسه یئنی بیر شئی تاپان آدام کیمی دئدی: بلی، سن بونو ایسته ییرسن. سن اؤلکمک ایسته ییرسن. من نه قدر

اٹششیه.م. نییه بونو تتر آنلامامیشام. بلی، سن ایسته بیرسن کی، اؤله سەن. اما نییه؟ مگر عاشیق دئییل سەن؟ بلکه ایستیینه چاتدین... آلاها اینانمیرسان؟! نییه اؤزونو اؤلدورمک ایسته بیرسن؟ سعید ناراحات اولار ها... سعیدین آدینی ائشیت جک گۆز لریم آچیلدی. نه دی، اولمایا، اونون سنی سئومه دینی فیکرلشیرسن؟

قورخما، عشقین ده شیرین لیگی بئله شئیلرده دیر. پروین خانیم بونو دئییب الینی قاباغا اوزاتدی، چایی آغزیم تۆکمیه چالیشدی. بوتون گوجومله الینی توتوب اؤزومدن کنار ایتله دیم: دوزونو دئنه. مگر سعید ساغدی؟ البته، نییه فیکرلشیرسن کی، او اؤلوب؟ آخی احمد... نه احمد؟ احمد اونو بیچاقلادی. دوزدو، اما اونا بیر شئی اولمادی. سن او واخت قانلی بیچاگی گۆروب اؤزوندن گئتمیسەن. گئجه چیغیرماقلار دا بونا گۆره دیر. من بدبختین اوتاغینین دیواری دا سنین دیوارینا یاپیشیق دی. هر گئجه سسینی ائشیدیردیم. دئییردین: «یوخ! یوخ! سعید! سعید!» آنان آغزینی توتوردو. یقین، فیکرلشیردین کی، احمد سعیدی اؤلدوروب، هه؟ اوشاقسان. احمدین بئله باجاریغی یوخدو. هئچ ائله بیر شئی اولایلمی کی، بیر نفر گئدیپ آدام اؤلدوره، سونرا دا اورتالاردا گزه؟ یوخ، جانیم، راحت اول. او گئجه، سادهجه، قولونون اوستونه و اوزونه بیر جیزیق چکمیشدی. سونرا ماغازا صاحبلى و جناب حکیم بیر بیرلیریندن آیرمیش دیلار. حتی سعید پولیسە ده شیکايت ائتمه دی. حالی یاخشیدی. اؤزوم سحر داواخانانین قارشیسیندا گۆردوم. ائله بیل بیر هفته دن سونرا نفسیمین یولو آچیلدی. گۆز لریمی یوموب اوریمده آلاها شوکور ائتدیم. اؤزومو بالیشلارین اوستونه آتیب، باشیمی ایچینه سوخاراق اوجا سسله آغلادیم.

بایراما قدر عادى حالیم قاییتدیم. آیاغیم تامام دوزلمیشدی. هله ده چوخ آریق ایدیم. مکتبدن هئچ خبریم یوخ ایدی. حتی اونا گۆره بیر سوال وئرمه یه ده ایمکانیم یوخ ایدی. سحرلر ائوده اویان بویانا گئدیردیم. حاماما گئتمه یه ده ایجازهم یوخ ایدی. آنام ائوده سو قیزدیریردی، یویونوردوم. اطرافیمدا آجی و سویوق آب -هاوا واردی. من، اصلینده، دانیشماق ایسته میردیم. او قدر کدرلی و فیکرلی ایدیم کی، اطرافیم دقت ائتمیردیم. آنام دا همین داوادان سونرا هئچ نه دانیشماغا چالیشیردی. باخمایاراق کی، هر دن آغزیندان نسه چیخیر، اوریمی آغزیدیردی. آتام منه، عمومیتله، باخمیردی. ائله بیل یوخ ایدی. قالانلاری ایله ده آز دانیشیردی. همیشه توتقون و عصبی اولوردو. گۆزومه همیشکیندن قوجا گۆرونوردو. احمدله محمود

چالیشیردیلار کی، ایمکان اولدوقجا منیمله اوزبه اوز اولماسینلار. سحرلر تلسیک یئمکلرینی یئییب گئدیردیلر. گئجه احمد ائوه همیشکیندن گئج و ایچکی لی گلیردی. هئج کیمله دانشمادان گئدیپ یاتیردی. محمود دا تلسیک نسه یئییب مسجی ده گئدیر، یا دا اوتاغیندا گئجه یاریسینا قدر ناماز قیلیپ، دوعا اوخویوردو. اونلاری گۆرمیمیمه راضی ایدیم.

سادهجه، علی همیشه منه اذیت وئریر، پیس سۆزلر دئییردی. محل قویموردوم، اما آنام اونولا دالاشیردی. منیم یئگانه تسلییم بالاجا فاطمه ایدی. مکتبدن گلنده منی اؤپوردو. نیسگیلله منه باخیردی. نه یئییردی، منه گتیریردی و ایصرارلا یئدیزدیریردی. حتی بعضن پولونو ییغیب منه شوکولاد آلیردی. ایندی ده او، منیم اؤلمیمدن قورخوردو. بیلیردیم کی، آرتیق اوخولا گئتمک قئیری مومکوندو. اما اومید ائدیردیم کی، بایرامدان سونرا درزی لیک کورسونا گئتمه یه قویارلار. بونولا بئله، درزی لیک کورسوندان هئج خوشوم گلیمیردی. اما قاپینین او بیرری اوزونده کی حیط ده اومید و آزادلیغا آندیغیم آددیمین تک باجاسی ایدی. پروانه یه گۆره چوخ عذاب چکیردیم. بیلیمیردیم کؤلوم اونو گۆرمک ایسته بیر، یا سعیدی. قریبه ایدی. بوتون بو چتین لیکلردن، منیمله سعید اوچون دئییلن او موردار تدبیرلردن سونرا آرامیزدا باش وئره نلره گۆره پشیمان دئییلدیم. هئج بونو گونا دا حساب ائتمیردیم. بلکه ان صداقتلی و پاک حیس ائله بو ایدی. توکنمز بیر عشق ایدی قلیبیمده کی. یاواش - یاواش پروین خانیم بیزیم ماجرالاریمیزین هارا گئدیپ چیخدیغینی دانیشدی. حتی پروانه نین مؤخرهم عایله سینه ده زیان دیمیشدی. من هوشسوز اولدوغوم گئجه لرده احمد ایچکی لی حالدا اونلارین ائوینه گئدیپ و پروانه نین آتاسینی سؤیوب. دئییب کی، پاپاغینی یوخاری قوی، قیزین اخلاق سیزدی. ایسته بیردی بیزیم قیزی دا یولدان چیخاردا. مینلرله بئله موردار سۆزلر دئمیشدی. بونلاری دوشوندوکجه بده نیم ترلییردی. بوندان سونرا پروانه نین آتاسینین اوزونه نئجه باخا بیلردیم؟

خبرسیزلیک منی دلی ائدیردی. ان سونوندا، پروین خانیمدان داواخانایا باش چکمه یینی و سعیددن خبر گتیرمه یینی خواهیش

ائتدیم. پروین خانیمین بئله شئیلردن خوشو گلیردی. اما احمددن قورخوردو. دوشونمزدیم کی، وخت گلر، بیر گون پروین خانیم منیم سیرداشیم اولار. البته، هله ده اوندان خوشوم گلیمیردی. آما نه چاره؟! او، منی دونیایلا ایلگی ده ساخلایان یئگانه وارلیق ایدی. هئج کیم ده اونا اعتراض ائتمیردی. پروین خانیم سحری گونو منی گۆرمه یه گلدی. آنام مطبخده یئمک بیشیرمکله مشغول ایدی. هیجان و نیگارانیقلا سوروشدوم: پروین خانیم، نه خبر؟ گئتدین؟ گئتدیم بونلاری آلدیم و

حکیمدن سوروشدوم: «بس سعید خان هارادادی؟» دئدی: «گئدیب اؤز شهرلرینه، داها بورادا قالا بیلمزدی. یازیق اوغلاندا آیر قویمادیلار. تهلوکه لی ایدی بورادا قالماغی. دئدیم، بیردن گئجه نین بیرین ده بیچاقلائیپ ائله یرلر، اوندان نجه اولار؟ جوان لیغینا حئیفدی. قیزی دا وئرمزدیلر او دلی قارداشلاری. او دا هله لیک تحصیلینی بوراخیب، اورمیایا -عایله سینین یانینا گتئدی».

گۆز یاشلاریم اوزومو یووردو. پروین خانیم دئدی: بسدی ده، یئنه باشلاما. یادیندا قالسین، سن فیکرلشیردین کی، او اؤلوب. ایندی دوعا ائله کی، او، ساغدير. بیر آز صبر ائله. ائله کی سولار آخارینا دوشدو، او دا ترپنر. اما منه قالسا، اونو اونوتسان یاخشیدی. منجه، بونلار سنی اونا وئرمزلر. احمد هئچ راضی اولماز. بلکه آتانی راضی سالارسان. هر حالدا، صبر ائله، گۆرک اوندان بیر خبر اولاجاق، یا یوخ...

ایلین بایرامینین بیرجه گۆزل لیگی وار ایدی کی، منی ایکی دؤنه ائوده ن بایرا چیخارتدیلار. بیر دؤنه بایرام آخشامی حامامینا گتتدیک. اوندان سحر اثرکه ن دن یئر توتموشدولار کی، کوچه ده هئچ کیمی گۆرمه ییم. اکینجی دؤنه ایسه عباس امینین ائوینه بایرام گۆروشه ن گتتدیک. نچه هفته دن سونرا کوچه لر ی گۆرمه یین باشقا گۆزل لیگی وارایدی. هاوا هله ده سرین ایدی. او ایل باهارین گلمه یی ده تاخیره دوشموشدو. بایرامین ایی هر یئری توتموشدو. ائوده -ائشیک ده ائله بیل هاوا تمیز ایدی، نفس آلق قولایلاشمیشدی. عمی یولداشیملار آنامین آراسی یاخشی دائیلدی. قیزلاری بیزیمله قایناییب - قاریشمیردیلار. عمیمین بؤیوک قیزی ثوریا دئدی کی، بوی آتمیشام. عمی یولداشیم سۆزونو کسب دئدی کی، آریخلامیشام. و خسته اولدوغومدان قورخوب: یوخ، بابا، چوخ درس اوخوماق دان دی. آتان دئییر، سن چوخ درس اوخویورسان و بیرینجی شاگردسه ن. باشیمی آشاغی سالدیم. بیلیمردیم نه دئییم. آنام کومکه چاتدی: آیاغی سینمیشدی، اونا گۆره آریخلاییب. سیز ده هئچ حالینی سوروشماغا گلمه دینیز. نییه؟ آتام دئمیشدی. من دئدیم، گئدک گۆرک، اما عمیم دئدی، حالی یاخشی دئیل. سیزی گۆرمک ایسته مز. نییه آیاغین سینمیشدی؟ قاردا یئر دیمیشدیم. آنام سۆزو دییشدی:

ثوریا خانیم مکتبی قورتاردی، نییه اره وئرمیرسیز؟ وای! هله گرک اوخوسون. اونیورسسته گیرسین. هله تئزدير.

تئزدير؟ نه دئییرسن؟ گئج دی آرتیق. حؤکمه ن ار تاپین. چوخ ار تاپماق اولار. ایته داش آتیرسان، اره دییر. اما ثوریا کیمی بیر قیز هر کسی بینمیر. منیم عایله ده هامی اوخویاندی. قادین و یا کیشی. ایالت ده کی عایله لر دن فرق لی اولاراق. ثوریا دا خالقیزیلاری کیمی اوخویوب حکیم اولماق ایستئیر. بیزیم عایلو ی گۆروشلریمیزین آتماجاسیز کئچمه یی مومکون

دئییلدی. آنامین ایفراط حساس لیغی و آجیدیل لیگی هامینی اوزاقلاشدیریردی. بییم همیشه آنامین دیلینن تیکان لی اولدوغونو دئییردی. من اونلارلا صمیمی اولماغی سئویردیم. اما کتچمیشدن قالان دوشمه ن لیکلر هنج واخت بیزی راحت بوراخمازدی. بایرام تعطیلی بیتدی. من هله ده ائوده ایدیم. منیم درزی لیک کورسارینا گتتمه یالواریشلاریم دا نتیجه وئرمه دی. محمودلا احمد ائودن چیخماغیم راضی دئییلدیلر. آتام دا قاریشمیردی. ائله بیل من اولموشدوم. ائله کی ائو ایشلری بیتیردی، من یوخاری قوناق اوتاغینا گئیدیردیم و پنجره دن کوچه یه بآخیردیم. منیم دونیا یلا ایلگی م، ساده جه، بو یانپنجره ایدی. اگر قارداشلاریم بیلسه یدیلر، اونو دا مندن آلاردیلار. بوتون آرزوم پروانه ايله سعیدی بورادان گؤرمک ایدی. ایندی یاخشی بیلیردیم کی، بو ائودن چؤله چیخماغیم آنجاق اره گتتمکله مومکون اولاییلردی. بو ائوین بوتون کونج بوجاقلارینا نیفرت اندیردیم. اما بورادان قورتولماق دان اؤترو باشقا زیندانا گتتمه یی ایسته میردیم. عزیز سعیدیمه خیانت ائده بیلمزدیم. اولومه قدر اونو گؤزله مک ایسته ییردیم. حتی منی دار آغاچینا چک سه لر بئله...

بیرینجی دؤنه بیزه ائلچی گلنلر اوچ قادین، بیر کیشی ایدی. آنام جیددیتله ائوی تمیزله مکله و اشیالاری دوزمکله مشغول ایدی. محمود قوناق اوتاغینا بیر دست قیرمیزی مئبل آلدی. احمد مئپوه یله شیرنی گتیردی. اونلارین بیرلیکده حرکتی چوخ اینانیماز ایدی. بللی ایدی کی، بو ائلچینی الدهن وئرمک ایستمیردیلر. سودا بوغولان آدام کیمی سامان چؤپون دن یاپیشیردیلار. اونلاری گؤره ن ده، دوغرو دان، بیلدیم کی، سامان چؤپون دن آرتیق دئییللر. منه ائلچی دوشه ن کؤک، بالاجابوی کیشی ایدی. ساچلارینین قاباغی تۆکولموش دو. اوتوز یاشی اولاردی. بازاردا محمودلا ایشله ییردی. مئپوه یئین ده آغزیندان سس چیخیردی.

خوشبخت لیک دن، اونلار منی بیه نمه دیلر. اونلار کؤک بیر قیز آختاریردیلار. او گنجه سئوینج و ساکیت لیکله یاتدیم. سحر آنام ائلچی لیگی اطراف لی اولاراق پروین خانیم دانیشدی. اونون بئله حسرت چکمینه گولمیییم توتدو: چوخ حئییف. بو قیزین بختی قارادی. کیشی هم پول لو ایدی، هم ده عایله سی یاخشیدی. اول ده ائوله نمه ییب. هم ده گنج ایدی. گولمه ییم توتدو. کیشی مندن ایکی دؤنه یاشلی ایدی. هم ده کتچلیدی. آما، پروین خانیم، آرامیزدا قالسین، حاقلاری وار. بو قیز دا چوخ آریق دیر. اوغلانین آناسی دئدی کی، یقین، قیزینیزین بیر خسته لیگی وار. کؤپین قیزی اؤزو ده ائله ائلمیشدی کی، لاپ

خسته گۆزه ده یسین. ائله دئییرسن کی، ائله بیل اییرمی یاشیندا اوغلان ایدی. کوچده گۆردوم اونلاری. یاخشی کی، بیهنمه بییلر. معصومه یه حئییف دئییل کی، بو بالاجابوی تۆسمه رک آداما گنده؟ نه دئییم، پروین خانیم؟ بو قیز اوچون نه آرزولاریمیز وار ایدی؟ هله من هئج، آتاسی دئییردی، معصومه گرک بیر دوزاغیل لی آدامین آروادی اول. بو آبیروسیزلیقلاردان سونرا کیم بونو آلاجاق؟ یا گرک ایکینجی آرواد اول، یا دا گرک اؤزون دن آشاغی آداما گنده. خانیم، بو نه سۆزدو؟ قویون سولار یئرینه آخسین. هامینین یادین دان چیخاجاق. نه یادین دان چیخاجاق؟ میللت سوروشوب اؤیره نه جک. هانسی دوز - عقل لی اوغلانین آنا - باجیسی قویار کی، او اوغلان منیم قارابخت قیزیلا ائوله نسین؟ محله ده هامینین اونون آبیروسیزلیغین دان خبری وار. سیز صبییری اولون. یادان چیخاجاق. نییه بو قدر تلسیر سینیز؟

قارداشلاری دئییرلر، او، بو ائوده اولدوغو مودت ده بیزه ساکی تچی لیک یوخذو. آداملارین یانیندا باشیمیزی قالدیرا بیلیمیریک. مگر میللت بئله شئی یادان چیخاردار؟ یوز ایل ده کئچسه، قاپی قونشودان سوروشسان کی، بو قیز نئجه دی، هر شئی اورتایا تۆکه جک. محمود دا آرواد گتیرمک ایستیر. اما دئییر، بونا اعتبار یوخذو. بیردن منیم آروادیمی دا یول دان چیخاردار. نئجه یعنی؟ الله اوزاق ائله سین. بو کی اوشاق دان دا معصوم دور. او دا موهوم بیر شئی دئییل. اونون کیمی هر گۆزل قیز بو یاشدا بیر عاشیق تاپیر. قیزی او اوغلانین اوندان خوشو گلدینه گۆره گوناھلان دیرماق اولماز کی؟ بونون گوناھی دئییلدی. بلی. من قیزی یاخشی تانییرام. دئمیرم کی، هر شئی یئرینده دی، اما اوریی آلاھلادیر. او گون دئییردی، آرزوم بودو، زیارته گئدیم. قوم دا اولاندا هر هفته حضرتی معصومه نین زیارتینه گئدردیک. چوخ راضیلیق ائدردی. هامیسی او اود توتوموش پروانه نین تقصیری ایدی. یوخسا منیم قیزیمن آلاھا آند اولسون، هر گون تویوق - پلوو دوزلیرم. قله م شوربا، حلیم. هر گون علینی کلله - پاچا آلمانا گۆندریم. بلکه بیر آز کۆکه له و بو خسته لیک دن چیخا. الله دان قاباغینا بیر دوز - عمل لی آدام چیخاردا. اوشاق لبق دا ائشیتدیم ناغیلار یادیم دوشدو. دیو بیر اوشاغی اوغورلا بیر. اما چوخ آریق اولدوغونا گۆره یئمیردی. اونا گۆره ده دیو اونا هر گون یاخشی یئمکلر وئریر کی، تئز کۆکلسین.

بلکه اوندان یاخشی خۆرک آلینا... منیم عایله م ده ایسته بیردی کی، منی کۆکلید دیوین قاباغینا آتسینلار. او گونلر منه، بیر نۆو، "آندیریم" ائله میشدیلر. ائلچی لیک بیزیم اوچون جیدی بیر پروقرام ایدی. بوتون آداملار تاپشیریلیمشیدی کی، منه یاخشی بیر ار تاپسینلار.

بعضیلری او قدر پیس ایدیلرکی، حتی احمدله محمود دا بیهنمیردیلر. هر گنجه ناماز اوستونده دوعا ائدیردیم کی، سعید تاپیلین. پروین خانیم دان خاهیش ائدیردیم کی، هئج اولماسا هفته ده بیر دؤنه گئدیب اوندان خبر گتیرسین. بیر دؤنه حکیم دئییب کی، اورمیایا مکتوب گؤندریب. اما مکتوب گئری قاییدیب. دئییلر کی، عونوان سهودی. سعید ایتیب -باتمیشدی. سو اولوب یئره گیرمیشدی. بعضی گنجهلر ناماز قیلماق و آلاهلانیشماق اوچون قوناق اوتاغینا گئدیردیم. سونرا دا بیر مودت پنجره نین قیراغینداکی کؤلگه لره باخیردیم. نئچه دؤنه اوزبه اوز ائوین تاغینین آلتیندا بیر کؤلگه گؤروردوم.

فیکیرلشیردیم، یقین، سعیددیر. منی گؤرمک اوچون اورادا دوروب. ائله کی پنجره نی آچیردیم، هئج کیم اولموردو. یاشاییشیمین رۇیاسی بو ایدی آجی و چیرکین یاشاییشی یادیمدان چرخاریردی، او یوخودا گؤزل، کیچیک بیر ائوده من سعیدله بیرلیکده یاشاییردیم. هر گنجه ائوین شکلی، اوتاقلارین اشیالارینین دوزولمه یینی تصوور ائدیردیم. بو بالاجا ائو منیم اوچون جنت ایدی. اوشاقلاریمیزی ساغلام و خوشبخت تصوور ائدیردیم. یوخولاریمدا عشق و سعادتله دولو ایدی. سعید نومونوی یاشاییش یولداشی، خوشبخت، مئهریان، شعورلو بیر کیشی ایدی. هئج واخت منی تحقیر ائتمیردی. اونو چوخ سئویردیم. هئج بیر قادین هئج بیر کیشینی منیم سعیدی سئویدیم کیمی سئوه بیلمزدی. کاش همیشه یوخودا یاشایا بیله دیدیم. ایون آیینین اورتالاریندا، سیناوار قورتاران کیمی پروانه نین عاییله سی بیزیم محله دن گئدیلر. بیلیردیم کی، ائولرینی دییشه جکلر، اما بئله تئزلیکله اولاجاغینی بیلیردیم. سونرالار داها تئز گئتمک ایستدیکلرینی ائشیتدیم. ساده جه، اوشاقلارین مکتبینه گؤره قالمیشدیلا. آتاسی دئییردی کی، بو محله چوخ پیس اولوب. داها یاشاماق اولمور. اونلار دوز

دئییردیلر. بورا اونلار اوچون پیس یئر ایدی. بورا منیم قارداشیم کیمی آداملارین یئری ایدی. سحر ایستی ایدی. اوتاقلاری سوپوروردوم. هله حصیر پرده لری سالمامیشدیم کی، پروانه نین سسین ائشیتدیم. قاپییا طرف قاچدیم. پروانه ساغوللاشماغا گلمیشدی. فاطمه قاپینی آچدی. آنام مندن تئز چاتدی. قاپینی آچیق ساخلادی. مکتوب فاطمه نین الینده ایدی. اونو پروانه یه وئریب دئدی: تئز گئت. ایندی قارداشلاری گلر، یئنه داوا دوشر. بیر ده بونلاردان گتیرمه. خانیم، مکتوبا، ساده جه، ساغوللاشما و تزه عونوانیمیزی یازمیشام. اؤزونوز اوخویون. گره ک دئییل.

قاپنین آرخاسیندان ایکی اللریمله یاپیشدیم. زورلا آچماق ایسته بیردیم. آنام قاپینی مؤحکم ساخلامیشدی. منی آیاغی ایله ایچری ایتلییردی. چیغیردیم: پروانه! پروانه! پروانه هیجانلا دئدی: اونونلا بئله داورانمایین. او هئج بیر پیس ایش گؤرمه ییب. آنام قاپینی باغلادی. من اوتوروب زار -زار آغلادیم. حیس ائدیردیم کی، آخیر پناهیمی، سیرداشیمی الدن

وئرمیشه. آخیرینجی ائلچی احمدین دوستو ایدی. بعضن فیکیرلشیردیم، نئجه اولور، بو آداملاری تایپرلار؟ مثلن، احمد دوستونا نئجه دئییر، منیم باجیم ائوله نمه یه حاضیردی؟ منی رئکلام ائدیرلر؟ ایکی آدام منیم حاقیمدا دانیشیرلار؟ بونو بیلیردیم کی، او آدام هئچ سئومه لی بیر دئییل. قصاب عسگر بی یاشدان و داورانیشدان احمد کیمی کاساد ایدی. باری بابات بیر ساوادی دا یوخ ایدی. دئییردی، کیشی گرک قولونون گوجو ایله چۆرک یئییه. نه اینکی اوخوموشلار کیمی بیر طرفده اوتوروب هئی کاغیز قارالایا. احمد دئییردی، او هم پولودو، هم ده بو قیزی یاخشی ییغیشدیرا بیلر. منیم آریخلیغیما گۆره ده دئییب کی، عئیبی یوخ، بئله سینه یاغلی - اتلی یئمە ک وئره م، بیر آیا کوپه کیمی اولار. بیرجه بو مسئله واردی کی، او، شورگۆزدو. بیر بدھئییت قوجا آناسی دا وار ایدی. مجلسین اولین دن آخیرینا کیمی یئدی و اوغلونون سۆزلرینی تصدیق ائتدی. بو ائلچینی هامی بیه ن دی. بو اوغلانین آروادی اولمادیغینا و جاوانلیغینا گۆره آنام دا بیه ن دی. احمد ده دوستو اولدوغونا، «جمشید» کافی سینین داواسیندا اونا ضمانت ائتدینه، اونا حبس خانایا دوشمه یه قویمادیغینا گۆره اونون چوخ مؤتبه ر اولدوغونو دئییردی. آتام دا قصاب ماغازاسینین یاخشی گلیری اولدوغونا گۆره راضیلیق وئردی. محمود دا دئدی: یاخشیدی، صاحبکاردی، گوجو ده وار. بو قیزا صاحب لنه بیلر. ایری آددیم آتماغا قویماز. بو ایشی نه قدر تئز قورتارسانیز، یاخشی اولار. منیم فیکریم هئچ کیمه ماراقلی دئییلدی. من ده اونلارین هئچ بیرینه بو جور شعورسوز، کیفیر، ساوادیسز، حتی ائلچی لیک گونو ات ایی وئرن آداما نیفرت ائتدیم دئمە دیم. سحر پروین خانیم نیگارانچیلیقلا بیزیم ائویمیزه گلیب دئدی: ائشیتیمیشه م، معصومه نی قصاب عسگره وئیرسینیز؟ سیز الله، بونو ائتمه یین. بو کیشی بیچاق چکهن، آراق ایچنین بیرید، اوسته لیک ده آرواد باز دیر. هئچ اولماسا آراشدیرین. یئرسیز دانیشما، پروین خانیم. سن یاخشی بیلیرسن، یوخسا احمد؟ اؤزو هر شئی بیزه دئییب. احمد دئمیشکهن، کیشیلر ائولنمه میشدن اول مین بیر ایش گۆرلر. ائله کی آرواد آلدیلار، هر بیر ایشین باشینی بوراخارلار. آتاسینا آند ایچیپ، بیغنین بیر تئلینی ده گیروو قویوب کی، ائوله نه دن سونرا هئچ بیر پیس ایش گۆرمه سین. بوندان یاخشیسی تاپیلماز. گنج دی، ایلک آروادی دی، ایکی قصاب دوکانی وار، قئیرت لیدی. داها نه ایسته بیریک؟

پروین خانیم بوندان سونرا ائله یانیقلی صیفتله منه باخدی کی، ائله بیل اؤلومه محکوم اولونموشا باخیردی. سحری گون پروین خانیم منه دئدی: من احمده چوخ یالواردیم کی، بونو ائتمه سین. آما قانمیر (بیرینجی دؤنه ایدی کی، پروین خانیم اونونلا ایلگی سینی اعتراف ائدیردی)، دئییر کی، بوندان سونرا اونو ائوده ساخلماق یاخشی دئییل. اؤزون نییه هئچ نه

اٲتمیرسن؟ اٲله بیل باشینا نه گلدیینی بیلیمیرسن؟ دوغرودان، بو جور کیشینین آروادی اولماغا حاضیرسان؟ نه فرقی وار؟ نه ایستیرلر، اٲتسینلر. فیکیرلشیرلر کی، منی اره وئیرلر. بیلیمیرلر کی، سعیددن سونرا هانسیسا کیشی، سادهجه، منیم جنازه مه ال وورا بیلر. الله منی اؤلدورسون! داها بٲله شٲیلر دانیشما. گوناهدی. گرک بٲله فیکیرلری باشیندان آتاسان. هٲچ کیم سعید اولماز. اما بوتون کیشیلر ده بٲله پیس دٲییلر. بیر آز واخا ایسته. بلکه یاخشی اٲلچی تاپیلدی... چیینلریمی یوخاری آتیب دٲدیم: منه فرقی یوخدور. پروین خانیم نیگارانلیقلا چؤله چیخدی. مطبخین قارشیسیندا آناملا دانیشدی. آنام اوزونه ووردو. اوندان سونرا مندن بیر آز موغایات اولماغا باشلادیلار. بوتون درمانلاری الیمین آلتیندان گؤتوردولر. اولگوجه -بیپچاغا ال وورماغا قویموردولار. یوخاری مرتبه یه گٲندنه تٲز بیر نفری آرخامجا گؤندیردیلر. گولمه ییم توتوردو. نه قدر سادلؤوح ایدیلر. فیکیرلشیردیلر کی، من او قدر آخماغام کی، بو آلقاق ائودهن اؤزومو آشاغی آتیم. منیم داها یاخشی پلانلاریم وار ایدی. توی و نیکاح موذاکیره لری سورعتله گٲتمیردی، چونکی به یین باجیسی اری ایله کیرمانشاهدا یاشایردی و اون گونه تٲهرانا گله بیلمزدی. عسگر بی ده دٲییردی: «باجیم به یه نیب ایجازه وئره نه قدر اولماز. اونون آنالیق حا قی وار بونومدا...» سحر ساعات ۱۱ ایدی. حی ط ی سوپوروردوم. بیر نفر تلسیک قاپینی دؤیوردو. منیم قاپینی آچماق ایجازه م یوخ ایدی. فاطمه نی سسلدیم. آنام مطبخ دن: عئیبی یوخدو، بو دؤنه آچ. گؤر کیم دی گلیب، دٲیه قیشقیردی. قاپینی تام آچمامیش پروین خانیم حی طین اورتاسینا آتیلدی. قیز، بختین وارمیش! سنه بیر اٲلچی تاپمیشام گول دسته سیدی. من مات معطل باخیردیم. آنام مطبخ دن چیخیب دٲدی: پروین خانیم، نه خبر؟ خانیم، موشتولو غومو وئر. بیر اٲلچی تاپمیشام آی پارچاسی. بی دی. عایله سی کؤک لودور. ساوادی، آلاها آند اولسون، بیر تتلی مین بو لات -لوته دیر. دٲییم، آخشام گل سینلر؟ صبر اٲله، گؤروم نه دٲییرسن؟ بونلار کیم دیلر؟ هارادان تاپمیشان؟ ده یرلی آدم دیلار. من اون ایلدی، تانی بیرام. چوخلو پالتار تیکمیشم آنا - باجی سینا. بؤیوک باجیسی چوخدان اٲولنیب. اری تبریزین بؤیوک مولکدارلاریند ائدیر. اورادا یاشایرلار. منصوره ایکینجی قیز اونیوئرسٲته گٲدیردی. ایکی ایل بوندان قاباق اٲوله ندی. ایندی گؤزل بیر اوغلو وار. اوچونجو قیز هله مکتب ده دی. هم آلا هچیدیرلار، هم مو عاصر. آتالاری تقاعدوچودور. بیر شٲیلری ده وار، بیلیمیرم، فابریکادی... یوخ، او کی کیتاب اوندان چیخیر ای، اوندان، آدینی بیلیمیرم. اوغلان اؤزو ندیر؟

اوغلانی دٲمه! چوخ یاخشیدی. اونیوئرسٲته گٲدیب. بیلیمیرم نه اوخویوب، اما ایشلییر. او یئر باباسینین دی. کیتاب دوزلدیرلر. اوتوز یاشینا یاخیندی. گؤرونوشو ده یاخشیدی. من گٲتمیشدیم آناسینین پالتارینی یوخلایام، بیر نظر گؤردوم. ماشاللاه، بوی

بوخونو دا یاخشیدی. قاش -گۆزو ده قارادی. بیر آز قاراشیندی. یاخشی، بس معصومه نی هارادا گۆروبیلر؟ گۆرمه بییلر. من تعریفلمیشه. نه قدر یاخشی قیز اولدوغونو، گۆزل اولدوغونو، ائو قیزی اولدوغونو دئیمیشه. آناسی اوغلونو ائولندیرمک ایستیر. منه تاپشیرمیشدی کی، یاخشی قیز تانیسام، دئییم. ایندی دئییم، آخشام گل سینلر؟ یوخ، بیز عسگر بی له دانیشمیشیق. باجیسی گلن هفته کیرمانشاهدان گله جک. سیز هله دانیشیق ائتمه میسیر کی، میللت کبین کسه ندن سونرا پئشمان اولور، سیز کی هئچ نه ائتمه میسینیز. احمد نئجه اولسون؟ الله بیلیر، نه اویون چیخاردار؟ حاقیدا وار. بیاییر اولار. نئجه ده اولسا، اونا سؤز وئریب. سؤزوندن قاچا بیلمز آخی. نیگاران اولما، احمد منلیکدی. وای، اوتان. بو نه سؤزدو، دانیشیرسان؟ لاله الا الله! بو نه سؤزدو، دانیشیرسان؟ خانیم، پیس فیکیرلشمه. احمد بیزیم حاجیلا دوستدو. اوندان سؤز ائشیدر. اونا دئیرم، اورتالیغی دوزلدیر. بو معصوم قیزی فیکیرلش. من بیلیرم کی، بو کیشینین ووران الی وار.

آراق ایچنده هئچ نه گۆرمور. ایندی ده بیر معشوقه سی وار کی، جانی اونا باغلیدی. فیکیرلشیرسن کی، اوندان ال چکر؟ نه یی وار؟ بو دئدیین ندی؟ هئچ نه. یعنی بیر باشقا آروادلا گۆروشور. یاخشی، بس بونو نئیلیر؟ ایستیر بو دا رسمی آروادی اولسون، اوشاق دوغسون. اونون اوشاغی اولمور. سن بونو هارادان بیلیرسن؟ خانیم، من بئله آداملاری تانییرام.

سن هارادان تانییرسان؟ مگر سن نکاره سه ن؟ بو سؤزلر قباح تدير. ائئئه! سیز ده ائله هئی پیس فیکیرلشیر سینیز. منیم قارداشیم دا بئله ایدی. من ده بو جور عایله ده بؤیوموشم. سیز الله، قویما یین بو یازیق چالادان چیخیب قویویا دوشسون. ایندی سیز قویون اونلار گل سینلر. گۆرون آداملار نه قدر بیر بیریندن فرق لئیرلر. گرک اول آتاسی ایله دانیشیم. گۆروم نه دئیر؟ ایکینجیسی، بونلار بئله یاخشیدیرلار سا، نییه اؤز طایفالارین دان قیز آل میرلار؟ واللاه، نه بیلیم؟ بو دا معصومه نین اوغورونداندی. الله اونی چوخ سئویر. تعجب و اینام سیزلیقلا پروین خانیم باخیردیم. بو آروادین ایشلرینی بئینیمده حل ائده بیلمیردیم. داورانیشین دا تضاد وار ایدی. بیلمیردیم کی، نییه منه بو قدر کؤمک ائدیر؟ اؤزوم ده دئدیم، یقین، بو ایشین آلتیندا بیر ایش وار. گون اورتادان سونرا آتاملا آنام بیر -بیر یله صؤحبت ائدیلر. محمود دا بیر آز اونلارین صؤحبتلرینه قاریشدی. ان سونوندا، دئدی: جهنمه اولسون، نه ائدیر سیز ائدین. اما اونی تئزلیکله رد ائدین گئتسین، بیز ده راحت اولاق. هامیدان ماراقلی احمد ایدی. او گئجه چوخ گئج گلدی. سحر ده آنام اونونلا دانیشانندان سونرا هئچ اعتراض ائتمه دی. چیینلرینی یوخاری آتیب دئدی: من نه بیلیم. اؤزونوز نه ائدیر سیز، ائدین. دوغرو دان، پروین خانیمین اونون اوستونده بؤیوک نفوذو واردی. او گونون سحری یئنی ائلچیلر گلدی. احمد ائوده دئییلدی. محمود دا قادین اولدوقلارینی و حجابلارینی دوز اولدوغونو بیلیب اوتاغا

گیرمه‌دی. آتاملا آنام آلیجی گۆزویله اونلارا باخیردی. هر ایشی پروین خانیم ائدیردی. اورتادا اوپان -بوپانا گئدیردی. اوغلانین اؤزو گلمه میشدی آناسی و باجیلاری ایدی. آناسینین باشیندا قارا چارشاب وار ایدی. اما باجیلارینین حجابلاری یوخ ایدی. دوغرونداندا، او بیرلیریندن فرقله‌نیردی. پروین خانیم بعضن قیزیشدیریردی. من چای گتیره‌ن ده دئدی: گۆرورسونوز، نئجه گۆزلدی؟ هله قاشلارین گۆتورسه، نه اولار؟ کئچهن هفته‌نین سویوقدیمه‌سیندن و قیزدیرماسیندان بیر آزجا آریخالییب. من قاشقالباق و تعجبله باخدیم. بؤیوک باجی دئدی: من هئی آشاغی -یوخاری گتیمییم. تئز -تئز دانیشیپ سورعتله قاباغا گئدیردی. دئدیله کی، اوغللاری حقوق فاکولته‌سینین آخیرینجی ایلینه کیمی اوخویوب، اما هله دیپلومونو آلماییب. آنام دئدی: نییه معاشینی آخیرا کیمی آلماییب؟ آتام گۆزونو آغاردیب دئدی: خانیم، او، حقوق درسی اوخویوب. آنام باشا دوشدو کی، سهو دانیشیر، ساکیتلشدی. ایندی کیتاب نشری ائوینده ایشله مشغولدو. اصلینده، اورانین یاریسی آتاسینیندیر. معاشی دا پیس دئییل. خانیمینی و اوشاقلارینی ساخلایا بیلر. ائوی ده وار. البته، اؤزونون دئییل. ننه‌سینیندی. آشاغی‌دا ننه‌سی اوتورور، یوخارینی دا حمیده دوزلتمیشیک.

بیلیرسیز، اوغلانلار تئز موسقیل اولماق ایستیرلر. بو دا بئله اوغلانندی. هر نه ایسته‌ییب، اتمیشیک. یاخشی، ایندی هارادا یاشاییرلار. نه وخت اونلاری زیارت ائده بیلرک؟ اوغلو هر شئی بیزه تاپشیریب. دئییر، سیز به ینسز، من ده بیه‌نه‌جه‌م. ایندی ده ماموریت‌ده‌دی. گئدیپ سفره. آتام دئدی: اینشاللاه، نه وخت قاییداجاق؟ بالاجا باجی دئدی: اینشاللاه، توی گونو و کبین کسینه‌ده. آنام تعجوبله دئدی: یعنی کبین کصحنه کیمی بیز به یی گۆرمه یچییک؟ یعنی بی اؤزو ایسته میر گلینی گۆرسون؟ باخماق کی حالال‌دی... بؤیوک باجی ساکیت دانیشماغا چالیشیردی کی، آنام مساله نی یاخشی آتلاسین. دئدی: واللاه، مسئله حالال -حارام‌دا دئییل. مسئله اوندادی کی، ایندی حمید یوخدو. شکیلینی گتیرمیشیک کی، خانیم قیز

بیه‌نسن. بیز ده خانیمی بیندیک. حمیدین ده نظری عینی ییزیم نظریمزدی. مگر ائله شئی اولار؟ بلکه بیین عییبی وار؟

خانیم، دیلینی دیشله. اوغلو شیمشاد کیمی دیر. الله ائله‌مه‌سین، نسه اولسون. ائله دئییل، پروین خانیم؟

پروین خانیم: بلی! بلی! دئدی. من گۆرموشه‌م. هئچ بیر عییبی یوخدور. چوخدا یاراشیق‌لی‌دیر. شکی آنامین گۆزو قاباغیندا توتوب دئدی: باخین، ماشاللاه، نه بی‌دی! ایندی شکی خانیم قیزا گۆسترین، اگر بیه‌ن‌سه، اینشاللاه، گلن هفته‌یه کیمی ایشی قورتاریریق. آتام دئدی: خواهیش ائدیره‌م، خانیم. هله من سیزین بو تلسدیینیزین نه دینی آنلامامیشام. نییه صبیر اتمیرسینیز کی، اؤزو گلکین؟ سیزدن گیزلی دئییل، جناب. بیزیم واختیمیز یوخدو. دوزو بودور کی، منیمله آتاسی گلن هفته

مککه یه گئدیریک. ایسته بیریک کی، بوتون ایشلریمیزی گۆرک، آنجاق حمیددن نیگارانیق. اگر اونون آروادی اولسا، من ده راحت اولارام.

قدیمده دئییردیلر، مککه یه گئدیرسنسه، گرک یاریم ایشین قالماسین. هر شئین تکلیفی گرک آچیقلانا. سیزین قیزدان صؤحبت دوشهنده من ایستیخاره ائتدیم، یاخشی گه لدی. ایندییه قدر هئج بیر قیزا یاخشی گلمه میشدی. بونا گۆره بیلدیم کی، گرک گتتمه میشدن ایشی قورتاراق. بلکه داها قاییتما دیم. اینشاللا، ساغ-سالامات قاییدار سینیز. آنام قالخیب شکله باخدی: ساغ-سالامات گئدیپ قاییداسیز. کاش بیزه ده قیسمت اولا الله ائوینه گتتمک. آنام شکلی گۆتوروب یانیمدا گلدی. گل باخ. دوزدو، بیزه یاراشمیرلار، اما بیلیرم کی، سنین بئله آداملاردان خوشون گلیر. بختین گتیریب. ایمله شکلی قایتاردیم. بوتون سؤزلر سورعتله دانیشیلدی. اصلینده، آنام دا دوشونوردو کی، به بین اولماغی گره ک دئییل. چوخ اینانیلماز ایدی. دوغرودان دا، اونلار بیر هفته نین ایچین ده توپو ائله مک ایستییردیلر. آنامین بیر نیگارانچیلیغی واریدی، او دا بوتون ایشلری واختیندا گۆره بیللمه مک. پروین خانیم کمکینه چاتدی و هر شئی اؤز بوینونا گۆتوردو: سیز نیگاران اولمایین. صباح آلیش-وئریشه گئدیریک. اؤزومده ایکی گونده پالتارینی تیکرهم. او بیرری درزی لیکلرینیز ده اؤز-بوینوما. اما جئیهیزی نئجه اولاجاق؟ دوزدو، من قیزلاریم اولان گوندن آیین-اویون آلیب قیراغا قویموشام، اما یئنه ده کم-کسیری چوخدو. چوخ شیلری ده قومدادی. گرک گئدیپ گتیرک. خانیم، سیز فیکیرلشمیین. قویون گت سینلر ائولرینه، دوواق قاپمانی بیز قاییداندان سونرا ائدیریک. او واختا کیمیده کم-کسیرلری دوزلتمه یه چوخ واخت وار. حمیدین ده بعضی شیلری وار. سحری گونه اوزوک آلماق قرارینا گلدیلر. دعوت ائتدیلر کی، نه واخت واختیمیز اولسا، بیز قارداشلارلا گئدیپ اونلارین ائوینی گۆرک و یاشاییشلاری ایله تانیش اولاق. اوریم دؤیونمه یه باشلادی. ائله بیل ناغیل گئچک اولموشدو. اینانا بیلیمیردیم. ایختیارسیز دئدیم: سعید، دادیما چات. بونلارین قاباغیندا نئجه دایانیم؟ چوخ هیرسلی ایدیم. حیس ائدیردیم کی، پروین خانیمین کلله سینی دیدمک ایستییرم.

آتام دئدی: من صباح اوزوک آلماغا گئده بیلمرهم. اونون دا آناسی گلمه یه جک. معصومه ده تک گئده بیلمز. پروین خانیم، سن اونونلا گئت. گۆزوم اوسته، گرک پالتارینین پارچاسینی دا آلاق. دوغرودان، یادینیزدا قالسین، سیز ده گرک بیه اوزوک آلا سینیز. بیلیمرم، بو بی نییه اؤزو قاباغا گلیمیر. اورینیزه پیس شئی گتیرمیین، بی. آلاها آند اولسون، من تانییرام. بیلیمرسینیز نئجه یاخشی آدمی. راحت اولسون دئییه عونوانلارینی وئریلر. گئدین آراشدیرین. موصطفا بی، جئیهیزی

نئیلیک؟ گرک سیز بیر دؤنه اوغلانلارلا قوما گنده سینیز. میس و چینی قابلاری و نئچه دست یورغان دؤشه یی باجینیزین زیرزمه‌می سیندن گتیره سینیز. اما قالانینی نه ائدک؟ اؤزونوزو اوزمه یین. اؤزلی دئدیلر کی، بو، سورون دئیل. تلسمک اونلارین تقصیری دی. بعضی کم -کسیرلری ده قویون اونلارین بونونا. آتام ناراحتچیلیقلا دئدی: من کی قیزیمی لوت یوللامایاجام ار ائوینه. بعضی شئیر وار. قالانینی دا سونرا فورصت اولاندا یوللایاریق. بو دانیشیق‌لاردا سوال وئرمه‌یه‌ن، دقت گوئستمه‌یه‌ن بیرجه نفر واریدی کی، بو دا من ایدیم. او گئجه سحره قدر آییق اوتوردوم. قم، ایضطیراب، نیگاران‌چی لیق بوتون ووجودومو تیتردیردی. الله‌دان ایسته ییردیم کی، منه اؤلوم وئرسین و منی زورلا اره گتتمکدن قورتارسین. سحر حالیم چوخ پیس ایدی. اؤزومو یوخولوغا ووردوم. هامی ائوده‌ن گتدی. آتامین سسینی ائشیتدیم. آناملای دانیشیردی. ایستیریدی او گون ایشه گتتمه‌ییب، بوتون گوجون‌دن ایستیفاده اندرک اونلار حاقین‌دا بیر آراش‌دیما آپارسین. سونرا دا دئدی: پولو تاخچایا قویوشام، اوزوک آلماق اوچون. آنام دا پوللاری ساییب دئدی: بوندان چوخ اولماز، یقین کی. آتام علی ایله گتدی. خوشبخت‌لیک‌دن، یای گیره‌ن ده آتام علینی اؤزو ایله دوکانا آپاریردی. بونا گؤره ده بیزیم ساکی‌تچیلیمیز وار ایدی. یوخسا، الله بیلیردی، باشیما نه گلردی؟ آنام باشیمین اوستونه گلیب دئدی: بو گون اؤزوم سنی اویاتمادیم کی، گومراه اولاسان. یئریمده اوتوروب، دیزلریمی قوجاقلایاراق جیددیتله دئدیم: من گتتمیرم. کیشیلر ائوده اولمایان‌دا من شیر اولوردوم. دور، اؤزونو ازدیرمه. من هئچ یئره گتتمه‌یه‌جه‌یه‌م. قلت ائل‌یه‌جک‌سه‌ن. ایندی کی بختین گتیریپ، هئج ایجازه وئره‌م کی، اؤز بختینه تپیک ووراسان؟ هانسی بخت؟! سیز هئج بیلیمیرسینیز بونلار کیم‌دیلر. اوغلان کیم‌دی کی، حتی اؤزونو گوئستمه‌یه ده حاضیر دئیل. همین واخت قاپنین زنگی چالیندی. پروین خانیم بزنیب دوزنیب، قارا چادرایلا ایچری گirdی و دئدی: تتر گلدیم کی، گوروم ایشینیز وارمی؟ بیر گؤزل گلین دونونون دا مودئلینی تاپمیشام. گرک اونون پارچاسین‌دان دا تاپاق آلاق. گورمک ایستیرسینیز؟ پروین خانیم، الیم اتیین‌ده، بو قیز یئنه دلی اولوب. گل بونو یولا گتیر. پروین خانیم هوندوردابان آياق‌بايلارینی چيخارديب اوتاغا گيردی و گوله‌رک دئدی: گلین خانیم، سالام. دور ال-آياغینی یو. ایندی گلیب چاتارلار. دئییه رلر، نه تنبل گلینیمیز وار.

پروین خانیمی گؤره‌نده ایچیمده حیرص آلوولانندی. چیغیردیم: سن کیم‌سه‌ن؟ نه قدر آلمیسان کی، اونلار دلاللیق ائدیرسه‌ن؟ آنام الینی اوزونه چیرپدی: قیز، سوس! بو قیز لاپ شرینی اودوب، حیانی قوسوب، دئییب اوستومه گلدی.

پروین خانیم ایله اونون قاباغینی آلدی: عئیبی یوخدو، هیرس لیدی، من اوزوم اونولا دانیشارام. سیز گئدین، حاضیرلانی، بیز ده یاریم ساعاتدان سونرا حاضیر اولاجاغیق. آنام گئندن سونرا پروین خانیم قاپینی باغلاییب اونون آرخاسین دا دایاندی. چادراسی باشیندان اوزولوب یئره دوشدو. باخیشی منه دیکیلدی. اما بللی ایدی کی، منی گۆرمور. او، اوتاقدان چوخ اوزاق بیر یئره باخیردی. بیر نئچه دقیقه دن سونرا من تعجبله اونا باخماق دا داوام ائدیردیم. او دانیشماغا باشلایاندا سسی منه تانیس دئییلدی. همیشه کی زینگیلیسی یوخ ایدی. آجی و توتقون ایدی: آتام آنامی ائوده ن بایرا آتاندان من اون ایکی یاشیندا ایدیم. بئشینجی صنیفده اوخویوردوم. اوزوم دن کیچیک اوچ باجی قارداشیمین آناسی اولدوم. منه آنا کیمی باخیردی. لار. گرک ائوین تامامینی دولانديراردیم. یتمک حاضیرلایاردیم، پالتار یویاردیم، ائو سوپوروب، اوشاقلارا باخاردیم. آتام آرواد آلاندا دا منیم ایشلیریم آزالما دی. آنالیغیم او بیرری آروادلار کیمی ایدی. دئمیرم، بیزه ایشگه نجه وئیردی، یا دا آج قویوردو، اما اؤز اوشاقلارینی بیزدن چوخ ایسته ییردی. بلکه ده حا قی وار ایدی. اوشاق لیقدان منه دئمیشدیلر کی، سنین گۆبیینی امیر حسینه کسبیلر. بونا گۆره عمیم اول دن ده منه «گۆزل گلینیم» دئیردی. بیلیم ننه واختدان، یادیم گلندن امیره عاشیق ایدیم. آنام گئندده تک اومیدیم و خوشلوعوم او ایدی. امیر ده منی چوخ سئیردی. هر بهانه ایله ائویمیزه گلیب حوووضون قیراغین دا اوتورور، منه تاماشا ائردی. دئیردی، سنین اللرین هله چوخ بالاجادی. نئجه بو قدر پالتاری یویا بیلیرسن؟ من ده بوتون چتین ایشلری ساخالایردیم. اونون گۆزونون قارشیسیندا گۆروردوم. اونون اورکله منه باخماغین دان لذت آلیردیم. او دا عمیم و عمی یولداشیم منیم نه قدر چتین لیک چکدی می دئیردی. عمیم ده هر دؤنه بیزیم ائوه گلنده آتام دئیردی: «کیشی، بو اوشاق یازیق دی. سن ظلم ائدیرسن بو قیزا. آروادینلا سن دالاش میسان. بو بدبختین تقصیری ندیر کی، بونا عذاب وئیررسن؟ شیطانین ائششیین دن آشاغی ائن، گئت آروادینین قولون دان توت گتیر، ایشینی گۆرسون». آتام دئیردی کی، یوخ، قارداش، مومکون دئییل. او آروادین آدینی منیم یانیمدا چکمیین. اونو اوچ دؤنه لیک بوشامیشام کی، بیر داها گئری دؤنه بیلمه سین. عمیم دئیردی، یاخشی، بیر فیکیرلش، بیر تدبیر گۆر. بو اوشاق الدهن گئدیر. ساغوللاشاندا عمی یولداشیم منی قوجاقلایردی. باشیمی اونون سینه سینین اورتاسینا قویوردوم. آنامین اینی وئیردی. بیلیم نیه، ایسته مه یه رک گۆزلریم دن یاش آخیردی. بلکه ده عزیزله نیردیم دئییه بئله اولوردو. هر حالدا، آتام فیکیرلشدی، گئتدی، آنالیغیمی گتیردی. اونون کئچمیش ارین دن ایکی اوشاغی واریدی. ائویمیز باغچا کیمی ایدی. آلتی نفر موختلیف یاشدا اوشاق کی، ان بؤیویو من ایدیم. دئمیرم کی، ائوین بوتون ایشینی من گۆروردوم. ایکیمیز ده سحر دن آخشاما قدر قاچیردیق، یئنه ایشلر یاریمچیق

قالیردی. اؤزو ده آنالیغیم بیر آز واسواسی ایدی. عمیم و عمی یولداشیمدان دا زهلهسی گئیدیدی. اونلار آنامین طرفینی ساخالاییردیلار آخی. اول عم اوغلو مون بیزه گلمیین قارشیسینی آلدی. آتام دئدی: «اٹشک بوی دا اوغلان هر دؤنه گلیب بورادا دایانیر، بیزه باخیر. قیز دا بؤیوبوب. گرک اوزونو توتا». بیر ایلدهن سونرا عمیمگیلله گئدیشگیلشیمیزی تامام کسیدیک. اونلاری گۆرمهیه بیر یولوم واریدی، او دا بییمگیله گئتمک. بییقیزلارینا دئییردیم کی، گئجه منی ساخالاسینلار. آنالیغیم دئییمه سین دئییه باجی -قارداشلاریمی دا یانیمدا ساخالامالی اولوردوم. بیر ایل ده بئله کئچدی. هر دؤنه امیر حسینی گۆرهنده باخیردیم کی، بیر آز دا یاراشیقلی اولوب. بیلیرسن نئجه گۆزل ایدی؟! کیرپیکلری چتیر کیمی گۆزلرینه کۆلگه سالیردی. شعیب یازیردی. سئودی تصنیفلردن آلیردی. دئییردی، سسین گۆزلدی. بونلاری اؤیره، اوخو. مه نیم ده کی دوز -عملی ساوادیم دا یوخ ایدی. اوخولا گئتمدیمه گۆره بیلدیکلیری ده اونودوردوم. دئییردی، منه اؤزو درس دئییه جک. گۆزل گونلر ایدی. یاواش - یاواش بییم ده بیزیم اورا گئدیپ قالماغیمیزدان یورولدو. اریده دئیینیردی. مجبور اولدوق کی، بیر بیریمیزی آز -آز گۆرک. گلن ایل بایرامدا عمیمگیلین گۆروشنه گئتمک اوچون چوخ یالواردیم. آتام راضی اولوردو کی، آنالیغیم دئدی: «من او عیفریته نین ائوینه آیاق باسما رام!» بیلیم، آنالیغیملا عمی یولداشیمون آراسیندا نه کئچمیشدی کی، بیر -بیرلرینه بو قدر نیفرت ائدیردیلر. من یازیق اورتادا قالمیشدیم. آخیرینجی دؤنه اونو گۆره نه ده بایرام ایدی. بییمین ائوینده ایدیم. بییم ائله قورغو قورموشدو کی، آتاملا عمیمی بیرلشدیریپ اونلاری باریش دیرسین. هامی یوخاریدا قوناق اوتاغیندا اوتورموشدو. بیزلری اوتاقدان چیخارتدیلار. منیمله امیر آشاغی اوتاقدا اوتورموشدوق. اوشاقلار دا حیطده اویناییردیلار. بییقیزلاریم دا مطبخده چای سوزوردولر. بیز تک ایدیک. امیر الیمی توتدو.

بوتون بده نیم تیترده. اونون دا اللری ایستی و نم ایدی: «پروین، آتاملا دانیشدیق. قرارا آلدیق کی، بو ایل مکتبی بیتیره نه ائلچیلینه گلک. بابام دئییر، کبینی کسریک، سونرا من عسگرلییه گئدیم». ایسته بیردیم اؤزومو اونون قوجاغینا آتام و سئویندیمدن آغایام. نفسیم کسیددی. دئدیم: «یعنی ائله بو یای؟» «بلی، اگر من درسلدن قالماسام، مکتب بیتیه جک». «سن الله، قالما». «سؤز وئیریم، سنه گۆره ده اولسا، بو ایل یاخشی درس اوخویاجاغام». الیمی سیخدی. ائله بیل کی، قلبیمی اووچون دا توتوب سیخیردی. دئدی: «داها سندن اوزاق دا قالماغا طاقتیم یوخدور...» نه دئییم. او قدر بو صحنه نی یادیم سالامیشام کی، بوتون بونلار کینو کیمی گۆزومون قاباغین دادیر. اؤز عالمیمزه ائله قرق اولموشدوق کی، بیلمدیک، نه واخت داوا باشلادی. دهلیزه چاتاندا آتام و خانیمی سؤیوش سؤیه -سؤیه پیللرلی ائیردیلر. عمی یولداشییم

پیلله لرین نرده سین دن اییلیب آنالیغیمین سؤیوشلرینه جاواب وئیریدی. بییم ده آتامین آرخاسینجا قاجیب یالواریدی:

«بئله اولماز. سیز گرک بو یئنی ایلده کینی قیراغا قویوب باریشاسینیز. سنی آند وئیریم آنام و آتامیزین روحونا! بو

ایشلردن ال چکین! سیز قارداشسینیز -ایکی قارداش بیر -بیرینین اتینی یئر، اما سومویونو ائشییه آتماز...»

منیم گۆزل آرزولاریم، یوخولاریم بیر دقیقه ده پوچ اولدو. بیر کۆپوک کیمی داغیلدی. اوندان سونرا آنالیغیم قطعیتله منیم

داغیمی اونلارین اورینده قویماق ایسته دی. دئییردی، من یاشدا اولاندا اونون اوشاغی واریدی. منیم کیمی گونو اولماغینا

اؤده حؤوصله سی چاتمیردی. هاجاغا همین واختلار منیم ائلچیلیمه گلدی . آنالیغیمین اوزاق اقربالارین دان ایدی. او واختا

کیمی ایکی دؤنه عایيله قورموشدو. دئییردی، اوشاغی اولمادیغینا گۆره بوشاییب آروادلارینی. بو دؤنه ایستیر گنج خانیمی

اولسون کی، اوشاق دوغسون. آخماق حتی فیکیرلشمیردی کی، سورون اؤزون ده اولاییلر. آخی کیشیلرین عیبی اولای

بیلمزدی. او دا کی پوللو کیشی اولای. او واخت اونون قیرخ یاشی واریدی. مندن اییرمی بئش یاش بؤیوک ایدی. آنالیغیم

دئییردی، بیر دنیا ما، پولو، بازاردا چوخلو دوکانی وار. قزوین ده مالی -مولکو وار. خلاصه، آتامین آغزینین سویو آخدی.

دئدی: «اگر اوشاغی اولسا، پولدا بوغول آجاق». منی کبین کسمه سوفره سینین آرخاسیندا اوتوردان دا حالیم سندن ده پیس

ایدی. بیر بیلیمز نقطه یه باخیردیم. آغلاییردیم... نییه اؤزونو اؤلدورمدين؟

چوخ آسان اولدوغونو فیکیرلشیرسن؟ جورتیم یوخ ایدی. سن ده بو یئرسیز فیکیرلری اونوت. هر کسین بیر آلین یازسی وار.

بونولا موباریزه آپارا بیلمزسن. اؤزونو اؤلدورمکده بؤیوک گوناھ دیر. آنام یومروقا قاپینی ووروب دئدی: پروین خانیم، گنج

اولار. ساعات اونون یاریسی دیر. پروین خانیم گۆز یاشلارینی سیلیب دئدی: قورخمایین، خانیم. واختیندا حاضر اولاریق. منیم

یانیمدا اوتوردو: بونلاری دانیشدیم کی، سنی آنلامادیغیمی فیکیرلشمه یه سن. بس نییه منی یازیق ائتمک ایسته ییرسن؟

بونلار سنی، هر حالدا، اره وئره جکلر. بیلیمرسن، احمدین نه پلانلاری وار؟ دوغرودان، نییه احمد سنینه بو قدر پیس دی؟ اونا

گۆره کی آتام منی اوندان چوخ ایسته ییر. بیردن -بیره ایختیارسیز دئییم سؤزون آرخاسیندا تهلوکه نی حیس ائله دیم. هئج

واخت بو حادثه یه بئله باخمامیشدیم. بلی، آتام منی اوندان چوخ ایسته ییر. زرینین اؤلدویو گونو خاطیرلا ییرام. آتام ایشده ن

قایتمیشدی. قاپنین چرچیه سینده دورموشدو. آنام قیشقیریدی. ننه م قوران اوخووردو.

حکیم باشینی ترپدیب نیفرتله قاپیدان چیخیردی کی، آتاملا اوزاوزه گلدی. حیرصلی حالدا دئدی: بو اوشاق اوچ گوندو، جان

وئیر. ایندی خبر ائدیرسینیز؟ بو معصوم اوشاقلارین یئرینه اوغلانلارینیزدان بیرى اولسایدی، یئنه بئله ائدردینیز؟ آتامین

رنگی کیرج کیمی آغارمیشدی. ییخیلیردی. قاچیب بالاجا اللریمله آیاقلارینی قوجاقلادیم. ننه می سسلدیم. یئرده اوتوروب منی قوجاقلادی. باشینی ساچلاریما دایاییب اوجا سسله آغلادی. ننه م گلدی: دور، اوغلان، دور سن کیشیسن. سن قادین کیمی آغلامالیسان. آدام گرک آلاهیین ایسته یی قارشیسیندا دایانینایا. آتام باغینب دئدی: سن دئدین کی، هئچ نه یوخدو. قویمادین حکیم گتیریم. او واخت دا فرق ائتمزدی. اگر قیسمتینده واردیسا، حیاتدا قالاردی. اگر اولماسایدی، ان یاخشی حکیم ده اونو قورتارا بیلمزدی. بو، طالئعدی. بیزه قیز دوشمز. بو سفته سؤزلر ندیر؟ هامیسی سنین تقصیریندی. بیرینجی دئییدی کی، آتامین آناسینین اوستونه قیشقیردیغینی گۆردوم. دوزونو دئسم، چوخ خوشوما گلدی. او واختدان آتام منی قوجاقلاییب آغلادی. من اونون چیینلرینین ترپه نمه سیندن بیلیردیم. زری دن اسیرگه نیله ن محبت منه چاتدی. احمد هئچ واخت بو فرقی اونوتمادی و باغیشلامادی. همیشه اوشاقلیغیمدان احمدین غضبلی باخیشی آرخامجا ایدی. آتام ائوده ن چیخان کیمی منی کۆتکلیردی. ایندی احمد مورادینا چاتمیشدی. من آتامین گۆزون دن دوشموشدوم. اونون اعتبارینا خیانت ائتمیشدیم. منی اؤز-اؤزومله تک بوراخمیشدی. بو، احمدین بو نئچه ایللرین ایتیقامینی آلماسی اوچون یاخشی فرصت ایدی. پروین خانیم دئدی: خبرین یوخدو، باشینا نه بلا گله بیلر. بیلیمرسن، او کۆپک اوغلو نه موردار اینساندی. اینانما کی، کیمسه دادیناچاتاجاق. بیلیمرسن، نه قدر رول اوینامیشام، احمدی راضی سالام کی، او کیشیه رد جاوابی وئره. اوریم سندن اؤترو اودلانمیشدی. سن منیم اون بئش -یگیرمی ایل بوندان اوولکی حالیم ایدین. اونلار سنی، ساده جه، اره وئرمک ایستیردیلر. قئیرتسیز سعیددن ده هئچ خبر اولمادی. بلکه، اینشاللاه، بئله سینی سئوه بیلدین. اگر اولماسا، سن ده اؤز یولونو گئدرسه ن. آجی و زهرلی بیر سسله دئدیم: سنین کیمی؟ کینایه ایله منه باخدی: بیلیمرم. نئجه اورین ایستیر. هره حیاتدان ایتیقامینی بیر جور آلیر. وضعیتی بیرته ر اؤزونه اويعون ائدیر. هر حالدا، من او گون اوزوک آلماغا گئتمدیم. دئدیلر، سويوق ديب. پروین خانیم بارماغیمدا اولان گوموش اوزویو گۆتوروب اؤزو ایله آپاردی کی، اوزوک، پارچا و آیری شئیلری آلسین. ایکی گون سونرا آتام، محمود و علی قوما گئدیب بیر ماشین جئهیزله قاییتدیلار. قاپنین آغزیندا آنام دئدی: صبر ائله یین. بونلاری ایچری گتیرمین. ائله بیردفعه لیک اؤز ائوینه آپارین. پروین خانیم سیزینله گئدر، اورانی گۆسترر. دور آياغا، قیز، دور. سن ده اونلارلا گئت، ائوینی گۆر. گئت، باخ گۆر کم کسیرین ندیر؟ نئجه دوزلده جک سه ن. دور! من غضبله چیینلیریمی آتیب دئدیم: گرک دئیل، دئنه ن، پروین خانیم گئتسین. منیم اره گئتمک فیکریم یوخدو. بئله گۆرونور کی، او، چوخ تله سیر. سحری گون پروین خانیم پالتاری اؤلچویه گتیردی.

من هئج جور گئینمه یه راضی اولمادییم. عئیبی یوخ، منده سنین پالتارلارینین اؤلچولری وار. یاخشی اولار. بیلیمیردیم نه ائدیم. اوریم دؤیونوردو. یئمک یئیه بیلیمیردیم، یاتا بیلیمیردیم، یاتاندا دا آنجاق کابوس گؤروردوم. دوراندا چوخ یورغون اولوردوم. اؤلومه محکوم اولونموشلار کیمی هر ثانییه اؤلومومون یاخینلاشماغینی حیس ائدیردیم. ان سونوندا، نه قدر چتین اولسا دا، آتاملا دانیشماق قرارینا گلدیم. ایسته بیردیم یادلارینا دوشوم بلکه اوریی رحمه گلر. اما هامی هر وجهله چالیشیردی کی، آتاملا بیزی تک قویماسین. اؤزو ده مندن قاجیردی. بیر معجزه گؤزله بیردیم. فیکیرلشیردیم کی، گؤیدن بیر ال منی بورادان قاجیرداجاق. هئج نه اولمادی. هر شئی پلانلا ایرهلی گتتدی. وعده گونو یئتیشدی. سحرده ائوین قاپیسی آچیق ایدی. احمد، محمود، علی گئدیپ گلیردیله. حیطین ده دؤوره سینیه ماسا اوستونده مئیوه، شیرینی قویوردولار. گلن قوناقلار آز ایدی. آنام تاپشیرمیشدی کی، قومدا هئج کیمه دئمه سینلر. اولمایا، کیمسه گلر، بیزیم بو گونوموزو گؤرر. بییمه ده دئمیشدیله، توی ایکی هفته دن سونرادیر. خبر ائده جیک. عباس عمی دن باشقا، هئج کیمه دئمه میشدیک. اصلینده، اوندان باشقا، قوهوملاردان هئج کیم یوخ ایدی. نئچه عایيله بی قوهوملاریندان ایدی. بیر نئچه نفر ده قاپی قونشو گلیمیشدی. نه قدر اتسه لر ده، گؤزل لیک سالونونا گتتمدیم. پروین خانیم اؤزو منی بزه دی. اؤزو قاشلاریمین آلتینی گؤتوردو، ساچلاریمی بوردو. اوزومو آلدیغی واختدا گؤزلریمدن یاش آخیردی. عمی یولداشیم سحرده کیمه گلیمیشدی. دئییردی: نه دیمه -دوشرسه ن. اوزون ده هئج توک یوخدو کی، بو قدر نییه آغلا بیرسان؟ آنام دا دئییردی: قیز او قدر ضعیف دی کی، دؤزه بیلیمیر. پروین خانیم دا آغلا بیردی. آرادا ساپ دییشمک بهانه سی ایله گؤزونو سیلیردی. ساعات ۵ ده کبین کسيله جک دی. ۴ اولان دا به بین عایيله سی گلدی. هاوا ایستی اولدوغونا گؤره کیشیلر حیطده آغاجلارین کؤلگه سین ده اوتورموشدولار. خانیملار بؤیوک اوتاقتا اوتوردولار. سوفره نی بؤیوک اوتاغا سالمیشدیله. من آرخا اوتاقتا ایدیم. آنام تلسیک اوتاغا قاجیب دئدی: سن هله پالتارینی گئینمه میسه ن؟ تتر اول، بیر ساعاتا آغا گله جک. بوتون بدنه نیم تیتیریردی. اؤزومو آیقلارینا آتدیم. یالواردیم کی، بونو منه ائتمه سینلر: من اره گتتمک ایسته میرم. بو کیشی کیم دی بیلیمیرم. سیز الله، قویما بین. قورانا آند اولسون، اؤزومو اؤلدوره جه یه م. قوی گئدیم، آتاملا دانیشیم. من کی «بلی» دئیه ن دئییلهم. ایندی گؤرجک سینیز. یا اؤزونوز داغیدین، یا دا من هامینین ایچین ده دئیجه یه م کی، راضی دئییلهم! الله منه اؤلوم وئرسین، سوس! بو نه سؤزلردی! یئنه باشلادین؟ بو دؤنه ده هامینین ایچین ده بیابیرچی لیق ائتمک ایستیرسن؟ قارداشلارین قییم-قییما ائدجکلر سنی. احمد سحرده بیچاغی جیبینه قویوب، دئییب اگر بیر کلمه سهو حرکت ائتسه، اؤلدوره جه یه م. بیر آز آتانی شرفینی فیکیرلش. سکتته ائله ییب اؤلر ها.

آخی من ایسته میرم! سوس! یاواش دانیش، ائشیدرلر! آنام منه طرف گلدی. قاچیب یاتاغین اوزاق نقطه سین ده قیوریلیب قالدیم. بیقودیلر آچیلیب اوتاغا داغیلدی. آنام قیشقیردی: سنی گۆروم جاوان اؤله سه. گل ائشییه! موردشیرخاندا گۆروم سنی، اینشاللاه! گل ائشییه. آخیردا منی اۆلدوره جک سه. ایسته میرم! سنی آند وئیریم احمد و محمودون جانینا. اگر اونلاری چوخ ایسته بیرسنسه، بو توپو لغو ائله. دئنه کی، من ایمتینا ائدیره م بو تویدان. آنام یاتاغین آلتینا گیره بیلیمیدی. الینی اوزادیب ساچلاریمدان یاپیشدی، یاتاغین آلتیندان منی چۆله چکدی. همین آندا پروین خانیم ایجری گیردی: کول باشیما، بونون باشیندا ساچ قویمادین قالسین! آنام دا نفس دره -دره دئدی: گۆرورسه ن، نئیلییر؟! ایسته بیر آخیرینجی دقیقه لرده بیزی بیاییر ائله سین. نیفرتله اونلارا باخدیم. باشیمدان قوپموش بیر چنگه توك آنامین اووچوندا ایدی. هامیسینا نیفرت ائدیردیم. نئجه «بلی» دئدییم یادیم گلمیر. آنام قولومو برک - برک سیخیب دئییردی: «بلی» دئنه، «بلی»! آخیر کی، کیمسه «بلی» دئدی و هامی ال چالیدی. محمود قارداشیم و اونونلا آرخادا اوتوران کیشیلر صالوات چئویردیلر. بعضی شئیلر ده دانیشیلدی، اما من ائشیتمدیم. گۆزلیمین قارشیسینی بیر پرده توتموشدو. هر شئی دوماندا ایدی. سسلر بیر -بیرینه اوخشار، قاریشیق و درک ائدیلمز ایدی. اوزولموش حالدا بیر نقطه یه باخیردیم. یانیمدا اوتوران کیشینین ایندی منیم اریم اولماسینی قبول ائده بیلیمیدی. نه گۆرونوشو، نه کیم اولماسی منه واجیب دئییلدی. هر شئی قورتاردی و سعید گلمه دی. بوتون یوخو و خیاللاریم آجی بیر شکل ده سونا چاتدی. اۆزومه گلنده اۆزومو او کیشینین ائوینده، یاتاق اوتاغیندا گۆردوم. آرخاسینی منه چئویریب چارپایینین اوستونده اوتورموشدو، قالمستوکونو آچیردی. حیس اولونوردو کی، او، قالمستوک باغلاماغا اؤیرشمه ییب. اۆزومو اوتاغین کونجونه سیخدیم. باشیما اؤرتدوکلری آغ چادرانی سینه مه سیخدیم. یارپاق کیمی تیتیریردیم. اورییم چیرپمیردی. چالیشیردیم هئچ سس چیخارتما ییم کی، او، بو اوتاقدا اولدوغومو حیس ائتمه سین. گۆزلیمین یاشی سینه مین اوستونه دامجیلا بیردی. الله، بو نه عنعنه دیر؟! دونیانین او بیرى اوجونا گئتمه یه حاضیر اولدوغوم بیر کیشی ایله ایکی کلمه دانیشدیغیم اوچون منی -اۆلدورمک ایستییردیلر. ایندی ایسه حاقیندا هئچ بیر شئی بیلمدیم، قورخودان باشقا هئچ نه حیس ائتمدیم کیشی ایله یاتاغا گیرمه یه مجبور ایدیم. اونونلا یاتاغا گیرمه لی اولاجاغیمی دوشونه نده ایره نیردیم. حیس ائدیردیم کی، منه تجاوز ائتمک ایسته ییرلر، اما هئچ کیم کۆمک ائتمه یه جک. اوتاق یاری قارانلیق ایدی. ائله بیل باخیشیم اونون بونونون آرخاسینی یاندیردی. منه طرف دؤندو. بیر آز تعجیله منه باخدی. سونرا توتولموش حالدا و تعجیلو سسله سوروشدو: ندی؟ ندن قورخورسان؟ مندن؟ سونرا زارافاتلا: زحمت

اولماسا، منه بئله باخما، دئدی. قوزونون یادینا سالیرسان کی، گۆزونو قصابا دیکیب. بیر سۆز دئمک ایسته دیم، اما دیلیم توتولموشدو. ساکیت اول، قورخما. ایندی اوریین دایاناجاق. راحت اول.

سینله ایشیم یوخدور. من حیوان دئیلهم. توتولموش ازلهلریم بیر آز آچیلدی. راحت نفس آلدیم. او، یئریندن قالخدی. یئنه اؤزومو دیوارین کونجونه سیخدیم. باخ، جانیم، قوزوم، منیم بو گنجه ایشیم وار. گرک دوستلاریمین یانینا گئدیم. ایندی گئدیرم. گل سن بیر راحت پالتار گئیین و یات. سنه سۆز وئیرم، قایتسام دا، سنین یاخینینا گلمه یه جه یهم. شرف سۆزو وئیرم، او، آياقاییلارینی گۆتوردو، اللرینی تسلیم علامتی اولاراق یوخاری قالدیردی و دئدی: باخ من گئتدیم. ائله کی قاپینین باغلاندیغینی ائشیتدیم، فئر کیمی بوکولو یئرده اوتوردوم. او قدر یورغون ایدیم کی، آياقلاریم بده نیمین چکیسینه دؤزه بیلمیردی. ائله بیل داغ داشیمیشدیم. بیر مودت همین وضعیتده قالدیم. سونرا نفسیم دوزلدی. آینادا اؤز گۆزومه ایری -اویرو گۆرونوردوم. گۆره سەن، دوغرودان، بو، من ایدیم؟ قاریشیق ساچلاریمین اوستو بیر پیس شکیلده ایری دورموشدو. آجیخلا تورو باشیمدان آچدیم. پالتاریمین آرخاسینداکی دویمه لر آچا بیلمیردیم. پالتارین یاخاسینی چکدیم و دویمه لر قیریلدی. تلسیک پالتاریمی چیخارتدیم. او تاماشا نیکاحین نیشانلاریندان خلاص اولماغا چالیشدیم. چارپایینین اوستونده توند قیرمیزی رنگده راحت پالتار قویولموشدو. اؤز اؤزومه دئدیم: بو دا پروین خانیمین آلیش - وئیشی دیر. اویان -بویانا گۆز آتیب اؤز چامادانیمی اوتاغین بیر گوشه سینده تانیدیم. بۆیوک و آغیر ایدی. چتینلیکله ترپدیب آغزینی آچدیم. ائو پالتارلاریمین بیرینی گئیدیم و اوتاقدان چۆله چیخدیم. بیلمیردیم، آياق یولو هارادادیر. بوتون ایشیق لاری یاندریدیم و بوتون قاپیلاری آچدیم. آخیر کی، آياق یولونو تاپدیم. باشیمی سویون آلتینا توتدوم، اوزومو بیر نئچه دؤنه صابونلا یودوم. ال اوزیویانین قیراغیندا کیشینین تاراش شئی -شویلیری واریدی. گۆزوم اولگوجه ده یدی. بلی، من اؤزومو آنجاق بو یوللا قورتارا بیلرم. گرک اؤزومو خلاص ائدیم. خیالیمدا گۆردوم کی، منیم جانسیز جسه دیمی آياق یولوندا تاپیبیلار.

موظلق او قریبه آدام بیرینجی منیم اؤلومومله اوزلشه جک و موظلق قورخاجاق. اما ناراحت اولمایاجاق. آنام ایسه منیم اؤلدویومو بیله نده قیشقیراجاق، منیم ساچلاریمی نئجه یولماغی، یاتاغین آلتیندان سورومیی یادینا دوشه جک.

یالواریشلاریم یادینا دوشه جک. ویجدان عذابی چکه جک. سئویندیم. خیاللارا دالماغا داوام ائله دیم. آتام نه ائدجک؟ الینی دیوارا توتوب ، باشینی اونون اوستونه قویوب آغلایاجاق. منیم درس اوخوماق آرزوم یادینا گله جک. اوخوماغی چوخ ایسته

بیردیم و اره گتتمک ایسته میردیم. منه ائدی زولم دن اذیت چکه جک. بلکه ده خسته لنه جک. آینایا باخیب گولوردوم. نه گۆزل اینتیقام دیر! یاخشی، باشقالاری نیلییه جک؟ سعید! آه سعید! او شوک اولاجاق. باغیریب گۆز یاشی تۆکه جک. اؤزونه لعنت اوخویاجاق. نییه واختیندا منه ائلچی گۆندرمه دی؟ منی نییه بیر قارانیق گتجه ده اوغورلامادی؟ عۆمرونون آخیرینا کیمی قم و افسوسلا یاشایاجاق. اصلینده، اونون بو قدر عذاب چکمه یینی ایسته میردیم. اما اؤز گوناھی ایدی. نییه اؤزونو ایتیردی؟ نییه داها منی آختاریب تاپمادی؟ احمد! احمد ناراحت اولمایاجاق، اما گوناھکار حیس ائدجک اؤزونو. خبری ائشیدنده بیر مودت مات قالاجاق. اوتاناجاق. سونرا پروین خانیمین ائوینه قاچیب بیر هفته سحردهن آخشاما قدر آراق ایچه جک. اوندان سونرا بوتون گتجه لرینی منیم اونا باخان باخیشلاریملا کتچیرده جک. کۆلگه م اونی راحت قویمایاجاق. محمود قارداشیم باشینی ترپدیب دئییه جک: آی بدبخت! گوناھ گوناھ دالینجا. ایندی نه اودلاردا یانیر! اما ذره قدر ده اؤزونو موقصیر گۆرمه یه بونولا یاناشی، بیر نچه سوره قوران اوخویاجاق، نماز قیلاچاق. و اؤز موسلمانلیغی ایله فخر ائدجک کی، نه گذشتلی و مئهریبان قارداش دیر کی، او قدر گوناھلاریم قارشیلیق یئنه الله دان منیمچون عفو ایسته بیر! علی! علی نیله یه جک؟ مطلق اول ناراحت اولاجاق. بیر آز اؤزونه قاپاناجاق. کوچه ده کی اوشاقلار آرخاسینجا گلنده اوینماقلا مشغول اولوب هر شئی اونوداجاق. اما یازیق بالاجا فاطمه. او، یئگانه آدام دیر کی، هئچ گوناھ حیس ائتمه دن، ساده جه، منیمچون گۆز یاشی تۆکه جک. ایندی اونون حالی منیم زرینین اؤلدویو واختدا کی حالیم کیمی دیر. گله جک ده منیم طالیم اونوندا یاخاسیندان توتاجاق. حئییف کی، او زامان من اولمایاجام کی، اونا کۆمک ائدیم. او دا تک قالاجاق. هئچ بیر کۆمکچیسی اولمایاجاق. پروین خانیم منه «آفرین» دئییه جک کی، اؤلومو بو پیس یاشاییشدان اوستون توتدوم. و اؤزو حسرت چکه جک کی، نییه او زامان اؤزو بونو ائده بیلمه دی. پروانه منیم اؤلمیمن گنج خبر توتاجاق. آغلایاراق مندن قالان نیشانه لری دؤوره سینه ییغیب همیشه کدرلنه جک. آه، پروانه! سینچون او قدر داریخمیشام کی. سنه چوخ احتیاجیم وار. آغلاماغا باشلادیم. اینتیقام خولیلاریم سونا چاتدی. اولگوجو گۆتوروب بیلیمین اوستونه قویدوم. اما چوخ ایتی دئییلدی. گرک گوجلہ چکیردیم. اوریم گلمیردی.

قورخوردوم. چالیشیردیم غضبیمی، اومیدسیزلیگیمی یادیم گتیریم. احمدین سعیده ووردوغو یارالاری یادیم گتیریب دئدیم: بیر. ایکی. اوچ! اولگوجو چکدیم. قورخولو آغریدان اولگوج الیمدن دوشدو. و قان آخماغا باشلادی. اولگوجو او بیر ییمله گۆتوردوم. او بیر ییمله دامارینا وورماق ایسته دیم. الیم او قدر آغرییردی کی، اولگوجو ساخالایا بیلیمیردیم. دئدیم، عئیی

یوخ، بیر آز زامان آلاجا، اما، ان سونوندا، بدهنیمین بوتون قانی بو قولومدان چیخار و قورتولارام. یئنه ده اؤز خولیلاریم قاپیلدیم. الیمین آغریسی آزالدی. اونا باخدیم، قانیم کسيلمیشدی. یارانسی سیخدی. آغریدان آه چکدیم... بیر نچه دامجیدا قان وانایا تۆکولدو. یئنه ده کسیلدی. فایداسی یوخ ایدی. یارا چوخ درین دئییلدی. داماری تامامیله کسممیشدی. اولگوجو گۆتوردوم. یارا چوخ آغریدیدی. نجه عینی یئری بیر ده کسه بیلردیم کی؟ کاش کی باشقا یولو اولاردی. بو قدر آغری و قاناخما اولماییدی. دینی صؤحتلرده خانیملارین دانیشدیقلاری سؤزلر یادیم: دوشدو: الله بئله چیرکین عملی باغیشلاماز. اونی ابدی جهنمده زهرلی ایلانلارین یانیندا ساخلایارلار، جهنم مأمورلاری شالاقلا عذاب وئرلر... او واختلار بو سؤزلری ائشیدن دن سونرا بیر هفته گنجهلر کابوس گۆرور، یوخدا قیشقیریردیم. یوخ، من جهنم عذابینا دۆزه بیلمزدیم. بس منیم اطرافیمدان آلاجاغیم ایستیکام نجه اولاجاق؟ نجه اونلارین جانینی آجیداجام؟ منه ظلم ائتدیکلرینی اونلار نجه باشا سالاجام؟ گرک اونلارین منه ائتدیکلری عذابی من ده اونلار وئرم. گرک یاشاییشلارینین آخیرینا قدر قارا گئیینیپ، قوصه لی اولسونلار. اما، گۆرهسن، اونلار عؤمورلرینین آخیرینا قدر آغلار قالاقلارمی؟ مگر زرییه گۆره نه قدر آغلادیلار کی؟ او کی گونا ائلمیشدی. هله ایلدن -ایله ده لاپ اونودورلار اونو، یادلارینا دا دوشمور. بیر هفته اولمامیش «آلاهین ایسته یی بو ایدی» دئیلر. «اونون ایسته یی قارشیسیندا هئج نه ائتمک اولماز. اونون رضاسینا راضیق. تقدیری ایلاهی دیر. ناشو کورلوک ائتمه یین. الله سیزی سیناغا چکیر. آلاهین یاخشی بندهسی اودور کی، سیناودان باشی اوجا چیخا. اؤزو وئریب، اؤزو ده آلیر. سیز وسیله سینیز، طلبکار دئیلسینیز». یعنی هامی آلاهین ایسته یینی قبول ائتدی. اونلارین بوندا هئج بیر گوناهی و رولو یوخدور. الله منده ده بو جور اولاجاق. بیر هفته دن سونرا ساکیتلشه جکلر. چوخو بیر -ایکی ایلدن سونرا اونوداجاق. اما من ابدی عذابدا قالاجام. بوندان سونرا تکجه منی چوخ ایسته یه نلر و منه کۆمک ائدنلر تک و مایوس قالاقلار. اولگوجو قیراغا آتدیم. بو ایش من لیک دئییل. من ده پروین خانیم کیمی بو طالییمه ایلمه لییم. الیمین قانی کسيلمیشدی. بیر دسمال قویوب یاتاق اوتاغینا قایتدیم. ملفه نین آلتینا گیریپ اوجا سسله آغلادیم. من گرک بو گئچکلیگی قبول ائدیم کی، سعیدی ایتیرمیشم. او، منی ایسته مه دی. عزیزینی تورپاغا تاپشیران اینسان کیمی، من ده سعیدی قلبیمین ان درین یئرینه باسدیردیم و ساعاتلارلا اونون اوستونده آغلادیم.

۲ ینجی بؤلوم

گونشین بو قدر یوخاری قالخماسی سحرین چوخدان آچیلدیغینی خبر وئیردی رۇیا گۆرمه دییم اوزون بیر یوخودان اویاندیم . سرسملیش حالدا اطرافیم باخدیم. هئج نه تانیش دئییلدی. من هارادا ایدیم؟ نئچه آی کئچهدن سونرا باشیما گلن هر شئی یادیم دوشدو. من او قریبه آدامین ائوین ده ایدیم. اطرافیم باخدیم. اوتاغین قاپیسی آچیق ایدی. درین بیر سوکوت گۆستریدی کی، مندن باشقا، او ائوده هئج کس یوخدور. قریبه بیر حیسیم واریدی. سویوق، مارق سیز بیر حیس بوتون ووجودومو بوروموش دو. بوتون او حیرص و عصیان کی، آیلاردیر منیمله سؤنموشدو. هئج تأسف و داریخما حیسی، ائومیزه و عاییله مه کی، اونلاردان آیرلمیشدیم، یوخ ایدی. هئج بیر باغلیلیق دا بو ائوه یوخ ایدی. حتی نیفرت حیسیمه یوخ ایدی. ائله بیل اوره ییم بیر بوز تیکه سی کی می مونظم و آز سرعتله چیرپمیردی. فیکیرلشیردیم، گۆره سهن، بو دونیادا بیر دؤنه ده نسه منی سئویندیره جک می؟ یئریمدن قالخدیم. اوتاق دونه ن گئجه گۆردیومدن ده بؤیوک ایدی. چارپایی عکس ائتدیره ن پالتار دولای تپتزه ایدی. هله ده مئبل یاغنین ایی گلیردی. یقین کی، ایسراگون آتامین آلدیغی دئدی مئبللر ایدی. چامادانیمین اغزی آچیق ایدی و پالتارلار بیر -بیرنین اوستونده گۆزه دییردی. اوتاغین بیر طرفینده ده بیر صاندیق وار ایدی. اغزینی آچدیم. بیر قدر ملفه، بالیش اوزو، دسمال، حمام دسمالی و باشقا شئیرلر واریدی. اونلاری یئره یئر ائده بیلمه میشدیلر. اوتاقدان بیر دۆردگوشه لی یئره گیردیم. ظاهرده انبارا اوخشیان باشقا بیر اوتاق ایدی. سول طرفده بیر یئکه شوشه لی قاپی ایدی. پنجره لری رنگلی شوشه لردن ایدی و مطبخ، آیاق یولو ایله اوزبه اوز ایدی. یئرین اورتاسی قیرمیزی خالی ایله بزیدلمیشدی. دیوارا یاپیشدیریلان رفلر کیتابلا دولو ایدی. شوشه قاپینین بیر یانیندا قدیم بیر گولدن واریدی. باشیمی سوخوب مطبخه ده باخدیم. بالاجا بیر یئر ایدی. کرپیدن تیکلمیش بیر سکی واریدی. سکینین بیر یانیندا اوچ پلیته لی گۆی رنگلی بیر چیراق واریدی. بیر یانیندا ده ایکی شعبه لی تزه قاز اواغی. آلتیندا دا بیر قاز بالونو واریدی. بالاجا، تاختا بیر ماسانین اوستونده قیرمیزی گوللو چینی قبالار بیر -بیرنین ایچینه دوزولموشدو. بو قبالار منه یاخشی تانیش ایدی.

اوشاقلیقدا بیر دؤنه تهرانا گلنده اونلاری منیمله زرینین جئهیزی اوچون آلمیشدیلار. مطبخین اورتاسینداکی بویوک قوتودا میس قازانلار، موختلیف اؤلچولرده کفکیر، آغیر، بویوک تئشت واریدی. بونلاردا داها موناسیب یئر تاپا بیلمه میش دیلر. حیس اولونوردو کی، بوراداکي تزه اشیلار منیم جئهیزیم ایدی، قالان شئیلر ایسه او قریبه اوغلانا عایید ایدی. اوشاقلیق دان منیم اوچون آلینیب ییغیلان جئهیزین اورتاسیندا دایانمیشدیم. مطبخ اشیلاری، یاتاق اوتاغینین آوآدان لیغی منیم یاشاییشمین بوتون آماجلاری بو اشیلاردا گؤرونوردو. بو اشیلار ثبوت اندیردی کی، مندن طلب اولونان شئی اریمه مطبخده و یاتاق اوتاغیندا خیدمت ائتمکدیر. بو، چتین بیر وظیفه ایدی... گؤره سەن، باجراجاقدیم می؟ بوتون گونو بو مطبخده بیشیریپ دوشوروب، او خوشاگلمز، قریبه آداملا بیرلیکده یاشاماغین عؤده سیندن گله بیلجکدیم می؟ بونلاری دوشوندوکجه حالیم پیسلشدی. اما آجیخلانمیه بئله حالیم یوخ ایدی. شوشه قاپینی آچدیم. بیزیم خالچالارین بیرى ده بورادا ایدی. تاخچادا ایکی دنه لاله شکلینده شامدان و آردی، اوستوندن قیرمیزی شوشه لر آسیلمیشدی. بیر حاشیه سیز، رنگ سیز آینا واریدی. یقین کی، بو آینا و شامدانلار منیم ایدی. اونلاری کبین سوفره سینده گوردویوم یادیم گلمیردی. اوتاغین بیر طرفینده کی اوزونسو ماسانین اوستونه رنگ روفو گئتمیش بیر اؤرتوک الینمیشدی. اوستونده قهوی رنگده بویوک رادیو واریدی. رادیونون اوستونده ایکی دنه سوموک رنگده دویمه واریدی. دویمه لر ایکی بویوک گؤز کیمی منه باخیردی. بیر دؤردکونج قوتو منه ماراقلی گلدی. قاباغا گئتدیم. ماسادا بیر نئچه بویوک و بالاجا ظرفلر، ظرفلرین اوستلرینده موسیقی قروپلارینین شکللری واریدی. تانیدیم. بو، قرامافون ایدی. پروانه گیلده ده وار ایدی. قاپاغینی آچدیم. قارا، گیرده خطلر بیر بیرلرینی احاطه ائتمیشدی. الیمی چکدیم. حئییف کی، اونو ایشه سالماغی باجارمیردیم. ظرفه باخدیم. یقین، بو قریبه آدام خاریجی موسیقیلره ده قولاق آسیر. محمود قارداشیم بیلسه... بو ائوده تکجه بو قرامافون و کیتابلار منه ماراقلی گلیردی. اؤز اؤزومه: کاش منی بونلارلا تک قویالار، دئدیم. یوخاریدا داها هئچ نه یوخ ایدی. ائوین باشقا بیر قاپیسینی آچدیم. قارشیمدا بالاجا ائیوان واریدی. بیر طرفی پیلکهن ایدی. پیلله لرین بیر حیسسه سی حیطه ائیر، بیر حیسسه سی ده داما قالخیردی. حیط کریجیله دؤشنمیشدی. حیطین اورتاسیندا بیر یومرو هوووز واریدی سویو تزهجه دییشیلیمیشدی. ایکی طرفینده ده بیر اوزون، یاشیل دار یول واریدی، کنارلاریندا گیلایس آغاجلاری اکیلیمیشدی. باشقا بیر آغاجدا وار ایدی کی سونرا خورما آغاجی اولدوغونو بیلدیم. دیوارین قیراغیندا دا یورغون، قوجا تنک آغاجی وار ایدی. قیزیل گول کوللارینین یارپاقلارینی توز توتوموشدو. بینانین اوز دیوارلاری قیرمیزی کریچدن ایدی. یاتاق و قوناق اوتاغینین پنجره لری حیطدن گؤرونوردو. حیطین ایچینده ده قدیم

بیر توالئت وار ایدی. بونلاردان قومدا دا وار ایدی. اوتاقلاردان بیرینین قاپیسی باغلی ایدی. پنجرهلردن باخماغا چالیشدیم. هامیسینین حصیرلی پردهلری واریدی، پنجرهلرین یوخاریسیندا ییغمیشدیلا. بیرینین پرده سی آچیق ایدی اللیمی اوزومون قیراقلارینا توتوب ایچرییه باخدیم. ایچریده بیر قیرمیزی خالی، بیر نئچه موتککه، بیر دست یاتاق واریدی. ساموار و چای دسگاهی دا گۆزومه ده یدی. قاپییا کۆهنه و بۆیوک بیر قیفیل وورولموشدو. یقین، بورا او قریبه اوغلانین ننه سینین ائوی ایدی. یقین، قوناق گئدیپ. کبین کسپله ده اورادا اوتورموش آغ چادرالی قاری یادیم دوشدو. اووجوما نسه قویموشدو. دئییه سەن، بیر سیککه ایدی. یقین، اونو اۆزلری ایله آپاریلار کی، گلینله بی بیر نئچه گون تک قالسین. گلین و بی؟! زهرلی بیر تبسسومله گولو مسیه رک، آشاغی ائیب زیرزمینین یانینداکی باغلی بیر قاپییا باخدیم. ائیسز پنجرهلر ائیوانین آلتینداکی زیرزمینه ایشیق سالیردی. پنجرهلردن باخدیم. چوخ قارانیق ایدی، ایچرینین توزلو و داغینیق اولدوغو حیس اولونوردو. آیدین ایدی کی، چوخدان دیر هئچ کیم اورایا گیرمه ییب. گۆزلیم توز باسمیش قیزیل گولره دوشدو. اوریم یاندی. سوسپه نی هوووز سویو ایله دولدوروب اونلاری سولادیم. ساعات بیر اولموشدو. آجمیشدیم. مطبخه گیردیم. تویدان قالما بیر قوتو شیرنی واریدی. بیرینی آغزیم قویدوم، چوخ قورو ایدی. کۆنلوم سرین بیر شئی ایسته دی. قدیم، آلقاق، آغ سویودوجونون قاپیسینی آچدیم بیر قدر پئندیر، یاغ، بیر آزدا مئیوه قویموشدولار. بیر شوشه ده سو. بونلاری گۆتوردوم، پنجره نین قارشیسیندا اوتوردوم. یئییه -یئییه اطرافیم باخدیم. مطبخ داغینیق و چیرک لی ایدی. قالخب بیر کیتاب گۆتوردوم. اۆزومو چارپاینین اوستونه آتدیم. اما فیکریم اۆزومده دئییلدی. کیتابدان اوخودوقلاریمدان بیر شئی آنلامیردیم. یاتماغا چالیشدیم، اما آلتینمیردی. نه ائده جه ییمی فیکرلشدیم. یعنی، دوغرودان، بوندان سونرا یاشاییشیم بو قریبه آداملا کئچه جک؟ گئجه یاریسی هارا گئتدی؟ یقین، آنا -آتاسینین ائوینه گئدیپ، بلکه ده مندن شیکایت ائدیپ. اگر آناسی گلیب منیمله داوا ائتسه، اوغلونو نییه ائوده ن چیخارتدیغیمی سوروشسا، نه دئییم؟ بیر مودت موختلیف فیکرلرله او طرف -بو طرفه دۆندوم. سعیدی و باشقا شئی لری اونوماغا چالیشدیم. چالیشدیم اونو دوشونمه ییم. اۆز -اۆزومه دئییم: گرک داها بونلاری فیکرلشمه ییم. اۆزومو اۆلدوره بیلمه میشه مسه، گرک حرکتلریمه فیکر وئیریم. پروین خانیم دئییلمه کی، راحتلیقلا اریمه خیانت ائدیم. اگر اونون کیمی اولماق ایسته میرمه، گرک سعیده فیکرلشمیم. اما بو فیکر منی راحت بوراخمیردی. ان سونوندا، آغلیما گلدی کی، تدریجه ن درمانلان ییغیب بیر کناردا احتیاط ساخلا ییم. اگر بو یاشایشا دۆزه بیلمه سه م و پیس یولا دوشسه م، درمان اۆلمک اوچون ان آغریسز واسیطه دیر. آغلیما گلدی کی، ساعاتلاردی یاتاقدا یام. حتی مورگولمیشدیم

ده. زالا کئچدیم، دیوارداکی بویوک ساعات دۆردون یاریسینی گۆستریردی. حؤوصله م بیر تیکه اولموشدو. اؤز-اؤزومه دئدیم، گۆره سن، بو قریبه آدام هارا گئدی؟ گۆره سن، منیمله نه ائتمک ایسه بیر؟ کاش منه هئج نه ائله مه دن بورادا یاشاماغا قویایدی؟ بو ائوده کیتاب، موسیقی، رادیو واردی. هر شئی دن اول، ساکیتلیک، تکلیک و آزادلیق واریدی. عایله می گۆرمه یی ذره قدر ده ایسته میردیم. او قریبه اوغلانلا بو ائوده ایکی میز ده سربست یاشایا بیلردیک. آه! اگر بو تکلیفی قبول ائله سه، من ائوین بوتون ایشلرینی گۆرهرم. هر بیریمیز اؤز یولوموزلا گئدریک. پروین خانیم یادیم دوشدو. او دئمیشدی کی، بلکه بیر گون اونا باغلانارسان. یوخسا سنده اؤز یولونلا گئده جکسه ن. کوریم تیره دی. اونون مقصدینی یاخشی بیلیردیم. گۆره سن، دوغرو دان، او، گونا هکاردر، یا من خایینلیک ائدیره م؟ کیمه خایین چیخیشام؟ نه یه گۆره؟ هانسی خیانت؟ ایسته مدیم، تانیما دیغیم بیر قریبه آداملا یاتماق؟ اونون الینین منه ده یمه یینی ایسته میرم. باشقالاری بیر نچه کلمه اوخویوب و منه زورلا «بلی» دئدیردی لر. سؤدییم بیر کیشینین عشقی منیمچون هر شئی ایدی. منیم آرزوم اونونلا یاشماق ایدی. باشیم شیشمیشدی. بئینیم ده اینانیلماز فیکر لر واریدی. گرک بیر ایشله مشغول اولایدیم. گئدی رادیونو آچدیم. اؤز سسیمدن باشقا سس ائشیتمه یه احتیاجیم واریدی. یاتاق اوتاغینا گئدی، سورعتله چارپایینی ییغیدیم. قیرمیزی یاتاق پالتارینی ساندیغین ایچینه آتدیم. دولابدا کی پالتارلار

داغینیق ایدی. چوخو آسقیلاردان یئره تۆکولموشدو. هامیسی نی چیخاریب، اؤز پالتارلاریمی دا چاماداندان بوشالیدی، ایشکافی ایکی یئره بۆلدوم. اؤز پالتارلاریمی بیر طرفه، او قریبه آدامینکیندا بیر طرفه آسیدیم. خیردالاری دا آینالی دولابین سیگیرمه لرینه قویدوم. ایچی، ساده جه، کیتابلارلا دولو آغیر ساندیغی اوزبه اوز اوتاغین بیر کونجونه سورودوم. اورانی دا سلیقه ساهمانا سالدیم. هاوا قارالمیشدی. ایکی اوتاق آرتیق حاضیر ایدی. بیلیردیم کی، نه یی هارا قویمو شام. یئنه آجمیشدیم. الیریمی یویوب مطبخه گیردیم. بورادا چوخ سلیقه سیز ایدی. آما سلیقه یه سالماغا حالیم یوخ ایدی. سویو قایناتدیم، تئز بیر چای دوزلتدیم. ائوده چۆرک یوخ ایدی. شیرنیلرین اوستونه بیر آز پئندیر و یاغ چکیب چایلا یئدیم. کیتابلارلا باخدیم. بعضیلرینین قریبه آدلاری وار ایدی کی، آنلامیردیم. بعضیلری ده حقوق کیتابلاری ایدی. قریبه آدمین درس کیتابلاری. بیر نچه دنه ده رومان و شئیر کیتابلاری واریدی. سعیدین منه وئردی شئیرلر کیتابی یادیم دوشدو. بالاجا بیر کیتابی الیمه گۆتوردوم: فوروغون «اسیر» آدلی کیتابی. وای! بنون جسارتینه باخ! بو قادین بوتون حیسلرینی قله مه آلیب - قورخماییب! اوخودوقجا منه ائله گلیردی کی، بو سؤزلری اؤزوم یازمیشام. بیر نچه شئیری ایشاره لدیم. بیرینی اوجا سسله

اوخوماغا باشلادیم: بیر قفیل فورصت دوشه ایله بو زینداندان اوچوب قاچام. حبسخانه نظارتچی سینین اوزونه باخیب گولمه

و سنین

یانیندا یئنی یاشاییشا باشلایام... اؤز -اؤزومه: اوتان! دئدیم. ساعات اونو کئچمیشدی کی، بیر کیتاب گۆتوروب چارپاییا دوغرو گتدیم. چوخ یورغون ایدیم. کیتابین آدی «زیبیل لیک میلچه یی» ایدی. چوخ ماراقلیددی الیمدن یثره قویا بیلیمیردیم. کیتاب منه اؤز تکلییمدن و ائودکی قریبه آدامدان قورخماماغا کؤمک ائدیردی. نه وخت یوخویا گتتدیم بیلمه دیم. کیتاب الیمدن دوشدو و چیراق یانا-یانا قالدی. صاباح گون اورتایا یاخین اویاندیم. ائو هله ده درین بیرسوکوت و تکلییه بورونموشدو. اؤز-اؤزومه دئدیم: اؤزگهلردن اذیت گۆرمهدهن یاشاماق نه گۆزلیمیش! ال-اوزومو یویوب، چای دملدیم. یئنه ده همین بایات شیرنیلردن یئدیم. فیکیرلشدیم کی، بو گون بیرینجی گون دور. بوتون دوکانلار آچیق دیر. اگر بو قریبه آدام گلمهسه، اؤزوم گئدیپ بیر آز آلیش -وئیش ائلیره. اما هانسی پوللا؟ دوغرودان، او گلمهسه، من نئیلییم؟ یقین، بو گون ایشه گئدیپ. آخشام قاییدار، اینشاللاه. گولمه ییم توتدو: «اینشاللاه» دئمیشدیم. یعنی من اونون قاییتماغینی ایستیرم. گۆرهسه، او، منیم بارهمده نه دوشونوردو. قادینلار ژورنالیندان اوخودوغوم بیر حیکایه یادیدا دوشدو. بیر قیزی منیم کیمی زورلا اره وئرمیشدیلر. توی گئجهسی ارینه دئمیشدی کی، من باشقاسینی سئویرم، سنینله اولای بیلمه ره. کیشی ده اونا ال وورمایاجاغینا آند ایچمیشدی. بیر نچه آیدان سونرا قیز کیشینین گۆزل، یاخشی آدام اولدوغونو گۆرموش و سئوگیلیسینی اونوتموشدو. ارینه وورولموشدو. اما اری آندینی سیندیرماق ایستمه میشدی. و هئچ وخت آروادینا ال وورمامیشدی. یعنی او دا بئله بیر آند ایچه بیلرمی؟ نه یاخشی! ایچیمده اونا قارشى هئچ بیر حیس یوخ ایدی. اما قاییتماغینی ایسته بیردیم. بیرینجی، بو تکلیکدن قورتولاردیم، بیر ده کی، یاشاماق اوچون پوللا احتیاجیم واریدی. اوچونجوسو، آتام ائوینه قاییتماغى هئچ ایسته میردیم. رادیونو آچیب، ائو ایشلرینه باشلادیم. او گونون چوخ حیسسهسی مطبخده کئچدی. نچه دنه دمیر قاپیلی دولاب تمیزلیدیم. ایچینه قزتلر سرب بوشقابالاری و خیردا -خوروشو دوزدوم. نچه دنه ناخیشلی پارچا واردیسا، هامیسینی گۆتوروب قوناق اوتاغینین مئبللرینین، رادیو، قرامافونون اوستونه سالدیم. صحیفه لری و کیتابلاریدا دوزدوم. بیر آز قرامافونلا اللشدیم، آنجاق ایشه سالا بیلمه دیم. اویان -بویانا باخدیم. ائو دیشمیشدی. خوشوما گلدی. حیظه باخدیم آغاجلار چوخ سوسوز و قورو گۆرونوردولر. آشاغی دوشوب اونلارا سو وئردیم. حیطی و پیله لری یودوم. هاوا قارانلیقلاشاندا یورغون و ترله میس حالدا ایشیمی بیتیردیم. یادیدا دوشدو کی، ائوده حامام وار. باخمایاراق کی، سو سوبوق

ایدی و من نئفتله اولان قیزدیریجینی یاندیرا بیلیمیردیم، اما یئنه ده قنیمت ایدی. بوتون توالئتی یویاندان سونرا سویوق سو ایله دوش آلدیم. باشیمی تئز یویوب، بدهنیمه صابون چکه رک حمامدان چیخدیم. پروین خانیمین تزه تیکدی گوللو ائو پالتارینی گئییندیم. ساچلاریمی باشیمین آرخاسیندا ییغدیم. آینادا اؤزومه باخدیم. چوخ دییشمیشدیم. داها اوشاق دئییلدیم. ائله بیل بو نئچه گونده بؤیوموشدوم. حیط قاپیسین سسی گلنده اورییم دؤیوندو. پنجره نین کنارینا گتتیم. اوغلانین آتاسی، آناسی، بالاجا باجیسی و ننه سی ایچری گیردیلر. باجیسی

ننه سینین قولتوغوندان یاپیشیب چالیشیردی کی، یوخاری قالدیرسین. آتاسی قاپیسی باغلی اوتاغا گتدی کی، قیفیلی آپسین. اما قریبه اوغلانین آناسینین اؤزونو تئز ائوه چاتدیرماق ایسته دی حیس اولونوردو. قلیبمین دؤیونتوسو آرتدی. ال - آیاغیم تیتیریددی. قاپینی آچدیم و درین بیر نفس آلیب، سلام وئردیم. به - به! سلام، گلین خانیم! حالین نئجه دیر؟ کورکه ن هارادادیر؟ من جاواب وئرمه میشدن قاباق اؤزو سسله دی: حمید! حمید! هاراداسان؟ راحت نفس آلدیم. اونلار بیلیمیرلر کی، حمید گئدی و هله قاییتما ییب. یاواشجا دئدی: ائوده دئییل... هارا گئدی؟ دئدی، دوستلارینا باش چکمه یه گئدیر. قاینانام باشینی ترپتدی. ائوین او یان - بویانینا باخماغا باشلادی. هر یئره باخدی. بیلمه دیم، باشینی بولاماسی نه آنلاما گلیردی؟ ائله بیل طلبکار بیر معلم سیناو ورقه مه باخیردی. اورییم دؤیونوردو. اونون نسه دئمه یینی گؤزلییردیم. الینی ناخیشلی خالچالارین قیراغینا چکیب سوروشدو: اؤزون توخوموسان؟ یوخ، دئدیم. یاتاق اوتاغینا گیریب پالتار دولاینین قاپیسینی آچدی. دولابلارین سلیقه لی لیگی اؤزومون ده خوشوما گلدی. یئنه باشینی ترپتدی. مطبخ ده کی دولابدان بیر قاب گؤتوروب، آرخاسینی چئویریب سوروشدو: «مسعود» دان دی؟ بلی، دئدیم. آخیر کی، باخیب قورتاردی. زالا قاییدی چادراسینی آچدی. موتککه یه سؤیکه ندی. من چای دمله دیم. بیر آز دا شیرینی دن قبا قویوب زالا گتیردیم. قیزیم، گل، اوتور. ساغ اول، حظ آلدیم. پروین خانیم دئدی کیمی، هم گؤزل سن، هم تمیز، هم ده سلیقه لی. یاخشیدی ایکی گونون ایچینده بورادا هر یئری قایدایا سالمیسان. آنان دئییردی کی، بیر - ایکی گوندن سونرا گئدک، کؤمکلشیب ائوی تمیزله یک. اما گر ه ک اولمایاجاق. آیدین دی کی، یاخشی ائو قادینیسان. راحت نفس آرام. یاخشی، دئدین حمید هارا گئدی؟ دوستلارینین یانینا. باخ، قیزیم، قادینین گرک قادی نیلی اول. گرک اربنی اووچوندا توتماغی بيله. یاخشی ییغیشدیرا اونو. آغلینی ییغ باشینا. منیم بو حمید آدلی گولومون تیکانلاری دا وار. تیکانلاری دا بو دوستلاری دیر. گرک نسه ائدسه ن کی، اونلاردان آیریل. سن ده گرک بيله سه ن کی، اونون دوستلاری اوزویولا آداملار دئییل. هامی دئدی کی، اگر ائولندیرسن، باشی آرواد اوشاغا

قاتیشاجاق و دوستلاردان ال چکه جک. ایندی بو، سنین بوینونا دوشور. ائله اؤزونه طرف چکه سەن کی، هئج بیلمه یه گونو نئجه کئچیر. دوققوز آیدان سونرا بیرینجی اوشاغی، او بیر دوققوز آیدان سونرا دا ایکینجی اوشاغی قوجاغینا وئره سەن. خلاصه، گرک اطرافینی ائله دولدوراسان کی، بو خیال دان اوزاقلاشا. من اؤز سۆزومو دئدیم. قالانی سنلیک دی. ائله بیل گۆزلریمین قاباغینداکی پرده دوشدو. یازیق قریبه اوغلان. اونو دا منیم کیمی زورلا کبین سوفره سینه اوتوردوبلار. او دا منیمله یاشاماغا حاضیر دئیل، بلکه او دا باشقاسینی سئویر. اما اگر او سئویردیسە، نییه او قیزی آلماییلار؟ بونلار آخی اوغلانلارینا و اونون ایستکلرینه چوخ بویون ایبرلر. او کی منیم کیمی دئیل دی. کیمین سە اونا ائلچی گلە یینی گۆزلەمیردی کی! کیمی ایستە سە، آلا بیلردی. آتا - آناسی دا کی اونون عاییله قورماغینی آرزولاییردیلار. سۆزونون اوستونه سۆز دئمزدیلر. بلکه ده او، ائولنمین علییه نه ایدی؟ بو یوکون آلتینا گیرمک ایستەمیردی. اما نییه؟ گۆر نئجه یاشی وار؟ یعنی، ساده جه، دوستلارینا گۆره؟ آناسین سسی منی فیکریمدن آیردی: بو گون سبزی قوورما بیشریمشەم. حمید چوخ سئویر. اوریمدن کئچدی کی، او دا یئسین. بیر قاب دا سیزه گتیردیم. سنین هله سبزی سئچمک سریشته ن اولماز. دویونوز کی وار... تعجبله چیینلریمی چکدیم. او دئدی: زیرزمی ده دی. ائله بورادا، آشاغیدا. آتاسی هر ایل اؤزوموزه ده دویو آلیر، نئجه کیسه ده ننه یه و حمیده گتیریر. آخشاما بیر کته حاضیرلا. حمید دن - دن اولان دویونو سئومیر. کته خوشلاییر. بیز ده صاباح گئجه گندجیمیزه گۆره ننه نی بورا گتیردیک. یوخسا ایستە ییردیک نئجه گون ساخلا یاق. چوخ اذیت سیز خانیم دیر. هر دن بیر اونا باش چک. اؤز ایشلرینی اؤزو گۆرور. اما هر دن سن اونا باش چکسەن، یئمک آپارسان، پیس اولماز. ئاواب دی. همین واخت منیژه و آتاسی دا ایچری گیردیلر. من قالخیب سالام وئردیم. آتاسی مئهریبان لیقلا گولدو: سالام، قیزیم، نئجه سەن؟ کئفین نئجه دیر؟ پروین خانیم دوز دئییردی، چوخ گۆزل سەن. باخ بیر گونده نه ائو - ئشیک دوزلدیب؟ ایندی گۆرک بو اوغلانین بهانه سی نه اولاجاق؟ منیژه ده هر یئره باش چکیب دئدی: سنین نه قدر واختین وار ایدی؟ دونه ن، یقین، یاتمیشدینیز. آناگیله ال اوپمه یه ده گئتمیسینیز... هارا گئتمه لی ایدیک؟ مگر توی دان سونرا ال اوپمه یه گئتمزلر؟ گئتمدینیز؟ یوخ، بیز بیلیمردیک. هامی گولدو. یاخشی، بیلیریک کی، حمیدین بو رسمیت دن باشی چیخمیر، بو یازیق قیز دا هارادان بیلسین؟ ایندی کی بیلیرسیز، گرک گندسینیز. اونلار گۆزلیبلر. هه، سیزه هدیه ده وئره جکلر. یادیندادی، آنا، منصور گیل بیزه گلنده سن اونا به یه بیر گۆزل بویونباغی وئردین. هه، یادیمدادی. گلین، مککه دن نه ایستیرسن، دئی، گتیریم. اوتانما، دئی.

هئچ نه... دوواققاپما دا بیز گلنده ن سونرا اولسون. یئنه ده سن فیکیرلش. اگر صاباحا قدر نسه ایسته سەن، دئ. خانیم، دور، دئیە سەن، حمید گلە یە جک، چوخ یورغونام. اینشاللاه، حمید صاباح بیزه باش چکر. بلکه ده هاوا لیمانینا گلدی. قیزیم، ساغوللاشما دا قالسین صاباحا. منی قوجاقلایب اؤپدو. کؤورلیب دئدی: قیزیم، حمیدیمی سنه تاپشیریرام. سن الله، اوندان موغایات اول. قویما باشینا نسه گلسین. منیژه ده باش چکین. اونلار گئندن سونرا راحت نفس آلدیم. ایستکانلاری، بوشقابلاری ییغیشدیردیم. آشاغیدان دویو گتیرمه یه گئتدیم. آجلیق دان اورییم گئیدردی. ننه منی چاغیردی. سلام وئردیم. او دا منی باش دان -آیاغا سوزوب دئدی: سلام اولسون او آی کیمی اوزونه. اینشاللاه، خوشبخت اولارسان. قیزیم، بو اوغلانین دا ال -آیاغینی ییغیش دیر. باغیشلایین، بو زیرزمینین آچاری سیزده دیر؟ یوخ، قیزیم، قاپنین اوستونده دیر. یئمک بیشرجه یه م. برکاللاه، دوزلت. دوزلت. سیزه ده گتیرهم. یوخ، قیزیم، من گنجە یئمک یئمیرم. اما صاباح چۆرک آلسانیز، منه ده آلین. گۆزوم اوسته. اۆز -اۆزومه دئدیم: اگر قریبه نوەن گلە سە، من نئجه چۆرک آلام. کته و سبزیقوورمانین ایی ایشتاها می آچدی. آخیرینجی دؤنه عمل لی -باشلی یئمک یئدیم یادیم گلیم. ساعات اوندان یئمک حاضیر اولدو. قریبه اوغلان دان خبر چیخمادی. گۆزلە مک ایسته میردیم. یئمە ییمی ایشتاها یلا یئییب، قابلاری یودوم. قالان یئمک دۆرد نفره چاتاردی. سو یودوجویا قویدوم. بیر کیتاب گۆتوروب یاتاغا گیردیم. سون اوچ گنجە ده بیرینجی دؤنه چوخ تتر یوخویا گئتدیم. سحر ساعات سککیزده اویاندیم. یاواش -یاواش یاتیب دورماغیم قایدایا دوشوردو. داها اوتاق منه قریبه گلیمردی. بیر آز یاتاغمیدا اویان -بویانا چئوریلدیم. سونرا دوردوم، یاتاغمی دوزلدەرک اوتاقدان چیخدیم . بیردن یئرمده قورویوب قالدیم. قریبه اوغلان زالدا موتککە لرین قیراغین دا، بیر دۆشکچە نین اوستونده یاتمیشدی. بیر آز باشینین اوستونده دوردوم. درین یوخودا ایدی. الینی آلینا و گۆزلرینین اوستونه قویموشدو. اوزون بیغی دوداقلارینین اوستونو توتوموشدو. قیوریم ساچلاری چوخ سلیقه سیز حالدا بالیشین اوستونه تۆکولموشدو. اوجابوی، قاراشین آدام ایدی. اۆز -اۆزومه دئدیم: یعنی بو، منیم اریم دی؟ اونو کچه ده گۆرسئیدیم، تانیما زدیم. دوغرو دان، نئجه قریبه ایدی. سس سیزجه ال -اوزومو یودوم، ساماوار یاندیردیم. اما چۆرک آلمالی یدیم. ان سونوندا ، آغلیما بیر فیکیر گلدی. ناماز چادرامی باشیما آتدیم، یاواشجا قاپیدان چیخدیم. ننه هوووزدان سو گۆتوروردو. سلام وئردی: سلام، گلین خانیم. تنبل حمید هله یوخودان دورماییب؟ یوخ، ایستیرم گئدیم چۆرک آلیم. سیز ده، یقین کی، هله سحر یئمە یی یئمە میسینیز. یوخ، قیزیم، هله تلمیرم. چۆرکخانا هارادادیر؟ قاپیدان چیخاندا ساغا دۆن. کۆچە نین باشینا چاتاندا دا سولا دۆنرسەن. یوز آددیمدا قاباغا گئتسەن، چۆرکخانانی

گۆره جک سه ن. بیر آز تردود ائله ییب، سونرا دئدیم: باغیشلا یین، سیزده خیردا پول اولماز؟ ایسته میرم حمیدی اویادام. بیردن چۆرکخانادا خیردا اولماز. بلی، ایچریده تاخچانین اوستونده وار. گئت، گۆتور، قیزییم. من ائوه قاییداندا حمید هله یاتیردی. چایی دمله دیم. دۆنوب سو یودوجودان پئندیر چیخاردیردیم کی، اونونلا اوزبه- اوز گلدیم. اۆزومدن آسیلی اولمایاراق وای! دئدیم. او، تنز گئری چکیلدی. یئنه ده اللرینی تسلیم اولموش کیمی قالدیریپ دئدی: یوخ، یوخ، سن الله، قورخما. من آدم بیئه نه؟ اۆزومدن اومیدیمی اوزدوم داها یعنی بو قدر قورخونجام؟ گولمه ییم توتدو. منیم گولمه ییمی گۆره نه ساکیتلشدی. اللرینی قاپینین یوخاری سیندان چکیپ دئدی: ائله بیل بو گون حالین یاخشیدی... چوخ ساغ اول. بیر نچه دقیقه دن سونرا سحر یئممه یی حاضر اولاجاق. به- به! سحر یئممه یی؟ بورالاری دا تمیزلهمیسه ن. بوش یئره آنام دئمیردی کی، ائوده قادین اولسا، هر شئی تمیز و یئرینده اولار.

آنچاق الله ائله سین، اۆز اشیالاریمی تاپا بیلیم. منیم بو قدر سلیقه -ساهمانا عادتیم یوخدور. وانایا طرف گئتدی. بیر نچه دقیقه دن سونرا سسینی ائشیتدیم: باخ... حمام دسمالی بورادا ایدی. هارا قویموسان؟ قاتلادیغیم دسمالی آپاریپ اونا وئردیم. حمام قاپیسیندان باشینی چیخاردیب دئدی: دوغرو دان ای، سنین آدین نه دیر؟ دیکسیندیم. او، منیم آدیمی بئله بیلیم. کبین کسه ن ده آدیمی بیر نچه دؤنه دئیلر. او واخت اۆز فیکرلرینه نه قدر قاپیلیمیش کی، آدیمی دا اونوتموشدو. ساکیتجه ئدیم: معصومه. آها، معصومه. ایندی من سنه معصومه دئییم، یا معصوم؟ فرقی یوخدور. اما هامی منه معصوم دئییر. اوزومه باخیب دئدی: یاخشیدی، یاراشیر. توتولدوم. او دا ، سعید ده منه بئله دئمیشدی. اما اونون عشقی هارا، بونون سو یوق لوغو هارا؟ او دئییردی کی، گونده مین دؤنه سنین آدینی تکرارلا ییرام. گۆزلریم یاشاردی. مطبخه دؤندوم. سحر یئممه یینی زالا آپاریپ سوفره آچدیم. ساچلاری یاش و داها بوروق -بوروق اولموش قریبه اوغلان دسمالی بوینون دالینا سالمیش حالدا سوفره یه طرف گلدی. قارا، مئهری یان، گولر گۆزلری واریدی. قورخماغی بیردفه لیک یادیرغادیم. به- به! نه قشنگ سحر یئممه ییدی! تزه چۆرییمیز ده وار. بو دا آرواد آلماغین گۆز للیکلریندندیر. حیس ائله دیم کی، بونو منه خوش اولسون دئییه دئییر. ایستیردی کی، آدیمی اونو تدوغونا گۆره عوذر خاهلیق ائتسین. چایی قاباغینا قویدوم. بارداش قوروب اوتوردوق. پئندیری چۆرین اوستونه یاخیب دئدی: یاخشی، دئی گۆروم، نییه مندن قورخورسان؟ من قورخولویام، یا او گئجه اوتاغینا ار آدیلا گیره ن هر کس قورخولو ایدی؟ فرقی یوخدور، هر کس قورخولو ایدی. اورییم ده دئدیم کی، سعید اولسایدی، هئچ قورخمازدیم. بس نییه اره گئدیردین؟ مجبور ایدیم. نییه ؟ عایله م بئله دوشوندو کی، اره گتتمک واختیمدی.

اما سن چوخ گنج سەن، سنجە، واختی ایدی؟ یوخ، من درس اوخوماق ایسته بیردیم. یاخشی، بس نییه اوخومادین؟ دئییردیلر کی، قیز ۶ ایل اوخوسا، بسدی. من اوزومه سالیب بو قدر اوخوموشام. سنی مجبور ائتدیلر کی، کبین سوفره سینین باشیندا اوتوراسان؟ قویمادیلار حاقین چاتان اوخولا گنده سەن؟ بلی. نییه مقاومت گۆسترمه دین؟ نییه قاباقلارین دان قاچدین؟ نییه عصیان ائتمه دین؟ رنگی بیر آز قیزارمیشدی. چیلغین لیقلا: سن گرک زورلا حاقینی طلب ائله بیردین! اگر اینسانلار زوراکلیغا اؤزلری تسلیم اولماسالار، دونیادا بو قدر زوراکلیق اولماز. اینسانلارین مظلوم لوغودور ظلومو بئله مؤحکملەن دیرەن. حیرتلە اونا باخدیم. منە ائله گلدی کی، او، گئرجکدن چوخ اوزاق دوشوب. گولمه ییم توتدو. کینایه ایلە گولوب دئدیم: بس سیز نییه بو زوراکلیغا تابع اولدونوز؟ ساکیتلشدی. تعجبله منە باخیب دئدی: کیم؟ منی دئییرسن؟ بلی، سیزی دە زورلا او کبین سوفره سینە اوتورتدولار.

بونو کیم دئییر؟ بیلیرم. بو ایزدیواجی آرزولادیغینیزی دئیە بیلمز سینیز. یازیق آنانیز سیز آرواد آلا سینیز دئیە نه قدر اذیت چکدی. بونلاری آنام دئییب، ائله می؟ یاخشی، البته کی، دوز دئییب، بیلیرسن، حاقلیسان. من دە مجبور اولدوم. زوراکلیق همیشه کۆتک، داوا، ایشگنجیلە اولمور. بعضی واختلار دا عشق، محبتین کمکی ایلە زوراکلیق ائله مک اولور. آدامین ال - آیاغینی باغلا ییرلار. اما او واخت من آنامین اوره یی خوش اولسون دئیە ائولنمی قبول ائدن دە فیکیرلشمە دیم کی، هانسیسا قیز بئله شرایطە منیمله ائولنه بیلر. بیر مودت ساکیتجە یئمک یئدیک. سونرا چای فینجانینی الین دە توتوب، موتککە یه سؤیکه نه رک دئدی: اما سن دە چوخ زیرک سەن ها. خوشوم گلدی. باشلادی گولمه یه. من دە گولدوم. بیلیرسن نییه ایسته میردیم کی، ائولنه م؟ یوخ، نییه؟ چونکی عاییلە لی آدامین یاشاییشی اؤزونون دئییل. ال - آیاغی باغلی دی. ایده آلارینی فیکیرلشه بیلیمیر. اونلارین آرخاسینجا گنده بیلیمیر. بیر نفر دئییر کی، کیشی آرواد آلا ندا دایانیر. بیرینجی اوشاق دونیا یا گلنده دیز چۆکور. ایکینجی اوشاق دوغولاندا سجدە یه گئدیر. البته، آداما خوش گلیر. سحر یئمە ییم حاضر اولور، ائویم تمیز اولور، بیر آدم پالتارلاریمی یویور. اما بونلارین هامیسی اینسانین اؤزونو چوخ سؤمه یینی و کیشی حاکمیتینی گۆستریر. من اینانیرام کی، قادینا گرک بو جور باخمایاسان.

منیم فیکریمجه، قادینلار ان چوخ زوراکلیغا معروض قالان اینسانلاردیرلار. همیشه بیر واسطه کیمی ایستیفاده اولونوبلار. و هله ده اولونورلار. سؤزلری کیتاب سؤزلری کیمی ایدی، من بعضی سؤزلری، مثلن، «ایستیشار»ین معناسی نی یاخشی بیلیمیردیم، اما چوخ خوشوما گلیردی. خصوصیلە «تاریخ بویو ان چوخ اذیت چکمیش اینسانلار قادینلاردیر» جمله سی

دئهنیم ده حک اولوندو. بونا گۆره آرواد آلماق ایسته میردینیز؟ بلی، ایسته میردیم ال -آیاغیم باغلانسن. چونکی بو عنعنه لرله قورولموش ایزدیوچلاردا ایکی طرفین خاصیتلری بیریری ایله توتماز. ایندی اگر هم یولداش اولسایدیق، هم عقیده میز بیر اولسایدی، باشقا جور اولاردی. یاخشی، نییه عینی عقیده ده اولدوغونوز بیرری ایله عایله قورمادینیز؟ بیزیم قروپون قیزلاری بو راحتلیقلار اره گئتمیرلر. اونلار اؤزله رینی آماجلارینه حصر ائدیبلر. آنام دا بیزیم اوشاقلارا نیفرت ائدیر. دئییردی، اگر اونلارین بیرری ایله ائولهن سهن، اؤزومو اؤلدورره. سیز اونلاردان بیرینی سؤیردینیز؟ نه یی سؤیردیم؟ یوخ، ائله دئییلدی. من بونو دئمک ایسته میردیم کی، بیرینه عاشیق ایدییم، آنام اونو ایسته مه دی. یوخ، بیزیم آرامیزدا هئج بئله شئیر یوخدور. اونلار ایصرار ائدیردیلر کی، من ائولهنم، من ده بیزیم قروپدان بیر قیزلا ائولهنمک ایسته بیردیم کی، فعالیتیمه مانع اولماسین و داوا -زاد ائله مه سین. اما آنام فیکریمی بیلدی و قویمادی. سیزین قروپدان؟ یعنی نه دئمک ایستیرسینیز؟ خصوصی بیر قروپ دئییل. هامی بیغیشیب ده یری اولان بیر فعالیتله مشغول اولور. بو ایشلر میللتین خئیرینه دیر. اورادا هر کسین عقیده سی، آماجلاری وار. بونا اویغون حرکت ائلییرلر. سنین هدفین نه دیر؟ سن نه ائتمک ایستیرسن؟ اول فیکریم درس اوخوماق ایدی. ایندی بیلیم. اولمایا، عؤمرونون آخیرینا قدر ائو تمیزلهمک -ایسته بیرسن؟ یوخ. بس نه؟ اگر هدفین درس اوخوماق دیرسا، اوخو. نییه فیکریندن داشینیرسان؟ آخی اره گئدن قیزی اوخولا قویمورلار؟ یعنی سن بیلیمسن کی، درس اوخوماغین باشقا یوللاریدا وار؟ مثلن، هانسی یول؟ یاخشی، گئت گئجه کورسلارینا. فردی سیناوارا گیر. آدامین اوخولا گئتمه یی مطلق دئییل کی. بونو بیلیم. اما سیزین اوچون سورون اولمایاجاق؟ یوخ، نه سورونی؟ چوخ یاخشی اولار. منده ایسته بیرم کی، آروادیم اوخوموش آدام اولسون. بوندان باشقا، تحصیل آلماق سنین حاقین دیر. من کیممه کی، سنین بو حاقینا مانع اولوم؟ سن دوستاق دئییلسن، من ده دوستاقخانا نظارتچیسی. مات قالمیشدیم. بو سؤزلری گئرچکدن ائشیتیمیمه اینانمیردیم. بو نئجه آدام ایدی؟ بو واختا قدر تانیدیغیم کیشیلردن نئجه ده فرقله نیردی؟ حیس ائدیردیم کی، یاشاییشیمدا گونش کیمی بیر چیراق یانیر. دیلیم سؤینجدن توتولموشدو. ایختیارسیز دئدیم: دوغرو دئییرسینیز؟ درس اوخوماغا قویارسینیز؟ اونو گولمک توتولموشدو. اؤزون دن راضی حالدا دئدی: البته، دوز دئییرم. بو، سنین حاقیندی. هئج کیمه بونا گۆره تشککور ائتمه. آدام دوز اولدوغونو فیکیرلشدیی هر شئی ائتمه لی دیر. یاشاییش یولداشینین وظیفه سی بو دئییل کی، سنین ایشینه مانع اولسون. عکسینه، او، سنین آرخاندا دایانمالی دیر. بئله دئییل می؟ باشیمی ترپدیب اونون سؤز لرینی تصدیقلدیم. اونون فیکرینی آنلامیشدیم. من ده گرک اونون ایشلرینه مانع اولمایا دیم. بو راضیلیق بیرگه یاشاییشیمیزین

یازیلما میش قانونو اولدو. او قانون کی، اونون کۆمکی ایله من اؤز حاقلاریما ییه اولدوم. اما بو حاقلارین منه کۆمکی اولمادی. همین گون حمید ایشه گئتمه دی. من ده نییه سینی سوروشمادییم. ناهار یئمینه اونون آتا -آناسینین ائوینه گئتدیک آخی گئجه سفره گئده جکدیلر. پالتار گئینه نده بیر مودت اوتاقدان تردود ایچین ده قالدیم. بیلیمیردیم نه گئییم؟ فیکیرلشدیم، همیشه کی کیمی یایلیغیمی باغلایم. اگر نسه دئسه، چادرا اؤرتهم. اوتاقدان چیخاندا حمید یایلیغیما باخیب دئدی: بو، مطلق اولمالی دیر؟ آتام ایجازه وئره دن یایلیق باغلامیشام. اما سیز ناراحت اولورسونوزسا، چادرا اؤرتهم. یوخ! بو دا چوخ دور. البته، اؤزونوز بیلرسینیز. نئجه ایسته ییرسینیز، گئیین. بو، سیزین حاقینیزدیر. او گون اوزون مودتدن سونرا اؤزومو یاخشی حیس ائدیردیم. حیس ائدیردیم کی، آرخام وار. بوتون ایمکان سیز آرزولاریم مومکون اولموشدو. آراملا اونون یانیندا آددیملا ییردیم. دانیشیردیق. او داها چوخ دانیشیردی. بعضن سؤزلری چوخ ادبی اولوردو. ائله بیل بیر معلم شاگیرده درس دئییردی. اما بو خوشوما گلیردی. او، دوغرودان دا، ساوادلی ایدی. من تجروبه و تحصیل جهتدن اونون شاگیردی ده اولای بیلیمزدیم. اونون دانیشیغینا وورولموشدوم. ائولرینه چاتدیق. هامی باشیمیزا ییغیشدی. بؤیوک باجیسی مونیر ایکی اوغلو ایله تبریزدن گلمیشدی. اوغلانلار اؤزلرینی قریبه آپاریردیلار. قاینا بیل -قاریشمیردیلار. بیر -بیریلری ایله تورکجه دانیشیردیلار. مونیر خانیم باجیلاریندان فرقله نیردی، اونلاردان چوخ بؤیوک ایدی. منه گؤره باجیدان چوخ، خالایا اوخشا ییردی. حمیدله مئهریبان دانیشدیغیمیزی گؤروب سئوینیردیلر. حمید آناسی و باجیلاری ایله زارافات ائدیردی. اونلارا آتماجا آتیردی. هامیسیندان مازاقلی او ایدی کی، اونلاری اؤپوردو. منی گولمک توتوردو. تعجب ائدیردیم. بیزیم ائوده کیشیلر قادینلارلا چوخدانیشمازلار بئله، او کی قالدی زارافاتلاشیب گولسونلر. اونلارین ائولرینده کی محیطدن خوشوم گلدی. اردشیر منصوره نین اوغلو ایمکلییردی. چوخ شیرین و سئویملی ایدی. اوشاق اؤزونو منیم قوجاغیما آتدی. گولدوم. حمیدین آناسی دئدی: الحمدوللاه، گلینیمیز گولمک ده باجاریرمیش. بیز ایندییه قدر گولمه یینی گؤرمه میشدیک.

منصوره آناسینین سؤزونو تصدیقله دی: اؤزو ده گولنده نئجه گؤزللشیر. یاناقلاریندا کی چۆکه یی ده اونا چوخ یاراشیر. آلاها آند اولسون، اگر من سنین یئرینه اولسایدیم، همیشه گولردیم. قیزاریب باشیمی آشاغی سالدیم. منصوره دئدی: قارداش، خوشونا گلدی؟ گؤردون، نه گؤزل قیز تاپدیق؟ حمید گوله -گوله دئدی: اللرینیز آغریماسین. منیژه قاشقاباغینی ساللا بیل دئدی: ندی، ائله بیل آدام گؤرمه میسینیز. گؤرمه میش کیمی داورانیرسینیز. بونو دئییب اوتاقدان چیخدی. آناسی دئدی: فیکیر وئرمه یین. ایندییه کیمی بو همیشه قارداشینین عزیزدورانه سی ایدی. اونا گؤره بئله قیسقانی. اما من چوخ سئوینیرم.

سیزی بیر یئرده گۆردوم راحت اولدوم. آلاها مین دۆنه شوکور. ایندی آلاھین ائوین ده نذیرلریمی آرخابین وئره بیلرهم. بو واخت آتاسی ایچری گیردی. بیز قالخیب سالام وئردیک. آتاسی ایکی میزین ده آلتین دان اوپدو. من قیزاردیم: یاخشی، گلین خانیم، کتفین نجه دیر؟ او غلوم سنی اینجیتمیر کی؟ اگر اینجیتسه، گل او زومه دی. قولاغینی ائله چکرهم کی، بیر ده جورات ائتمز. زارافاتجا حمیدین قولاغینی چکدی. حمید گولوب دئدی: آتاجان، چکمه. او قدر قولاغیمی چکمیسهن کی، ائششک کیمی اوزونقولاق اولموشام. ساغوللاشاندا آناسی منی بیر کونجه چکیب دئدی: قیزیم، باخ قدیمکیلر دئییلر، پیشی مسجد قاپیسیندا اؤلدورلر. ایندی دن قاباغین دا مؤحکم دایان. داوا ائله مکله یوخ، خوش داورانیشلا. سن خانیم سان آخی. عیشوئله، نازلا، خاهیشله، بیر سۆزله، قویما گئجه لر ائوه گئج گل سین.

سحرلر ده ایشه واختیندا گؤندر. گرک دوستلارینین آیاغینی اونون ائویندن کسه سن. اینشاللا، تتر ده اوشاغین اولسون، اؤزو ده بیر - بیرینین آردینجا. ایکی اوچ اوشاغین اولسا، اونون داها بئله شئیلره واختی قالماز. گۆرومده سنین باجاریغینی! قایداندا حمید سوروشدو: آنام نه دئییردی؟ دئییردی، سندن موغایات اولوم. هه، بیلیرم. موغایات اول کی، من دوستلاریملا گۆروشه بیلیمه ییم، هه؟ سن اونا نه دئدین؟ هئچ نه. نه دئییم؟ گرک دئییردین کی، جهنم مأمورو دئییلهم کی، حیاتی نی زهره دؤندریم؟ من بیرینجی گوندن قایناناما نجه بئله سۆزلر دئییه بیلرهم کی؟

آمان بو قدیم آروادلارین الیندن. بیرگه حیاتین اصل معناسینی درک ائتمیرلر. آروادی زنجیر کیمی کیشینین ال آیاغینی باغلاماق اوچون آلیزلار. بیرگه حیاتین معناسی، اصلینده، بیرگه حرکت ائتمک، بیر - بیرینی آنلاماق، برابر حقوقا مالیک اولماقدی. ندی، سن باشقا جور دوشونورسن؟ یوخ، سیز حاقلی سینیز. اوریمده اونون بؤیوکلیونه خیران قالمیشدیم. گئج چاتدیق ائوه. او دانشمادان بالیش و ملفه سینی گۆتوردو و اؤز یاتاق یئرینی دوزلتمه یه باشلادی. اذیت چکیردیم. بیلیردیم نه ائدیم. اوتانیردیم - من چارپاییدا یاتیردیم، او ایسه ناراحت یئرده. بیر آز اویان - بویانا وورنوخوب سونرا دئدیم: بئله چوخ پیس دیر. سیز راحت یاتمیر سینیز. سیز گلین چارپاییا، من یئرده یاتارام. یوخ، ناراحت اولما، من هر یئرده یاتا بیلرهم. یاتاق اوتاغینا گئتدیم، فیکیرلشدیم کی، بیز نه واختا قدر بئله یاشایاجیق؟ حیسلیریم قاریشمیشدی. اونا هئچ بیر وورغونلوق حیسیم یوخ ایدی. لاکین اؤزومو اونا بورجلو بیلیردیم. او، منی آتا ائویمدن قورتارمیشدی. منیم تحصیلمه ایجازه وئرمکله ان بؤیوک لطفو ائتمیشدی. زالا کئچدیم. باشینین اوستونده دوروب دئدیم: لطفاً، قالخ، گل، یئرینده یات. ماراقلی، سورغولو و درین بیر باخیشلا بیر نجه دقیقه گۆزلرینی منه دیکدی. گولومسه یرک الینی منه اوزاتدی. منیم کمکیمله یئریندن قالخدی و

او گئجه دن اصل اریم اولدو. همین گئجه او یوخویا گئدن دن سونرا من ساعاتلارلا آغلادیم. ائوده او باش بو باشا گئدیپ - گلدیم. بیلیمیردیم منه نه اولوب. اؤزومو باشا دوشه بیلیمیردیم. بیر نئچه گوندن سونرا پروین خانیم گؤروشومه گلدی. هیجان لی ایدی. دئدی: نه قدر گؤزلدیک اؤزون گله سن، گلمه دین. گۆردوم کی، داها دؤزه بیلیمیرم، اؤزوم گلدیم. گۆروم نه حالداسان؟ یاخشییام. پیس دئییلهم. دانیش گۆروم، ارین نئجه دیر؟ سنه اذیت وئرمه دی کی؟ بیرینجی گئجه نه اولدو؟ سنی کی او حالدا گۆردوم، دئدیم، اورین توتاجاق، اؤله جک سن. دوزدو، حالیم پیس ایدی. او دا بیلدی. ائله کی منی او جور گۆردو، ائوده ن چیخدی. گتتدی کی، من راحت یاتیم. نه یاخشی آدام دی؟! آلاها چوخ شوکور. بیلیرسن، نئجه نیگاران ایدیم؟ گۆردون، نئجه مدهنی کیشی دیر؟ ایندی سن قصاب عسگرین آروادی اولسایدین، الله بیلیر، باشینا نه گتیریردی. دئ گۆروم، راضی سان؟ هه، چوخ یاخشی اوغلانیدی. عاییلهمی ده یاخشیدی.

الحمدوللاه، گۆرورسهن، سنین قاباقکی ائلچیلرین دن نئجه فرق لیرلر؟ سنه بورجلویام. ایندی یاواش - یاواش منه نئجه یاخشی لیق ائتدینی آنلاییرام. یوخ، یوخ. من نئیلدیم کی. اؤزون یاخشی ایدین کی، بونلار سنی بیهندیلر. ایندی، چوخ شوکور کی، راحت سان. اؤز اوغورون ایدی. من بدبخت ده بو اوغور یوخ ایدی. سنین کی حاجی ایله سورونین یوخدور. یازیغین سنینله ایشی اولمور آخی. هه!.. سن اونو ایندی گۆرورسهن. ایندی قوجالیب، خسته لیب. بیلیمیرسن، او واختلار نئجه قورد ایدی. بیرینجی گئجه نئجه منه هوجوم ائلیمیشدی. تیره ییب آغلادیغیما گۆره نه قدر دؤیولموشهم. او واختلار پول لو ایدی. هله فیکیرلشیردی کی، اوشاغینین اولماماغی قادینلاردان دی. چوخ قادینلارلا اوتوروبدوروردو. آلاها بنده دئییلدی. باشیما ائله بلالار گتیریردی کی، دئمهلی دئییل. ائله کی قاپنین سسی گلیردی، بیلیردیم کی، او گلدی. بدهنیم تیتیریردی. من ده اوشاق ایدیم. اوندان چوخ قورخوردوم. اما، الحمدوللاه، ائله کی موفلیس اولدو، بوتون مالینی الدن وئردی، حکیم لر ده اونا دئدی لر کی، سورون اؤزون ده دی و هئچ واخت اوشاغی اولا بیلمز. ائله بیل اوفورولموش تکره اینه باتیردی لار. بیردن اییرمی ایل قوجالیدی. هامی اونو بوراخیب گتتدی. من ده بؤیوبوب گوجلنمیشدیم. دیلیم اوزانمیش دی. قاباغین دا دورا بیلیردیم. قورخوردو کی، من ده بوشانیب گئدرهم. اودور کی، ایندی ایشلریمه قاریشمیر. ایندی آتینی چاپماق نؤوبه سی منیم دیر. اما الیم دن آلدیغی جاوانلیغیمی، ساغلام لیغی می نه ائدیم؟ اونو کی قایتارا بیلیمرم. آرایا سوکوت چؤکدو. باشینی ائله ترپت دی کی، ائله بیل کئچمیش فیکیرلری اؤزون دن اوزاقلاش دیرماق ایسته ییر. سونرا دئدی: دوغرو دان، سن نییه آتا - آنانی گۆرمه یه گلیمیرسن؟ نییه گلیم کی؟ آخی اونلار سنین آتان - آنان دیلار. اونلار منی ائوده ن قوودولار. داها اورا گلیمرم.

بئله دانیشما. گوناھدی. اونلار سنی گۆزلیلرلر. یوخ، پروین خانیم، گله بیلرهم. داھا دانیشما. اوچ هفته دن چوخ ایدی کی، بیرلیکده یاشاییردیق. بیر گون سحر چاغی قاپینین زنگی سسله ندی. تعجوبلندییم. منیم هئج کیمیم یوخدو کی، منی گۆرمه یه گلسمین. قاقچیب قاپینی آچدییم. آناملار پروین خانیم قاپی آرخاسیندا ایدیلر. دوندوم. سویوق سالام وئردیم. پروین خانیم: سالام، خانیم. بو قدر واختدی گئتمیسهن، قولاغینین دالینا دا باخمیرسان. آنان ائوده قم قوصه دن آغلا ییردی. دئدییم، گل گئدک، اؤزون گۆر کی، یاخشیدی. آنام: هاراداسان، قیز؟ دئدی. نیگاران چیلیق دان اؤلورهم. اوچ هفته دیر، گۆزوموز قاپیا باخماق دان قورویوب. سندن هئج خبر چیخمادی. دئمه دین، آنام - آتام وار. بعضی عنعنهلر وار آخی! هانسی عنعنهلر؟ دئدییم. پروین خانیم باشیلا د دانیشماماغیمی ایشاره ائتدی: وای! آی قیز، آداما بیر «بویور، کئچ» دئیرلر. یازیق آنان بو ایستی ده نه قدر یول گلیب. اولمایا، بیزی ائوینه بوراخمایا جاقسان؟ یاخشی، بویورون. آنام پیللهلردن یوخاری چیخا - چیخا دئییندی: توی دان بیر گون سونرا ایت یاتانا قدر اوتوردوق کی، کورکه نیمیز بیزی گۆرمه یه گله جک. خبر چیخمادی. دئدی، بلکه سونراکی گون گلرلر، بلکه جومعه گونو گلرلر. اوچ هفته کئچدی، دئدییم، یقین، بو قیز اؤلوب، باشینا بلا گلیب. آدام آتاسینین ائویندن گنده، آرخاسینا دا باخمایا بئله شئی اولار؟ ائله بیل کی، آتا - آنانین اونون بونون دا حاکی یوخدور. دؤزه بیلمه دیم. باغیردییم: حاقینیز وار؟ هانسی حاق؟ ائله کی قیز اولدوغومو بیلدینیز، دونیا یا گتیرمیینیزه پشمان اولدونوز. منه نه ائتمیسینیز کی؟ یالواردییم کی، قویون درس اوخویوم، یالواردییم کی، منی ائولندیرمه یین! نئجه آی او ائوی منه زیندان ائتدینیز! آنام زار - زار آغلا ییردی. پروین خانیم قورخو ایچین ده ایدی. اما من اؤزومو ساخالایا بیلمیردییم: آغلیم کسه ن دن دئییرسینیز کی، قیز اؤزگه مالی دیر. سونرا دا زورلا اؤزگه نی ن الینه وئردینیز. منی باشینیزدان ائله مک ایسته بیردینیز، کیمه وئرمیینیزین ده سیزه فرقی یوخ ایدی. مگر سیز دئییلدینیز ساچلاریم دان یاپیشیب چارپایینین آلتیندان سورویهن؟ من ده گئتدییم. اؤزونوز قوودونوز منی. اولدوم اؤزگه مالی. ایندی گلمی می گۆزلییرسینیز؟ معصومه ، بسدی! اوتان. بو ندی، دئییرسن؟ نه ده اولسا، آتا - آنان دیرلار. زحمت چکیبلر، سنی بؤیودوبلر. آتان سنی نئجه چوخ ایسته ییر! ائله آنان دا. من شاهیده م، سن خسته اولاندا بو آرواد نلر چکدی! گئجه لر سحره قدر باشینین اوستونده گۆز یاشی تۆکوردو... من بیر آز ساکیتلشمیشدیم. حیس ائیدیردییم کی، یونگوللشمیشه م. منه چییان کیمی عذاب وئره ن نیفرت و کین بیتمیشدی. آنامین دا گۆز یاشلاری یارامین اوستونه مله هم کیمی ایدی. آغری می آزالدیردی. هه، اولسون. من اؤز وظیفه می یئرینه یئتیره جه یه م. اگر ایشینیز اولسا، گۆره جه یه م. ایسته

میرم کی، سیزه بورجولو اولوم. اما مندن باشیما گتیردیکلرینیزی اونوتماغیمی ایسته مبین. آنام آغلاماغینی کسدی. دئدی: گئت، بیچاق گتیر. سنین ساچلارینی یولان الیمی کس. آلاها آند اولسون کی، بئله داها راحت اولارام. آز آغری چکره م. گونده یوز دؤنه اؤزومه دئییرم، الین سینایدی، نئجه الین گلدی، او یازیق اوشاغی بئله ووراسان؟ اما بیلیرسن، اگر بو ایشی گؤرمسئیدیم، قارداشلارین سنی قییم-قییما دوغرایا قادیلار. بیر یانداندا او هفته آتائین اوره یی آغریبیردی. داوا درمانلا آیاغا دورموشدو. رنگ -روفو قالمامیشدی. قورخوردوم کی، سکتہ ائله یه. یعنی سیز منیم اره گئتمه ییمی ایسته میردینیز؟ نییه ایسته میردیم؟ گونده یوز مین دؤنه ایسته بیردیم کی، بیر یاخشی آدام تاپیلا، سنین الیندن توتا. ائله بیلیرسن من گؤرموردوم کی، سن او دوستاخدا گون به گون سارالیب سولوردون؟ باخاندا اوریم پارچا -پارچا اولوردو. او قدر نذیر دئیمیشدیم کی، سنه بیر یاخشی ار تاپیلین، قورتاراسان اورادان. سنین دردین منی اؤلدوروردو. اوریمین بوزو ارییردی. دئدیم: یاخشی، آغلاماین... قالخیب شربت گتیردیم. پروین خانیم صؤحبتی دیشمک ایسته دی: به -به ، نه سلیقه ساهمان لی ائودی! دوغرودان، آوادان لیکدان خوشوم گلدی؟ اونلاری من سئچیب آلمیشام. آنام دئدی: دوزدو، پروین خانیم چوخ اذیت چکیب. سیز الله، ائله دئمہ یین. ایندییه کیمی بئله آلیش -وئیش ائتمه میشدیم. آتان سنین خطرینی چوخ ایسته ییر. احمد تئر -تئر منیمله داوا ائیردی کی، نییه آتام بو قدر خرج ائتدیریرسن؟ لاکین اونون اوره یی ایسته بیردی. دئییردی، ایسته بیرم آبیملی اولسون، ارینین طایفاسی یانیندا باشی آشاغی اولماسین. ایکی گون سونرا باشینا وورماسینلار کی، جئهمیزین یوخ ایدی. آنام هؤنکورتو ایله دئدی: آتان سنی گؤزله ییر. آه چکدیم: یاخشی، ایندی حالی نئجه دی؟ نه دئییم، قیزیم، یاخشی دئییل. آنام لچینین اوجلاری ایله گؤزلرینی سیلدی: منی گؤرمک ایسته مه سهن، عئیبی یوخدور، اما آتان قم قوصه دن سولور. ائوده داها هئچ کیمله دانیشمیر. یئنہ ده باشلایب سیقارتت چکمه یه. اؤزو ده بیر بیرین دالینجا. داوام لی دا اؤسکورور. قورخورام باشینا بیر بلا گلر. اونا گؤره ده ائوه بیر باش چک. قورخورام سونرا گؤرمه یه سهن، پئشمان اولاسان. یاخشی، بو هفته ایچین ده گلرہم. گؤروم حمیدین نه وخت وختی وار. اگر وختی اولماسا، اؤزوم تک گلرہم. یوخ، بئله اولماز. گرک ارین دن ایجازه آلسان. ایسته میرم کی، او ناراحت اولسون. یوخ، ناراحت اولماز. فیکرینیز راحت اولسون. اؤزوم دوزلدیرم. حمید بیر داها منه باشا سالدی کی، عایله مله گئدیش -گلیشه نه وختی، نه ده حؤوصله سی وار. ایصرارلا منه دئدی کی، اؤزوم مستقیل یاشاییم. اوتوبوسلارین یوللارینی، نؤمره لرینی، تاکسیلرین یاخشی گئتدی یوللاری منه اؤیرتدی. بیر نئچه گون سونرا، ایول آیینین آخیریندا، حمیدین ائوه گلمه یه جیینی بیلدیم بیر آخشام گئیینیب اونلارا گئتدیم.

ماراقلی ایدی. بو ائو تنزلیکله اونلارین ائوی اولموشدو. داها منیم ائویم دئییلدی. بیرینجی دؤنه ایدی کی، ائودن تک چیخیردیم. اوتوبوسلا اوزون یول گئتدیم. بیر آز هیجانلی اولسام دا، آزادلیغیمدان خوشوم گلیردی. اؤزومو شخصیت کیمی حیس ائدیردیم. اؤز محله میزه چاتاندا چوخ هیجانلی ایدیم. سعیدی فیکیرلشمک اوریمی سیخیردی. پروانه گیلین ائولرینین قاباغیندان کئچهنده داها چوخ داریخدیم. کوچهنین اورتاسیندا آغلاماقدان قورخاراق، آدیملاریمی یئینلندیم. اما ائوه یاخینلاشاندا آیاقلاریم سوستلشدی. او محله نین آداملاری ایله اوزلشمک ایستمیردیم. هامیدان اوتانیردیم. فاطمه منی گۆرهنده قوجاغیما آتیلیب زار-زار آغلادی، کؤورلدیم. علی یئردن ترپهنمهدی. فاطمه نین اوستونه قیشقیریب دئدی: اولاما! گئت، جورابالاریمی گتیر! احمد آخشامچاغی گلدی. کئفلی ایدی. گیج-گیج منه باخدی. محمود دوداغینین آلتیندا سالامیمی آلیب پیللهلری یوخاری قالخدی. آنا دئدیم: آنا، گۆردون، من گرک بورایا گلیمیدیم؟ ایلهده بیر دؤنه ده گلسم، بونلار ناراحات اولاجاقلار. یوخ، سن فیکیر وئرمه. محمودون ناراحاتلیغی باشقادی. بیر هفته دی هئج کیمله دانیشمیر. نییه؟ نه اولوب کی؟ خبرین یوخدو؟ کئچهن هفته گئیینیب -کئچیندیک، شیرینی زاد آلیب قوما، بیینین ائوینه گئتدیک کی، محبوبه نی ایسته یک. نه اولدو؟ هئج، بللی اولدو کی، قیسمت دئییلیمیش. اوندان قاباقکی هفته محبوبه نین ائلچی لیگی اولوبموش. بیزی ده سنین توپونا اونلاری دعوت ائتمدیمیزه گۆره چاغیرمامیش دیلار. البته، یاخشی اولدو. من اولدن بو توپا راضی دئییلدیم. کورکه نلری معاصر آدامدی. چوخلو مالی -ثروتی وار. یازیق محمودا بیچاق وورسایدین، قان چیخمازدی. ائله قورخوردوم کی، باشینا بیر بلا گلر. آناسی آتماجا آتدی بیزه -اینشاللاه، محبوبه یه یئددی گئجه -گوندوز توی ائدجیک. هر یئره چیراق تاخاجاغیق. آدام گرک قیزینی ايفتیخارلا اره وئره... آتام گلنده اوتاقدا ایدیم. دیوارین قیراغیندا دایاندیم کی، منی گۆرمه سین. اوتاقدا قارانلیق ایدی. آتام بیر الینی قاپییا دایاییب، بیر آياغینی او بیرى دیزینین اوستونه قویاراق آياقباى سینین بندینی آچماغا باشلادی. یاواش سسله: سالام، دئدیم. یاریقارانلیق اوتاقدا سسین صاحبینی آختاردی. قاباغا گلدیم. بیر نچه دقیقه مئهریبانجا گولومسه یه رک منه باخدی. سونرا اؤزونه گلدی. یئنه آياغینی دیزینین اوستو نه قویوب باغی آچماغا باشلادی. هوندوردن: نه عجب، بیزی یادا سالدین؟ دئدی. همیشه منیم یادیمداسینیز، دئدیم. باشینی ترپتدی، ائو آياقباىلارینی گئییندی. دسمالینی الینه اوزاتدیم. گۆزلی دولدو. کدرلی -کدرلی منه باخیب دئدی: فیکیرلشمیردیم، بو قدر وفاسیز اولارسان. بوغازیم توتولدو. بو، اونون ان سۆگی دولو سۆزو ایدی. یئمک واختی هر شیئی منیم قاباغیما قویوردو. تئز-تئز دانیشیردی. هئج واخت بو قدر چوخدانیشان گۆرمه میشدیم اونو. محمود گئجه سوفره باشینا گلمه دی. آتام

سوروشدو: یاخشی، دئی گۆروم، ارینه شام -ناهار نه وئیرسن؟ بیشره بیلیرسن؟ اثشیتیمیشه، ارین الیندن شیکایت ائله مک ایستیر؟ کیم؟ حمید؟ او یازیق هئج وخت یئمکدن شیکایت ائتمز. قاباغینا نه قوی سام، یئیر. هله منه دئییر کی، واختینی یئمک بیشرمه یه صرف ائله مه. بس نئيله ملیسن؟ دئییر، تحصیلنه داوام ائله. اورتالیغا سوکوت چۆکدو. هامی تعجبله منه باخیردی. آتامین گۆز لرین ده بیر شئی ایشیلدادی. آتام دئدی: بس ائو -اثشین نجه اولاجاق؟ بونا نه وار کی؟ هامیسینی چاتدیرا بیلریم. حمید دئییر، ناهار، شام، ائو ایشی -بونالارین هئج بیر موهوم دئییل. سن گرک سؤدیین ایشلری گۆره سه ن. خصوصیه درس اوخویاسان. بو چوخ واجیب دیر. علی دئدی: سئویمه، بالا، سنی داها اوخولا بوراخمازلار. نییه؟ گئتمیشه، دانیشمیشام. گئجه کورسلا رینا گئده جه م. آتام سئوینه رک دئدی: آلاها چوخ شوکور! آتام تعجوبله اونا باخدی. سونرا مندن سوروشدو: سنین کیتابلارین هارادادی؟ هامیسینی ییغیشدیریب گۆی چاتتادا زیرزه مییه قویمو شام. علی، قالخ، اونلاری گتیر. منه نه؟ اؤز ال -آیاغین یوخدو؟ آتام ایندییه قدر گۆرونمه یه ن عصبی لیکله اونا طرف چئوریلدی. الینین آغزینا شبلله ووراجاقمیش کیمی اللرینی یوخاری قالدیردی. ساکیت! خانیم باجینلا بیر ده بئله دانیشدیغینی گۆرمه ییم! آغزینا ائله وورارام کی، دیشلرین هامیسی آغزینا تۆکولر. هامیمیز مات -معطل آتام باخیردیق. علی ازیلمیش و اینجیمیش حالدا آیاغا دوروب قاپییا طرف گئتدی. فاطیما اؤزونو منه سیخیب دوداغینین آلتیندا گولدو. ساغوللاشاندا آتام هئج کیم اثشیتمه سین دئییه ساکیتجه: گلن دؤنه نه وخت گله جک سن؟ کورسا گئتمک اوچون گئجیکمیشدیم. پاییز کورسلا رینا یازیلدیم. صبر سیز لیکله درس لرین باشلانماغینی گۆز لیلیردیم. بو مودتده چوخلو واختیم اولدو. ائودکی کیتابلاری اوخودوم. رومانلاردان باشلادیم. سونرا شئیر کیتابلارینی دقتله اوخودوم. نؤوبه فلسفه کیتابلارینا چاتدی. چوخ چتین و یوروجو ایدی بو کیتابلار. ان سونوندا، آخیردا مجبور اولدوم حمیدین درس کیتابلارینی دا اوخویام. کیتاب اوخوماق چوخ ماراقلی ایدی، واختیم کئچیردی. حمید، دئمک اولار کی، گئجه لر ائوه گل میردی. بعضن گونلرله تاپیل میردی. اوللر یئمک بیشریب، سوفره حاضیر لاییب اونو گۆز لیلیردیم. دؤنه لرله سوفره نین قیراغین دا یوخویا گئدیردیم. اما یئنه ده بونو تکرار لاییردیم. تک یئمک یئمیه نیفرت اندیردیم. بیر دؤنه گئجه یاریسی ائوه گلدی. سوفره نین قیراغین دا منیم یوخولا ماغیمی گۆروب عصیللشدی: سنین یئمک بیشریمکدن باشقا ایشین یوخدو؟ اونون عصیللشمیین دن و داورانیشین دان دیلخور اولدوم. سحر او، منه اوزون بیر نطق سؤیله دی و آخیردا دئدی: چالیش ساوادسیز و کؤهنه آروادلارین ادالارین دان ال چک. منی ده عشق -محبت زنجیری ایله باغلا یا جاغینی دوشونمه. من اینجیمیش و عصبی سسله دئدیم: منیم هئج بئله مقصدیم ده یوخ ایدی. اما

آخامالار تکیکدن یورولورام. تک یئمک ده یئیه بیلیمیرم. سونرا دا فیکیرلشدیم کی، سن گون اورتا یئمیرسن، هارادا اولدوغون دا بللی دئییل، هئچ اولماسا گئجه یاخشی بیر شئی یئیهسهن. بلکه ده بیلهرکدن ائلمیرسن، اما بئله شئیلرین هدفی کیشینی باغلاماق دیر. یوخ! من سنین ال -آیاغینی باغلاماق ایسته میرم. اما فیکیرلشدیم کی، آخی بیز ار -آروادیق. دوزدو، سئوگی لی دئییلیک، اما دوشمهن ده دئییلیک. ایسته بیردیم سنینله دانیشیم، سندن نسه اؤیره نیم. اؤز سسیمدن باشقا بیر سس ائشیدیم. سن ده هئچ اولماسا ائو یئمه یی یئیهسهن. هم ده آنانین ایصراری ایدی بو، نیگاران ایدی کی، سنین گونلرله دیلینه ایستی یئمک دیمیر. گۆردون؟! بیلیردیم کی، آنامین سنه ائتکی وار. بیلیرم، بونلار سنین تقصیرین دئییل. آنامین تعلیماتلاری دیر. یوخسا سن بیرینجی گوندن قطعیلشدیرمیشدین کی، هئچ واخت منه مانع اولمایاجقسان. آناما دئهن، نیگاران اولماسین. بیزیم هر گئجه ایجلاسیمیز اولاندا یولداشلارین بیر یئمیین مسولیتینی بوینونا آلیر. چوخدا یاخشی یئمکلر دوزلدیر... بو دانیشیق دان سونرا داها گئجه لر اونو گۆزلمدیم. اونون یاشاییشی گۆرونمه یهن دوستلاریندان عبارت ایدی. همین اورتامین نئجه اولماسی باره ده هئچ بیر تصووروم یوخ ایدی. بیلیردیم، دوستلاری کیم دیر، نئجه فیکیرلشیرلر، هارادان دیلار. بو قدر فخر ائتدی ایدهلاری ندن عبارت دیر. آنجاق بونو بیلیردیم کی، حمیدین اوستونده اونلارین ائتکی مندن، عایله سیندن یوز دؤنه چوخدور. درس لریم باشلایان دا یاشاییشیم نیظاما دوشدو. واختیمین چوخو درس اوخوماقلا کئچیردی. اما تکیک و یاشاییشیمین بوش لوغو، سوکوت و سویوق منی اینجیدیردی. بیزیم یاشاییشیمیز محاربه سیز، داواسیز، اذیت سیز، ان سونوندا هیجان سیز کئچیردی. منیم تک ایله نجه م هفته نین سون گونلری حمیدله اونون آناسینین ائوینه گتتمک ایدی. یاواش -یاواش باشا دوشدوم کی، باشیمی باغلاماغیمدان خوشو گلیمیر. بونو دا ترگیتدیم کی، بلکه منی ده اؤزویله گتتدی مجلسلره آپارسین. اما اونون دوستلاری قویموردولار. حمیدین ایسه دوستلارینا اولان حساس لیغی منه قارش ی اولدوغون دان چوخ ایدی. منیم تک همصؤحتیم حمیدین قوجا ننه سی ایدی. اونون یئمه یینی وئیردیم، قایغی سینی چکیردیم. چوخ ساکیت و مئهریبان قادین ایدی. اما قولاقلاری آغیر ائشیدیردی. قولاقلاری ائشیتیمیردی، اما ائله داورانیردی کی، ائله بیل گۆزلری ده گۆرموردو. حالی یاخشی اولاندا منه کئچمیش دن دانیشیردی. یاخشی کیشی اولان ارین دن -حاجاگادان بحث ائله بیردی. او اؤل دن سونرا ننه نین اوری بوز باغلامیش دی یایدا دا اوشوبوردو. اوشاقلاری اونا آز باش چکیردیلر، هامیسی اؤز ایشین ده گوجون ده ایدی. حمیدین آتاسینین دجل لیکلرین دن دانیشیردی. قاییناتام اونون ان سئویم لی و بؤیوک اوشاغی ایدی. گاه دا ائله آداملاردان دانیشیردی کی، اونلارین چوخو

اؤلموش دو. بئله گؤروردوم کی، ننه اؤزو بیر واختلار خوشبخت قادین اییمیش، اما ایندی او خوشبختلیکدن هئچ بیر ایز قالمامیشدی. ایندی تکجه اؤلومو گؤزله ییردی. اصلینده، ننه او قدر ده قوجا دئییلدی. تعجب لو بو ایدی کی، قالانلاری دا اوندان اؤلومونو گؤزلییردی. دیل ده دئمه سهرلر، سایغی دا قوسور ائله مه سهرلر ده، حیس اولونوردو کی، هامی اونون اؤلومونو گؤزلییر. من آرادا کئچمیشی خاطیرلا ییردیم. ننه یه پروانه دن اؤترو نه قدر داریخدیغیمی دئییردیم. بیر گون پروانه نی آخترماق قرارینا گلدیم. پروین خانیم دان کؤمک ایسته مه لی ایدیم. بیر گون آنامگیله گئندنه پروین خانیم دا اورادا ایدی. اوندان خاهییش ائدیم کی، تانیشلارین دان سوروشسون، اونون عونوانینی منه تاپسین. اؤزوم او محله نین آداملاری ایله صؤحبت ائله مه یه اوتانیردیم. فیکیرلشیردیم کی، اونلار منه باشقا گؤزله باخیرلار. پروین خانیم چوخ آخترادی، اما هئچ کیمین پروانه گیل دن خبری یوخ ایدی. یا دا قصداً اونلارین عونوانینی پروین خانیم وئرمیردی. بیلیردی کی، احمدله اونون آراسیندا نسه وار. حتی قونشولاردان بیرى دئمیشدی کی، ندی، اونلارین دا ائوینه الی بیچاقلی آدام گؤندررسینیز. بیر گون سندلریمی مکتبدن آلاق اوچون اورا گئندنه بیلدیم کی، پروانه بوتون سندلرینی گؤتوروب گئدی. ادبیات معلمیمز منی گؤره نده سئویندی. تحصیلیمی داوام ائتدیره جه ییمی بیله نده چوخ سئویندی. قیشین ایلک سویوق گونلرینین بیرینده بیکارچیلیقدان داریخیردیم کی، حمید ائوه چوخ تئز گلدی. منه اونونلا بیرلیکده شام ائله مک شرفینی وئردی. بیلیردیم سئویندیم دن نه ائدیم؟ خوشبختلیکدن، او گون سحر آنام منی گؤرمه یه گلیمشدی. آغ بالیق گتیرمیشدی. حمیدین شام یئمیینده ائوده اولاجاغینی بیله نده باشلادیم سزیپلوو بیشیرمه یه. بیرنجی دؤنه اوچون پیس اولمادی. بوتون باجاریغیمی ایشه سالمیشدیم آخی. قیزارمیش بالیغین ایی حمیدی ایشتاها یا گتیرمیشدی مطبخده دؤوره مده دولانیب، هر شئی بارماقلا ییردی. من ده اورییمده گوله -گوله اونونلا داوا ائدیردیم. اول ننه نین پایینی وئردیم، حمید آپاردی. سونرا ائوده نه واردیسا سوفره یه دوزدوم. ائله بیل ائویمیزده، هم ده اورییمده قوناقلیق مجلسی قورولموشدو. منی خوشبخت ائتمک، اصلینده، او قدر آسان ایدی کی! حمید تئز اللرینی یویوب گلدی: سبزی نی گرک ال له یئییه سن. دئمه کی، ال له یئمک اولماز! بالیقلارین سوموکلرینی چیخارتماغا باشلادی. اؤزومدن آسیلی اولمادان دئدیم: نه یاخشی گئجه دیر. سن اولماسایدین، قارائلیق، سویوق گئجه ده دلی اولاردیم. او، بیر آز سوساندان سونرا دئدی: اؤز واختیدان یاخشی ایستیفاده ائله. درس لرین وار. ائوده بو قدر کیتابیم وار، اوخو. سن یاشدا اولاندا من آرزولا ییردیم کی، واختیم اولسون، اوتوروب بو کیتابلاری اوخویوم. کیتاب قالمایب کی، اوخویوم. هامیسینی اوخوموشام. دوعرو دئییرسن؟ هانسینی اوخوموسان؟ هامیسینی. حتی سنین درس کیتابلارینی دا. زارافات ائله مه.

نسه قانمیشان اونلاردان؟ بعضیلریندن چوخ شئی باشا دوشمه دیم. ایسته بیردیم آنلامادیغیم شئیلری سندن سوروشوم. رومانلاری دا اوخودون؟ هه، چوخ ماراقلی دیر! چوخ واخت اوخویاندا آغلاییرام. نه قدر کدرلی دی چوخو. اینسانلارین باشینا ائله شئیلر گلیر کی... بونلار یاشاییشین گترچکلری دیر. حکومت سیستملری یازیق میللتی ایستیمار ائتمکله، اؤز قودرت و گه لرلرینی چوخالتماقلا اونلارین زحمتلرینین منفعتینی اؤز جیلرینه دولدورور. بو عدالتسیزلین اوجوباتین دان خالقلار اذیت چکیر. چوخ آغریلیدی. بس بیز نه ائتمه لیک؟ موباریزه آپارمالیییق. هر کسین بورجودور بو ظلمون قارشیسینی آلماق. هر آزاد اینسان عدالتسیزلیکله موباریزه آپارمالی دیر. تا بو سیستم ییخیلانا قدر. بو تاریخین حاق حسابی دیر. دونیانین بوتون سیتهمینی چکمیش اینسانلارلا بیرلیک اولوب، بو عدالتسیزلیکلری آرادان قالدیراجاقلار. بیز گرک بو قیامدان کناردا قالماق. اونون سؤزلرینه مات قالمیشدیم. او دانیشدیقجا ائله بیل کیتاب اوخویوردوم. ایختیارسیز دئدیم: اگر من آیاغا قالخسام، سن آیاغا قالخسان، هامی قالخاجاق. اگر سن ده اوتورسان، من ده حرکت سیز قالسام، اوندا کیم قالخاجاق؟ کیم دوشمه نله دؤیوشه جک؟ برکاللاه. ساغ اول. بعضی شئیلری سن ده بیلیرسن. بعضن ائله سؤزلر دانیشیرسان کی، سنین یاشینلا، ساوادیلا او یغون گلیمیر. ائله بیل سنی ده یولا گتیرمک اولار. بیلیمیردیم کی، اونون بو سؤزلرینی تعریف، یوخسا تحقیر کیمی قبول ائدیم. هر حالدا، ایسته میردیم کی، بو گنجهنی کورلایام. اوزونه وورمادیم. یئمکدن سونرا حمید موتککه یه سؤیکنیب دئدی: دوغرودان، چوخدادلیدی. چوخدان ایدی، بئله یاخشی یئمک یئممه میشدیم. یازیق اوشاقلار، گؤره سن، بو گنجه نه یییبیلر؟ یقین، همیشکی کیمی پئندیر چۆرک. اونون اوزوگولرلییندن ایستیفاده ائدرک دئدیم: نییه بیر گنجه دوستلارینی ائوه یئممه یه دعوت ائتمیرسن؟ فیکیرلی - فیکیرلی منه باخدی. نسه دوشوندو. اما قاشقابات تۆکمهدی. اؤزومو اله آلیب دئدیم: دئمیردین کی، هر گنجه بیرینیز یئمک ایشینی اؤز بونونوزا گؤتورورسوز؟ بیر گنجه ده سن گؤتور اؤز بونونا. قوی اوشاقلار دا یاخشی یئمک یئسینلر. یاخشی اولار. شهریزاد دا نچه واختدیر سنی گؤرمک ایسته بیردی. شهریزاد؟ هه، یاخشی دوستلاردان بیریدی. ساوادللی، اعتیادللی دی. بئله شئیلری ده بیزدن یاخشی آنلاییر. قیزدی؟ البته. آخی «شهریزاد» دئییرم. مگر شهریزاد اوغلان اولاییلر؟ یوخ، یعنی اونو سوروشورام کی، ائولنیب، یا سوبایدی؟ هه، سنین ده بئله دانیشماغین اولمایا. بلی، ائولنیب. یعنی مجبور ایدی. چونکی عایله سینین نظارتیندن چیخمالی ایدی. بس اونون یولداشی آروادینین سیزینله یولداش لیق ائلمییندن اینجیمیر؟ کیم؟ مئهدی؟ یوخ، جانیم، او اؤزو ده بیزدن دیر. اونلارین ایزدیواجلاری قوراشدیرما ایدی. اؤزوموز بئله قارار گلدیک، چونکی بئله اولاندا ایشیمیز قولایلاشیردی. حیس ائلییردیم کی، بئله قریبه بیر مسئله ده

گرک آرتیق -اسکیک سوال وئرمیم. او، بیرینجی دؤنه ایدی کی، اؤز دوستلاریندان، قروپلاریندان دانیشیردی. شهریزادی گۆرمیی چوخ ایسته بیردیم. سن الله، بیر دؤنه ائله ائت، او، بیزه گل سین. گرک بو باره ده فیکیرلشه م. اوشاقلارلا گه ییشه م، گۆروم نه دئییرلر؟ بو خوشبخلیک منه ایکی هفته دن سونرا نصیب اولدو. قارار گل میشدیلر کی، شنبه گونو ییغیشیب بیزه گل سینلر. بوتون هفته اؤزومو اودا -کۆزه ووردوم. قاپیلان، شوشه لری، پرده لری یودوم. نئچه دؤنه مئبللرین یئرینی دییشدیم. یئمک ماسامیز یوخ ایدی. حمید دئدی کی، اونلار ماسا گرک دئییل. یترده سوفره سالاریق، بسلریدی. هامی یئرلشر. راحت اولاریق. اون ایکی نفر یاخین دوستونو دعوت ائتمیشدی ییلیمیردیم هانسی یئمکلری بیشیریم. چوخ هیجان لی ایدیم. بیر نئچه دؤنه حمیددن سوروشدوم. او دئدی کی، واجیب دئییل. دئدیم کی، منه واجیب دیر -اونلارین هانسی یئمکلری خوشلادیغینی بیلیمک ایستیریم. حمید: من نه بیلیم، دئدی. هره بیر شئی خوشلاییر. سن هامیسینی بیشیرمه یه مجبور دئییل سه ن آخی. یاخشی، شهریزاد نه خوشلاییر، اونو دئی. سبزیقووورما. اما مئهدی قیمه دن اؤترو اؤلور. اکبره سنین بیشیردین سبزی بالیق دان دانیشمیشام، هله ده حسرتینی چکیر. سو یوق آخشاملاردا هامینین کؤنلونه آش دوشور. بیر سؤزله، او قدر شئی وار کی. اما سن اؤزونو چتینه سالما. نه راحت دیسا، اونو بیشیر. چرشنه آخشامین دان آلیش -وئریشه باشلادیم. هاوا سو یوق ایدی. آستا -آستا قار دا یاغیردی. احتیاطلا یئریردیم کی، یتره ییخیلسام، باشیما بیر ایش گل سه، قوناقلیغیمیز پوزولار. ائله بازارلیق ائلمیشدیم کی، هئچ واخت سسی چیخمایان نه ده اعتراض ائله دی: قیزیم، ائله بازارلیق ائله میسن کی، ائله بیل یئددی محله نی قوناق چاغیراجاقسان. جومه آخشامی یئمکلردن بعضیلرینی بیشیردیم. حمیدین آتا -آناسنین ائویندن قاییدان گونو ده باشقا یئمکلره باشلادیم. او قدر یئمک بیشیرمیشدیم کی، اونلاری قیزدیرماق سحر دن گون اورتایا قدر زامان آلاردی. صاباحا، ساده جه، دیولریمی دمله مک قال میشدی. خوشبختلیک دن، هاوا سرین ایدی، من ده راحتجا یئمکلری ائیوانا دوزموشدوم. آخشام حمید گئتدی، گئندنه منه دئدی: اگر ایشیم چوخ اولسا، گئجه ائوه گل مه یه جه م، صاباح گون اورتایا یاخین اوشاقلارلا بیرلیک ده گل ره م. سحر تئزدن یوخودان دوردوم. هر یئرین توزونو آلیب، دیولری دملدیم. ایشلریم بیتنه دن سونرا تئزجه دوشا گیردیم. ساچلاریمی بوردوم. ان گؤزل سان پالتاریمی گئییندیم. دوداقلاریم پومادا چکدیم. ایسته بیردیم هئچ قوصوروم اولماسین کی، حمید منی اونلارلا تقدیم ائتمکدن اوتانماسین. ایسته بیردیم نیکاحدانکنار اوشاق کیمی ائوده گیزلتمه سین. اونون دوستلاری منی اؤز قروپلارینین ایچینه گیرمه یه لاییق گؤرسونلر. ساعات اون ایکیده قاپنین زنگی چالیندی. اوریم اوزولدو. بو زنگ منی خبر ائتمک دن اؤترو ایدی، یوخسا حمیدین اؤز آچاری واریدی. تلسیک

اؤنلویومو آچیب اونلاری قارشیلانماغا قاچدیم. سازاق واردی، اما من حیس ائله میردیم. پیلله لرین یوخاریسیندا حمید اونلارین هامیسینی منه تقدیم ائله دی. دؤردو قادین، قالانی کیشی ایدی. تقریباً هامیسی بیر یاشدا ایدیلر. ائوده اونلارین پالتولارینی آلدیم. مارقلا قادینلارا باخدیم. کیشیلردن چوخ فرقله نمیردیلر. هامیسی شالوار گئینمیشدی. گئن، کؤهنه پولووترلری ده اونلارا یاراشمیردی. ساچلاری چوخ قیسا ایدی. آرخادان باخسایدین، کیشیلرله سهو سالاردین. هئچ بیرینین بزبی یوخ ایدی. شهریزاددان باشقا هئچ بیرى منه جدی یاناشمادی. باخمایاراق کی، هامیسی ادبلی و تواضعکار گؤرونوردو. شهریزاد یئگاننه آدام ایدی کی، منی اؤپوب باش دان -آیاغا سوزدو: به -به، نه گؤزل خانیمین وار، حمید! دئمه میشدین کی، خانیمین بو قدر گؤزل گئینمهن دی. هامی دؤنوب دقتله منه باخدی. بیر نئچه سینین اوزون ده گؤرونمهن بیر گولوش و مسخره حیس ائله دیم. هئچ بیر خوشاگلمز سؤز دئمه دیلر، اما بیلیم، داورانیشلاریندا نه واردی کی، من قیزاریب اوتانمیدیم. بلکه حمید ده اوتانیدی. چالیشدی سؤزو دیشسین. دئدی: بسدی، گیرین اوتاغا. چای ایچک. بعضیلری دیواندا، قالانلاری یئرده اوتوردو. تقریباً یاریسی سیقارئت چکیردی. حمید تلسیک دئدی: ائودکی کولقاییلارین هامیسینی وئر. مطبخه کئچیب کولقاییلاری گتیردیم. حمیده وئردیم. ال آیاغیم بیر -بیرینه دولاشا -دولاشا چای تۆکمهنه باشلادیم. حمید تزه دن مطبخه گیریب آجیخلا دئدی: اؤزونو نه گوننه قویموسان؟ نئیلیمشهم کی؟ بو نه پالتاردی گئینمیسهن؟ کولالارا اوخشاییرسان. گئت، ساده بیر شئی گئین. اوزونو ده یو. ساده جه، دوداغیما بویا چکمیشهم. بیلیم، نئینه میسهن، اما ائله ائت کی، بر -بزه بین گؤزه دیمه سین. کؤمور سورتوم اوزومه؟ سورت! گؤز لیریم دولدو. هئچ واخت بیلیمیردیم اونون نظرینده نه پیس دیر، نه یاخشی. قفیلدن یورغونلوق حیس ائله دیم. بوتون هفته نین یورغون لوغونو ایندی حیس ائلییردیم. محل قویمادیغیم سویوقدیمه ایندی حیددتلهنندی. باشیم گیجللهنندی. اوتاقدان سس گلدی: چای هارادا قالدی؟ چایلاری سوزدوم. حمید ایستکانلاری اوتاغا آپاردی. من یاتاق اوتاغینا گیریب پالتاریمی چیخارتدیم. بیر مودت چارپاییدا اوتوردوم. اوزون بیر اتمک، کؤهنه کوفتا گئیندیم. ساچلاریمی باشیمین آرخاسیندا بیغدیم. بیر تیکه پامیقلا دوداغیمدا قالان پومادانی سیلیدیم. چالیشدیم بوغازیمدا قالان قهری اودوم. قورخوردوم، گؤزوم آینایا ساتاشسا، آغلایاجقدیم. چالیشدیم فیکریمی جملیم. یادیم دوشدو کی، دویونون یاغینی تۆکمیشهم. اوتاقدان چیخدیم. قیزلارین بیرله اوز -اوزه گلدیک. منی گؤره ن ده قیز دئدی: دئکورونو نییه دیشدین؟ هامی اوتاقدان باشینی چیخاردیب منه باخدی. قولاقلاریم کیمی قیزارمیشدیم. حمید ده مطبخدن باشینی چیخاردیب دئدی: بئله داها راحت دی. مطبخده خئیلی اللشدیم. هئچ کیمین منله ایشی یوخ ایدی. ساعات ایکیده سوفره

آچیلدی. بوتون یئمکلر حاضیر ایدی. قوناق اوتاغینین قاپیسینی باغلامیشدیم کی، زالدا سوفره نی یاخشی دوزلد ده بیلیم. اوجا سسله دانیشدیقلارینی ائشیدیردیم. سۆزلرینین یاریسینی آنلایا بیلیمیردیم. ائله بیل باشقا دیلده دانیشیردیلار. بیر مودت «دیالکتیکا» دئییلن شئی دن دانیشدیلار. «خالق»، «توده» کلمه لرینی دورمادان ایشلیدیردیلر. بیلیمیرم، نییه «میللت» دئمیردیلر. ان سونوندا، ناهار حاضیر اولدو. بئلم برک آغریییردی. بوغازیم یانیردی. حمید سوفره یه باخیب، هامینی یئمیه دعوت ائتدی. هامی یئمکلرین اییندن، رنگیندن و نئچه نؤو اولماغیندان تعجبولنمیشدی. ایشتاها یلا یئمیه باشلا دیلار. تئز-تئز منی تعریفلییردیلر و بیر-بیرلرینه یئمک سیفاریش ائدیردیلر. شهریزاد منیم بو قدر زحمت چکمیمدن ناراحات اولموشدو: یورولمایاسان. دوغرودان، چوخ زحمت چکمیسهن. بیز بیر پئندیر-چۆرکله ده دویاردیق. کیشیلرین بیر دئدی: پئندیر-چۆری همیشه یئیریک. ایندی بیر دؤنه ده گلدیک بو بورژوانین ائوینه، گۆرک او، نه یئیر. هامی گولدو. فیکیرلشدیم کی، دئییه سهن، حمیدین بو سۆزدن خوشو گلمه دی. یئمکدن سونرا هامی قوناق اوتاغینا قاییتدی. حمید بیر دسته بوشقاب گوّتوروب مطبخه گلدی و دئدی: بو قدر یئمک بیشیرمک نه یه گره ک ایدی؟ نییه، پیس ایدی کی؟ یوخ، اما گرک بوندان سونرا دونیانین آخیرینا قدر اونلارا جاواب وئیریم. بیر-ایکی دؤنه حمید چای آپاردی. من سوفره نی ییغیشدیریب قابالاری یودوم، یئمکلری یئربه یئر ائتدیم. مطبخی قایدایا سالدیم. ساعات بئشین یاریسینی کئچمیشدی. بئلمین آغریسی کئچمیردی. حیس ائدیردیم کی، قیزدیرمام وار. هئچ کس منی سوروشموردو. اونودولموشدوم. یاخشی بیلیردیم کی، اونلارا بیر یاماق کیمییه م. نه اونلار کیمی صؤحبت ائده بیلیردیم، نه ده سۆزلرینی کسیب، نه ایستدیکلرینی سوروشا بیلیردیم. یئنه چای سوزوب، خامالی شیرنیله اوتاغا آپاردیم. هامیسی تشککور ائتدی. شهریزاد دئدی: یورولمایاسان. باغیشلا، کۆمک ائتمه دیک. بیز بو ایشلری باجارمیریق، دوغروسو... چوخ ساغ اول. ائله بیر ایش گۆرمه دیم. نئجه یعنی هئچ نه ائتمه میسه ن؟ بیزیم بونلارین بیرینی ده گۆرمه یه ایمکانیمیز یوخدور. گل بیزیم یانیمیزدا اوتور. گل منیم یانیم. گۆزوم اوسته. ایندی گلیرم. اما ایجازه وئیرین، واختی کئچمه میش نامازیمی اوخویوم، سونرا گلیم، راحت اوتوروم. هامی یئنه تعجبله منه باخدی. حمید قاشقاباغینی ساللادی. بیلیمیردیم، یئنه نه دئدیم کی، بونلار بو قدر قریبه گلدی. باباق حمیده «بورژوا» دئیهن اکبر: به-به، هله ده ناماز قیلان آدام وار؟ چوخ سئویندیم. خانیم، سیز جددینیزین اعتیقادینی قوروپورسونوز؟ نییه ناماز قیلدیغینیزی دئییه بیلرسینیز؟ اینجیدیم، ال-آیاغیم بیر-بیرینه دولاشدی. دئدیم: البته، موسلمانام، هر موسلمان دا ناماز قیلمالی دیر. بو، هر موسلمانین بورجودور. بو عۆهده لیگی سیزین اوستونوزه کیم قویوب؟

تکجه منیم یوخ، بو بورج هامینین اوستونه قویولوب. اؤز پیغمبری و قورانی قویوب بو عۆده لیگی.

یعنی دئییرسن، بیر نفر یوخاریدا اوتوروب عۆده لیکلری یازیب، آتیر پیغمبرین قوجاغینا. ائله عصیلشمیشدیم کی، باشیم هرله ندی. باخیشلاریندا حمیددن کۆمک ایسته ییردیم. اما حمیدین باخیشیندا غضب واریدی. قیزلارین بیرى دئدی:

اگر ناماز قیلماسان، نه اولاجاق؟ دئدیم: گوناہ دی آخی. مثلن، بیز ناماز قیلیمریق، سن دئیهن کیمی، دوعا ائتمیریک. باشیمیزا نه گله جک؟ دیشلریمی بیر -بیرینه سیخیب دئدیم: اؤلندن سونرا جهنم عذابینا دوچار اولاجاقسینیز. آها، جهنم. دئ گۆروم، جهنم نئجه بیر یئردی؟ بوتون بدهنیم تیتیریردی. اونلار منیم اعتقادیمی لاغا قویموشدولار. دیلیم توتولا -توتولا دئدیم:

جهنم اوددان دوزلیب. یقین، ایلانی، عقری ده وار. هامی گولدو، من یالواریشلا حمیده باخدیم. اما او، باشینی آشاغی سالمیشدی. گولمه سه ده، هئچ نه دئمیردی. اکبر حمیده طرف دؤنوب دئدی: سن کی آروادینین گۆزونو آچا بیلمه میسهن، بو خالقى نئجه خورافاتدان قورتاراجاقسان؟ آجیخلی حالدا دئدیم: من خورافاتچی دئیله م! نییه کی، لاپ ائله سن! سنده گوناہ یوخذو. بئینینی یوبوبلار. بو ایشلرین خالقا هئچ بیر خئیری یوخذور. بو اینام سنی باشقالاریندان آسیلی ائدیر. بونلاری سنی قورخوتماق اوچون فیکیرلشیبلر کی، هر نه وار، اونا قانتع اولاسان. اولمایان شئیلری طلب ائله مه یه سه ن. بو اومیدله یاشایاسان کی، او بیرى دونیادا بونلاری سنه وئره جکلر. سنین او شئیلره اعتقادین وار کی، اونلار سنی ایستیمار ائتمکدن اؤترو یارانیب. خورافات بودو. حیس ائله دیم کی، حالیم پیسلسشیر. آجیغلی حالدا دئدیم: کوفر دانیشما یین! گۆرورسونوز، اوشاقلار؟

آداملارین بئینینی نئجه یوبولار؟ بونلارین گوناہی یوخذو. بو اینانجلاری اوشاقلیقدان بونلارین دئهنده اکیرلر. بیزیم ایشیمیز بونلارلا موباریزه آپارماقدی. بو، ناکوتیک کیمی بیر شئیدی. اونون سؤزلرینین گئریسینی ائشیتمه دیم. بوتون ائو باشیما دولانیردی. فیکیرلشدیم کی، اگر بیر دقیقه ده اورادا دایانسام، قوساجاغام. تلسیک آیاقیولونا قاچدیم. اوریم بولاندى.

بئلم و قارنیمدا دهشتلی درجه ده آغیریردی. آياقلاریم ایسلاندى. تعجبله آياقلاریمین آلتینا باخدیم بوتون توالئت قان ایچین ده ایدی. صیفتم آلیشوب -یانیردی. آشاغیا باخیردیم. اودون شؤعله لری منی اؤز طرفینه چکیردی. چالیشیردیم قاچیم، اما آياقلاریمدا حرکت یوخ ایدی. چیرکین ایفریته لر اوزون دیرناقلارینی قارنیم سوخوب منی اودا طرف چکیردیلر. اطرافیمدا اینسان باشلی ایلانلار منه گولوردولر. آغ، قریبه بیر اوتاقد اگۆزومو آچدیم. برک اوشویوردوم. گۆزلریمی باغلا ییب اؤزومو ییغیشدیردیم و تیتیردیم. بیر آدام یورغانی اوستومه چکیب، ایستی الیه آلنیمی یوخلادی. بیرى دئدی: قیزدیرماسی دوشوب. قاناخماسیدا کسلیب. اما بدهنی ضعیف دی. آنامین سسینی ائشیتدیم: حمید خان، ایجازه وئرن، اونو بیر هفته

اؤیمیزه آپاراق. بیر آز اؤزونه گل سین. بئش گون ده آنامگیلده یاتدیم. فاطمه پروانه کیمی باشیما دولانیردی. آتام هئی اینانیلماز -قراپ یئمهلی شئیلر آلیردی. دئدیینه گؤره، هامیسی منی گوجلەندیرمک اوچون ایدی. گؤزومو آچان کیمی آنام آغزیم نسه قویوردو. پروین خانیم سحر دن آخشاما کیمی یانیمدا اوتوروردو. منیمله دانیشیردی، اما اونو دینلەمەیه حؤوصلەم یوخ ایدی. حمید هر آخشام منی گؤرمەیه گلیردی. ناراحات گؤرونوردو. اونا باخماق ایستەمیردیم. یئنە ده اطرافیمداکیلارلا دانیشماق چتیلشیمیشدی. آنام دئییردی: قیزیم، بویلو اولدوغونو نییه دئمیردین؟ نییه بو قدر زحمت چکدین، ایشلە دین؟ نییه قویمادین کمکینە گلیم؟ نییه قویدون سویوق ده یسین. آخی بیرینجی آیلا ر گرک بو شئیلردن قوروناسان. اما قم یئمە. بیلیرسن، من نچە اوشاق سالمیشام؟ بو دا آلاهیین حکمتی دیر. حمید منصورەنین ماشینی ایله دالیمجا گلیمیشدی. آیریلاندا آتام بوینوما بیر قیزیل زنجیر تاختدی. تشککور ائلەمەیه حالیم اولمادی. حمید ایککی گون ائودە قالیب منە باختدی. بیلیردیم، بو، اونون نظریندە نه بؤیوک بیر فداکارلیقدی. اما ایچیمدە هئج بیر مینتندارلیق حیس یوخ ایدی. آناسی و باجیلاری منی گؤرمەیه گلدیلر. آناسی دئدی: منیم ده ایکینجی اوشاغیم دوشموشدو. اما اوندان سونرا اوچ یاخشی و ساغلام اوشاق دوغدوم. یئرسیز کدرلەنمە. هلە سیز گنجسینیز. واختینیز وار. من بیلیمیردیم کی، سینیرلاریمین پوزولماغنین نه دنی ندیر. تکجە اوشاغا گؤره دئییلدی. چونکی هلە او واختا قدر ایچیمدە نسه قیریلیمیش و بویلو اولدوغومو هئج کیمە دئیە بیلمە میشدیم. هلە ده اؤزومو بیر مکتبلی قیز کیمی گؤروردوم -بیرینجی وظیفەم درس اوخوماق ایدی. ایندی ده عذابلاریمین کؤکو -گوناه حیس ایدی. اینانديغیم شئیلره شکک ائلە میشدیلر. بو شککی ائشیدندە دهشتە گلیمیشدیم. اؤزومو جزا گؤرمەیه لاییق بیلیردیم. بلکه اوشاگی ایتیرمییمە ده بو نه دن اولموشدو.

حمید مندن: سن نییه منە بویلو اولدوغونو دئمە دین؟ سوروشدو. آخی اؤزوم ده بیلیمیردیم، دئدیم. هم ده فیکیرلشمیردیم کی، سن بونو ائشیدندە سئوینەجک سەن. اوشاق اولماغنین سەن نه فرقی وار کی؟ بیلیرم کی، سنین دردین تکجە اوشاق دئییل. سن باشقا شئیلردن اینجیمیسەن. سایقلاياندا بیلدیم. من، شەهریزاد، مئهدی بو بارەدە چوخدانیشدیق. او گونو سن هر یاندا ائتکی آلتیندا ایدین. هم یورغون ایدین، هم سویوقلامیشدین. اوشاقلارین آخیرینجی سؤزلری ده سەنە ضربە اولدو.

گؤز لیریم یاشلا دولدو: سن منی هئج مدافعە ائتمدین. منی لاغا قویوب گولدولر. منیمله آخماقمیشام کیمی داورانیردی لار. سن ده اونلارین یانیندا ایدین. یوخ، اینان، هئج کسین خصوصی بیر مقصدی یوخ ایدی. بیلیمیرسن، او گوندن سونرا شەهریزاد نه قدر اکبری دانلادی؟! او گون ده بوتون گونو منیمله برابر خستخانادا سنین باشینین اوستوندە ایدی. هامی سندن

نیگارانییدی. اکبر ده ایسته بیر گلیب سندن عذر ایسته سین. گونون صاباحی شهریزادلا مئهدی شیرنیات آلیب، منی گۆرمه یه گلمیشدیلر. شهریزاد یانیمدا اوتوروب دئدی: چوخ سئویندیم ساغالماغینا. بیزی چوخ قورخوتدون. باغیشلایین، اؤزومده ن آسیلی اولمادی. یوخ، بئله دئمه. سن گرک بیزی باغیشلا یاسان. بیزیم گوناھیمیز ایدی. بیز اؤزوموز موباحیثه ائله یه نده ائله سرت سؤزلر ایشلدیریکی کی، باشقالارینی دا اؤزوموز کیمی بیلیریکی، کیمی سه اینجی ده بیلجیمیزی دوشونموروک. اکبر ده همیشه ائششک کیمی دانیشیر. اما اونون دا هئج بیر مقصدی یوخ ایدی. ایسته بیردی گل سین. من دئدیم، گرک دئییل. سنی گۆرر، یئنه حالی قاریشار. یوخ، اوندان گوناھ یوخدو. گوناھ من ده دی کی، بیر کلمه ایله ایمانیم قاریشدی. اؤزومو مدافعه ائله یه بیلمدیم. یاخشی. سن چوخ جاوان سان. من سنین یاشیندا اولاندا آتاملا دا اوزبه اوز موباحیثه ائده بیلیمیردیم. گئت- گئده بؤیودوم، مؤحکم اعتیقادلار تاپدیم. ائله اعتیقادلار کی، کؤکو بیلک دن، موطالیعه دن، دوشونجه دن باشلا بیر. اما قوی بیر شئی اعتبار ائدیم. بو آیدین فیکرلیرین سؤزلرینه چوخ اؤنم وئرمیردیم اونلارین دا اورکلرینه اینانجلار وار. چتین آنلاریندا ایسته مه یه رک آلاھا پناه آپاریرلار. حمید بیر مجمعی چاپلا قاپنین آغزیندا دوروب گولوردو. شهریزاد دؤنوب دئدی: ائله دئییل، حمید؟ سن بوتون دینی اعتیقادلارینی بیردفه لیک یاددان چیخاردا بیلمزسن؟ آلاھا اینانجینی اونودا بیلیمیرسن؟ هر دارا دوشه نده اونون آدینی چکیمیرسن؟ یوخ. اصلینده، گرک ک دا گۆرموره م. بیلیمیرم، نییه اوشاقلار بو مؤوضودا بئله ایصرارلیدیرلار؟ منیم نظیریم ده مذهبی، اعتیقادی اولان اینسانلار آرخایین، اومیدلیدیرلر. تنه لیک دان اوزاق دیرلار. من سوروشدوم: یعنی سن منیم اینانجلاریمی، ناماز قیلماغیمی خورافات بیلیمیرسن؟ یوخ! حتی بعضن سنه پاخیللیغیم توتور. شهریزاد گولوب اونون دندیکلرینی تصدیقه دی: یادیندا قال سین، ناماز قیلاندا بیزه ده دوعا ائله. اونو قوجا قالیب اوپدوم. همین حادثه دن سونرا حمیدین دوستلاری ایله گۆروشموز محدودلاشدی. اونلار منه حؤرمه ائدیردیلر، اما منی اؤزلرینین آراسیندا گۆرموردولر. منیم یانیمدا دین دن، الله دان دانیشمیردی لار. من یانلارین دا اولاندا راحت دئییلدیلر. من ده داھا اونلارلا اولماغا ایصرارلی دئییلدیم. تکجه شهریزادلا مئهدی هر دن دوست کیمی بیزه باش چکیردیلر. اما من هله ده اونلاردان اوتانیردیم. شهریزادا حؤرمتم و محبتیم واریدی. چوخ کامیل بیر خانیم ایدی. حتی کیشیلر اونا حؤرمه ائدیردیلر. ساوادلی ایدی، دنیا گۆروشو زنگین ایدی، اعلا ناطیق لیگی واریدی. هئج کیم دن قورخموردو. هئج یئردن، هئج کیم دن آسیلی دئییلدی. بو قدر گوجلو اولماسینا رغه مەن چوخ کؤورک ایدی. بعضی شئیرله گۆز یاشی آخیتما دان قولاق آسا بیلیمیردی. اونونلا مئهدین مونسیتلری منه همیشه تاپما جا کیمی گلیردی. حمید اونلارین تشکیلاتین مصلحتینه گۆره ائولندیکلرینی

دئسه ده، آرالارن دا بعضی حیسلر اولدوغونو دویوردوم. مئهدی چوخ غییلی ار و آز دانیشان آدام ایدی. صؤحتلره آز قاریشاردی. اؤز باجاریغینی آز نومایش ائتدیردی. معلم کیمی اوشاقلارین درس دانیشماغینا قولاق آساردی. هامینین داورانیشینین نظارتده ساخلا بیردی، اؤزو ایسه ساکیت قالیردی. تئزلیکله بیلدیک کی، شهریزاد اونون سؤزچوسو رولونو اویناییر. بوتون دانیشیقلاردا گیزلینجه، گؤزآلتی اونا باخاردی. مئهدی باشینی ترپتمکله اونون سؤزلرینی، حرکتلرینی تصدیقلییردی. قاشلارینی ترپه دن ده شهریزاد صؤحتی یاریمچیق کسیردی. اینانمازدیم کی، آرالاریندا سئوگی اولمایان آداملار بیر - بیرینی بئله آنلایا و تقدیر ائدیر. بیلیردیم کی، حمید اوچون ده ایده آل یاشاییش یولداشی بئله بیر قادین ایدی. شهریزادا بونا گؤره هئچ پاخیللیق ائله میردیم. اونو اؤزوم دن چوخ اوستون بیلیردیم. اؤزومو هئچ اونا پاخیللیق ائتمه یه ده لاییق گؤرموردوم. اما اونون کیمی اولماغین حسرتین ده ایدیم. یازین آخیری ایدی، اونونجو سینفین سیناوالاری ارفه سینده بیر دؤنه بوخولو - بوخولو اوریم بولاندی. باشا دوشدوم کی، بویلو یام. بونا باخمایاراق، سیناوالاردان یاخشی کئچدیم. بو دؤنه ایسته یهرک، هوسله اوشاغیمین اولماغینی گؤزلدیم. اوشاق کی، هئچ اولماسا، منی بیتمه یه ن بو تکلیدکن قورتارا بیلردی. حمیدین عاییله سی بویلولوق خبریندن چوخ سئویندیلر. بونو حمیدین یولا گلیمک نیشانه سی بیلدیلر. من ده اوستونو وورمادیم. اگر آغزیمی آچیب حمیدین اوولکی کیمی اولدوغوندا بیر سؤز دئسه یدیم، اونا خیانت ائتمیش اولار، اونو همیشه لیک ایتیره بیلردیم. هم ده موقصیر یئنه اؤزوم اولاجاقدیم. چونکی حمیدین آناسی بئله دوشونوردو. هر بهانه ایله منه دئییردی کی، باجاریقلی قادین ارینین آیاغینی ائوه باغلایا بیلر. اؤزونو نومونه گؤستیریدی کی، جاوانلیقدا سولچو اولان ارینی یولا گتیریب. همین ایلین یایی محمود خالام قیزی ایله ائوله نندی. من اونلارین ایشلرینه قاریشماق ایسته میردیم. خوشبختلیک دن، بویلولوقوم دا کومکیمه چاتدی. هئچ کیم مندن هئچ نه ایسته میردی. اما آنام چوخ سئوینردی و تئز - تئز گلینین گؤزلییندن، محبوبه دن یاخشی اولماغیندان دانیشیردی. محمودسا او قدر قاشقاقلی ایدی کی، ائله بیل کی، یاس ائوینه گلمیشدی. باشینی آشاغی دیکیب هئچ کیمله دانیشمیردی. توی هم آتامین ائوینده، هم ده پروین خانیمین ائوینده کئچیریلیردی. کیشیلر بیزیم ائوده، قادینلار پروین خانیم گیلده اوتوردو. ائوله نندن سونرا محمود بیر گون ده آتامین ائوینده قالما دی. بازارین یاخینلیغیندا بیر ائو کیرایه گؤتورموشدو، گئجه گلینی او ائوه آپاردیلار. قاپیا رنگلی چیراقلار آسمیش، دیوار بویو مشعللر یاندیرمیشدی لار. پروین خانیمین حیطی بیر آز بؤوک ایدی دئییه یئمک لری اورادا بیشیردیلر. اما موسیقی اولما دی. محمود، خالامین یولداشی بونون قطعی علئیه داری ایدیلار. من ده پروین خانیمین ائوینده قادینلارین آراسیندا اوتورموشدوم.

اؤزومو یئللییردیم. قادینلار کیریمک بیلمه‌دن دانیشیر و مئیوه، شیرنیات یئیردیلر. کیشیلر یاندان هئج سس گلمیردی. ساده‌جه، هردن بیر نفرین امری ایله هامینین صالافات چئویردینی ائشیدیردیم. پروین خانیم ائله هئی دئیینیردی کی، بو نه توی‌دور؟ ائله بیل آتامین اؤلمیینین ایلدؤنومودور. اما خالام گؤزونو آغاردیب: «استغفوروللاه»، دئدی و پروین خانیم ساکیتلشدی. خالامین دوشونجه‌سینه گؤره، دونیادا اونون اؤزون‌دن باشقا هامی گوناهاکار ایدی. اوندان باشقا هئج کیمین اوروجو، نامازی دوز دئییلدی. پروین خانیم‌دان دا زهله‌سی گئدیردی. ائو پروین خانیمین اولماسایدی، ایندی قولون‌دان توتوب باییرا آتمیشدی. گئجه احمد‌دن خبر چیخمادی. آنام تئز-تئز علینی کوچه‌نین باشینا یوللاییردی کی، گؤرسون احمد هارادا قالیب. علی قایدیب احمدین گلمه‌دینی دئییه‌نده الینی الینه ووروب: بونا باخ، هئج ائله بیل بونون قارداشینین تویو دئییل! دئییه سیزیلدانیردی. یازیق آتام تک قالمیشدی. پروین خانیمین دا ائله بیل دردی آچیلیمیش‌دی: آنام دوز دئییر. سن گئندن احمد لاپ پیس دیشیب. بعضی اینانیلماز آداملارلا اوتوروب دورور. حاقی‌دیر، آدام کی بو قدر آخماق اولسا، باشینا گلن ده اؤز حاقی‌دیر. گئجه بییم ده تویا گلدی. محبوبه‌نی سوروشدوم: اوندان اؤترو چوخ‌داریخمیشام. کاش او دا گئی‌دی. محبوبه بورادا یوخدور. دئدی کی، اونون یئرینه عوذ‌خاللیق ائلییم. دونه‌ن اری ایله سوریا یا گئتدیلر. بیلیرسن نه یاخشی اری وار؟ محبوبه‌دن اؤترو اؤلور. نه یاخشی! نییه بس سوریا یا گئتدیلر؟ هارا گئتسینلر؟ دئییرلر، سوریا چوخ گؤزلدی. یاخین شرقین ان گؤزل اؤلکه‌لرین‌دندیر. محبوبه نئچه نجی آییندا دیر؟ یئریکله‌مه‌سی وار؟ یوخ، چوخ آزدی. هئج ناراحت‌لیغی یوخدور. حکیم ده ایجازه وئردی سفره چیخماغا. اما منه حکیم ایجازه وئرمیر چوخ حرکت ائله‌مه‌یه، ایلیب قالخماغا. اؤزوندن موغایات اول. سن چوخ ضعیف‌سن. اما، ماشاللاه، گؤزلش‌میسن. اوشاغین اوغلان‌دی. ایندی دئ گؤروم، اریندن راضیسان؟ بیز ده کی او شاهزادنی گؤرمه میشیک. ائله تلسیک وئردیلر کی سنی! نئجه‌دی یولداشین؟ یاخشیدی، بییی، مئهری‌بان‌دی. ائشیتدیم، کبین سوفره‌سینه کیمی کورکه‌نی گؤرمه‌میسن... دوزدو، اما شکلینی گؤرموشدوم. شکله اره گئتمیردین کی! یعنی سن ائله بیر شکیلله اونو سئودین؟ واللاه، ایندی هئج قوم‌دا دا بئله قیز اره وئرمیرلر. محبوبه‌نین قاییناتاسی، اؤزو ده موللادیر، ائلچی‌لییه گلنده دئدی کی، قیزلا اوغلان بیر بیرله دانیشا بیلرلر. تا کی بیربیرلرینی سئودیکلرینه امین اولسونلار. او واخت جاواب وئرلر. محبوبه هئج اولماسا بئش دؤنه مؤحسون خانلا تک دانیشدی. نئچه دؤنه بیزی ائولرینه دعوت ائتدیلر، بیز ده اونلاری دعوت ائتدیک. قوم‌دا هامی اونلاری تانیییردی، اما بیز یئنه سوروشوب اؤیرندیک. آدام قیزی یول‌دان تاپماییب کی... بیلیرم، بییی، اما قارداشلاریم چوخ تلسیردیلر. من راضی دئییلدیم. قلت ائدیردیلر. سن اونلارین یئرینی دارالتمیشدین؟ اولدن سنین

بو آنان اوغلانلارینی چوخ عزیزلییر. محمودون ایشی جاناماز سویا چکمکدی، احمد ده کی بللی دئییل هارادادیر... اما، بیبیجان، ایندی ناراضی دئییلهم. قسمت بو ایدی. حمید یاخشی اوغلان دی. عایله سی ده یاخشی دیر، کمکیمه چوخ چاتیرلار. وار -دوولتی نجه دیر؟ پیس دئییل، کورلوق چکمیریک. اوغلانین اؤز ایشی ندر؟ بیر کیتاب چاپخانالاری وار، یاریسی آتاسینیندی. حمید ده اورادا ایشلییر. سنی سئویر؟ مئهریبان دولانا بیلیرسینیز؟ باشا دوشورسن ده نه یی دئییرم؟ دوشوندوم. هئچ واخت اونون منی سئویب، یا سئومدینی فیکیرلشمه میشدیم. البته، من اونا قارشى لاقتید دئییلدیم. او، سئویلهملی و اوره یه یاتان آدام ایدی. حتی اونو آز -آز گۆره ن آتام دا حمیدی چوخ ایسته ییردی. اما آرامیزدا سعیدله اولان کیمی -عشق یوخیدی. قدیمکی موناسیبتلریمیز ده داها چوخ وظیفه میزی ایجرا ائتمک ایدی. بیبیمین سسی منی فیکیرمدن آیردی: نییه فیکره گتدین؟ اونو سئویرسن، یا یوخ؟ بیلیرسن، بیبی، یاخشی کیشی دیر. منه دئییر، درس اوخو. نه ایش ایسته بیرسن، اونو ائله. کینویا، قوناقلیغا گنده بیلیره م. یازیق هئچ نه دئمیر. من بو کیشیلری یاخشی تانیییرام. ائله محبوبه نین اری، هم الله لی دیر، هم ساوادلی دیر، هم معاصردیر، هم ده محبوبه یه عاشیق. گۆزونو اوندان آییرمیر. بویلو اولدوغونو بیله ندن اونا اوشاق کیمی باخیر. دۆرد گۆزله موغایات اولور کی، گۆرسون هارا گئدیر، هارادان گلیر. اؤز آرامیزدا قالسین، بعضی واختلار دا قیسقانییر. یقین، سنین ارینده قیسقانییر، ائله دئییل؟ حمید؟ حمید و قیسقانجلیق؟ اؤزو ده منی؟ امین ایدیم کی، ائله شئی یوخدور. اگر ایندی دئسه م کی، بوشانماق ایسته ییرم، چوخ سئوینر. ائولیلیک اونون اوچون زنجیرده ن باشقا بیر شئی دئییل. باخمایاراق کی، او، هله ده آزاددیر، ائوه نه واخت ایستییر گلیر. حمید؟ یوخ، حمید هئچ واخت منی قیسقانماز. پاییزین باشلاماغی ایله حالیم بیر آز دوزلدی. قارنیم یاواش -یاواش بویویوردو. اون بیرینجی سینفین کورسلارینا یازیلدیم. آخشاملار آغیر -آغیر آددیمالایاراق کورسا گئدیردیم. سحرلر پرده لری قیراغا چکیب، آياقلاریمی اوزادیب بییم گۆندره ن لاواشلاری یئیه -یئیه درس اوخویوردوم. بیلیردیم کی، سونرالار درس اوخوماغا چوخ واخت تاپمایاجام. بیر گون حمید سحر ساعات اوندا ائوه گلدی. تعجب اولندیم. ایکی گنجه ایدی کی، ائوه گلمه میشدی. فیکیرلشدیم، یقین، خسته لنیب. یوخسا مندن نیگاران قالمایاجاق دی کی؟ سوروشدوم: سندن نه عجب بو واخت ائوه گلیمسن؟ گوله -گوله دئدی: ایسته میرسن ائوه گلیمیمی؟ یوخ، ساده جه، ماراقلی دی. بو گون خبر وئردیلر کی، تئلفونو قوشماغا گله جکلر. من ده بیلمه دیم، ائوده پول وار، یا یوخ. مجبور اولدوم تئز گلیم. تئلفون؟ دوغرو دئییرسن؟ بیزه تئلفون چکمک ایسته ییرلر؟ نه یاخشی؟ مگر بیلمیردین؟ پولونو چوخدان وئرمیشدیم. من نه بیلیم؟ سن کی منله دانیشمیرسان. اما یاخشی اولدو. ایندی هامی ایله دانیشا بیلرهم.

داریکمارام. یوخ، اولمادی، معصوم خانیم. تئلفون واجیب ایشلر اوچوندو. خانیملار اونونلا چنه وورسونلار دئییه چکدیرمیرم. منه تئلفون بعضی واجیب ایلگی لر اوچون گره کدی. گرک همیشه آچیق اولا. یادیندا قالسین، نؤمره نی ده هئچ کیمه وئرمه. یعنی دئییرسن، آنا -آتامدا بیزیم ائوین نؤمره سی اولمایا؟ یاخشی، عصبیلشمه. البته، بیر شئی اولسا، خبر ائده بیلرسن. دئمک ایسته بیرم، اییرمی دؤرد ساعات تئلفونو مشغول ائتمه. منیم کیمیم وار کی؟ یولداشیم دا یوخدو. آنامگیلده تئلفون یوخدور. گرک پروین خانیم گیلدن زنگ ائدیر. قالیر سنین آنان -باجین. یوخ -یوخ، اولمایا اونلار نؤمره وئره سن! هر دقیقه ائوده اولوب -اولمادیغیمی یوخلایاجقلار. آخیر کی، تئلفونو قوشدولار. سویوقلار دوشه ندن اطراف موحیطله ایلگی م کسلیلمیشدی ایندی برپا اولدو. هر گون پروین خانیملا دانیشیردیم. بعضن آنان اونلارلا گلیردی، اونونلا دانیشیردیم. حمیدین آناسی تئلفون چکیلدینی بیله ندن سونرا گیلئیلنن نؤمره نی آلدی. ائله بیلیردی کی، نؤمره نی اونا من وئرمک ایسته میرم. من ده دئییه بیلیردیم کی، اوغلونون امری دی. نؤمره نی آلاندا سونرا گونده آزی ایکی دؤنه زنگ ائدیردی. اونون زنگ ائلدینه امین اولاندا تئلفونو گؤتورموردوم. او قدر یالان دئمیشدیم کی حمید توالئتده دی، گئدیپ بازارا، کوچه یه چیخیب اوتانیردیم. قیشین سویوق گئجه یاریلارینین بیرینده دوغوش سانجیسنی حیس ائله دیم. قورخو و نیگارانچیلیق بوتون جانیمی آلمیشدی. حمیده نئجه خبر ائدیم؟ اؤزومو اله آماغا چالیشیردیم. چالیشدیم حکیمین سؤزلرینی یادا سالیم. اؤزومو ییغیشدیردیم. حمیدی تاپماغا چالیشدیم. منه وئردی تئلفون ایش یئرینین ایدی. بیلیردیم کی، گئجه واختی اورادا هئچ کیم اولمور، اما زنگ ائله دیم. هئچ کیم گؤتورمه دی. دوستلارین دان هئچ کیمین نؤمره سی یوخ ایدی. او، قریبه بیر ایصرارلا هئچ یئرده دوستلارینین عونوانینی، نؤمره سینی یازمیردی. چالیشیردی یادیندا ساخلا سین. باشقا چاره م قالمادی. پروین خانیم زنگ ائله دیم. نؤمره نی ییغیدیم، اما هئچ کیم گؤتورمه دی. بیلیردیم کی، هم ارینین قولاقلاری، هم ده اؤزونون یوخوسو آغیردی. الیم یورولدو، دسته یی یئرینه قویدوم. ساعات ایکی ایدی. گؤزوم ساعاتدا قالمیشدی. آغلیما گلدی کی، حمیدین آناسینا زنگ ائدیم. اما نئجه دئییم کی، حمید ائوده دئییل؟ آخی آخشام دئمیشدیم کی، حمید گلیب و گئدیپ ننه سینه باش چکسین. ایندی حمیدین گلمدینی دئسئیدیم، آناسی دلی اولاردی. هم ده منیمله دالاشاردی. نیفرت ائدیردیم هر شئی، بئزمیشدیم. منیم و بو اوشاغین اولدو-قالدی سینین حمیده هئچ بیر دخلی یوخ ایدی. ساعاتا باخدیم. دؤردون یاریسی اولموشدو. بیر ده پروین خانیم زنگ ائدیپ دسته یی ساخلا دیم. اما فایداسی یوخ ایدی. فیکیرلشدیم، پالتاریمی گئیینیب اؤزومو کوچه یه چاتدیریم. بیر ماشین تاپارام، منی خستخانایا چاتدیرار. اؤزومله اوشاغین چانتاسینی اون گون قاباق دان

حاضیرلامیشدیم. ایچین ده کیلری تۆکوب او حکیمین یازدیغی کاغیزی آختاردیم. بیر ده هامیسینی قاتالایب چانتایا قویدوم. آغیریم تزه دن باشلامیشدی. اما بو دۆنه فاصیله لری نیظام لی دئییلدی. چارپاییا اوزاندیم. فیکریمی توپلاماغا چالیشدیم. آغربین گوجون دن یثیرمدن آتالاندیم. سحر یئددینین یاریسی ایدی. ائله بیل آغریلاریم بیر آز ساکیتلشمیشدی. منی یوخو آپارمیشدی. تلسیک تئلفونا طرف گتدیم. پروین خانیمین ائوینه زنگ ائله دیم. قرارا گلیمیشدیم کی، دسته یی بیر نفر جاواب وئرنه قدر یئره قویما یام. اون دفه زنگ چالاندان سونرا پروین خانیمین یوخولو سسی گلدی. بیر باشقا آدامین

سسینی ائشیدنده قهرلندیم: پروین خانیم، دادیما چات، آغریلاریم باشلایب! الله منی اؤلدورسون! گت خستخانایا، بیز ده گلیریک. نجه گتدیم بو قدر اشیایلا؟ حمید یوخدور؟ یوخ، ائوده یوخدور. گنجه ائوه گلمه ییب. گنجه دن ایندییه کیمی یوز دۆنه زنگ ائلمیشه م سنه. الله ایسته دی، اوشاق بو واختا قدر گلمه دی... سن حاضیرلاش، بیز ایندی چاتیریق. گتدیم آنانی گۆتوروم، گلیریک... پروین خانیملا دانیشانان سونرا آغریلاریم اولسا دا، ساکیتلشمیشدیم. خستخانایا چاتدیم. آغریلاریمین دۆزولمز اولدوغونا باخمایاراق، حکیم دئییردی کی، هله تئز دیر. آنام اللیمی توتوب دئدی: آغری چکه ن قادین نه دوعا ائله سه، الله تئز قبول ائدر. دوعا ائله کی، الله گونا هالاریندان کئچسین. گونا هالاریم؟ نه گونا هیم واردی کی؟ تکجه بیر گونا هیم واریدی. او دا بیرینی سئومک ایدی. بو، یاشاییشیمین ان گۆزل خاطیره سی ایدی. ایسته میردیم کیمسه اونو سیله. گون اورتا اولدو، دوعا بیلیمیردیم. درمانلار، اینهلر وورولوردو، اما فایداسی یوخ ایدی. پروین خانیم هر اوتاغا گیرهنده دهشتله منه

باخیردی، مینینجی دۆنه سوروشدو: آخی بو حمید بی هارادادیر؟ قوی آناسینین ائوینه زنگ ائدک. بلکه اونلار بیلرلر؟ آغریدان قوورولا - قوورولا دئییردیم: یوخ، بونو ائله مئین. اؤزو گلنده زنگ ائدر. آنامین هیرصیندن قانی قانینی یئیردی: نییه؟ ننه سی گلیب گۆرملیدی کی، نوه سینین باشینا نه گلیر. نییه هئچ بیرینین وئجینه دئییل؟ آنامین دورمادان دئیینمه یی منی لاپ عصیلش دیریردی. گون اورتا ساعات دۆرد اولدو. ساعات بئشی کئچهدن سونرا حمید گلدی. اونو گۆرمکله ائله بیل آرخا تاپدیم. گوجلندیم. دوغرودان دا، بئله آنلاردا ار قادین اوچون ان گوجلو آرخادیر - سئومه سه ده، مئهریبان اولماسالار دا. حمیدین آنا - باجیلارینین خستخانایا نه واخت گلدیکلرینی بیلمه دیم. آناسی طیب باجیسی ایله داوا ائدیردی کی، بس بو حکیم هارادادیر؟ اوشاق الدن گتدیر. بیلیردیم کی، اونون نیگارنچیلیغی نوه سینه گۆره دیر، یوخسا منه گۆره؟ طیب باجیسی منی مواینه ائدنده آجیقلاندی: بو نه شیوه ندی سالمیسیز؟ حکیم خانیم دئدی کی، واختی چاتاندا گله جک. آخشام ساعات اون

بیر اولدو. داها نفس آلا بیلیمیردیم. منی او بیرری اوتاغا آپاردیلار. حکیمین دانیشیغین دان باشا دوشدوم کی، اوشاغین نفس آلماسیندا سورون وار. حکیم تلهسه -تلهسه الجکلرینی گئییدنی. طیب باجیسی داماری تاپا بیلمدینه گۆره حکیم اونون اوستونه چیغیردی. اوندان سونرا نه اولدوسا، یادیم گلمیر... اویاناندا تمیز و ایشیق لی بیر اوتاقدا ایدیم. آنام باشیمین اوستونده اوتورموشدو، مورگو ووروردو. آغیریم یوخ ایدی. اما چوخ یورغون، حالسیز ایدیم. سوروشدوم: اوشاق اۆلدو؟ دیلینی دیشله، قیز! الله ائله مه سین. اوشاغین گول کیمی بیر اوغلان دی. اوغلان اولدوغونو بیلنه ده نئجه سئویدیم، بیر بیل سه ن. قاینانام یانیندا باشیم اوجا اولدو. اوشاق قوصورلو دئیل کی؟ یوخ، الله ائله مه سین. ایکینجی دؤنه گۆزومو آچاندا حمید اوتاقدا ایدی. گولوب دئدی: موبارکدی! چوخ چتین اولمادی کی؟ اۆزومدن آسیلی اولمایاراق آغلادیم: تک قالماق بوندان دا چتین ایدی. باشیمی قوجاقلایب، ساچلاریمی سیغاللادی. بوتون تک لییمی، اینجیک لیگیمی اونوتدوم. سوروشدوم: اوشاق ساغیر؟ هه، اما چوخ بالاجادیر. نئچه کیلودور؟ ایکی کیلو یئددی یوز قیرام. بارماقلارینی سایمیسان؟ دوزدو؟ برکدن گولوب: البته، دوزدو! دئدی. اوشاغی شوشه آلتیندا ساخلا ییرلار. نفه سی قایدایا دوشمه لی دیر. اما چوخ شیطان دیر. شوشه نین ایچین ده ده ال -آیاغینی دینج قویمور. سحری گونو اۆزومو چوخ یاخشی حیس ائلییردیم. اوشاغی گتیردیلر. یازیق اوشاغین اوزون ده یارا و جیزیق یئری گۆرونوردو. دئدیلر، فورسئب سین یئری دیر. آلاها چوخ شوکور کی، اۆزونه زیان ده ییمه ییب. اما الله هئی آغلا ییردی. دؤشموتوتا بیلیمیردی. ضعیف لیک و یورغونلوق حیس ائدیردیم. آخشام اوتاغیم دولو ایدی. هر کس اوشاق حاقدا بیر شئی دئییردی. حمیدین آناسی دئییردی کی، ائینه ن حمیددی. آنام دئییردی، داییلارینا چکیب. سونرا آنام حمیددن سوروشدو: آد فیکیرلشمیسینیز؟ نه قویاجاق سینیز؟ هه، فیکیرلشمیشیک. سیامک قویاجاغیق. سونرا حمید آتاسینا باخدی. آتاسی گولوب باشینی ترتیدی. من قورخدوم. بیز هئج واخت اوشاغین آدینا گۆره دانیشمامیشدیق. بو آد دا کی هئج واخت آغلیما گلمه میشدی. نه؟ سیامک؟ من چوخ گۆزل آدلار تاپمیشام. نییه سیامک؟ آنام دئدی: سیامک نه دی؟ آدام الله، پیغمبر آدلان قویار کی، عاقیبتی خئیر اولسون. آتام ایشاره ائله دی کی، قاریشما سین. حمید جدی و قطعی دئدی: یوخ، سیامک یاخشیدیر. سونرا دا عقللی آداملار سفهلره باخان کیمی منه باخیب دئدی: آدام گرک اوشاغینا بؤیوک آداملارین آدینی قویسون.

آنم سوال دولو نظرلره منه باخدی. چیینلریمی چکدیم کی، بیلیمرم. سونرالار بیلدیم کی، اونلارین دسته لرین ده اوشاقلارا بو جور آدلار قویورلار. دئدیکلرینه گۆره، کوممونست آدلاریدیر. خستخانادان چیخیب آنامگیله گئتدیم. اون گون اورادا قالدیم، یاواش -یاواش اوشاغا باخماغی اؤیرندیم. اؤز ائویمه قاییتدیم. اوغولم سالامات ایدی، اما داواملی آغلا ییردی. گئجه لر سحره

کیمی آیاق اوسته دولانیردیم. پروین خانیم، دئمک اولار کی، هر گون گلیردی، آنام دا تتر تتر باش چکیردی. چوخ کۆمک اندیردی. بوتون آلیش -وئیشیمی اونلار ائلییردی. من ائودهن چیخا بیلیردیم. حمید ده هئج بیر مسولیتی بونونا آلامیشدی. پروقراملاریندا بیر دییشیکلیک وار ایدی کی، گئجه لر ائوه گلیردی. بالیشینی -یورغانینی گۆتوروب قوناق اوتاغیندا یاتیردی. سونرا دا پیس یاتدیغین دان گیلئله نیردی. نئچه دؤنه اوشاغی پروین خانیملا حکیمه آپاردیم. حکیم دئییردی کی، فورسئبسه دونیا یا گلن اوشاقلار عصبی اولورلار. اما خصوصی بیر سورونی یوخدور. باشقا حکیم دئییردی، بلکه آجدير، سودوم اونو دويدورمور، کۆمک چی سودلردن وئر. یورغونلوق، ضعیفله مه، آز یاتما، اوشاغین دورمادان آغلاماگی، خصوصیه ده تکلیک گونبگون عصبیریمی پوزوردو. اؤزومه قاپانیردیم. هئج کیمله ده دانیشا بیلیردیم. اینانیردیم کی، حمیدین ائوده اولماماسینا تقصیرکار منه م. تامامیه اؤزومه اینامی ایتیرمیشدیم. هامیدان زهله م گئیدردی. حیس اندیردیم کی، دنیا منیم اوچون قورتاریب. هئج واخت بو زحمتین، مسولیتین آلتیندان چیخا بیلیمچکدیم. اوشاق آغلایاندا منیم ده گۆزلیمین یاشی دایانمیردی. حمید هئج اوشاغا باخمیردی. گئجه -گوندوز اؤز ایشلری ایله مشغول ایدی. دؤرد آی ایدی کی، ائودهن چۆله چیخمامیشدیم. آنام دئییردی، هامینین اوشاغی اولور، اما هئج کیم سنین کیمی اؤزونو بوتونلوکله اوشاغا وئرمز، ائوده اوتورماز. بیر مودت کئچدی. هاوانین قیزیشماسی، اوشاغین بؤیومه یی منیم ده حالیمی یاشیشلاشدیردی. داها اؤزومه قاپانمام، حالیمین دییشمه یی آزالمیشدی. مای آیینین گۆزل گونلرینین بیرین ده اؤزومه سؤز وئردیم. آیاغا قالخماغا قرار وئردیم. من آنا ایدیم. اوشاغیما گۆره مسولیت داشیییردیم. گوجلو اولمالی ایدیم. اؤز آیقلاریمین اوستونده دورمالی ایدیم. اوشاغیم ساغلام و شاد موحیطده بؤیومه لی ایدی. بونولا چوخ شئی دییشدی. یاشایشین نشه سی قانیمی قاناتدی. ائله بیل اوشاق دا بونو بیلیمیشدی. آز آغلاییردی. بعضی واخت دا منی گۆره ن ده گولوردو، اللرینی منه طرف اوزادیردی. بو زامانلار بوتون قم -قوصه لریمی اونودوردوم. هله ده بعضی گئجه لر سحره کیمی یاتماغا قویموردو، اما عادت ائتمیشدیم. بو وضعیتی قبول ائلمیشدیم. هردن اوتوروب ساعتارلا اونا باخیردیم، اونون هر حرکتینین منیم اوچون خصوصی معناسی واریدی. ائله بیل تزه بیر دنیا کشف ائتمیشدیم. گونو -گوندن گوجلنه نیردیم. هر گون اونو لاپ چوخ سئویردیم. ائله بیل آنالیق عشقی بوتون عصبیریمی ساغالتمیشدی. بو گون دونه ندن ده چوخ سئویردیم اونو. بوندان بؤیوک عشق اولایلمز، دئییردیم. اما صاباح حیس اندیردیم کی، بو گون دونکنندن ده عزیزدیر. داها اؤزومله دانیشماغا احتیاج قالمامیشدی. اونا دئییردیم سۆزلیمی، ماهنی اوخوبوردوم، سیامک ایری گۆزلی ایله منه باخیب، هانسی شئیری خوشلادیغینی داها چوخ حیس

اثلتدیریدی. هر گون آخسام اونو اوشاق آراباسینا قویوب، ائویمیزین اطرافینداکی کوچهلرده، قدیم آغاجلارین آلتیندا گزیشیردیم. سیامک ده بو گزینتیلری خوشلاییردی. فاطمه موختلیف بهانهلرله بیزه گلیردی. مکتبلر تعطیله باشلایاندان گئجهلر بیزده یاتیردی. اونون یانیمدا اولماغی منه بؤیوک کؤمک ایدی. یئنه ده جومعه ناهارلارینی حمیدین آتا -آناسینین ائوینده ائلهمهیه باشلادیق. سیامک مئهریبان اوشاق اولماسا دا، هامینین قوجاغینا گئتمهسه ده، حمیدین عاییلهسی اونا عاشیق ایدی. جومعه گونونون پروقرامینی پوزا بیله جک هئج بیر بهانهنی قبول ائتمیردیلر. ان ماراقلیسی آتاملا سیامکین موناسیبتلری ایدی. آتام اوللر بیزه چوخ آز گلردی. اما ایندی مین بیر بهانه ایله بیزه گلمهیه چالیشیردی. سونرا هئج بهانه ده آختارمیردی، گلیب سیامکله اویناییر، چیخیب گئدیردی. سیامک دوغولاندان سونرا حمیدین یانیمدا اولماماسینی داها آز حیس ائدیردیم. بوتون گونومو اونا یئمک وئرمک، چیمیزدیرمک، اونا ماهنی اوخوماقلا کئچیریردیم. بو بالاجا شیطان بوتون سئوگیمه صاحب اولموشدو. درسی، سیناوالاری بیر کنارا بوراخمیشدیم. حمیدین آتاسی سیامکه گؤره بیزه تئلئویزور هدیه ائتمیشدی. یابین آخیر هفتهلرینده بیر دؤنه حمیدین آتا -آناسی ایله سفره گئتدیک. عؤمرومون ان خوش هفتهلریندن بیری اولدو. حمید آناسینین قارشیسیندا ترک -سلاح اولدو. مین بیر بهانه گتیردی کی، گئتمه یک. اما هئج بیرینه باخمادیلار. بیرینجی دؤنه ایدی کی، شیمالا گئدیردیم. اوشاقلار کیمی هوسلی ایدیم، سئوینیردیم. سیامک ایلک دؤنه ایدی کی، آتاسی ایله بو قدر واخت کئچیریردی. اونون قوجاغیندان دوشوب منه گلمیردی. حمیدین باش بارماغینی بالاجا اللریندن بوراخمیردی. حمیدین آتا -آناسی نولهلرینین بو حرکتلریندن چوخ سئوینیردیلر. آتاسی بیر دؤنه سئوینجک منیم قولاغیما دئدی: گؤرورسهن، حمید بوندان سونرا اوشاقلان ال چکه بیلر؟ ایکینجی سینی ده تئز وئر قوجاغینا. گونون آلتیندا میس کیمی یانمیشدیم. بیر آرا گؤردوم کی، حمیدین آتاسی اونون قولاغینا نسه دئییر. حمید ده دؤنوب تئزتئز منه باخیر. اؤزومو ییغیشدیردیم. چوخدان ایدی کی، چادرانی، یایلیغی یاددان چیخارتمیشدیم. البته، گئییمیمه چوخ دقت ائدیردیم کی، آچیق -ساجیق اولماسین. اما او گون نازیک، قولو آچیق، یاخاسی آچیق بیر دون گئیینمیشدیم. اؤز -اؤزومه دئدیم کی، حاققلاری وار. نئجه ده آیرسیز اولموشام. حمید یانیمدا گلنده نیگارانیقلا سوروشدوم: آنان نه دئییردی؟ هئج نه. نئجه یانی هئج نه؟ گؤردوم آخی، او، منیم بارهده نسه دئییردی. دئی، من ده بیلیم... ایلاهی، دوغرودان، بو قایینانا -گلین مسئلهسینی سیزین آغلینیزدان چیخارماق مومکون دئییل. اصلینده، او، منه پیس هئج نه دئمهدی. ناحاق یئر ناراخات اولورسان. بس نه دئییردی؟ هئج، دئییردی، خانیمین گونشده قارالیب، گؤزلشیب. بونو دئییردی. دوغرودان؟ بس سن نه دئییرسن؟ من؟ نه دئییم؟ دوز دئییرلر،

سن چوخ گۆزل سەن و گونگون گۆزل شیرسن. بیرینجی دۆنه ایدی کی، اریم منی تعریفلییردی. اۆزومو او یئره قویمادیم: یوخ، جانیم، گونشه گۆره دیر. منیم رنگیم چوخ آغدی آخی. کئچەن ایل اۆزون دئییردین کی، رنگین خستھالیدی. خستھال دئییلیدی. اوشاق رنگی کیمی دی. ایندی بۆیوموسەن. بیر آز کۆکلیمسەن. بو گونش دە سەنە دوشوب، رنگین چوخ خوش اولوب. ساچلارین، گۆزلرین آچیلیب، ایشیلدا ییر. بیر سۆزلە، گۆزل، کامیل خانیم دۆنموسەن. او گۆزل، ایستی و گونشلی گونلر یاشاییشیمین چوخ قارا، سویوق گئجه لرینە دۆزمە یە وادار ائله دی. منیم سیامکیم چوخ شیطان، گۆزل اوشاق ایدی. حمید گولوب دئییردی: خاریجیلرین بیر مثالی وار. دئییرلر، اوشاق دا گۆزل نە وارسا، آنادا دا وار. تئزلیکلە گئری قاییتدیق. حمیدین آناسینین فیکیرلشدیینین عکسینە، بو اوشاق حمیدی عاییلە یاشاییشینا باغلا یا بیلمە دی. بیر ایل کئچەندن سونرا یئنە درس، مکتب یادیم دوشدو. ان سونوندا، سیامک ایک یاشین دا اولاندا من اون بیرینجی سینفین سینا لارینی وئره بیلدیم. اورتا مکتبی بیتیرمییە بیر ایل قالمیشدی. بیر نئچە آیدان سونرا دھشتلە فرقینە واردیم کی، یئنە بویلو یام. بیلیردیم کی، حمید بو خبری ائشیدندە سۆنمە یە جک. اما بئله غضبلی رئاکسیا وئرجیینی هئچ دوشونمزدیم. او، عمل لی - باش لی داوا سالدی. دئدی کی، نییە درمانلاریمی واخت لی - واختیمدا ایچمە می شەم. بو درمانلارین منە دوشمیینی نە قدر دئسەم دە، اینانمیردی: بوش - بوش دانیشما! هامی درمان ایچیر، نییە هامیا دوشور، بیر سەنە دوشمور؟! دئنه کی، جوجە چیخاران تو یوق اولماقدان خوشوم گلیر. فیکیرلشیرسن کی، هر ایل بیر اوشاق دوغما قلا منی موباریزەمدن اوزا قلاشدیرا بیلرسەن؟ مگر ایندی یە کیمی بو اوشاغا چوخ اذیت چک میسن؟ ایندی دە ایکینجی اوشاغا واخت خرجه مکدن قورخورسان؟ سن نە واخت اوشاقلارینین قایغیسینا قالمیسان کی، ایندی دە ناراحتلیغین آرتا؟ ائله تکجه وارلیغینیز آدامین ال آیاغینی باغلا ییر! منی بو غورسونوز. ایکینجین دە سسینی، مقیلتی سینی ائشیتمە یە حالیم یوخدو. نە قدر کی گئج دئییل، بیر شئی فیکیرلش... یعنی نە فیکیرلشیم؟ گئت، آبورت ائلتدیر. منیم تانیش حکیمیم وار. یعنی اوشاغیمی اۆلدوروم؟ بو نە سفح سۆزلردی؟ اوریممی بولاندیریرسان! بو، سادە جە، بیر هو جئیرە دیر. ائله «اوشاغیم» دئییرسن... آغلا ییب دئدیم: من اوشاغیمی اۆلدورمرەم. او، سنین دە اوشاغیندی. نئجه اوریین گلیر؟ دوز دئییرسن، گوناھ مندە دی. اولدن گرک سەنە ال وورما یایدیم. ایلدە بیرجە دۆنە دە سەنە یاخین دوشسەم، بویلو قالیرسان. داھا بو سەھوی تکرارلامارام. سن دە نە قلت ایستە ییرسن، ائله. ایندی دن دئییرم کی، منە اومید اولما. هئچ نە دە ایستە مە. گویا ایندی سندن نە ایستە ییرم کی؟ سن منیم اوچون نئیە می سەن؟ بیرینجی اوشا قدا هانسی مسولیتی بونونا آلمیسان کی، ایکینجی سین دە دە ایستە یە م؟ هر حالدا، ائله بیل کی، من یوخام.

بو دؤنه ایشیمی بیلیردیم. اولجه دن تداروک گۆرموشدوم. پروین خانیم آنامگیلی تئلئفون چکدیرمه یه مجبور ائلمیشدی کی، راحت زنگ ائله یه بیلیم. داها کئچهن دفه کی کیمی قورخموردوم. خوشبختلیک دن، بو دؤنه دوغوم یابین آخیرینا دوشه جک دی مکتبلرین تعطیل واختینا. قارار گلمیشدیک کی، بویلو لیغیمین آخیرینجی ایکی هفته سینی فاطمه بیزده قالسین. من قفیل خستخانایا گئندنه سیامک تک قالماسین. اوشاغین هر شئیینی حاضیرلامیشدیم. اصلینده، چوخ شئی ده گره ک دئییلدی. سیامک دن قالان شئیلر هله ایستیفاده یه یارارلی ایدی. آنام تئر -تئر سوروشوردو: حمید بی یوخدو؟ نییه بو قدر نیگاران سان؟ حمیدین ایشلرینی بیلیمک اولماز. هر دن چاپخانادا قالیر، هر دن ده قفیل ماذونیتته گئدیر، یا دا سفرده اولور. کئچهن دؤنه نین عکسینه، بو دؤنه هر شئی راحت حل اولوندو. ایندی امین ایدیم کی، گرک اؤز آیاقلاریم اوستونده دورماغی باجارام. داها نیگاران دئییلدیم. آغیریم باشلایان دا حمید یوخ ایدی. دوغوش دان ایکی گون سونرا خبر توتوموشدو. آنام چوخ آجیخلانیردی، دئییردی: بیزیم باختیمیزدا ارلر آرواد دوغان دا یانیندا اولماسالار دا، سحری گون گلیردیلر. آروادینین باشینا، قولاغینا بیر سیغال چکر، بیر هدیه وئردیلر. دئییردیم: باشینی بوراخ. یاخشی کی، یوخدور. اونون دا مین جور ایشی وار. ایشیله مشغولدو. آرتیق بیر دؤنه بئله بیر شئی اولموشدو دئییه اؤزومو داها آرخابین حیس ائله بیردیم. راحت دوغا بیلدیم. آغریلاریم چوخ ایدی، یئنه ده دوغماغیم اوزون چکدی، اما اوشاق اولاندا هوشوم باشیمدا ایدی. اوشاغین آغلاماغینی ائشیدن ده قریبه بیر حیس کئچیردیم. حکیم دئدی: موبارکدی. داها بیر توپپوش اوغول. بو دؤنه آنالیق حیسینی بده نیمین بوتون هوچیره لرین ده حیس ائلییردیم. کئچن دؤنه نین عکسینه، داها اوشاغین هئچ بیر شئی منه قریبه و قئیری -عادی گلمیردی. او آغلامایان دا ال آیاغیم بیر -بیرینه دولاشمیردی. اؤسکوروب -آسقىرماسیندان دهشته گلمیردیم. گنجه یوخوسوزلوقلاردان قورخموردوم. البته، سیامکه باخان دا، بو اوشاق چوخ ساکیت و صبرلی ایدی. اوشاقلاریمین خاصیتلری منیم بویلولوق واختلاریمدا کی اووقاتیما اوخشاییردی. بو دؤنه خستخانادان چیخان کیمی بیرباشا اؤز ائویمه گئتدیم. ائله همین واختدان ائوین بوتون ایشلرینی اؤز عۆهده مه گۆتوردوم. ائو ایشلری، ایکی اوشاغی بؤیوتمک، بیلیردیم کی، حمیده بئل باغلاماغین معناسی یوخدور. او نئچه ایل آختاردیغی بهانه نی تاپمیشدی. منی گوناهاکار بیلهرک راحتلامیشدی. بوتون مسولیتی منیم بونوما آتمیشدی. ایندی گنجه لر ائوه آز -آز گلیردی. یاتاق اوتاغینی دا آیرمیشدی. بیزیمله هئچ ماراقلانمیردی. منیم ده قوروروم ایجازه وئرمیردی کی، اوندان بیر شئی ایسته یه. بیلیردیم کی، یئرسیزدی. اوسته لیک سیامک اونا رقیب گتیردیمه گۆره منی باغیشلایا بیلمیردی. ائله کی خسته خانادان اوشاق قوجاغیم دا ائوه گیردیم، ائله بیل

ان بؤیوک خیانتی اونا ائله میش اولدوم. نه مندن آسیلیدی، نه یاخینما گلدی. قاچیب چارپایینین آرخاصیندا گیزلەندی. اوشاغی فاطمه یه وئریب، اونون آرخاصینجا قاچدیم. قوجاغیما آلیب، اونو نئجه سئودییمی دئدیم. قاباقجاندان آلیب گیزلتدیم ماشین الینه وئریب: بونو بالاجا قارداشین آلیب، دئدیم. اینانمادی، اما گلیب قارداشینا باخدی. اما او گوندن سونرا داها عصبی اولدو. ایندی دانیشیغیندا دا چاتیشمازلیق یارانمیشدی. اصلینده، او، ایکی یاشیندا راحت دانیشا بیلیردی. ایسته دینی دئییه بیلیردی ایندیه چوخ پیس اولموشدو. تئز-تئز اؤزونو ایسلادیردی. اونا باخاندا اوریم آغرییردی، ائله بیل عصبدن آغلامیشدی. بیلیردیم نه ائدیم. حکیم دئییردی کی، چالیش اونون یانیندا او بیر اوشاغی قوجاغینا آلم. اونو ائو ایشلرینه اؤیرت. اما یانیمدا هئچ کیم یوخ ایدی کی، اوشاغا سود وئرنده سیامکی بیزدن اوزاق توتسون. گون به گون اونون آریخلادیغنی گؤروردوم. تک باشینا اونون یاشایشینین بوشلوغونو دولدورا بیلیردیم. اونون آتایا احتیاجی وار ایدی. بیر آی کئچمیشدی، بیز ایکینجی اوشاغا هله آد قویمامیشدیق. بیر دؤنه آنام پروین خانیملا بیزه گلنده دئدی: او قئیرت سیز آتاسی اوشاغینا آد قویماق ایستیمیر؟ نییه فیکیرلشمیرسینیز؟ گناهەدی آخی. قیرخ گونلویونه آز قالیب. گرک آد قویاسینیز. اؤزومدن آسیلی اولمایاراق: من اونا سعید دئییرم، دئدیم. پروین خانیم حئیرتله منه باخدی. گؤزونده یاش گیلەلەندی... آنام هر شئی دن خبرسز اولدوغونا گؤره مساله نی باشا دوشمەدی: پیس دئییل. گؤزل آدیر. سیامکه ده یاراشیر. بیر ساعاتدان سونرا یاتاق اوتاغیندا اوشاغا سود وئیردیم، پروین خانیم یانیمدا گلیب دئدی: بونو ائله مە. نه یی ائله مییم؟ اوشاغینین آدینی سعید قویما. نییه؟ گؤزل آد دئییل؟ اؤزونو تولکولویه قویما. یاخشی بیلیرسن، من نه دئمک ایستیرم. بیلیرم، بلکه بو بوز باغلامیش ائوده تانیس بیر آد ائشیتیمک ایسته بیرم. بیلیرسن، نه قدر تکه م. سئوگییه ائله احتیاجیم وار کی. بو ائوده بیر اینه اوجو قدر سئوگی گؤرسیدیم، اونون آدینی اونوداردیم. اما اوشاغا اونون آدینی قویسان، هر سسلەیه نه یادینا دوشەجک. یاشایشین داها دا چتینه دوشەجک. بیلیرم. باشقا آد قوی. بیر نئچه گوندن سونرا فورصدن ایستیفاده ائدیپ حمیددن سوروشدوم: اوشاغا سند دوزلتدیرمک ایسته میرسن؟ گرک اونا بیر آد قویاق. هئچ بو بارەده فیکیرلشمیرسن؟ هه، فیکیرلشمیشەم. آدی روزبئە اولاجاق. بیلیردیم کی، بئله بیر آد سئچەجک. منیم اوچون بو آدامین قهرمان، یا خاین اولماغینین فرقی یوخ ایدی اوشاغیما بئله بیر آد وئرمیجکدیم. دئدیم: اوشاغیمین گرک اؤز آدی اولا. بو دؤنه قویمارام سن اؤز آداملارینین آدینی قویاسان. ایستیرم کی، اوشاغیمین ائله آدی اولسون کی، اونو سسلەینده سئوینیم. هر دؤنه اؤلن آدامین آدینی چاغیرماق ایسته میرم.

اؤلن آدام؟ او، موباریز، قهرمان ایدی. الله رحمت ائله سین. آما من اوشاغیمین قهرمان اولماغینی ایسته میرم. ایسته بیرم کی، خوشبخت اولسون، والسلام.

دوغرودان دا، سن ده کوتله تفککورو وار. اینقیلایین ده یرلریندن، قهرمانلارین دان خبرین یوخدو. آنجاق اؤزونو فیکیرلشیرسن. سن الله، بسدی. سنین قهرمانلارین داها زه هله می تۆکوب. بلی، من کوتله یه م. ساده جه، اؤزومو و اوشاقلاریمی فیکیرلشیرم. چونکی هئچ کیم بیزی فیکیرلشمیر. سن ده هئچ بیر مسولیتی بوینونا گۆتورمه دین. اما آد قویماق گلنده یادینا دوشور کی، آتاسان؟ خیر، بو دؤنه اوشاغیمین آدینی اؤزوم سئچمیشه م. آدی مسعود اولاجاق. سیامک اوچ یاش دؤرد آیلیق، مسعود سککیز آیلیق اولاندا حمید ایتدی. البته، اول اونون گئتمه یینی ایتکین لیک بیلمه دیم، او، منه دئدی کی، بیر -ایکی هفته لیک اوشاقلارلا اورمییا گئدیر. اورمییا؟ بلکه تبریزه ده گئدی، مونیره خانیم دا باش چکرسه ن؟ یوخ، نه دانیشرسان؟ اونلارین هارادا اولدوغومو بیلمه لرینی ایسته میرم. آتان چاپخانادان اؤیره نه جک سنین بورالاردا اولما دینینی.

ائله سورون ده بوندادیر. مجبور اولدوم دئییم کی، بیر نفرین کؤهنه کیتابلاری وار، بعضیلرینی ساتاجاق، بعضیلرینی ده یئنه چاپا وئره جک. گئدیرم موداکیره ائتمه یه. ایندی اون گونلوک ایجازه آلدیم. گؤروم سونرا نه اولاجاق. یعنی سفرینین نه قدر چکه جه یی بللی دئییل. سن ده سس سالما. اگر آلینسا، چوخ قالاجاغیق. یوخ، بیز دئیهن اولماسا، بلکه بیر هفته دن ده تتر قاییتدیق. اورادا نه اولوب کی؟ کیمینله گئدیرسن؟ سن نه اوزونچو آدامسان؟ آدام دا بو قدر سوال وئره باغیشلا، اصلینده، هارا گئتمه یینی دئمین ده گر ک دئییل. بیز سنین نینیک کی، ایشلریندن ده خبریمیز اولسون. یاخشی، آغزینا گله نی دانیشما. یادیندا ساخلا، سس سوراق چیخارتما. سوروشان اولسا، دئیین ماذونیته گئدی. ان چوخدا آناملا احتیاطلا داوران. ائله ائت کی، نیگاران قالماسین. ایکی -اوچ هفته بئله کئچدی. بیز حمیدین اولماماسینا اؤیرشمیشدیک دئی هئچ بیر ناراحتلیغیمیز اولمادی. بیزه بیر آیلیق پول قویوب گئتمیشدی. بیر آز دا اؤزومده وار یدی. بیر آیدان سونرا آتا -آناسی نیگاران قالماغا باشلادیلار. اما هر دؤنه اونلاری ساکیتلشدیریردیم. دئییردیم، اوندان خبریم وار، تزه لیکجه زنگ ائدیپ دانیشمیشیق. دئییر، بیر آز ایشیم وار، هر شئی یاخشیدیر. ایون آیینین اوللری ایدی. هاوا بیردن -بیره ایستیلشدی. اوشاقلارین آراسیندا بیر خسته لیک یاییلدی. دئییردیلر، وبایا اوخشییر. من نه قدر دقت ائله سه م ده، اوشاقلاری می بو موصیتدن قورویا بیلمه دیم. هر ایکسی بیردن -بیره برک خسته له ندی. ائله کی مسعودون قیزدیرماسی و معده پوزوتوسونو گؤردوم، ال -آیاغا دوشدوم. هر ایشه گؤره پروین خانیمی اینجیده بیلیمزدیم. چتین لیکله هر ایکسی سینی حکیمه آپاردیم. درمانلاری آلیب ائوه قاییتدیم.

گئجه ایکی سینین ده حالی لاپ پیسلشدی. نه درمان وئیردیم، قایتاریدیلار. قیزدیرمالاری هر دقیقه آرتیردی. مسعودون وضعیت یی لاپ پیس ایدی. سئرجه کیمی نفس آلیردی. قارنی و سینه سی ائیب -قالخیردی. سیامکین یاناقلاری قیقیرمیزی ایدی. ال -آیاغینی یوبوردوم. آلتینا ایسلانمیش پارچا قویوردوم. اما هئچ کؤمک ائله مه دی. مسعودون دوداقلاری آغاپاق اولموش و قوروموشدو. ایچیمده بیر سس منه دئدی کی، بیر آز دا گؤزله سن، اوشاقلارینی ایتیره بیلرسن. ساعاتا باخدیم. گئجه اوچون یاریسی ایدی. بیلیمیردیم نه ائدیم. دهشتدن دیرناقلاریمی آغزیمدا سوخوموشدوم. گؤز یاشلاریم اللیمه سوزولوردو. اوشاقلاریم! بو دونیادا منیم یئگانه وارلیقلاریم ایدی اونلارین گرک کؤمکلرینه چاتا ییدیم، بیر ایش گؤریدیم. گوجلر اولمالییدیم. کیمه زنگ ائدیم؟ گؤزله مه یه ده واخت یوخدور. بیلیمیردیم کی، تختی -جمشید خستخاناسیندا اوشاق بؤلمه سی وار. گرک تله سه م. پالتار گئیین دیرمه یه ده واختیم یوخ ایدی. هره سینه بیر اوشاق بئزی گئیدیریب، ائودکی بوتون پولو چانتا ما قویدوم. مسعودو قوجاقلادیم، سیامکین ده الیندن توتوب ائوده ن چیخدیم. کوجه ده اینس -جینس یوخ ایدی. سیامک اوشو یوردو. قیزدیرما ایچینده ایدی، یئریه بیلیمیردی. ایکسینی ده قوجاغیمدا آلاما چالیشیردیم. اما او آغیر چانتا ایله چوخ چتین ایدی. مجبور اولوردوم، سیامکی آرادا یئره قویوم. اوشاقلارین هئچ آغلاما دا حاللاری یوخ ایدی. اساس یولا چیخا بیلیمیردیم -سیامک حالدان دوشور، الینی چکیردی. آیاقلاری یئرله سورونوردو. یانیمدا بیر ماشین ساخلادی. هئچ نه دئمهدن قاپینی آچدیم، اوشاقلاری ماشینا یئرلشدیریب دئدیم: تختی -جمشیدده کی اوشاق خستخاناسینا. سیز الله، تئز اولون! سوروجو حیالی بیر کیشی ایدی. آینادان منه باخیب سوروشدو: نه اولوب؟ آخشامدان بری حاللاری قاریشیب، ایسه هاللاری دا واردی. ایندی قیزدیرمالان آرئیب. سن الله، تئز اول. اوریم شدتله دؤیونوردو. ماشین سرعتله بوش یوللاردا شوتیوردو. کیشی: بس نییه تکسینیز؟ دئدی. آتالاری هارادادیر؟ سیز آخی تکباشینا اوشاقلاری یاتیردا بیلمز دینیز. نییه؟ من بونا وردیش ائلمیشه م. یعنی آتالاری یوخدور؟ یوخدور، دئییب هیر صله اوزومو چئویردیم. خستخانانین قارشیسیندا کیشی دوشوب سیامکی قوجاغینا آلدی، من ده مسعودو ماشیندان دوشورتدوم. تعجیلی یاردیم بؤلومونون حکیمی اوشاقلاری گؤره ن کیمی قاشقباغینی سالاییب دئدی: نییه بئله گئچ گتیرمیسینیز؟ مسعود تامامیله هوش سوز حالدا قوجاغیمدا ایدی. حکیمه یالواریدیم: حکیم، سیزه قوربان اولوم، اوشاقلاریمی قورتارین! الیمزدن نه گلسه، ائدجیک. سیز گئدین، قبول شعبه سینده قئیدیاتدان کئچین. قالانی الله کریم دی. کیشی تأسفله منه باخیردی. داها اؤزومو ساخالایا بیلمدیم. ایستولون کنارینا اوتوردوم، اللیمه باشیمی توتدوم. آغلایاندا گؤزوم آیاغیمدا ساتاشدی. آیاغیمدا چکلک واریدی.

اوشاقلاری خستخانایا یاتیزدیرماق اوچون پول گرہ ک ایدی. کیشی دئدی: منیم پولوم وار. اما من راضی اولمادیم. اوستومده اولان پولون هامیسینی وئریب دئدیم کی، یاریسینی دا صاباح وئره. قبول شوعبه سینده اوتوران یوخولو آدام، آخیر کی، بیزی قبول ائله.دی. بیزی گتیره کیشیه دئدیم کی، چیخیب گتسین.تلسیک تعجیلی شعبه یه قایتدیم. اوشاقلاریم خستخانا چارپاییسینین اوستونده بالاجا و ضعیف گؤرونوردولر. سیامکه سیستم قوشموشدولار. اما مسعودون دامارینی تاپا بیلمیردیلر. بوتون بدنهینه اینه سوخوردولار، اما اوشاغیمین سسی ده چیخمیردی. او اینهلرین هر بیر اورییمه اوخ کیمی گیریدی. الیمی آغزیم توتوموشدوم کی، آغلاماغیم حکیم و طیب باجیلارینین ساکتیلینی پوزماسین. بیلیم نئلدیم کی، حکیم منی گوردو. باشی ایله طیب باجیسینا بیلیردی کی، منی اوتاقدان چیخارتسین. طیب باجیسی الینی چینیمه قویدو. زورلا، اما مئهریانباسینا منی اوتاقدان چیخارتدی. سوروشدوم:خانیم، نه اولدو؟ اوشاغیم اولدو؟ یوخ، خانیم، اوزولمه یین. دعا ائدین. اینشاللاه، یاخشی اولار.سیز الله، دوزونو دئیین، وضعیتی چوخ پیس دیر؟البته، وضعیتی یاخشی دئیل. اما اگر تتر دامارینی تاپساق، وضعیتی یاخشی اولار.یعنی بو قدر طیب باجیسی، حکیم بیر اوشاغین دامارینی تاپا بیلیم؟اوشاق چوخ ضعیف دیر. قیزدیرما، سوسوزلوق اولاندا دامار داها دا نازیلیر.الله، ایندی من نه ائدیم؟ هنج نه... اوتور، دعا ائله. منه آچیق هاوا گرہ ک ایدی. گؤیو گؤرمه لی ایدیم. گؤیو گؤرمه دن آلاها دانیشا بیلیمیردیم. آنجاق اوزبه وز دعا ائده بیلردیم. قاپیدان چیخدیم. سحرین سرین هاواسی اوزومه ده یدی. گؤیه باخدیم، قارانیق آیدینلیقدان چوخ ایدی. بعضی اولدوزلاری گؤرمک اولوردو. آياقلاریم داها بدنهیمین آغیرلیغینا دؤزموردو. گؤیه باخیب: الله! دئدیم. بیلیم، منی بو دونیا یا نییه گتیرمیسن؟ سنین منه وئردیین طالعه راضیام، اما اوشاقلاریمی مندن آلسان، سنه شوکور ائتمه یه هنج نییم قالماز. بو عدالت سیزلیکیدیر. اونلاری مندن آما. اونلاری منه باغیشلا.نه دئدییمی بیلیمیردیم، اما بیلیردیم کی، او، منی ائشیدیر. یئنه سالونا قایتدیم. اوتاغین قاپیسینی آچدیم. گوردوم سیستمی مسعودون آياغینا باغلائییلار. آياغینی دا گپیسه قویموشدولار.نه اولوب؟ آياغی دا سیندی؟ دئی سووشدوم.حکیم گولوب دئدی:یوخ، جانیم. گپیسه قویموشوق کی، آياغینی ترپتمه سین. مسعودان آرالانیب، بؤیوک اوغلوما یاخینلاشدیم.سیامکین آرام-آرام سسله نمه سی، مسعودون باشین حرکتی منه اومید وئیریدی. سحر ساعات دوققوزون یاریسی ایدی کی، اوشاقلاری تعجیلی یاردیم شعبه سیندن چیخارادیب پالاتایا آپاردیلار.

حکیم دئدی: دئمک اولار کی، تهلوکه کئچدی. اما گرک چوخ موغایات اولاق. سیستم سیامکین الیندن، مسعودون آياغیندان چیخممالی دیر. سیامکین سیستمینی نظارت ده ساخلاماق داها چتین ایدی. بو واخت آنام، پروین خانیم، فاطمه

اوتاغا گیردیلر. آنام اوشاقلاری گۆرهن کیمی آغلاماغا باشلادی. سیامک میققیلدا بیردی. بیر نفر گرک دورمادان اونون الینی ساخلایایدی. اما مسعود هله ده هالسیز ایدی. بیر ساعاتدان سونرا آتام دا گلیب چاتدی. سیامک آتامی گۆرهن کیمی اللرینی اونا اوزادیب آغلاماغا باشلادی. اما بیر نچه دقیقهدن سونرا آتامین نوازیشی اونا یاخشی ائتکی ائلهدی، اوشاق ساکیتجه یوخویا گتیدی. حمیدین آناسی، آناسی، منصوره و منیژه ده گلدیلر. آنام غضبله اونلارا باخدی. آناما گۆزومو آغارتدیم کی، هئچ نه دئمه سین. اونلار اؤزلری ده چوخ ناراحات ایدیلر. منصوره، فاطمه، پروین خانیم، منیژه یانیمدا قالماق ایسته دیلر. اما من دئدیم کی، تکجه پروین خانیم قالسین. فاطمه اؤزو هله اوشاق ایدی. منصوره نین اوشاگی واریدی. منیژه ایله ده صؤحبتمیز چوخ توتوردو. بوتون گئجه پروین خانیملا اویاق قالدیق. پروین خانیم سیامکین الینی الینده ساخلامیشدی. من ده مسعودون چارپاییسینین یانیندا اوتورموشدوم. اونو ائله قوجاقلامیشدیم کی، سیستم آیاغیندان آیریلما سین. اوچ گون چکهن عذاب - اذیتلردن سونرا ائوه قاییتدیم. اوچوموز ده آریخلامیشدیق. دؤرد گئجه ایدی کی، یاتمامیشدیم. گۆزلریمین دؤوره سینه بیر قارا حالقا چؤکموشدو. یانقلاریم باتمیشدی. پروین خانیم دئییردی کی، ناکومانلارا اوخشاییرسان. فاطمه ایله پروین خانیم یانیمدا قالدیلار. اوشاقلاری یویوندوردوم. اؤزوم ده بیر آز دوشون آلتیندا دوردوم. ایسته بیردیم بو نچه گونده چکدیم اذیتی و وجودومدان یویوم. اما بیلیردیم کی، بونلار هئچ واخت یادیمدان چیخمایاجاق. حمیدی هئچ واخت بئله بیر زاماندا یانیمدا اولمادیغینا گۆره باغیشلامایاجام. ایکی هفته دن سونرا حیاتیتمیز اولکی قایداسینا دوشدو. سیامک همین دجلیینی، نادینجلیینی داوام ائله دی. بیر مودت ایدی کی، مسعودون وارلیغینی قبول ائتمیشدی. اما حیس اندیردیم کی، مندن اوریی قیریلیب. مسعود خوشداورانیس و گوله ر اوزیدی. اؤزونو هامینین قوجاغینا آتیردی. هئچ کسه اؤگنی داورانمیردی. گونو - گوندن شیرین و ایسته مه لی اولوردو. اللرینی بونوما سالیب، یانقلاریمدان اؤپوردو. بالاجا دیشلری ایله اوزومو دیشلییردی. اونون محبتینی بئله ایفاده ائده بیلیمک باجارینی چوخ خوشوما گلیردی. سیامک هئچ واخت بئله ائل مه میشدی. ائله بیل سئوگیسینی گؤستمکدن اذیت چکیردی. نچه اولوردو کی، عینی عایله ده دوغولوب - بؤیویه ن ایکی اوشاق بیر - بیرین دن بو قدر فرقله نسین. حمیدین گتتمیندن ایکی آی کئچمیشدی. اوندان هئچ بیر خبریمیز یوخ ایدی. البته، منه خبردارلیق ائلدینه گۆره نیگاران دئییلدیم. اما آتا - آناسی دایانا بیلیردیلر. مجبور اولوب اونلارا دئدیم کی، حمید زنگ ائلمیشدی. اما نه واخت گله جه یی بللی دئییل. آناسی عصبلمیش حالدا دئدی: آخی بو نه ایشدی؟ آغا، سن بیر

گت چاپخانایا، گۆر اونو هارا گۆندریبلر؟ نییه ایش بو قدر اوزاندی؟ ایکی هفته ده کئچدی. بیر گون بیر کیشی ائویمیزه زنگ ائدیپ سوروشدو: عذر ایسته بیرم، شهریزادلا مئهدی دن خبرینیز وارمی؟ شهریزاد؟ سیز کیمسینیز؟

من قارداشییام. چوخ نیگارانام. بیر -ایکی هفته لیک مشهده گتمیشدیلر. ایندی ایکی آی یاریمدیر، اونلاردان خبریمیز یوخدور. آنام چوخ نیگاران دیر. گئجه -گوندوزو یوخدور. مشهده؟ هه، مگر باشقا بیر یئره گئدیبلر کی؟ بیلیمیرم. من ائله بیلیردیم کی، اورمییا یا گئدیبلر. اورمییا هارا، مشهده هارا؟ دئدییمه پشمان اولموشدوم. دیلیم توپوق ووردو: یوخ، بلکه من سهو ائدیرم. سیز بیزیم تئلفونو هارادان تاپمیسیمیز؟ قورخما، شهریزاد اؤزو وئریب نؤمره نیزی منه. دئدی، یئگانه تئلفون دور کی، بیزه جاواب وئره بیلر. مگر بورا حمید سلطانین ائوی دئییل؟ اورادی. اما من هئچ نه بیلیمیرم. سیزدن خاهییش ائدیرم، اگر نسه خبر توتسانیز، لطفاً، دئدییم تئلفونا زنگ ائدین. آنام نیگاران دی، خسته دی، اگر مجبور اولماسایدیم، سیزی اینجیتمزدیم. یاواش - یاواش من ده نیگاران اولماغا باشلادیم. بونلار هارا گئدیبلر؟ هارادادیلار؟ یعنی بیر زنگ ده ائده بیلیرلر کی، عاییله لری نیگاران قالماسین؟ بلکه حمید اوچون بیزیم نیگاران قالماغیمیزین فرقی یوخدو، اما شهریزاد بو قدر قایغیسیز اولما بیلمز. بلکه باشلارینا بیر بلا گلیب؟ نئچه واخت ایدی کی، پولوم قورتارمیشدی. حمید وئرن پولو دا، ائوده گیزلتدیمیده، آتامدان بورج آلدیغیمی دا خرچلیمشدیم. ایسته میردیم حمیدین آناسی ایله دانیشام، اونون نیگارانلیغینی آرتیرا بیلردیم. آخیریچی دؤنه پروین خانیمدان بورج آلمیشدیم. او پول دا قورتاریردی. یعنی حمید دوشونمور کی، بیز نئجه کئچینیریک؟ یا دوغروندان دا، باشینا نسه گلیب؟ اوچ آی کئچدی. داها آناسینی ساکیتلشدیره بیلمیردیک. من ده داها یالان دئییه بیلمیردیم. چونکی اؤزومون ده گونو -گوندن نیگارانلیغیم آرتیردی. آناسی ائله هئی آغالیب دئییردی: بیلیرم، اوشاغیمین باشینا نسه گلیب، یوخسا زنگ ائدردی، بیر -ایکی کلمه یازاردی منه. قاینانام منه هئچ نه دئمیردی. اما بیلیردیم کی، منی گوناهاکار بیلیر. هئچ بیریمیز جسارت ائدیپ توتولدوغو احتیمالینی ایرلی سوره بیلمیردیک. آخیر کی، منیژه دئدی: گئدک، پولیسه خبر وئرک. آناسی ایله من دهشتله بیر -بیریمیزه باخدیق: یوخ، یوخ. بو لاپ پیس اولار. آناسی حمیدین دوستلارینا دورمادان قارغیش یاغدییردی. آناسی دئدی: معصومه، سن اونون دوستلاریندان هانسینینسا عونوانینی، یا تئلفونونو بیلیرسن؟ بلکه بیر سوراقلاشاق؟ یوخ. ائله بیل هامیسی بیر یئرده گئدیبلر. بیر مودت اول بیر نفر زنگ ووردو، دئدی شهریزادین قارداشییدی. اونلار دا نیگاران دیلار. بیزدن خبر آماق ایسته بیردیلر. اما بیر قریبه سؤز دئدی. دئدی شهریزادلا مئهدی گئدیبلر مشهده. اما حمید منه دئمیشدی کی، اورمییا یا گئدیبلر. بلکه بیر یئره دئییلر؟ فرقلی یئرله ماذونیتته گئدیبلر؟ ماذونیت؟ نه بیلیم...

قاییناتام ایشاره ایله منی بیر کنارا چاغیردی: نباده حمیدین ائوده اولماماغین بیر آداما دئییه سەن. اما هامی بیلیر کی، او، سفردهدیر. دوزدو، اما ایتمه سینی هئچ کیمه دئمه. دئنه کی، اورمییدا ایشی اوزون چکیب، بیزه تئز - تئز زنگ ائدیر. من اؤزوم اورمییا گئدیپ سوراقلاشارام، گؤروم نه اولوب. یاخشی یادیدا دوشدو، سنین پولون وار؟ حمید سنه خرج لیک وئریب؟ باشیمی آشاغی سالیب دئدیم: یوخ، اوشاقلار خسته لهنده نه وار ایدی، حکیمه وئردیم. بس نییه هئچ نه دئمیرسن؟ سیزی ناراحت ائله مک ایستیمیردیم. آتا - آنام دان آلدیم. قاییناتام پول چیخاریب منه وئردی: تئز گئت، بورجلارینی وئر، دئنه، حمید گؤندریب... قاییناتام سفردن بیر هفته سونرا قاییتدی. یورغون و فیکیرلی ایدی. مونیره خانیمین اری ایله بوتون آذربایجانی سرحد کیمی آختارمیشدی، اما هئچ بیر ایپوجو تاپمامیش دیلار. لاپ نیگاران قالدیم. هئچ فیکیرلشمزدیم کی، بیر گون حمیده گۆره نیگاران اولاییلرهم. ائولیلیمیزین بیرینجی گونون دن مندن اوزاق گزمه یه وردیش ائلمیشدی. اما بو دؤنه هر شئی فرق لی ایدی. آرادان چوخ زامان کئچمیشدی. وضعیت شوبهه لی ایدی. شهر یور آیی ایدی - بیر گئجه یاریسی سسه اوبانیدیم. هاوا هله ایستی ایدی، بوتون پنجره لر آچیقیدی. دقتله قولاق آسیدیم. تانیما دیغیم سسلر ائشیتیدیم. دهشتله فیکیرلشدیم کی، حیطده اوغرو وار. ننه گئجه نین بو واختی سس ائله مزدی. دؤرده اون دقیقه ایشله بیردی. اؤزومه اورک - دیرک وئریب، ساکیتجه پنجره یه طرف گئتدیم. حیطه بیر ماشین و اوچ کیشینین کؤلگه سی دوشوردو. بعضی اشیالاری ماشین دان چیخاریب یئره یئر ائدیردی. چیغیرماق ایستدیم، اما دیلیم توتولموشدو. دقتله باخدیم. فیکیر وئردیم کی، اونلار ائویمیزدن بیر شئی آپارمیرلار، عکسینه، ماشین دان بعضی شئی لری چیخاریب زیرزه مییه قویورلار. یوخ، اوغرو دئیل دیلر. چالیشدیم سسیمی چیخارما ییم. اون دقیقه دن سونرا ایشلری قورتاردی. دؤردونجو کیشی ده زیرزمین چرخدی. حتی قاتی ظولمتده بئله اونون حمید اولدوغونو گؤردوم. ماشین ایتله ییب حیطده ن ائشییه چیخارتدی. حمید قاپینی باغلا ییب پیله لری قالدی. قریبه حیسلریم واریدی. چوخ عصبی ایدیم، اما اونون گلمینه سئوینیردیم. ایتیردی اوشاغی تاپاندا اونو ووروب سونرا قوجاقلایان آنا کیمی ایدیم. حمید سس سالماما چالیشدی. ایسته دیم اونو اینجیدیم. آیاغینی ایچری قویان کیمی چیراغی یاندیردیم. دیکسیندی، دهشتله منه باخدی: سن اویاقسان؟ هه. سندن نه عجب؟ یول آز میسان؟ به - به، نه گؤزل قارشیلامادیر! هله قارشیلاما دا گؤزله بیرسن؟ نئینک؟ اولماسین؟ بو قدر واختدا هارادایدین؟ اؤزونه زحمت وئریب بیر زنگده ائله مه دین. فیکیرلشمه دین کی، نیگارانچیلیقدان اوریمیز اوزولور؟ آیدین دیر. چوخ اورین اوزولوب، نیگاران قال میسان. بلی، من آخماق نیگاران ایدیم. هله من هئچ، او یازیق آتا - آنانی فیکیرلشمه دین؟ سنه دئمیشدیم آخی، سس

سالما. بلکه ایشیمیز چوخ چکر، دئمیشدیم. هه، اون بئش گون، بیر آی اولاییلردی، دؤرد آی یوخ. یازیق قوجا کیشی هر یئری گزیب. قورخوردوم باشینا بیر ایش گله. آتام هارا باش چکیب؟ هر یئره. خستخانالارا، مورقلارا، پولیسه. دهشتله یئریندن آتیلدی. پولیسه؟! ایچیمده بیر شیطان اویاندی. اونو اینجیتمک ایسته ییردیم. هه، شهریزادین قارداشی و قالان دوستلارینین قوهوملاری ایله شکیللرینیزی قزتلره وئریبلر. اوزونون رنگی کیرج کیمی آغاردی: بونلارین باشی خارابدی. سن بیر ایشین عؤده سیندن ده گله بیلمه دین؟ تلسیک یئریندن آتلا نیب، آیاققابیلا رینی گئینمه یه باشلادی. ایندی هارا؟ اؤزوم پولیسه خبر وئره م کی، گلمی سینیز.

اؤزو ده الی دولو. منه ائله دهشتله باخدی کی، گولمه ییم توتدو. نه دانی شیرسان؟! هامیمیزی اؤلدورمک ایسته ییرسن؟ یوخ، بورا داها امین یئر دئییل. گرک اوشاقلارا خبر ائله ییم. گؤرک باشیمیزا هارانی داشینی تۆکوروک؟ قاپینی آچیب چیخماق ایسته دی. دئدیم: گره ک دئییل. پولیسه خبر وئرمه می شیک. اما آتان اورمییا گئتدی، هئچ بیر ایز تاپمادی. راحت نفس آلیب دئدی: باشین خارابدی؟ آزا قالا اؤلجکدیم قورخودان یاخشی اولور سنه. تکجه بیز قورخاسی دئییلیک کی؟ یاتاغینی قوناق اوتاغیندا سالدیم. دئدی: آرخا اوتاقدایاتارام. اورانی اوشاقلارین اوتاغی ائلمیشه م. آغزیمدا سؤزوم قورتارمامیشدی کی، اینینده کی تورپاقلی پالتارلا درین یوخویا گئتدی.

۳ ونجو بؤلوم

آیلار سرعتله کئچیردی. اوشاقلار گونو - گوندن بؤیوبوردولر. فرق لی اولدوقلاری او دقیقه حیس اولونوردو. سیامک قورورلو، ساواشقان، تئز آجیغلانان و دویغولارینی گؤستمکده چتین لیک چکهن بیر اوغلان ایدی. مسعود، ترسینه، دؤزوملو، مئهریبان، ساکیت ایدی. بو ایکی اوشاق بیر-بیرینی قریبه شکیلده تاماملاییردی. سیامک امر ائدیردی، مسعود عمل ائدیردی. سیامک لاغ ائدیردی، مسعود گولوردو. سیامک ناغیلار اویدوروردو، مسعود اینایردی. سیامک کؤتک ووروردو، مسعود یئیردی. چوخ واخت اوریم یانیردی، قورخوردوم مسعودون مئهریبان و ساکیت شخصیتی گلهجکده سیامکین سرت اللرینده اووولا، قیریلا. اما هئج واخت جسارتیم چاتمیردی مسعودا قاهمار چیخماغا. حتی بیر بالاجا ایشاره ده بس ایدی کی، سیامک حیرص و پاخیللیق دان پارتلایا.

تکجه بیر یول وار ایدی: بو حرکتلرین قارشیسینی آلاق. اونو باشقا، جذبدیجی ایشله مشغول ائتمک. سیامک هم ده مسعود اوچون بیر سییر ایدی. کیمسه اونا بیر بالاجا اذیت ائتسیدی، سیامک دلی اولاردی. مسعودون اؤزو دوشمه ن» اینی قارداشینین الیندن آلامالی اولاردی. اصلینده، «دوشمه ن»، عاده ن، قولامه لی اولاردی، محمودون اوغلو. حمید دئییردی کی، بو، بیر نؤو، اوغلانلارین اویناماقلاری دیر. چوخ واختلار اوغلانلار بیر -بیری ایله بو جور ایلگی قورورلار. اما من بونو آنلامیردیم. محمود مندن بیر ایل سونرا عایيله قورسا دا، اوچ اوشاغی واریدی. ایلیکی قولامه لی ایدی. سونرا زهرا دوغولموشدو مسعوددان بالاجا ایدی. آخیرینجی اوغلو دا بیر یاشیندا ایدی. محمود همیشکی کیمی قاراقاباق ایدی. جاوانلیقداکی واسواسیلیغینین اوستونه بیر آز دا قویموشدو. سعادت همیشه اوندان شیکایتله نیردی. احمد چوخدان ایدی کی، عایيله عوضولویوندن چیخمیشدی. هئج کیم اونا گؤره پروین خانیم قدر نیگاران دئییلدی. قادی ن تئز تئز دئییردی: گؤره سن، او، بو گئدیشله هارا گئده جک؟ سیز بیلیرسیز، او، ایچکی دن باشقا شئیرله ده دادانیب. اما آنام بونلارا اینانماغا حاضیر دئییلدی.

چالیشیردی دوعا -جادویلا اونو شیطانین و پیس دوستلارین الیندن قورتارسین. آتام تامامیله اوندان اومیدینی اوزموشدو. علی بؤیوموشدو. او دا او بیرری قارداشلاری کیمی اورتا مکتبی بیتیره بیلمه‌دی. بیر مودت احمدین یانیندا ایشله‌دی. آتام داها دایانینادی و چالیشدی کی،اونو احمددن اوزاقلاشدیرسین. ایش یئرینده بیر واختلار همکارلاری احمدین شاگیردی اولماقلا فخر ائدیردیلر. ایندی اونو لاغا قویوب گولوردولر. بونلاری گوهرن علی اؤز راضی‌لیغی ایله احمددن آیریلدی. محمودون یانیندا ایشله‌مه‌یه باشلادی گله‌جکده آلاهی تانییان و پول قازانا بیلن بیر تاجیر اولماق اوچون. فاطمه حساس، ظریف بیر قیز اولموشدو. دوققوزونجو سینفه کیمی اوخودو. سونرا بوتون نجیب قیزلار کیمی درزی‌لیک کورسونا گتتدی. اؤزو ده اوخوماغا چوخ مئیل‌لی دئییلدی. سیامکی اوخولا واختین‌دان بیر ایل اول قویدوم. بیلیردیم کی، یادداشی یاخشیدی، ذهنی گوجلودور. درس اوخویا بیله‌جک. ایسته بیردیم کی، تئز اوخولا گیرسین، بلکه داورانیشی یاخشیلاندا، ائترژی‌سینی یاشیدلارینا خرجه‌سین. ائوده بیزه آز اذیت ائله‌سین. اوخولا گتتمه ییده او بیرری ایشلری کیمی چتین ایدی. اوللر اونونلا بیرلیکده سینفه گیرمه‌یه مجبور اولوردوم. بیر آز اؤیره‌نه‌ندن سونرا ایجازه وئردی ساعتلارلا حیطده دایانام. ائله دایانمالی ایدیم کی، او، منی پنجره‌دن گۆرسون. بیلیردیم کی، قورخور. اما قورخماغینی داوا -دالاشلا گۆستیریر. قریبه اوشاق ایدی آنجاق آغلایاندا اونو اؤپمک، قوجاقلاماق اولوردو. باشقا واختلار اؤزونو ائله گۆستیردی کی، ائله بیل محبته احتیاجی یوخدو. اما من بیلیردیم کی، اونون سئوگییه نه قدر احتیاجی وار. بیلیردیم کی، آتاسینی چوخ سئویر. اونون یانیمیزدا اولماماگی سیامکی آغری‌دیدی. اما بو وضعیتله هئچ باریشمیردی. پسیخیاتریا باره‌ده چوخلو کیتاب اوخویوردوم. داورانیشینا نظارت ائلییردیم. حمید ائوده اولاندا سیامکین داورانیشی دییشیردی. تکجه اونا قولاق آسیردی. چوخ گئج باشا دوشدوم کی، اونون گئجه‌لر یاتماماغینین نه دنی آتاسینی گۆزله‌مه‌سی ایمیش. حمید ائوده اولاندا بیرجه دؤنه الینی اونون باشینا چکه‌ن کیمی ساکیتجه یوخویا گئدیردی. بونا گۆره حمیده «یوخو درمانی» لقبینی وئرمیشدیم. خوشبخت‌لیک‌دن، آتاملا دا چوخ مئهری‌بان ایدی سیامک. آتام حمیدین یئرینی تام توتا بیلمه‌سه ده، تسلی وئرمیش اولوردو. سیامک هئچ کیمله قایناییب قاریشماسا دا، آتام گلنده اونون باشینا فیرلانیردی. فورصت تاپان کیمی قوجاغین‌دا اوتوروردو. آتام اونونلا ساکیت و سانکی آغیر بیر کیشی ایله دانیشیرمیش کیمی داورانیش ائدیردی. سیامک اونون سؤزلرینی سورغوسوز قبول ائدیردی. اما او، سئوگینی بؤلوشیمی خوشلامیردی. منیم دقتیمی قارداشی ایله بؤلوشه بیلیردی. اما آتاسی ایله باباسینین محبتینی تکجه اؤزونه ایستییردی. بو آدمالار مونا‌سییتده هئچ بیر رقیبه دؤزه بیلیمیردی. حمیده سورون یوخ ایدی. او، هئچ واخت مسعودا خصوصی دقت آییلمیردی. آتامدا چالیشیردی

سیامکین یانیندا مسعودا خصوصی بیر محبت گؤسترمه سین. بونا گؤره ده سیامکین اونلارا سئوگی سی آرتیردی. ان سونوندا، سیامک اوخولا گئتمه یی قبول ائتدی و اؤیرشدی. اما هر آی منی اونون داواسینا گؤره اوخولا چاغیریردی. سیامکین ایشلرینی قایدایا سالاندان سونرا یئنه اؤز درسلیمی خاطیرلادی. ایندییه کیمی مکتیمی بیتیره بیلمه میشدیم. ایلک فورصدده یئنه باشلادی. سحرلر تتر دوروب ایشلریمی گؤروردوم. سیامک گئدن کیمی مسعود اویناسدا، اونونلا هئچ بیر سورونیم اولموردو. ساعاتلارلا رنگلی قلهملرله اویناییر، شکیل چکیردی. هاوا یاخشی اولاندا حیطده چارخ سوروردو. من ساکیتجه درسلیمله مشغول اولاییلیردیم. کورسا گئتمه یه چوخ احتیاجیم یوخ ایدی... گون اورتادان سونرا سیامک گلیر و ائویمیزده زلزله باشلاییردی. قایغیلاریمین بیر ده آرتمیشدی اونون درسلینه حاضیرلاشماسینا کؤمک ائلمک. حاضیرلاشیب قورتارانا قدر منه دینچلیک وئرمیردی. بیر گون سحر مسعودلا ائوده ایدیم، پروین بیزی گؤرمه یه گلیمیشدی. فیکیر وئردیم کی، بیر آز هیجانلیدیر. بیلدیم کی، نسه خبر گتیریب، بئله خبرلری اؤزو اوز -به اوز منه دئییردی. تئلفوندا دئمکله اوربی سویوموردو. منیم رئاکسییامی اؤز گؤزل ایری گؤزو ایله گؤرمک ایسته ییردی. آخیر کی، دؤزمه ییب سوروشدوم: یاخشی، دئ گؤروم، نه خبردی؟ خبر؟ کیم دئییر، خبر گتیرمیشه؟ حالین، داورانیشین. هامیسی قیشقیریر کی، تزه خبر وار. سئوینجک اوتوروب دئدی: هه، چوخ ماراقلی خبر وار.

اولجه گتت بیر چای گتیر. بوغازیم قورو یوب. بو دا اونون وردیشلریندن ایدی. آدمی نیگارانچیلیقدان اؤلدوره ندن سونرا دئییردی خبری. گئدیپ چایدانین آلتینی یاندیردیم. اوتاغا قاییدیپ: یاخشی، ایندی دئنه، دئدیم. چای حاضیر اولانا قدر اوزون چکر. سوسوزلوق دان یانیرام. دانیشا بیلیمیرم، دئدی. آجیخلاندیم. مطبخدن بیر ایستکان سو گتیریب دئدیم: یاخشی، دئ. قوی اولجه چای ایچک، دئیرم. یاخشی، گره ک دئییل، دئمه. ائشیتیمک ایسته میرم. کوسمه. بیلیرسن، بو گون کیمی گؤرموشه؟ گؤزلریم بؤیودو. سعیدی؟ یاخشی، آی قیز. سن هله الینی اوندان اوزمه میسن؟ ائله بیلیردیم، بو ایکی اوشاق اونو سنه اونوتدوروب. اوتاندیم. اؤزوم ده ائله فیکیرلشیردیم. ایسته مه یه رک اونون آدی گلیمیشدی دیلیمه. یوخ، ائله -بئله دئدیم. یاخشی، کیمی گؤردون؟ پروانه نین آناسینی. سن الله، دوز دئییرسن؟ هارادا ایدی؟ اؤزویله دانیشدین؟ بیر -بیر دئییم ده. سو قاینادی، دور، چایی دمله. ایشینی گؤر، من ده اطرافلی دانیشیم. بو گون گئتمیشدیم سیپه سالار باغینین آرخاسینا. بیردن ماغزالارین بیرینین شوشه سیندن بیر خانیم گؤردوم. باخدیم کی، خانیم احمدیه اوخشییر. اول اینانمادیم. دوزو، چوخ دوشموشدو. گئتدیم همین ماغزایا. باخدیم. اؤزو ایدی. اول منی تانیمادی. تانیشلیق وئره ندن سونرا بوتون قونشولاری

سوروشدو. منی ده سوروشدو؟ دوزونو ایسته سەن، یوخ. اما من اؤزوم صۇحتی سندن سالدیم. دئدیم کی، سنی تتر -تتر گۆرورهم. اره گتیمیسەن، اوشاغین وار. او دئدی کی، اونلارین ائولرینده حۇرمتە لاییق بیرى واردیسا، او دا او قیز ایدی. قارداشینین ائله دینی هله ده اونوتمامیشیق. محله ده بیزی بیایر ائله دی. او گونه کیمی هئچ کس آغا احمدی ايله ائله دانیشمامیشدی. یازیق پروانه یه نه بۇهتانلار دئدی. او محله ده باشیمیزی قالدیریپ جاماعاتین اوزونه باخا بیلمیردیک. اونا گۆره تعجیلی کۆچوب گتتدیک. اما پروانه او قیزدان اؤترو جانینی وئیردی. نه قدر گۆز یاشی تۆکدو، دئدی، اونلار معصومه نی اۆلدوره جکلر. نئچه دؤنه قاپیلارینا گتتدی اونو گۆرسون دئیە، اما آناسی قویمادی. بیر دؤنه اؤزوم گۆردوم، گلیمیشدی، آنام قویمادی گۆروشک. او بیریلریندن خبریم یوخدو. تویونا دعوتنامە ده گۆندرییمیش. منه وئرمەییبلر. نییه منه دئمەییبلر؟ یقین، آنان قورخورموش کی، یئنە دییشیلە سەن. ایکی اوشاقلا؟ دۆز، پایلارینی وئره جە یەم. هله ده مننەن اوشاق کیمی داورانیش ائدیرلر. او وخت هله مسعود دوغولما ییمیش. چوخدانین مسئلە سیدی. دۆرد ایل اولار. یعنی دۆرد ایلدی پروانه اره گتدی؟ هه. تورشوسونو قویمایا قادیلار کی؟ نه تورشوسو؟ اونون نئچه یاشی وار کی؟ سنینلە یاشیدیر. سن یئددی ایلدیر ائولیسن. من یازیغی مجبور ائتدیلر. پروانه مجبور دئییلدی آخی. کیمە اره گتدی؟ اوغلان آتاسینین بیی نوه سی دیر. آناسی دئییردی کی، مکتبی بیتەندن سونرا قیزا چوخلو ائلچی دوشوب. بو اوغلان حکیممیش، آلمانیا دا یاشایریمیش. ائولنیب، اورا گتدیبلر. یعنی پروانه آلمانیا دا یاشایر؟ هه، ائولەنن کیمی اورا کۆچولر. چوخ وخت یایدا گلیر بورا. اوشاغی دا وار؟ هه، اوچ یاشیندا بیر قیزی وار. اونو نه قدر آختاردیغینی، نئجه داریخدیغینی آناسینا دئدیم. قادیندان زورلا تئلفون نۆمرەلرینی آلدیم. سونرالار هئچ وخت پروانه کیمی رفیقەم اولمامیشدی. بیلیردیم کی، عۆمرومون آخیرینا کیمی ده بئله دوست تاپمایا جاغام. آناسینا زنگ ائتمە یە اوتانیردیم. بیلمیردیم نه دئییم. آخیر کی، زنگ ائله دیم. آناسینن سسینی ائشیدن کیمی بوغازیم توتولدو. تانیشلیق وئریب دئدیم: خانیم، بیلیم، سیزینلە هانسی اوزله دانیشیرام. سیزدن اوتانیرام. منی و عاییلە می باغیشلا یین. پروانه نی گۆرمک ایستیرم. ائله بیر گون اولمور کی، او یادیما دوشمە سین... قادین منیملە سرت دانیشمادی. جسارتلنیب تئلفونومو وئردیم کی، پروانه نه وخت گلە، منه زنگ ائلە سین. آتئستات سینا ولاری، ایکی اوشاقلا درس اوخوماق، مین جور ائو ایشی آسان دئییلدی. گئجه، اوشاقلار یاتاندان سونرا درس اوخویوردوم. سحره یاخین حمید ائوہ گلندە منی اوخویان گۆروردو. تعجولنیب دئییردی: نه یاخشی چالیشقانلیغین وار! ایستە ییرم سیامکین سینا ولاریندان سونرا من ده سینا وئریم. نئچه ایللیک آرزوما چاتیم. حمیدین فعالیتی گونو -گوندن داها قورخونج اولوردو.

من اونلارین ایشلرینین اصل مایه‌تیندن خبرسیز اولسام دا، بو قورخونجولوقو دویوردوم. او سفردن سونرا اونلارین قروپلاری داها دا مؤحکملمیش، ایشلری دوزه نلنمیشدی. بعضی ایلگی لر قورموشدولار. من نه قدر خبرسیز اولسام دا، بیلیردیم کی، بئله، داها راحت اولارام. حمید ائوده گیزلین یوللار قازمیش، قاجماغا یئر دوزلتمیشدی. تهلوکه اؤزونو چوخ گؤزلمه‌دی. یای گونو ایدی. تئلئفون سسله‌ندی. حمید اؤزونو مندن قاباق چاتدیردی. ایکی کلمه دانیشدی. رنگی آغاردی، دهشتله دسته یی یئرینه آسدی. بیر دقیقه چکدی اؤزونه گلمه یی. دهشتله اونا باخدیم. سوال وئرمه‌یه جسارت ائلمیردیم. حمید سرعتله گره ک اولان اشیالاری و ائوده اولان بوتون پولو ییغیشدیریب بیر چانتایا تۆکدو. چالیشیردیم ساکیت اولوم. اونا داها چوخ اذیت وئرمه ییم. آخیر کی، سوروشدوم: حمید، ایفشا اولونموشونوز؟ دئییه‌سن. بللی دئییل، نه اولوب؟ اما اوشاقلارین بیرینی توتوبلار. هامی تدبیر گؤرور. کیمی توتوبلار؟ سن تانیمرسان. تزه عضووموز ایدی. او، سنی تانییر؟ اؤز آدیملایوخ. ائویمیزی تانییر؟ خوشبخت‌لیکدن، یوخ. بیزیم هئچ واخت بورادا ایجلاسیمیز اولماییب آخی. اما باشقالارینی دا توتا بیلرلر. سنین هئچ ندن خبرین یوخدو. اؤزونو قورخوتما. اگر بئله داها راحت اولاجاقسا، گئت آتانیگله. سیامک سسیمیزه گلدی. گؤزلیرینی حمیددن چکمیردی. هیجانیمیز اونادا ائتکی ائله میشدی. حمید دئدی: ایندی بیلیمیرم کی، هارا گنده‌جه‌م. یئریم بللی دئییل. بیر هفته ایلگی ساخلامایاجام. سیامک حمیدین آياقلاریندان یاپیشیب یالوایردی کی، اونو دا آپارسین. حمید اونو اؤزونون قوپارداراق دئدی: اگر بورا گلسلر، ائوده نه تاپسالار، دئنه‌ن، منیم دئییل. خوشبخت‌لیکدن، سن چوخ شئی بیلیمیرسن. سیامک یئنه اونون آياغیندان یاپیشدی: آتا، من ده گلیرم. حمید آجیغلا اونو آياقلاریندان قوپاریب دئدی: اوشاقلارینی ییغیشدیر. پول گره ک اولسا، آتام‌دان آل. هئچ کیمله ده بو باره‌ده دانیشما. قوروپوب یئریمده دایانمیشدیم. اوریم چیرپمیردی. بیزی گؤزله‌یه‌ن تهلوکه‌نی فیکرلشیردیم. سیامک آجیغلا اؤزونو دیوارا، قاپییا چیرپیردی. قاجیب اونو قوجاقلادیم. منه تپیک، یومروق آتیب قوجاغیمدان چیخماق ایسته‌دی. قولاغینا دئدیم: آتایا قولاق آس، سیامک. بیز گرک ساکیت اولاق. بو سیرری هئچ کیمه دئییه‌ک. یوخسا آتانا چوخ پیس اولار. بیردن ساکیت اولوب دئدی: نه یی دئمیک؟ دئمیک کی، آتان بو گون قفیل گئتدی. هئچ کیمه دئمه. ائله ائت کی، مسعود دا بیلمه‌سین. بیز گرک قورخما یاق. گوجللو اولاق. آتان حمید ده چوخ گوجلودور. یاخشی بیلیر کی، نئیه‌مک گره ک‌دیر. هئچ کیم اونو تاپا بیلمز. آرخاین اول. بیز ده اونون عسگرلریک. گرک ساکیت و سیرر ساخلا یان اولاق. اونون بیزیم کمکیمیزه احتیاجی وار. یاخشی‌می؟ یاخشی. اوندا گل بیر سیریمیزه سؤز وئرک کی، هئچ کیمله دانیشمایاجاق. سس ده سالمایاجاق. یاخشی؟ یاخشی. بیلیردیم کی، او، سؤز لیریمی باشا دوشمور،

اما اساس بو دئییلدی. بیز داها بو بارهده دانیشمادیق. او گوندن سونرا من فیکیرلی اولاندا او دا ساکیت اولوردو. منه طرف گلیب اللریمی توتور، بیر کلمه دانیشمادان منه باخیردی. بو زامان چالیشیردیم نیگارانیلیغی اؤزومدن اوزاقلاشدیریم، اونا گولومسییردیم. قولاغینا: ناراحات اولما، آتان آرخابین یئردهدیر، دئییردیم. او دا اویناماغا باشلاییردی. مئبللرین آرخاسینا آتیلیردی. او یونجاق توفنگی ایله اینانیلماز سسلر چیخاردیب، اویان-بویانا گولله آتیردی. قورخولو گونلر کئچمک بیلیمیردی. چالیشیردیم عاغیلسیز ایش گورمه ییم. هئج کیمه نه اولدوغونو دئمه دیم. بیر آز پولوم واریدی، اونولا کئچینیردیک. اؤزومدن سوروشوردوم کی، اگر اونا توتسالار، باشیما نه اویون گتیره جکلر؟ گوره سهن، آخی اونلار نه ایش گورو بلر کی؟ بلکه قزتلرده یازیلان شئیلر ده بونلارین ایشی دیر؟ تهلوکهنی هئج واخت بو قدر یاخیندان حیس ائله ممیشدیم. ایلک واختلار اونلارین ایجلاسارینا ضیالیلارین توپلاشماغی کیمی باخیردیم. اما ایندی هر شئی باشقا جور ایدی. یایدا او گئجه یاریسی بیزیم ائویمیزه گتیریب گیزلتدی شئیلر دهشتیمی داهادا آرتیریردی. او گئجهدن بری زیرزمیده کی آرخا اوتاغین قاپیسینا بؤیوک قیفیل تاخیلمیشدی. اوندان سونرا هئج واخت زیرزمیه دوشمه میشدیم. نئچه دؤنه حمیده اعتراض ائله دیم. اما هئج نه یه نایل اولما بیلمه میشدیم. حمید گئندنه منه دئیمیشدی کی، اگر بیر شئی تاپسالار، دئنه، منیم دئییل، خبریم یوخدور. دئمهل، اوراداکی شئیلر گیزلی و تهلوکهلیدیر. بیر هفتهدن سونرا گئجه یاریسی قاپینین سسینه اویاندیم. اؤزومو زالا آتیب، چیراغی یاندیردیم. حمید توتولموش بیر سسله دئدی: کئچیر، کئچیر ایشیغی! اونون یانیندا ایکی نفر چادرالی، اوزوباغلی خانیم واریدی. آياقلاریندا کیشی آياققاییلاری واریدی. اوچو ده قوناق اوتاغینا گیردی. حمید قاپینی باغلايیب منه طرف دؤندو: ایندی او بالاجا چیراغی یاندير و خبرلری دئ. بورادا هئج نه اولمايیب. بیر خبر یوخدور. بونو بیلیرم. اما سن هئج شوبههلی بیر شئی گورمه میسن؟ حیس ائتمه میسن؟ یوخ. ائودهن چیخمیسان؟ دئمک اولار کی، هر گون چیخمیسام. سنین آرخانجا هئج کیم گلمیردی کی؟ کوچهده یئنی بیر ماشین گورمه میسن کی؟ قونشولار دییشیلمه ییب کی؟ یوخ، من هئج نه گورممیشه م. امینسن؟ بیلیرم. من شوبههلی بیر شئی حیس ائتممیشه م. یاخشی، ایندی گئت یئمیه بیر شئی گتیر. چای، پئن دیر، چؤرک، گئجهدن قالان یئمک. هر نه اولسا. گئندیب چایدانین آلتینی یاندیردیم. سئوینیردیم. آلاها شوکور ائلییردیم کی، او، ساغدير. اما بونو دا بیلیردیم کی، هله ده باشیندا تهلوکه فیزلانیر. چای دم آلان کیمی ائوده اولان بوتون چؤری، پئندیری، گویرتینی، یاغی، تزه بیشیردیم موربهنی بیر مجمیییه ییغیب اوتاغا آپاردیم. اما ایچری گیرمدیم. قاپیدان حمیدی سسله دیم. حمید مجمیینی مندن آلیب دئدی: سن گئت یات. چوخ ساغ اول. دقتله اونا باخدیم آریخلامیشدی، ساققالی

چیخمیشدی، بیر آز دا آغارمیشدی. اونی اؤپمک ایسته بیردیم... یاتاق اوتاغینا کئچیب، قاپینی باغلادیم کی، اونلار راحت اولسونلار. آياقیولانندان، حمامدان ایستیفاده ائتسینلر. یئنه آلاها شوکور ائتدیم کی، بو دؤنه ده اونی ساغ -سلامات گؤروردوم. اما هله ده نیگارانلیق منی اینجیدیردی. ان سونوندا، ناراحت بیر یوخویا گئتدیم. سحر اثرکهندن اویاندیم. یادیم دوشدو کی، ائوده چۆریمیز یوخدور. ال -اوزومو یویوب ساموواری یاندریدیم، پالتاریمی گئیپ کوچهیه چیخدیم. من قاییداندا اوشاقلار دورموشدولار، اما قوناق اوتاغین قاپیسی هله باغلی ایدی. سیامک آرخمجا مطبخه گیردی. مسعود ائشیتمه سین دئی آستادان سوروشدو: آتام گلیب؟ هارادان بیلدین؟ بورا بیرتهردی. او اوتاغین قاپیسی باغلی دیر. شوشه نین آرخاسیندا کؤلگه گؤردوم. هه، آتان گلیب. اما ایسته میر کیمسه بیلسین. بیز ده گرک اونون سؤزونو یئره سالما یاق. آتام تكدی؟ یوخ، اوچ نفر دیرلر. سن موغایات اول، مسعود بیلمه سین. سن کیشیسن، اما مسعود هله اوشاقدی. باشقا یئرده دانیشا بیلر. هه، بیلیرم. قویمارام قوناق اوتاغینا طرف گئده. سیامک قوناق اوتاغینی او قدر قورویوردو کی، مسعود لاپ چوخ ماراقلانیردی. بیلیمک ایستییردی کی، اورادا نه وار. بیردن حمید اوتاقدان چیخدی. مسعود قورویوب قالدی. سیامک اونون یانینا قاییب آياقلارینی قوجاقلادی. اوتور اوشاقلارین یانیندا، سحر یئمینی گتیریم. یاخشی، قوی ال -اوزومو یویوم، سن ده یولداشلارین یئمینی حاضرلا. دؤردوموز سوفره ده اوتوراندا اؤزومو ساخلایا بیلمه ییب آغلادیم. دئدیم: چوخ شوکور. قورخوردوم داها هئچ واخت بیر یئره اولما یاق. حمید مئهریجانجا باخیب دئدی: هله لیک بئله بیر شئی یوخدور. سن هئچ کیمله دانیشمامیسان؟ یوخ، هئچ آتا -آنانا دا دئمه میشه. نئچه دؤنه سنی سوروشوبلار. یادیندا اولسون، مطلق اونلار زنگ ائله. یوخسا یئنه عالم دیه جک بیر -بیرینه. سیامک هوسله مسعودو گؤستریب دئدی: آتا، من ده هئچ کیمه دئمه میشه. ائله ائله دیم کی، بو دا بیلمه سین. حمید تعجوبله منه باخدی. باشیما ایشاره ائتدیم کی، نیگاران اولماسین. دئدیم: هه، سیامک چوخ کؤمک ائدیپ. یاخشی سیرر ساخلایاندير مسعود قیشقیردی: من ده سیرر ساخلایانام. من ده سیرر ساخلایانام. یوخ، سن اوشاقسان، قانمیرسان. من اوشاق دئیيله، بیلیرم. حمید: ساکیت اولون، اوشاقلار. معصومه، سن ده ناھارا بیر شئی حاضرلا، گئت آتان ائوینه. نه واخت زنگ ائله سم، گلر سن. نه واخت زنگ اندجکسن؟ بو گئجه قالارسان اورادا. آخی اونلار نه دئییم؟ دئیجه کلر کی، کوسوب گلیمسن. عئیبی یوخدور، قوی فیکیرلشسینلر کی، کوسومسن. اما من زنگ ائلمینجه کلمه. سنین بو ایشلرین آخیردا باشیمیزا ایش آچاجاق. الله رحم ائله سین. بو بیر هفته نی نیگارانلیقدان گئجه -گوندوزوم یوخ ایدی. سن الله، بو ائوده نین وارسا آپار، چوخ قورخورام. سن گئتسن، بیز هر شئی آپاراجاغیق. سیامک اینجییب دئدی: آتا،

قوی من قالیم. باشیما حمیده ایشاره ائدیم کی، اونولا دانیشسین. اؤزوم مسعودلا مطبخه کئچدیم. اونلار اوزبه اوز اوتورموشدولار. حمید ساکیت و جدی دانیشیردی. سیامک ده دقتله قولاق آسیردی. او گون آلتی یاش یاریمی اولان سیامکین داورانیشی اصل کیشی داورانیشی ایدی. بیلیردی کی، بوینونا مسولیت قویولور. حمیدله ساغوللاشیب آتامین ائوینه گئتدیک. بوتون یولو سیامک ساکیت و سس سیز یئریدی. بیلیردیم اونون آغلیندان نه کئچیردی. آتامگیلده ده اوینامادی. هئچ سس سالمادی. حووضون قیراغیندا اوتورموشدو. قیرمیزی بالیقلارلا باخیردی. آخشامچاغی سعادت گلنده، قولامعلینی گۆرهنده ده هیجانلانمادی. داوا، یا دجللیک ائتمه‌دی. آتام ایشاریله سوروشدو: نه اولوب؟ هئچ نه، بؤیوبوب. کیشی اولوب. گوله‌رک اونا باخدیم. باشینی قالدیریب منه گولدو. ایندی منیم، سیامک و حمیدین آراسیندا اورتاق بیر سیرر واریدی. و بو چوخ موهوم سیرر ایدی. مسعود دا هامیمیزین اوشاغی ایدی. آنام بیزیم واختسیز گلمه ییمیزدن تعجب‌لندی. بوتون یولو فیکیرلشمیشدیم کی، اونا نه بهانه دئییم؟ بیزی گۆره‌ن کیمی سوروشدو: اینشاللاه، خئیردی‌می؟ نه اولوب کی، بو طرفله کلمیسینیز؟ حمید ائوده کیشی قوناقلینی وئیرر چاپخانانین ایشچیلرینه. منه ده دئدی کی، گئتسه‌م، اونلار راحت اولارلار. بیر نئچه‌سی باشقا شهردن گلیب. گئجه قالاقلار. حمید دئدی، اونلار نه قدر کی بورادادیلار، ائوه گلمه. اونلار گندن دن سونرا اؤزوم دالینجا گلرم. نه یاخشی! بیلیردیم کی، حمید بئله قئیرتلی‌دیر. کیشیلر بیغیشاندا آزاد اولماق ایسته ییرلر. بیر ده منیم بیر آز پارچام وار ایدی، ایسته ییردیم فاطمه تیکسین. گۆردوم، ائله بو یاخشی فرصت‌دیر. آنامگیلده قالماغیم ایکی گئجه، اوچ گون چکدی. بو مودت عرضینده نیگاران قالدیغیما باخمایاراق، آتام ائوینده خوش وخت کئچیرتدیم. پروین خانیم منه گۆزل بیر کۆینکله اتک، فاطمه ایکی گوللو ائو پالتاری تیکدی. دانیشدیق، گولدوک. آنام کئچن هفته قوم‌دان گلمیشدی، قوهوملاردان، قونشولاردان خیلی خبر گتیرمیشدی. او وخت بیلدیم کی، محبوبه‌نین بیر قیزی وار، ایکینجی‌سینه ده بویلودور. آنام دئییردی: یقین، بو دا قیز‌دیر. بیلیرسن، او وخت سنینله محمودون اوغلانلارینی تعریفلییردیم، نئجه آلیشیب یانیردی‌لار. محبوبه‌نین قیزی دا اؤز اوشاقلینی کیمی آغ و دوزسوزدور. آنا، نه دانیشیرسان؟ محبوبه اوشاقلیغیندا، قیوریمساچلی، چوخ گۆزل و نازلی قیز ایدی. ایندی قیزلا اوغلانین فرقی یوخدور، نییه منیم، محمودون اوغلانلارنا پاخیللیق ائله سین؟ نئجه فرقی یوخدو؟ سیز الینیزده اولانین قیمتین بیلیرسینیز. بیین قیزی گیل لاپ قودوروبلار آرخالارینا دئییرلر کی، منیمله گلمه، سندن ایی گلیر. ائله کی محمودون گلیریندن، ائو ائشین دن دانیشیرام، پاخیللیق‌دان پارتلائییرلار. آنا، سن الله، بسدیر. یاخشی، اما اونلارین بیزی گۆره‌ن گۆزو یوخدور. بیین دئییردی، محبوبه‌نین اری بو ایل اونلاری خارجه آپارماق

ایستیرمیش. اما محبوبه ایسته مه ییب. نییه؟ گت سین خاریجه؟ اورادا هر یئر مورداردی. هه، سنه بیر شئی ده دئییم: سعادتین عمیسینی ده توتوبلار. محمود چوخ نیگاران دیر. قورخور اونون دا ایشینه ائتکی ائده. نییه توتوبلار؟ دئییه سن، مینبره چیخاندا بعضی سؤزلر دانیشیب. نه واختدان توتوبلار؟ بیر -ایکی هفته اولار. دئییرلر، ماققاشلا بده نینین اتینی ذره ذره قوپاریبلار حبس خانادا. کوریمین آراسیندان شدتلی بیر آغری کئچدی. اوریم ده دئیم، ایلاهی، سن اوزون حمیده رحم ائله! اوچونجو گونون آخشامی حمید بیر سان ماشینلا ییزی آپارماغا گلدی. اوشاقلار اونو و ماشیننی گۆره ن ده چوخ سئوین دیلر. بو دؤنه حمید تلمسیردی. حیطده اوتوروب آتاملا چای ایچدی، صؤجبتلشدی. ساغوللاشاندا آتام دئدی: چوخ شوکور، راحت اولدوم. فیکیرلشیردیم، داوانیز دوشوب. نیگاران ایدیم. اما بونو دا دئییم کی، بو اوچ گونده چوخ خوش اولدو، سیزی بورادا گۆردوم روحوم تزه لندی. آتام دان بئله سؤزلر ائشیتمه یه آلیشمامیشدیم، ائتکیلندیم. قایداندا سعادتین عمی سینین توتولماسینی حمیده دانیشدیم. باشینی ترپدیب دئدی: بو اجلاف ساواک چوخ هارینلاییب. بوتون حرکاتلارین اوستونه دوشوب. ایسته مدیم سیامکین یانیندا صؤجبتی داوام ائتدیرسین. صؤجبتی دییشدیم: ماشیننی هارادان آلمیسان؟ هله لیک منیم ایختیاریم دادیر. بعضی یئرلری گرک تمیزله یه م. اونداء، لطفاً، بیرنجی اؤز ائویمیزدن باشلا. او ایش قورتاردی. ائو ساریدان آرخاین اولدوم. بو بیر هفته ده چوخ قورخوردوم. اگر گلسه یدیلر، هامیمیزی اعدام ائدجک دیلر. حمید، سن الله، بو گونا ه سیز اوشاقلارا رحمین گل سین. آرخاین اول، بیر مودت ان یاخشی یئر بیزیم ائویمیز ایدی. حمیده ایشاره ائله دیم کی، اوشاقلارین یانیندا چوخ دانیشماسین. حمید آرخا اوتوراجا قدا اوتورموش سیامکه باخیب: او کی داها اوشاق دئییل، اصل کیشی دیر، دئدی. من اولمایاندا او، سیزدن موغایات اولاجاق. سیامکین قورور حیسیندن گۆزلری ایشیلدا بیردی. ائو چاتان کیمی زیرزه مییه دوشدوم. آرخا اوتاغین قاپیسیندا داها قیفیل یوخ ایدی. اؤز -اؤزومه دئدیم: صاباح سحر گرک گون ایشیغیندا هر یئر باخیم کی، هئچ نه قالما سین... سیامک حمیدی دابانقیرما ایزلیردی. حتی من اونو چیمیزدیرمک ایسته یه نده ده قویمادی. دئدی: من کیشیه م. آتاملا هاماما گنده جه یه م. حمیدله بیر -بیریمیزه باخیب گولدوک. من مسعودو چیمیزدیره ندن سونرا اونلار هاماما گیردیلر. سسلری هامامین ایچینده عکس صدا وئیردی. حمید ائویمیزده نه قدر آز اولسا دا، آتا -اوغول بیر -بیرینه چوخ باغلی ایدیلار. حمیدین ایشی چوخ اولسا دا، ایش قورتاران دان سونرا واختینی ائوده کئچیریدی. ائله بیل داها گئتمه یه یئری یوخ ایدی. دوستلاریندان دا خبر چیخمیردی. بوتون کیشیلر کیمی سحر ایشه گئدیب، آخشام ائو قایدیدردی. بو حال اونو یورموشدو. من ده فورصدن ایستیفاده ائدیب، اونو اوشاقلارلا کوچه یه یوللا بیردیم. فیکیرلشیرم

کی، او گونلر اوشاقلاریمین یاشاییشیندا ان گۆزل گونلر ایدی. آخیر کی، عینی واختدا هم آتالاری، هم آنالاری واریدی. بو خوشبختلییه او قدر قاپیلیمیشدیم کی، حمیده دئدیم: گل شیمالا بیر سفره گئدک. یوخ، اولماز. من خبر گۆزله بیرم. یا ائوده اولمالیام، یا دا چاپخانادا. ایکجه گونلویه گئدک. ایندی ایکی آی یاریمدیر کی، هئچ بیر خبر یوخدور. گلن هفته ده مکتبلر آچیلماق. گئدک. قوی اوشاقلاردا یاخشی بیر خاطره قالسین. هئچ اولماسا عؤمورلرینده بیر دؤنه آتا -آنالاری ایله سفر ائتمه لیدیرلر. اوشاقلار حمیدین بونوندان آسیدیلار. مسعود یالواریدی. سیامک دانشمیردی، اما حمیدین الینی توتوموشدو. یالواریش دولو گۆزلره اونا باخیردی. بیلیردیم کی، ائله بو باخیش اونو یومشالداق. منصوره نین اری شیمالدا بؤیوک ویلا آلیب. او، همیشه دئییر کی، بورا هامی گلیب، سیزدن باشقا. ایسته سهن، آتا -آنانی دا اؤزوموزله آپاراریق. اونلارین دا حاقلاری وار سنین بونوندا. اوغللاری ایله سفره گئتمک ایستیرلر. بو ماشینلا دا گنده بیلریک. یوخ، بو ماشین ائله چتین یوللارا تاب گتیرهن جانی یوخدور. یاخشی، آراز یولویلا گئدریک. اؤزون دئییردین، تزه ماشیندی. یاواش -یاواش گئدریک. اوشاقلارین یالواریشی سنگیمیردی. سیامک حمیدین الینی اؤپنده ایش غلبه ایله بیتدی -بیز اوددوق. حمیدین آتا -آناسی بیزیمله گلمه دی. آما نچه ایلدن سونرا بیر عاییله کیمی سفره گئتمیمیزه چوخ سئویندیلر. منصوره شیمالدا ایدی. تئلفونلا حمیدله دانیشدی. سئوینه رک عونوانی وئردی. ان سونوندا، یولا دوشدوک. شهردن چیخان کیمی ائله بیل باشقا بیر دونیا یا آفاق باسدیق. اوشاقلار داغلار، دره لر، دوزنگاهلار ائله آلوده اولموشدولار کی، اوزون مودت هره سی بیر پنجره یه یاپیشدی. سسلری ده چیخمیردی. حمید بیر ماهنی میزیلانیردی. من ده اونا سس وئردیم. سئویندیمدن نه ائده جیممی بیلیمیردیم. گون اورتا یئمینه کوتلت حاضیرلامیشدیم. خوش منظره سی اولان بیر یئرده دایانیب ناهار ائله دیک. اوشاقلار قاچدی -توتدو اوینادیلار.

حمیده دئدیم: سیامکین داورانیشی چوخ دییشیب، گؤرورسهن، نجه ساکتلیشیب؟ اوزویولا، مئهریان اولوب؟ آخیرینجی دؤنه منیمله دالاشدیغی دا یادیم گلمیر. ائله بیل هر گون محاریبه ائله یان اوشاق دئییل. بیلیم، نییه بو اوشاقلار بو قدر سورونین وار؟ چوخ یاخشی اوغلاندير. بئله چیخیر کی، من اونو سندن یاخشی باشا دوشورم. یوخ، عزیزیم. سن اونو اؤز واختین اولاندا گؤرورسهن. اصلینده، سون ایکی آیدا گؤردویون اوشاقلار اصل سیامک یئرله گوی قدر فرقلیر. سن اونا ساکتلیشدیریجی درمان ائتکی باغیشلا بیرسان. بئله دئمه. هئچ کیمین منه بو قدر باغلانماسینی ایسته میرم. اما سنه باغلی اولان، سنی سئوهن او قدر آدام وار کی. بونو فیکیرلشمک بئله منیم اوچون چوخ آغیردی. یاخشی، ایسته بیرسن داها بو باره ده

دانشمایاق. بو گۆزل گونلرین دادینی چیخاراق. منصوره پنجره‌لری دنیزه طرف آچیلان گۆزل بیر اوتاق حاضیرلامیشدی بیزه. حمید اونلارین یانیندا یاتاغینی گۆتوروب باشقا یئرده یاتا بیلیمیردی. مجبور اولوب منیم یانیندا یاتمالی ایدی. هامیمیز گونشدن، دنیزدن لذت آلیردیق. چالیشدیم کی، یئنه دریم گونون آلتیندا یانسن. ساچلاریمی آچیب داغینیق ساخلا بیردیم. یاخاسی آچیق، خوش رنگلی پالتارلار گئیینیردیم. ایسته بیردیم حمیدین دقتینی اؤزومه چکیم. محبته چوخ احتیاجیم واریدی... آخر کی، اوچونجو گئجه داها دایانا بیلمه‌دی و نئچه ایلیک آندینی سیندیردی. بو سفر بیزی بیر -بیریمیزه یاخینلاشدیردی. بیلیردیم کی، مندن ائو ایشلریندن باشقا شئیلرده گۆزلیبر... باجاردیغیم قدر موطالیعه ائدیردیم. بو نئچه ایله اوخودوغوم کیتابلاردان دانشیردیم. چالیشیردیم اونونلا همفیکر اولوم، اجتماعی -سیاسی مسئله‌لر حاقیندا دانشیم - دوستلارینین یانیندا اولمادیغینی حیس ائله‌مه‌سین. او، یاواش یاواش اینانیردی کی، منیمده بعضی سیاسی مسئله‌لردن باشیم چیخیر. حتی اینانیردی کی، من گوجلو حافیظه‌یه مالیکم. داها اونون نظرین ده اوشاق، یا دا گئریده قالمیش قادین دئییلدیم. بیر گون بیر کیتابین اونون یانیندا قالما یان حیسسه‌سینی اونا دانشدیم. دئدی: سن ده بو ایستعداد وارکن گرک درسینی داوام ائتدیره‌سن. نییه سن سیناواردا ایشتیراک ائتمیرسن؟ امینم، اگر درس اوخوسان، ایرلی گئده بیلرسن. قبول اول بیلمه‌یه‌جه‌م. اینگیلیس دیلیم یاخشی دئییل. بس اوشاقلاری ئییلیم؟ ایندی اوشاقلار بیر آردا بؤیوبولر. ال -ایاغین آچقیدیر. اینگیلیس دیلینی اؤیره‌نمک اوچون ده کورسا گئت. یا دا کونکور کورسارینا یازیل. سن نه ایسته‌سن، ائده بیلرسن.

سکیز ایله ن سونرا عایله یاشاییشینین معناسینی درک ائدیردیم. بوتون ووجودوملا بو گۆزل دقیقه‌لردن حظ آلیردیم. او پاییز حمیدین گون اورتادان سونرا دا ائوده اولماغیندان ایستیفاده ائدیب کورسا یازیلدیم. بیلیمیردیم، نه قدر داوام ائدجک. اما چالیشیردیم بوتون بو راحت گونلردن سون درجه ایستیفاده ائدیم. اورییمده دئییردیم، بلکه اونلارین تشکیلاتی داغیلیب و بیز همیشه‌لیک بئله یاشاپاجایق. اما حمید چوخ عصبی ایدی، نیگاران ایدی و زنگ گۆزله بیردی. ان سونوندا، بو وضعیت ده بیتدی.

من اونلارین تشکیلاتلاری بارده هئچ نه بیلیمیردیم. بیر دؤنه سیاسی موباحیثه ائندنه اونا بو بارده سووال وئردیم. دئدی: یوخ، بیزیم اوشاقلاریمیزی و فعالیتلرینی سوروشما. سنه اینامیم اولماماگی مسئله‌سی دئییل، اما نه قدر آرد بیلسن، سنه داها چوخ خئیردی. و من داها بو بارده هئچ وخت ماراقلانمادیم. ایلین پاییزی و قیشی ساکیت کئچدی. یاواش -یاواش حمیدین پروقراملاری دییشیردی. هفته‌ده بیر -ایکی دؤنه زنگلر گلیردی. او، بیر -ایکی گون ایتیردی. یازدا منی امین ائدی

کی، ختا کئچیب. اوندان هئچ یئرده هئچ بیر ایز قالمایب. هامی امین یئرده یئرلشیب. یعنی بوتون بو مودتده یئر - یوردلاری یوخ ایدی؟ یوخ، قاچاق ایدیلر. او نئچه نفرین توتولماغیندان سونرا بوتون عونوانلار اؤیرنیلیمیشدی، اوشاقلار ائولرینی ترک ائدیب گئتمه‌لی اولدولار. یعنی شهریزادلا مئهدی ده ائولرینی ترک ائدیلر؟ ان بیرینجی ائله اونلار ترک ائدیلر. بوتون اشیالارینی الدن وئردیلر. چوخ شئیرلی وار ایدی؟ البته! شهریزادین عایله‌سی ایکی ائو قدر جئهیز وئرمیشدی. البته، بو مودتده چوخ شئی پایلامیشدیلا، اما یئنه ده چوخ اشیالار قالمیشدی. ائولریندن چیخیب هارا گئدیلر؟ نئیلهدیلر؟ بسدی. داها درینه گئتمه. ایلین یازیندا حمید بیر نئچه دؤنه اوزون سفره چیخدی. احوالی یاخشی ایدی. من احتیاطلا داورانیردیم کی، هئچ کیم اونون گئتمه یینی بیلمه‌سین. اؤزوم ده جد - جهدله درسلیمی اوخویوردوم. سیناوارا حاضیرلاشیردیم. منیم قبول اولماغیم منله حمیدی سئویندیردی قدر عایله‌لریمیزین تعجبونه نه دن اولموشدو. موختلیف رئاکسیالار گلیردی. آنام دئدی: اونیوئرسئته نییه گئدیرسن؟ حکیم اولماق ایستیرسن؟ اونون نظرینده اونیوئرسئته آنجاق حکیم اولماق اوچون گیریردیلر. آتام قورور و سئوینجله دئدی: مودیرینیز دئمیشدی کی، سن چوخ ایستعدادلی‌سان. من بیلیردیم. کاش کی بو اوغلانلارین بیر یی هئچ اولماسا سنین کیمی اولاردی. علیله محمود اینانیردیلا کی، من هله ده پیس - پیس ایشلیرمدن ال چکمه میشمه. اریمین ده قئیرتی آزدیر، منیم قارشیمی آلا بیلیر. هر شئی ایسته دییم کیمی گئدیردی. بؤیوک بیر قوناق‌لیق وئردیم. منیژه نئچه واخت ایدی توی ائلمیشدی، اونا آياق آچدی ائده بیلمه میشدیم، اونو دا چاغیردیم. نئچه ایللردن سونرا بو قوناق‌لیقدا منیمله حمیدین عایله‌سی بیر - بیرینین یانینا ییغیشیمیشدی. محمودلا علی مجلسده حجاب‌سیز خانیملار اولدوغونو بهانه گئیریب گلمه‌دیلر. اما سعادتله اوشاقلاری گلیدیلر. او قدر سئوینجلی ایدیم کی، هئچ نه گولوشومو کورلایا بیلیردی. یاشاییشیم تزه آخارا دوشموشدو. مسعودون آدینی ائویمیزین یاخینلیغینداکی باغچایا یازدیردیم. گئجه‌لر ایشلیرمی گؤروردوم کی، سحر راحت اونیوئرسئته گئدیم. حمیدله اوشاقلارین هئچ بیر ناراحتلیغی اولماسین. هاوا سویوق ایدی. پاییز کوله یی آغاجلارین قورو شاخه‌لرینی پنجره‌یه ووروردو. نارین بیر یاغیش یاغماغا باشلامیشدی. سونرا قار دا یاغماغا باشلادی. حمید تزه یوخویا گئتمیشدی. اؤز - اؤزومه دئدیم: قیش بیردن باشلادی. یاخشی کی، قیش پالتارلارینی چیخارتمیشام... گئجه ساعات بیره یاخین ایدی. یاتماغا حاضیرلاشیردیم کی، قاپنین زنگی منی یئریمده قوروتدو. اورییمین چیرپینماغی ایکی قات آرتدی. بیر آز دایانیب اؤز - اؤزومه دئدیم: یقین، سهو ائشیتیمیشم... گؤردوم کی، حمید زالین اورتاسیندا دوروب. بیر - بیریمیزه باخدیق. بوغازیمدان چتین‌لیکله چیخان سسله دئدیم: سن ده

ائشیتدین؟ هه. ایندی نئیله یک؟ شالوارینی ائله پیژمانین اوستوندن گئیینه رک دئدی: باجاردیغین قدر اونلاری دایاندیر. من دامین آرخا یولوندان گئدرهم. سونرا قاپینی آچ. اگر گۆرسه ن کی، ختاوار، بوتون ایشیقلاری یاندیر. ژاکتینی گئیینیب دام یولونا طرف قاچدی. دایان! دئدیم. پالتو گۆتور.

واخت یوخدو، گئت. چالیشدیم ساکیت اولوم. اؤزومو یوخودان اویانان کیمی گؤستریم. یورغانی بده نیمه بوکوب پیلله لردن دوشدوم. تیتیریدیم. قاپینی آرتیق یومروقلار ووروردولار. ایشینی یاندیردیم کی، حمید کناردان یاخشی گؤرسون. قاپینی آچدیم. قاپنین آرخاسینداکی آدام تلسیک قاپینی ایته لهیب اؤزونو حیطه سالدی. آرخاسینجا قاپینی باغلادی. بیر قادین ایدی. گوللو ناماز چادراسینا بورونموشدو. دهشتله، مات -مات اونا باخدیم. ایسلانمیش چادرا چیینلرینه دوشدو. بیردن قیشقیردیم: شهریزاد! او، بارماغینی سوکوت علامتی اولاراق بورنونون اوستونه قویوب دئدی: ایشیغی سؤندور. نییه او دقیقه ایشیغی یاندیریرسینیز؟ داما طرف باخیب ایشیغی سؤندوردوم. شهریزادین ساچلاری، پالتاری یاش ایدی. دئدیم: گل ایچری. سنه سویوق اولاجاق. سسس... ساکیت اولون. بیر نچه دقیقه قاپنین دالیندا دایانیب، کوچه ده کی سسلره قولاق آسدیق. هر یئر ساکیت ایدی. بیر آزدان شهریزاد قفیلدن سوستالیدی، قاپیا سؤیکنرک، یاواش -یاواش یئر سوروشدو. اللرینی دیزلرینین اوستونه قویوب، باشینی اللری آراسیندا گیزلتنی. ساچلاریندان سو دامجیلا بیردی. قولتوغوندان توتوب چتین لیکله یئردن قالدیردیم. یئریه بیلیمردی. چادراسینی گۆتوروب، الیندن توتاراق آرخامجا چکدیم. حالسیز، ایراده سیز آرخامجا گلدی. پیلله لری قالخدیق. بده نینی قورولا، دئدیم. خسته له نمیسن؟ باشی ایله تصدیق ائتدی. سو ایستیدی. کئچ دوشون آلتینا. پالتارلارینی اورادا قوی، سنه پالتار گتیریرم. سس سیز حاماما گیردی. پالتارلاریمدان سئچیب اونا آپاردیم. اوتاغیمدا اونا یئر سالدیم. حامامدان چیخیب پالتارلاری گئیدی. هئج دانیشمادی. باخیشیندا چاره سیزلیک واریدی، اوزو اومیدسیز و آرمیش اوشاق کیمی ایدی. یقین، آجسان؟ سوروشدوم. باشینی «یوخ» علامتی اولاراق یئلله دی. دئدیم: سنه سود قیزدیرمیشام. گرک ایچه سن. سس سیزجه سودو ایچدی. اونا قوناق اوتاغینا آپاردیم. یاتاقدا یئرینی راحتلامامیش اونا یوخو آپاردی. قاپینی اؤرتوب چیخدیم. حمید یادیم دوشدو. یعنی او، هله ده یوخاریدادیر؟ پیلله لری یاواش یاواش چیخدیم. حمید دام یولونون کناریندا آرتیرمانین آلتیندا چؤمبلتمه اوتورموشدو. بیلدین کیم ایدی؟ دئدیم. هه، شهریزاددی. بس نییه بورادا دورموسان؟ شهریزاد کی، قورخولو دئییل. بیلیمک اولماز. گۆزلییرم، گؤروم اونا تعقیب ائدن وار، یا یوخ. سنجه، اونون گلیمیندن نه قدر کئچیب؟ یاریم ساعات. یوخ، قیرخ بش دقیقه. اگر آرخاسینجا گلسمیدیلر، ایندییه قدر خبر اولاردی، ائله دئییل؟ یوخ، بعضن

گۆزلیبرلر کی، هامی بیغیشسین. بدهنیمه لرزه دوشدو. اگر ائوه گلسه لر، هامینی توتاجاقلار؟ قورخما، سنین کی بو ایشلره آیداتین یوخدو. توتسالار دا، هئج بیر شئی بیلیمیرسن آخی. بوراخارلار سنی. هارا دان بیله جکلر کی، هئج نه بیلیمیرم؟ مین جور ایشگه نجه دن سونرا؟ اوشاقلار نجه؟ بو یئرسیز فیکیرلری باشیندان چیخارت. بو قدر آسان دئییل. سن گرک گوجلولا اولاسان. یاخشی، دئی گۆروم، شهریزاد نجه دیر؟ نه دئدی؟ هئج نه. اصلینده، دانیشا بیلیمیر. منجه، چوخ خسته دیر. سویوقالایب. اونلاری هامیدان چوخ تانیبیردیلا. هامیدان اول اونلارین ائولرینه تۆکولوبلر. بیر ایل یاریمدیر کی، گیزیلی یاشایرلار. نجه واخت دیر، باشقا شهرلرده ایدیلر. اونلارا امین یئر دوزلتدیک، گئدیپ اورادا قالدیلار. یقین، اورانیدا تانیبیلار. یعنی بیر ایل یاریمدیر، بو یازیقلا آوارادیرلار؟ هه. اری هارادادیر؟ مئهدی؟ بیلیمیرم. بیر یئرده ایدیلر. یقین، نسه اولوب کی، بیر-بیرلریندن آیریلماغا مجبور اولوبلار. بلکه ده توتولوب. اوریم اوزولدو. آغلیما گلن بیرینجی فیکیر بو اولدو کی، مئهدی بیزیم ائوی تانیبیر. او گئجه سحره قدر حمید دام یولوندا کئشیک چکدی. اونا ایستی چای، ایستی پالتار آپاردیم. سحره همیشکیندن تئز اوشاقلاری اویادیب، یئمکلرینی وئردیم، اوزوم اونلاری اوخولا و اوشاق باغچاسینا چاتدیردیم. یولدا دقتله اطرافا باخیردیم کی، گۆروم شوبهه لی بیر شئی نظریمی جلب اندیر، یا یوخ. آداملارین هر باخیش و حرکتینده گیزیلی بیر شئی آختاریردیم. بیر قدر آلیش-وئریش اندیب ائوه قاییتدیم. حمید دامدان ائتمیشدی. منی گۆره ن کیمی دئدی: بیلیمیرم نیلییم. چاپخانایا گئدیم، یا یوخ؟ منجه، همیشه کی کیمی داوراناق کی، هئج کیم شوبهه له نمه سین. کوچه ده خصوصی بیر شئی گۆرمدین کی؟ یوخ، دئیه سن، هر شئی عادی ایدی. بلکه بو عادیلین اوزو قئیری-عادی دیر. ایستیرلر کی، بیز شوبهه لنمه یک. یاخشی، داها بو قدر خیالپرست اولما. بیر آز صبر ائله، شهریزادلا دانیش. شهریزادلا دانیشیم، گۆروم نه اولوب. سونرا گئدیم. بلکه منله ایشی اولار. اویاتمیرسان اونو؟ یوخ، یازیق دیر. چوخ یورغوندو، خسته دیر. ایستیرسن چاپخانایا زنگ ائله، دئنن، بو گون گلمه یه جک سن. سن ده بیر آز استراحت ائله او اویانا قدر. یوخ، گرک دئییل. شهریزاد گون اورتا ساعات بیره کیمی یاتدی. شالقاملی بیر شوربا بیشیردیم. بیر آز دا کابابلیق ات حاضیرلادیم. بلکه ده اوزون زامان ایدی کی، ائو یئممه یی یئمیردی. آخیرینجی دؤنه گۆردویومدن بری چوخ آریخلامیشدی. اونا آغری کسبجی، قیزدیرما درمانلاری آلدیم. اوشاقلارین درسدن گلمینه آز قالمیشدی. مجبور اولوب اونو اویاتماغا گئدیم. یاواشجا الیمی آلتینا قویدوم. هله قیزدیرماسی وار ایدی. قورخاق یئریندن آتلاندی. یاد باخیشلارلا منه و اطرافینا باخدی. دئیه سن، هارادا اولدوغونو، زامان آنلاییشینی اونوتموشدو. قورخما، منم، معصومه. بورا امین یئردی، راحت اول. بیردن ائله بیل هر شئی یادینا دوشدو. دریندن بیر نفس

آلیب، اؤزونو بالیشین اوستونه آتدی. چوخ ضعیفله میسن. دور، شوربا بیشیرمیشهم. داوا درمانلارینی دا ایچ، یئنه یات. برک سویوقلامیسان. قیزدیرمادان یانان ایری گۆزلری قم و کدرله دولو ایدی. دوداقلاری تیتیرییدی. هئچ نه دئمدم، اوتاقدان چیخدیم. حمید زالدا او باش -بو باشا گئدیپ -گلیردی. اویاندی؟ گرک اونونلا دانیشیم. صبییر ائله، قوی بیر آز اؤزونه گل سین. بیر شئی یئسین، سونرا. شوربا یالا درمانلاری اوتاغا آپاردیم. یاتاغیندا اوتورموشدو. گئجه باشینا باغلادیغیم دسمال آچیلیمشیدی. ساچلاری هله ده نم ایدی. سیز باشلا یین. شوربانیزی ایچین. من گئدیم داراق گتیریم. آغزینا بیر قاشیق شوربا قویوب، گۆزلرینی یومدو: ایلاهی، ایستی یئمک. اؤزو ده شوربا. بیلیرسن، نه واخت داندی ایستی یئمک یئممه میشهم؟ توتولدوم. بیر سؤز دئمه دیم. اوتاقدان چیخدیم. حمید صبییرسیزلیکله گۆزلییردی. ندیر؟ نییه بو قدر تلسیرسن؟ بیر آز صبرین اولسون. یئمک یئممه میش اونونلا دانیشماغا ایجازه وئرمه یهجه یهم. داراقلا اوتاغا قاییتدیم. پیرتلاشیق ساچلاری چتینلیکله دارانیردی. دئدی: یوز دؤنه اؤز -اؤزومه دئمیشهم کی، گئدیم ساچلاریمی دیبندن قیرخیم، اما واخت اولماییب. نییه؟ بو گۆزلیکده ساچلاری دیبندن قیرارسان؟ کئچل قادین چوخ چیرکین گۆرونر. فیکیرلی حالدا دئدی: قادین؟ دوغرو دان، من ده قادینام؟ یادیمدان چیخیپ. ایستئهزا ایله گولوب شورباسینی ایچدی... شوربا بیتدی. دئدیم: بیر آز دا کباب بیشیرمیشهم. گرک یئنه سهن کی، گولنه سن. ایندی یوخ، سونرا. آخی قیرخ سککیز ساعات دیر کی، هئچ نه یئممه میشهم. گرک یاواش یئیم. بیر آزدان سونرا یئنه شوربا وئرسهن. حمید ائوده دیر؟ بلی، سیزینله دانیشماغی گۆزله ییر. یاخشی، دئنه، گل سین. حالیم دوزلیب. ائله بیل اؤزومه گلیمیشهم. قبالاری گۆتوروب، قاپینی آچاراق حمیده دئدیم: گیر ایچری. حمید اوتاغا کئچیب، ائله شوق، ادب و حؤرمته سلام وئردی کی، ائله بیل ریسی ایله دانیشیر. قاپینی باغلادی. بیر ساعاتدان چوخ اوتاقتا دانیشدی. اوشاقلار مکتبدن قاییتدی. سیامک گیرهن کیمی ایت یاد آدمی هیسس ائدن کیمی دئدی: آنا، ائوده کیم وار؟ آتانی دوستلاریندان بیر. اما هئچ کیمه دئمه. بیلیرم... سیامک اؤزونو قوناق اوتاغینین قاپیسینین دالیندا اوینایان گۆستریردی. اما بیلیردیم کی، بوتون ووجودو ایله قاپیا قولا ق کسلیب. ایسته بیر نسه ائشیتسین. اونو چاغیریب دئدیم: آل بو پولو، گئت، دوکاندان سود آل، گتیر. یوخ، گئتمیرم! دئدی و تلسیک یئرینه قاییتدی. حمید اوتاقدان چیخاندان سونرا الینده اولان کاغیذلاری پئنجینین جیبینه قویدو. آياقبا ییلارینی گئیهرک دئدی: شهریزاد هله لیک بورادا قالا جاق. من گئدیرم. اگر گئجیکسم و یا گلمه سم، نیگار ان اولما. صاباح مطلق گله جه یهم. قوناق اوتاغینا گئدیم. شهریزاد اوزانمیشدی. دئدیم: درمانلارینی ایچمیسن؟ اوتاناراق یئرینده اوتوروب دئدی: سیزی اینجیتدیم؟ گرک باغیشلا یاسان. چالیشارام تئز گئدیم. ده

یمه ز. اؤزونو ائوینده کی کیمی حیس ائله. سن گرک دینجه له سن. بورا اؤز ائوین کیمی دیر. ایشینیز بیردفعه لیک دوزه لنه قدر قویمارام بورادان گنده سینیز. قورخورام سیزه سورون یارانا. بو نئجه ایللرده چالیشیردیق کی، بو ائو سن و اوشاقلارین اوچون تهلوکه سیز اولسون. اما دونه ن گئجه باجارا بیلمه دیم. گرک باغیشلا یاسان. ایکی گئجه ایدی کی، بو دلیکن او دلییه گیریدیم. بختیمدن هاوا بیردن سویویوب قار - یاغیش اولدو. حالیم چوخ پیس ایدی. قیزدیرم قالمیشدی. قورخدوم کی، کوچه لرده بیخیلام. چاره م یوخ ایدی، یوخسا گلمزیم. یاخشی ائله دینیز، گلدینیز. ایندی ده هئچ نه فیکیرلشمئین. یاتین. راحت اولون. سن الله، منیمله بو قدر رسمی دانیشما. یاخشی! اؤز الیمده دئییلدی، بیلیمیردیم اونولا نئجه داورانیم. اوشاقلار دا ماراقلا قاپنین آراسیندان شهریزادا باخیردیلار. شهریزاد دا گولوب بارماقلارینی ترپه ده رک اونلارا سلام وئردی: ماشاللاه، اوغلانلارین نه قدر بؤیویولر. هه، سیامک اوچونجو صنییف ده دیر، مسعود دا بش یاشیندادیر.

بیر ایستکان سو گتیریب، درمانلارینی وئردیم. شهر... قفیلدن شهریزادین باخیشینی گؤروب بیلیم کی، گرک اونون آدینی چکیمیم. بیر آز ترددوددن سونرا اوشاقلارا دئدیم: گلین، شهری بیینیزه سلام وئرن. شهریزاد قاشلارینی قالدیریب گولودو. بو آد اونا چوخ گولونج گلمیشدی. اوشاقلار سلام وئردیلر. سیامک ائله دقتله باخیردی کی، شهریزاد اؤزونو ایتیردی. حتی سینه سینه باخدی کی، بلکه آچیق دیر. دئدیم: یاخشی، بسدیر. هامی چؤله چیخسین. بیی گرک استراحت ائده. اوتاقدان چیخاندان سونرا دئدیم: موغایات اولون. سس ائتمه یین. هئچ کیمه ده بیینین بورادا اولدوغونو دئمین.

اؤزوم بیلیرم. دوزدور، اوغلو، اما ایندی مسعود دا بیلمه لیدیر. بیلدین، اوغلو؟ هئچ کیمه گرک دئمیه سن، بو بیر سیردیر. یاخشی، آنا. بیر نئجه گوندن سونرا شهریزاد دوزلدی. هله ده قورو اؤسکوری وار ایدی. گنجه لر یاتا بیلیمیردی. چالیشیردیم دادلی و فرق لی یئمکلر بیشیریب ایشتهاسینی آچیم. بلکه ایتیردی چکیسینی قایتارا بیله. حمید داییم هاراسا گئدیپ - گلیردی. قاپینی باغلا ییب شهریزادلا ایشلری موداکیره ائدیر، یئنی فرمانلار آلیب قاییدیردی. بیر هفته بئله کئچدی. شهریزاد اوتاق دا یئر بیریدی، اما پنجره یه یاخینلا شماماغا چالیشیردی کی، حیطدن گؤرونمه سین. بو مودتده من اونیوئرسئته گئتمه میشدیم. مسعودو دا باغچایا گؤندرمیردیم. چونکی بیلمه ییب اورادا نسه دانیشا بیلردی. او، ساکیته ائوده اویناییردی. مسعودلا شهریزاد چوخ تئز دوستلاشدیلار. بوتون واختلارینی بیر یئرده کئچیریردیلر. مسعود شهریزاد اوچون شکللر چکیر، اویونچاق ائولر دوزلدیردی. شهریزاد خصوصی بیر شفقتله اونو قوجاقلاییردی. مسعود دا اعتراض ائتمه دن اونون قوجاغیندا اوتوروردو. اما سیامک شهریزادلا ادبلی و احتیاطلا داورانیردی. من و حمید شهریزادلا نئجه داورانیردیسنا، ائله. من

شهریزادی چوخ سئویردیم. چالیشیردیم اونونلا راحت، صمیمی اولوم. اما بیلیمیرم نییه، اونون یانیندا اؤزومو مکتبلی کیمی گؤروردوم. او، منیم گؤزومده سیاسی شعور، گوج، شاهانه لیک تیمثالی ایدی. بو خصوصیتین بیرلیگی اونو منیم گؤزومده هامیدان فرقلی گؤستریردی. او، همیشه منیمله مئهریبان و صمیمی ایدی. اما من بونو یاددان چیخاردا بیلیمیردیم کی، او، منیم یاشاییش یولداشیمدان دا چوخ بیلیردی. اونا امر وئره بیلیردی. حمیدله شهریزاد دایم بیر -بیریلری ایله دانیشیردیلار. من ده چالیشیردیم کی، اونلاری راحت بوراخیم، اینجیتیمیم. بیر گئجه، اوشاقلاری یاتیراندان سونرا اؤزوم ده کیتاب اوخوماقلا مشغول اولدوم. اونلار فیکیرلشدیلر کی، من یاتمیشام. زالدا بیر بیریلری ایله دانیشیردیلار.

حمید دئدی: دوغرودان، بختیمیز گتیریب. عباس هئچ واخت بیزیم ائویمیزه گلمه میشدی. نامرد قیرخ سککیز ساعات دا دؤزه بیلمه‌دی. من اولدن بیلیردیم کی، او، ضعیف آدم‌دیر. یادین‌دادیر، بیز اؤیره‌نن واختلار نه قدر دئیینیردی؟ منه گون کیمی آیدین ایدی کی، او، اینانجلارینا چوخدا باغلی آدم دئییل. نییه بونو مئهدیه دئمین؟ دئدیم، اما او دئدی کی، ایندی داها اونو سیرادان چیخارا بیلیمیرک، چونکی هر شئ‌دن خبری وار. دئییردی، گرک اونو اؤیردک. اما من اوریمین درینلینده همیشه اوندان ناراضی ایدیم. هه، یادیم‌دادیر. سن سرحدنه گئدنه کیمی اونو آپارماغا قارشی ایدین. اونا گؤره کی مئهدی ده هئچ واخت چوخ موهوم بیر شئیلری اونون ایختیارینا بوراخمیردی. منده چالیشیردیم کی، مومکون اولدوغو قدر او، باشقا آدم‌لارلا آز اوز به اوز اولسون. مثلن، او، سنین حاقیندا هئچ نه بیلیمیر. حتی سنین آدیندا. ائوینین، یا چاپخانانین عونوانینی دا بیلیمیر. بو، بیزه چوخ کؤمک ائدیر. بلی. بیزیم بختیمیز اوندا گتیردی کی، او، تئهراندا یاشایان دئییلدی. یوخسا هر نه جور اولسا، یئریمیزی تانیباردی. دئییرلر، اگر او نامرد قیرخ سککیز ساعات دایانا بیلستیدی، هر شئی خلاص ائده بیلردیک. یئنه ده، چوخ شوکور کی، مرکز اوشاقلاری تئهراندا توتولماییلار. قالان سلاحلار دا بس ائدر. سونرا دا دوشمه‌نین سلاحلارینی موصادیره ائده بیلرک. اونورغامدان بیر آغری قالخدی. آلیما سویوق تر گلدی. بونلار نه ایش گؤرمک ایسته بیلرلر؟ هارادایدیلار؟ هانسی پلانلاری وار؟ الله، من هارادا، نه جور آدم‌لارلا یاشاییرام؟ بیلیردیم کی، اونلار دؤولت علییه‌نه فعالیت گؤستریرلر. اما بیلیمیردیم کی، بو قدر قاباغا گئدیبلر. همیشه فیکیرلشیردیم کی، اعلان چاپ ائدیرلر، مقاله یازیرلار، کیتاب یازیب -اوخویورلار، یا دا بیر یئره ییغیشیب دانیشیرلار. ضیالی آدم‌دیرلار، ناراضیلیقلارینی ایفاده ائلییرلر. حمید یاتماغا گلنده دئدیم: من سیزین سؤزلرینیزی ائشیتدیم. آغلادیم. یالواردیم کی، بو ایشلردن ال چکسین. اوشاقلاری، یاشاییشیمیزی فیکیرلشسین. او دئدی: داها گئج‌دیر. من گرک عایيله قورمایا ایدیم. بونو مین بیر دیلله دئدیم. اما سن قبول ائتمه دین. من

ایناندیقارلاریم گۆره یاشاییرام. سادهجه، اؤز اوشاقلاریمی فیکیرلشه بیللمرم. مینلرله بدبخت اوشاقلار بو ظلمون، جلالدین الینین آلتیندا یاشاییرلار. اونلاریدا اونودا بیللمرم. بیز خالقیمیزین قورتولماسی اوچون آند ایچمیشیک. اما پلانلارینیز چوخ تهلوکه لیدیر. دوغرودان، فیکیرلشیرسینیز کی، دؤرد نفر آدام بو قدر پولیسی، حربچیسى اولان ساواکین قارشیسیندا دایانا بیلرسینیز؟ هامیسینی آرادان قالدیریب میللتی قورتارا بیلرسینیز؟ بیز گرک ائله بیر ایش گؤرک کی، دنیا بیلسین: بورا ساکیت و ثابت بیر آدا دئییل. گرک اونون کؤکونو تیتردک. تا کی میللت اوپانانا و قورخودان جانینی قورتارانا قدر. خالق اینانمالیدیر کی، حتی بو قودرت ده ییخیلا بیلر. اوندانلار دا تدریجهن بیزه قوشولاجاقلار. سیز چوخ ایڈئالیستسینیز. اینانمیرام کی، نه یهسه نایل اولاسیز. آنجاق اؤزونوزو محو ائدجکسینیز. حمید، من چوخ قورخورام. چونکی سنین اینانجین یوخدور. سس - کوی سالما. ائشیتدیکلرین ده، سادهجه، سؤز سوییه سینده دی ر. ایندییه قدر یوزلرله بئله پلان جیزمیشیق. لاکین هئچ بیرى ایجرا اولونماییب. اؤزونو و اوشاقلاری بوش یئره اوزمه. یات. شهریزادا دا هئچ نه دئمه. اون گون گئت - گلدن، سؤز آپاریب - گتیرهندن سونرا قرار بو اولدو کی، شهریزاد هله ائودهن چیخماسین. و بیز ده نورمال یاشاییشیمیزا داوام ائدک. سادهجه، سورون بو ایدی کی، گرک هئچ کیم ائویمیزه گلیب گئتمه سین. اصلینده، بیزه چوخ گلیب گئدن اولموردو. بعض آتا - آنالاریمیز، پروین خانیم، فاطمه نین گلمه یی سورون یارادا بیلردی. قرارا گلدیک کی، تئز-تئز حمیدین آتا - آناسینا باش چکک. ننه سینی ده اؤزوموزله آپاراق کی، اونو گؤرمک اوچون بیزیم ائوه گلمه سینلر. اؤز عاییله مه ده دئدیم کی، بوتون هفته اونوئورستئده یه. نه واخت فورصت تاپسام، اؤزوم اونلارا باش چکه جه یه. بوتون بو تدبیرلردن سونرا اگر کیمسه بیزه گلسه ده، شهریزادی قوناق اوتاغینا سالیب، قاپینی قیفلایاردیق. دئیردیک کی، آپاری ایتیرمیشیک، اوتاغا گیره بیلمیریک. بئله لیکله، شهریزاد یانیمیزدا قالدی. چالیشیردی ائو ایشلرینده منه کؤمک ائله سین. اما ائو ایشلری بارده هئچ بیر آنالایشی یوخ ایدی. اؤزو باجاریق سیزلیغینا گولوردو. اما اوشاقلارلا یاخشی آنلاشیردی. دئمک اولار کی، مسعودون بوتون ایشلرینی هوسله او ائلییردی. آخشاملار سیامک مکتبدن گلنده اونون درسلى ایله مشغول اولوردو. درس سوروشوردو، دیکته ائدیردی. من ده راحتجا اونوئورستته، سوروجولوک کورسارینا گئدیردیم. اونلار فیکیرلشیردیلر کی، اگر سوروجولوک اؤیره نسه، بلکه گره ک اولاندا کؤمک ائده بیلرم. حمیده موقتى وئریلهن ماشین حیطده، چادیرین آلتیندا ایدی. حمیدله شهریزاد بو ماشیندان ایستیفاده ائده بیلمیردیلر. مسعود شهریزاددان آیریلمیردی. شهریزاد اوچون بیر ائو رسمی چکمیشدی. شهریزادا دئمیشدی کی، بو، منیمله سنین ائویندیر. من بؤیویه نه ده بئله بیر ائو دوزلدجه م و سنینله ائوله نه جه یه. بیر یئرده

یاشایاریق. شهریزاد همین رسمی دیوارا یاپیشدیرمیشدی. مسعود مننه گزیه گئنده اؤزو سئودی یئمکلردن شهریزادا دا آلیردی. او فصیل حیطده آرتیق گول قالمامیشدی، اما او، بیر دؤنه تیکانلارلا دولو بیر گول کولو تاپیب، ایکى -اوج قۇنچه قیرا بيلمیشدی. گوللری گتیریب قانلی اللری ایله شهرى بییییه تقدیم ائلهدی. شهریزاد همین گوللری چوخ قیمتلی بیر شئی کیمی ساخلاییردی. اونولا بیر ائوده یاشادیغیمیز مودتده شهریزادین اینسانی خصوصیتلرینی چوخ یاخیندان تانیدیم. چوخ ساده قادین ایدی. گۆزل اولماسا دا، چوخ جاذیبه دار و اوریه یاتان ایدی. بیر دؤنه حمامدان چیخان دان سونرا مندن ساچلارینی کسمیمی خواهیش ائلهدی. کسندن سونرا دئدیم، قوی ساچلارینی فنله ییم. اعتراض ائتمهدی. ساچلارینی قورولادیغیم مودتده ساکیتجه دوروب باخدی. مسعود دا دایانیب اونا باخیردی. او، گۆزل لیگی چوخ سئویردی. قادینلارین بزمنیندن خوشو گلیردی. نه واخت دوداقلاریم پومادا چکیردیمسه، مطلق تعریفلی بیر سۆز دئیردی. اما اؤزو قیرمیزی پومادانی چوخ سئویردی. ائله کی ایشیم قورتاریدی، مسعود بیر پومادا گۆتوروب دئدی: شهرى بییی، بوندان وور. شهریزاد تعجبله منه باخدی. دئدیم: وور، نه اولاجاق کی؟ یوخ، اوتانیرام. کیمدن؟ منیمله مسعوددان؟ نییه اوتانیرسان کی؟ بيلمیرم. عاییب دئیل، اما منیم اوچون پیسیدی. بیر آز یونگول حرکتدی. بو نه سۆزدو؟ بیهم بو واختا قدر هئچ بزمنه میسن؟ جاوان اولاندا بزنیردیم. یاخشی دا یاراشیردی. اما نئچه ایللردیر کی... مسعود یئنه ده ایصرارلا دئدی: بییی، وور. اگر باجارمیرسانسا، قوی من ووروم. پومادانی گۆتوروب اونون دوداقلارینا باخدی. اوزاق دان دوروب باخدی. سونرا ال چالا -چالا گولوب دئدی: بییی، نه گۆزل اولدون. سونرا قوجاغینا آتلا نیب، برک -برک اونون یاناغیندان اؤپدو. شهریزادلا خیلی گولدوک. بیردن شهریزاد سوستالیدی. مسعودو یئر قویدو. مظلوم -مظلوم دئدی: سنه پاخیلیغیم توتور. سن چوخ خوشبخت قادینسان. کیمه؟ منه؟ سن منه پاخیلیق ائدیرسن؟ هه. بلکه بیرنجی دؤنه دیر، بئله فیکیرلشیرم. یقین، زارافات ائدیرسن. اصلینده، من سنه حسد آپاریرام. همیشه سنین کیمی اولماق ایستمیشم. سن چوخ فرقلی بیر قادینسان. بو قدر ساوادین، قرار وئرمک باجاریغین وار. همیشه فیکیرلشیرم کی، حمید سنین کیمی بیر قادینی آرزولاییب. یوخ! یقین، زارافات ائدیرسن. من اؤزومو هئچ سنه پاخیلیق ائدجک سوییه ده ده گۆرمورم. نه دانیشیرسان؟ من هئچ کیمه م. سن مندن هم یاخشی، هم کامل سن. خانیم -خاتین سان. سئومله و یاخشی بیر یاشاییش یولداشی. مئهریبان و قانا جاقلی آنا. عایبله نه گۆره فداکارلیق ائله یه بیلیرسن... او کؤکسونو اؤتوروب آیاغا دوردو. حیس ائدیم کی، چوخداریخیر. بیلدیم کی، یولداشی ایله گۆروشمه یی آرزولاییر. سوروشدوم: مئهدی بی دن نه خبر وار؟ چوخدان دیر کی، گۆرمورسن اونو؟ هه، چوخدان دیر. تخمیناً ایکى آیدیر. بورا

گلمه میشدن ایکی هفته قاباق مجبور اولوب هرهمیز بیر طرفه قاچدیق. اوندان خبرین وار؟ هه، یازیق حمید تتر -تتر سۆزلریمیزی بیر -بیریمیزه چاتدیریر. نییه بیر گئجه، گئجه یاریسی بورا گلمیر کی، بیر -بیرینیزی گۆرسینیز؟ تهلوکه لی دیر. گرک احتیاطلی اولاق. حمید دئییر کی، سیزین بیرگه حیاتی یز تشکیلاتین فرمانی ایدی. اما من اینانمیرام. نییه؟ چونکی سیز ار -آرواد کیمی بیر -بیرینیزی سؤیرسینیز. بو، همکارلیق موناسیبتی دئییل. هارادان بیلیرسن؟ چونکی من قادینام. سؤگینی تانییرام. حیس ائدیرم. سیز او قادینلاردان دئییلینیز کی، سؤمدینیز آداملا بیر یاتاغا گیره سینیز. دوزدور، من همیشه اونو سؤمیشم. بیر -بیرینیزی تشکیلاتی ایشلرده تانییمیز... باغیشلاین. بو سورونو وئرمه میش اولوم! یوخ! سورون دئییل. بیلیرسن، منیم یولداشیم یوخ ایدی کی، اونولا دردلریمی بؤلوشوم. البته، بعضی آداملار واریدی، اونلاری همیشه دینلییردیم. اما اؤزوم باره ده هئچ نه دانیشمیردیم. سن ایلک آدام سان کی، اؤزوم باره ده نسه دانیشا بیلیرم. منیم ده بیرجه یولداشیم وار ایدی. اونو بیر نئچه ایل اول ایتیردیم. بیزیم بیر -بیریمیزه چوخ احتیاجیمیز وار. سندن چوخ منیم احتیاجیم وار. چونکی سنین، هئچ اولماسا، عایله ن وار، اطرافین دا آداملار وار، اونلارلا دانیشا بیلیرسن. من ده هئچ بونلار دا یوخدور. بیلیرسن، نه قدر داریخمیشام. قوهوملاردان، باجی -قارداشدان اؤترو. ساده سۆزلر ائشیتیمک، گونده لیک ایشلر گۆرمک ایستیرم. نه قدر سیاست دن، فلسفه دن دانیشماق اولار؟ هر دن فیکیرلشیرم، ائویمیز ده نه باش وئیر؟ گۆروره م کی، قوهوملارین بعضیلرینین آدینی دا اونوتموشام. یقین، اونلار دا منی اونودوبلار. من آرتیق هئچ بیر ائوین عضوو دئییلیم. مگر سیز بوتون خالقین، دنیا زحمتکشلرینین عایله سینه عایید دئییلینیز؟ گولدو: سن ده یاخشی اؤیره نمپسن ها. اما من اؤز عایله مدن اؤترو چوخ داریخمیشام. یاخشی، ایندی سن مندن نه سوروشدو؟ سوروشدوم کی، سیز بیر -بیرینیزله هارادا تانیش اولدونوز؟ اونیوئرسئتده. مئهدی ایکی کورس مندن یوخاریدا اوخویوردو. یاخشی درک ائتمه و ایداره ائتمه باجاریغی واریدی. هامی اونو قبول ائدیردی. ائله کی بوتون او داغیدیلان اعلانلارین و یا یاتاقخانادا یازیلان شوعلارلارین اونون ایشی ولدوغونو بیلدیم، او، منیم اوچون بیر قهرمان اولدو. یعنی او واختا کیمی سن سیاست حاق دا فیکیرلشمیردین؟ فیکیرلشیردیم. نئجه اولاییلر کی، طلبه اولاسان، آیدین فیکیرلی اولدوغونو ادعا ائده سن و سیاست حاق دا فیکیرلشمه یه سه ن؟ بو حاکمیتله موخالیفت ده اولماق و سولچو اولماق هر طلبه نین بورجو ایدی. حتی صمیمی اعتقادلاری اولمایانلار بئله اؤزلرینی سولچو کیمی گۆستیردیلر. مئهدی کیمی ایدئالیست آدام آز ایدی. او واخت منیم موطالعه م هله چوخ آزیدی. دقیق بیر عقیده م یوخ

ایدی. مئهدی منیم فیکرلریمه، دوشونجه مه فورما وئردی. دیندار عایله دن اولدوغوما باخمایاراق، مارکسین، ائنگل سین و باشقالارینین بوتون کیتابلارینی اوخوموشدوم. چوخدا یاخشی ائتکی ائدیردی. سیزی تشکیلاتا مئهدی چکدی؟

او واخت هله تشکیلات یوخ ایدی. سونرالار تشکیلاتی بیرلیکده یاراتدیق. بلکه او اولماسایدی، من باشقا یولا گئدردیم.

اما بونو بیلیرم کی، هئچ واخت سیاستدن چوخ آیریلمازدیم. نئجه اولدو ائولنمینیز؟ قروپوموز تزه یارانمیشدی. عایله م عنعنه لره چوخ صادق ایدی. چوخ قیزلار کیمی، من ده نه دن سیز ائوده ن چیخا، یا دا گئج قاییدا بیلمازدیم. اوشاقلاردان بیرى دئدی کی، من بوتون واخت قروپوموزون یانیندا اولوم دئییه بیرى ایله ائولنمیییم واجیبیدی. مئهدی ده بو مساله نی تصدیقله دی. ائومیزه ائلچی گلдіلر. بو، سنی سئویندیردی؟ نه دئییم؟ بلکه ده اوربیمین درینلیینده اونا اره گتیمی، دوغرو دان دا، ایسته بیردیم. او واختلار هله جاوان و رومانئیک ایدیم. آخماق بورژوا ادبیاتینین ائتکی آلتیندا ایدیم. بوز باغلامیش بیر قیش گئجه سینده بوتون تهلوکه لره باخمایاراق، گئجه ساعات بیرده مئهدی بیزه گلدی. حمید کیتاب اوخویوردو، من تزه یوخوا گتمیشدیم. قاپنینن آچیلدیغینی ائشیدیب یئریمدن قالخدیم. حمیده دئدیم: ائشیتدین؟ قاپی سسی ایدی. بیر نفر قاپینی آچدی. گئت. بیزه دخلی یوخدور. یعنی سنین خبرین وار؟ کیمسه گلمه لی ایدی؟ هه، ائوینن آچارینی مئهدیه وئرمیشدیم کی، گل سین. اؤزون دئمیردین کی، تهلوکه لی دیر؟ نئچه واخت دیر، ایزینی ایتیریلر. بیز ده چوخ احتیاطلا داورانیریق. شهریزادلا ایشی واردی. ایشلرینه گؤره گرک بیریریلری ایله دانیشالار. سونرا قرارلاشارلار. من داها اونلارین سؤزلرینی بیر -بیرلرینه آپاریب گتیره بیلیمدیم. مجبور اولدوم کی، بیر گؤروش تشکیل ائله ییم. گولمه ییم توتدو. بو نئجه جوتلوکدور؟ بیر بیرینی گؤرمک اوچون داریخدیقلارینی یوخ، سیاسی مسئله لری بهانه گتیریلر. دوشونوردوک کی، مئهدی سحر آچیلان کیمی گتسین. اما گتته دی. حمید دئدی کی، هله صؤحتلری قورتارما ییب. من گولدوم و ایشیمله مشغول اولدوم. آخشام حمید قاییداندان سونرا اوچ نفر ساعاتلارلا اوتاقدان صؤحت ائتدی. شهریزادین اوزونده گول آچمیشدی. چوخ سئوینجلی و ائنئری لی ایدی. اما منیمله گؤز-گؤزه گلماق دن چکینیردی. یئنی یئتمه قیز کیمی اوتانیردی. مئهدی اوچ گون بیزده قالدی. دؤردونجو گئجه گلدی کیمی ساکیتجه چیخیب گئتدی. بیلیم، سونرا دا بیر -بیرلری ایله گؤروشه بیلدیلرمی، یا یوخ؟ اما امینه م کی، او نئچه گون اونلارین یاشایشلاریندا ان شیرین چاغلار ایدی. مسعود دا اونلارین یانینا آیاق آچمیشدی. مئهدین قوجاغین دان شهریزادین قوجاغینا گئدیردی. بوتون شیرینلینی، باجارینی ایشه سالیب اونلاری گولدوروردو. حتی بیر دؤنه شوشه نین آرخاسیندان گؤردوم کی، مئهدی مسعودو بئلینده اوتوردوب اوتاغین دؤوره سینده

دولانديرير. منه چوخ قرييه گليردي. هئج واخت فيکيرلشمزدیم کی، بو قدر جدی آدام اوشاقلارلا بئله ایلگی قورا بیلر. او باغلی اوتاقدان سولچولار اؤزلری اولوردولار. مئهدی گئندن سونرا شهریزاد ایکی -اوچ گون حؤوصلهدن چیخدی. ائله هئی کیتاب اوخویوردو. بیزیم بوتون کیتابلاریمیزی اوخوموشدو. فوروغون شعیر کیتابینی بالیشینین آلتینا قویوردو. مارت آیینین اوللری ایدی. منه دئدی کی، اونا بیر نئچه دنه کؤینک، شالوار، بیر بؤیوک چانتا آلیم. هر آلدیغیم قادین چانتاسینا باخیب: بالاجادیر، دئییردی. آخیردا دؤزمه ییب: سنه چانتا آلیم، یوخسا چامادان؟ دئییه سوروشدوم. آی ساغ اول. بیر چامادان آل چوخ بؤیوک اولماسین. آداملارین باخیشینی جلب ائتمه سین، ایچینه ده هر شئییم یئرلشسین. اوریمده دوشوندوم کی، اونون سلاحی دا وار. بونو بیرینجی گوندن بیلیردیم. بوتون بو واخت عرضینده دهشتله دوشوندوم کی، بیرده ن اوشاقلار اونون سلاحینی تاپارلار. شهریزاد یاواش -یاواش گئتمه یه حاضیرلاشیردی. اما اونا قرار گرک ایدی. او قرار نووروز بایرامینا آز قالمیش چاتدی. کؤهنه پالتار و چانتاسینی بیزده قویوب، منه تاپشیردی کی، بونلاری آتیم. قالان شئیرینی تزه چانتایا قویدو. مسعودون رسمی نی ده چانتانین ایچینه، سلاحین یانینا قویدو. قرییه حالدا ایدی. ائوده قالماقدان، گیزلی و حرکتسیز یاشاماقدان چوخ یورولموشدو. هاوایا چیخماغی آرزولاییردی. اما ایندی گئتمک واختی چاتمیشدی دئییه چوخ کدرلی گؤرونوردو. ائله هئی مسعودو قوجاقلا ییب دئییردی: بوندان نئجه آیریلیم؟ دولموش گؤزلرینی اونون ساچلاریندا گیزلدیردی. مسعود اونون تئزلیکله گئدجینی حیس ائتمیشدی. هر گئجه یاتماق واختی و یا ائوده چایخاندان اوندان سؤز آیردی کی، او گلنه قدر ائوده گئتمه سین. هر فورصتده سوروشوردو: بیلیرم، صاباح سحر من دوراندا سن گئتمیش اولاجاقسان. گئجه ساعات بیرین یاریسیندا شهریزاد ائوده چوخ ایدی. او گئدن کیمی اوریم داریخدی. یئرینی بوش گؤردوم. ساغوللاشاندا منی قوجاقلا ییب دئدی: هر شئییه گؤره چوخ ساغ اول. مسعودمو سنه تاپشیریرام. موغایات اول، او چوخ حساس دیر. اونون گلجیندن نیگارنام. سونرا اوزونو حمیده توتوب دئدی: سن خوشبخت کیشی سن. بو یاشاییشین قدرینی بیل. یاخشی خانیمین، سئومه لی اوشاقلارین وار. ایسته میرم بو ائوین، عایله نین ساکیتلیگی پوزولسون. حمید تعجبله اونا باخیب دئدی: باشا دوشورسن، نه دئییرسن؟ باشینی بوراخ، گل گئدک. گئجده داها. سحری گون اوتاغی تمیزله یه نده اونون یاتاغینین کناریندا فوروغون شعیر کیتابینی گؤردوم. صحیفه لرین بیرینین آراسینا قلم قویوب، ایکی سطرین آلتیندان خط چکمیشدی: هانسی داغ، هانسی اوجالیق؟ منه یول گؤسترین، ائی مودریک، ساده قادینلار... اؤزومله باجارا بیلمه ییب آغلادیم. مسعود قاپنین کناریندان کدرله باخیب دئدی: او گئتدی؟ هه، اوغولم. آخی او، آخیردا اؤز ائوینه گئتمه لی ایدی. مسعود باشینی

چینیمه قویوب آغلاماغا باشلادی. او هئج واخت شهری بیی سینی اونوتمادی. حتی ایللر سونرا، گنج اوغلان اولاندا دا دئییردی: هله ده یوخودا اونا دوزلیدییم ائوی گۆرورهم. گۆرورهم کی، اونولا بیر یئرده یاشاییریق. شهریزاد گئندن سونرا من اؤزومو ایش - گوجه وئرمیشدیم. بایرام آخشامی ائو تمیزلهمک، ائوه گره ک اولانلاری آلماق، اوشاقلارا بایرام پالتارلاری، تزه ملفه لر تیکمک، اوتاقلارین پرده لرینی دییشمک... بو ایل بایرامین اوشاقلار اوچون چوخ هیجانلی اولماسینی ایسته ییردیم. بوتون عادتلی یئرینه یئتیرمک ایسته ییردیم. بو بایرامین اوشاقلاریم یاخشی بیر خاطره قالماسینی ایسته ییردیم. سیامک گۆیرتدییم سمنی لری سولاییردی. مسعود یومورتالاری رنگلییردی. حمید گولوب دئییردی: بو ندی؟ نییه اؤزونه بو قدر اذیت وئیرسن؟ اما بیلیردیم کی، اورینین درینلینده او دا هیجانلی دیر. بایرامین گلمه یینه سئوینیردی. بوش واختین چوخونو بیزیمله کئچیره - کئچیره معیشته دوغمالاشمیشدی. ایستر - ایستمز مارق گۆستیریردی. بیر نفر کۆمکچی تاپدیم. بوتون ائوی دامدان زیره مییه قدر یویوب - پارلاتدیق. بایرامین قوخوسو هر یئری بوروموشدو. او ایل بیر عایله کیمی بایرام گۆرولشرینه گئتدیک. بوتون نووروز پروقراملاریندا ایشتیراک ائتدیک.

حتی بایرامین اون اوچونجو گونو مراسیمینی ده شهردن کناردا حمیدین عایله سی ایله کئچیردیک. بو یاخشی تعطیل دن سونرا من هوسله درسلیرم و سیامکین سیناوالاری ایله مشغول اولدوم. حمید ائوده داها چوخ زنگ گۆزلییردی. عصبی و دیلخوریدی. اما الیندن باشقا هئج نه گلمیردی. من ده اونون ائوده چوخ اولماغیندان راضی ایدیم. او ایل سیناوالار قورتاریب، یای گلن کیمی اوشاقلار اوچون استراحتات پروقرامی دوشوندوم. ایسته ییردیم بوتون یایی بیر یئرده اولاق. سۆز وئرمیشدیم - مادام کی سوروجولوک وثیقه می آلمیشام، هر گون اورتادان سونرا اوشاقلاری کینویا، پارکا، قوناقلیغا، یا باشقا ایله نجه لی یئرلره آپاریم. اوشاقلار شاد و سئوینجلی ایدیلر. منیم ده ایچیمده درین بیر راضیلیق حسی وار ایدی.

همین آخشام اوشاقلاری پارک دان قایتاراندا یولدان قزئت، چۆرک و بیر آز باشقا شئیلر آلدیم. حمید هله ائوه گلمه میشدی. آلیش - وئریشیمی یئره یئر ائدی قزئتین اوستونده چۆرکلری کسمکله مشغول ایدیم. قزئتده بیر یازی دقتیمی جلب ائله دی. تنز چۆره یی کنارا چکدیم. کلمه لر خنجر کیمی گۆزومه باتیردی. معناسینی یاخشی باشا دوشموردوم. ائلکتریک وورموش کیمی یئریمده قورو یوب تیتیرییردیم. قزئت دن گۆزومو چکه بیلیردیم. بئینیمده توفان باشلامیشدی. اوشاقلار حالیمی گۆروب منه طرف گلدیلر. سۆزلرینی آنلامیردیم. بو واخت قاپی قفیل آچیلدی. حمید تلسیک ایچری گیردی. باخیشلاریمیز توققوشدو. خبر دوزیدی. سۆزه احتیاج یوخ ایدی. حمید ایکی دیزینی یئره آتیب، آیاقلارینی یومروقلا دی: یوخ!

اونون حالی او قدر پیس ایدی کی، من اؤزومو اونوتدوم. اوشاقلار قورخاراق گۆزلرینی بیزه دیکمیشدیلر. اونلاری گوجلہ چؤلہ چیخارتدیم. آرخالارینا باخا -باخا چیخدیلار. حمیده طرف گتتدیم. اوشاق کیمی باشینی سینمه قویوب برکدن آغلادی: نییه؟! نییه منه دئمهدیلر؟ نییه منه خبر وئرمهدیلر؟ ایکیمیز ده آغلادیق. بیر آزدان حمید ققیلدن ائله بیل اؤزونه گلدی. اوزونو یویوب دلی کیمی چؤلہ آتیلدی. اونون قارشیسینی آلا بیلیمردیم. تکجه: اؤزون دن موغایات اول! دئیہ بیلدیم. هامینی ایزله یه بیلرلر. احتیاطلی اول. قزتی یئیندن اوخودوم. بیر پارتیزان حرکاتین دا شهریزاد بیر نئچه آداملا محاصره یه دوشموشدو. ساواکین الینه دوشمه مک اوچون اللرین ده اولان قومبارا ایله اؤزلرینی پارتلاتمیش دیلار. قزتی گیزلتدیم کی، سیامک گۆرمه سین. گئجه یاریسی حمید یورغون، امیدسیز، عاجسیز قاییتدی. پالتارلی پالتارلی اؤزونو یاتاغا آتدی. دئدی: هر شئی بیر -بیرینه دییب. بوتون ایلگی واسطه لریمیز کسلیب. اما اونلاردا سنین تئلفونون وار. گره ک اولسا، زنگ ائدرلر. بس نییه بو مودتده زنگ ائتمهدیلر؟ بیر آی کئچیب، هئچ بیر ایلگی ساخالاماییلار. عملیاتدان دا خبریم اولماییب. من ده اورادا اولمالیدیم. بو ایشه ان چوخ او یغون اولان من ایدیم. نئچه واخت ایدی، مشق ائدیردیم. بیلیم، نییه منی کنارلاشدیردیلار ؟ باشا دوشموره م، نه اولوب؟ بلکه من یانلاریندا اولسایدیم، بئله اولمازدی... یعنی سن اونلاری محاصره یه آلان او قدر حربچی ایله ساواشاجاقدین و هامینی قورتاراجاقدین؟ اگر سن ده اورادا اولسایدین، سن ده اؤلردین. اما اؤز -اؤزومه فیکیرلشدیم کی، دوغرودان، نییه اونا خبر ائتمه ییلر؟ بو شهریزادین ایشی اولماسین؟ حمیدی اونا گۆره کناردا ساخلایب کی، اونی و عایله سینى قوروسون؟ ایکى -اوچ هفته کئچمیشدی. حمید یوخوسوز، عصبی ایدی، دورمادان سیقارئت چکیردی. تئلفونون هر زنگینه یئریندن آتیلیردی. اؤزونو اودا -کۆزه ووروردو کی، اساس رهبرلردن بیرینی، یا دا مئهدینی تاپسین. اما هئچ بیر ایپ اوجو یوخ ایدی. هر گون بیر قروپون توتولماسی خبری یاییلیردی. حمید دامین یولونو و باشقا گیزلی یوللاری بیر ده نظردن کئچیرتدی. شیرکتی، چاپخانانی دا تمیزله دی. هاوادا نسه بیر تهلوکه واریدی. اما هله ده بیر خبر یوخ ایدی. بیر گون حمیده دئدیم: یقین، هامی گیزلنوب. بلکه ده گئدیبلر. گل سن ده هاراسا گئت. هر شئی ساکیتلشه نندن سونرا قاییدارسان. هله سنی هئچ کیم تانیمیر. اؤلکه دن چیخا بیلرسن. من هئچ واخت خارجه گئتمرم. هئچ اولماسا باشقا شهره گئت. بیر مودت اوزاق یئرده قال. بو سس -کوی ساکیتلشسین. من بو ائوین تئلفونوندان و شیرکتدن هئچ یئره ترپهنمه یه جه یه م. هر آن منیمله ایشلری اولا بیلر. چالی شیردیم یاشاییشیمیزی همیشکی حالینا قایتاریم. اما روحوم یاسا باتمیش دی. حمیدین تهلوکسیزلییندن و اؤز یاشاییشیمیزدان نیگاران ایدیم. شهریزادین اوزو، نئچه آیدا بیر یئرده

کئچیردیمیز خاطرلر بیر آن فیکریمدن چیخمیردی. او گونون سحریسی سیامک قزئی تاپمیش، داما آپاریب اوخوموشدو. من مطبخده ایدیم، سیامک رنگ -روفو آغارمیش، الینده قزئی گلیب قارشیمدا دوردو. اونا طرف گئدیپ سوروشدوم: اوخودون؟ باشینی اتیمه قویوب آغلادی. دئدیم: احتیاطلی اول. مسعود بیلمه سین. اما مسعود ایلک دقیقه لردن بیلیمیشدی. کدرلی ایدی، اؤزونه قاپانمیشدی. بیر کونجده اوتوروردو. داها شهر ییبی سینه هئج نه دوزلمه دی، اونون اوچون رسم چکمه دی. حتی اونو سوروشموردو. چالیشیردی اونون آدینی چکمه سین. بیر مودت سونرا گۆردوم کی، او، رسملرینده قارا رنگلرله قریه شکیلر چکیر. او رنگلر و تصویرلری هئج واخت قاباقجاندان اونون ایشلرینده گۆرممیشدیم. هئج بیر شئی دن بحث ائتمیردی بو شکیلر. اونون بو کدری حضم ائتمه یی اوزون چکدی. اما هئج واخت اونوتمادی. قورخوردوم کی، او دانشمایان کدر اونون بیر پارچاسینا چئوریله. او گولمک، سؤمک اوچون یارانمیشدی. اما نیله یه بیلردیم؟ تاسسوف کی، اوشاقلاریمی بو اوزونتولو تجروبه لردن قورویا بیلیمیردیم. بو آجی گئرچکلیکلرله چوخ تئز اوز -اوزه گلدیله. بو دا اونلارین بؤیومیین بیر قیسمی ایدی. حمیدین وضعیتی اوشاقلاردان دا پیس ایدی. باشینی ایتیرمیشدی، اؤز چئوره سینده چابالا بیردی. بعضی واخت گونلرله ایتیردی. قاییداندا ائینی پیس وضعیتده اولوردو. بیلیردیم کی، ایستدینه چاتما ییب. آخیرینجی دؤنه بیر هفته بیزی خبرسیز قویدو. حتی ائوه ده گلمه دی. زنگ ائدیپ اونولا ایلگی ساخلا ییب -ساخلامادیغینی دا سوروشمادی. گونلریم ایضطیراب و قورخو ایله کئچیردی. شهرزاد اؤلن دن سونرا قزئی آلمیردیم، قورخوردوم، اما چاره م یوخ ایدی. هر گون سحر تئزدن قزئی کؤشکونه گئدیپ، قزئین گلمه یینی گۆزلییردیم. قورخویلا قزئی آچیردیم. ائله کی گۆروردوم خبر یوخدور، ساکیتلشیردیم. ائوه قاییدیردیم. اصلینده، قزئی خبر توتماق دان اؤترو آلمیردیم. ایستمیردیم. خبرسیزلیکدن امین اولماق ایسته بیردیم. یایین اورتا آیی ایدی. آخیر کی، قزئیده ایستمدیم خبری گۆردوم. قزئی دسته سینی آچماغا ماجال تاپمامیشدیله کی، بیرینجی صحیفه ده کی ایری و قارا حرفلر منی یئره میخلادی. آیاقلاریم تیتیریردی. نفسیم کسلیلردی قزئی آلیب، اؤزومو ائوه نجه چاتدیرماغیم یادیم گلمیر. تلسیک پیلله لرله یوخاری چیخدیم. قاپینی آرخامجا باغلادیم. قزئی آچدیم. اوریم آغزیم گلیردی. خبر بیر تئروور تشکیلاتین داغیلماغین دان ایدی: «عزیز اؤلکه میز بو خایین عونسورلردن تمیزلنوب». آدلار گۆزومون قاباغیندا سیرایلا یازیلیمیشدی. اون نفرین آدی واریدی. بعضیلرینی تانیمیردیم. اما مئهدنین آدی خصوصیه قئید اولونوموشدو. آدلاری بیر ده اوخودوم. حمیدین آدی یوخ ایدی. آز قالا اؤزومدن گئدجکدیم. نه حیس ائتدیم یی بیلیمیردیم، اوریمده بیر اومید واریدی. آدلارین آراسیندا حمیدین آدی یوخ ایدی.

یقین، هله ده ساغدی. بلکه قاچیب، بلکه هله تانیمايیب. ائوه قاییدا بيله جک. الله، سنه چوخ شوکور! اما بیردن توتولسا؟ باشیمی ایتیرمیشدیم. اومیدسیز حالدا شیرکته، چاپخانا یا زنگ ائتدیم، اما جاواب وئرمه دیلر. ایش واختین قورتارماغینا هله بیر ساعات قالمیشدی. حیس ائدیردیم کی، بو ایضطیرابلار، نیگارانچیلیقدان دلی اولاجام. بئلهجه، ایکی گون کئچدی. دلی کیمی ایشلییردیم کی، باشیم قاریشسین. بیر گئجه تزهجه یوخولامیشدیم. گۆزلریمی اوندا آچدیم کی، ائوین ایچینده بیر دسته آدم وار. سیامک دهشتله منه طرف قاچدی. بیر نفر قیشقیران مسعودو قوجاغیما آتدی. عسگرلرین بیرى سلاحینی اوچوموزه طرف توتوموشدو. بیز یاتاغین اوستونده تیتیریردیک. بیلیم، نئچه نفر ایدیلر. ائوین هر طرفینی بوروموشدولر. اللرینه کئچهن هر شئی اوتاغین اورتاسینا آتیردیلار. آشاغیدان ننهین قورخموش سسی گلیردی. ایشکافلاردا، مطبخده، کیتابخانادا، چامادانلاردا نه واردیسا، هامیسینی یئره تۆکوموشدولر. یورغانلاری، دۆشکلری بیچاقلا جیریدیلار. بیلیمیردیم، نه آختاریرلار. اؤز -اؤزومه دئییردیم: حمید ساغ دیر! هله توتولمايیب. بونا گۆره بورا گلیب اونو آختاریرلار. بلکه ده توتوبلار، ایندی کیتابلاری، سندلری دلیل کیمی ییغیرلار. بیزیم ائوین عونوانینی اونلار کیم وئریب؟ آغلیمدا هر شئی بیر بیرینه قاریشمیشدی. مسعود اؤزونو منه سیخیب اونلار باخیردی. سیامکین الینی توتدوم. بوز کیمی سویوق ایدی. گیزی تیتیرتمه سی واریدی. اوزونه باخدیم. باش وئره نلره دقت کسیلمیشدی. اونلارین بوتون حرکتلرینی ایزلییردی. اما اونون باخیشیندان قورخودان ساوایی هئچ نه یوخ ایدی. و بو، منی قورخودوردو. دوققوز یاشلی اوغلانین گۆزلریندن کین، نیفرت فیشقیریردی. او گئجه سیامکین گۆزلرینده کی ایفاده عؤمروم بویو یادیمدان چیخما دی. بیردن ننه یادیمدا دوشدو. اؤز -اؤزومه دئدیم: «نه واخت دیر سسی گلیمیر. بیردن اؤلر؟ گۆره سهن، باشینا نه گلیب؟» بیزی چارپاییدان قالدیردیلار. یورغان -دۆشیی آختاردیلار. دۆشیی بیچاقلا جیریدیلار. یئنه ده امر ائتدیلر کی، اورادا اوتوراق. گون تزه چیخمیشدی کی، اونلار بیر قدر دفتر، کیتاب، کاغیذلا ائویمیزی ترک ائتدیلر. یاریم ساعات ایدی، مسعود یوخولامیشدی. اما سیامک رنگ -رؤفو آغارمیش حالدا ساکیت اوتورموشدو. بیرآزدان جورات لنیب، ساکیتجه چارپاییدان قالدیم. هله ده فیکیرلشیردیم کی، اونلاردان بیرى ائوده دیر، گیزلینجه بیزه باخیر. سیامک آرخامجا گلدی. قاپینی آچدیم. حیطة چیخدیم. هئچ کیم یوخ ایدی. تلسیک پیله لری ائیب، ننهین اوتاغینا قاچدیم. قاپیلار آچیق ایدی. ننه یاتاغین بیر طرفینه دوشموشدو. دوشوندم کی، اؤلوب. اما یانینا چاتاندا گۆردوم کی، هله چتین لیکله نفس آلیر. بیر ایستکان سو گتیردیم، آغزینا تۆکمه یه چالیشدیم. آرخاسینا ایکی بالیش قویدوم کی، اونلار سۆیکه نسین. داها نسه گیزلتمه یه یئر قالمامیشدی. بیر سیرر قالمامیشدی کی، اونون آچیلماغیندان

قورخوم. تئلفونو گۆتوروب حمیدین آتاسینین ائوینه زنگ ائتدیم. آتاسی چالیشیردی ساکیتلیینی قوروسون. اما حیس ائتدیم کی، بو خبر چوخدا گۆزلیلمز اولماییب. ائله بیل او، بونو چوخدان گۆزله بیردی. هر یئرله باش چکدیم. ائوین هر یئری بیر - بیرینه دیمیشدی. فیکیرلشیردیم کی، هئج نه یئیندن یئرینی تاپمایاجاق. ائویم ایشغال ائدیلیمیش، دوشمه نین ده ترک ائتدی اۆلکه یه اوخشیایردی. هئج نه اۆز یئرینده دئییلدی. گۆره سەن، بوندان سونرا نئجه اولاجاقدی؟ ننه نین اوتاقلاریندا اشیالار بیر - بیرینین اوستونه ییغیلیمیشدی. تعجبله دئدیم: بو قدر گره کسیر شئیرلر نئجه بو ایکی اوتاقدا یئرله شیب؟ کۆهنه پردلر، ماسا اۆرتوکلری، کۆهنه تیرمه لر، پارچا قالیقلاری. سارالمیش کۆهنه چنگلر، سینیق کاسالار. دوغرودان، ننه بو قدر شئی نییه ساخلامیشدی؟ بونلارین هر بیرینین ایچینده یاشاییشینین هانسی طرفینی آختاریردی؟ زیرزمیده سینمیش کورسولر، قیریلیمیش سود، شربت شوشه لری یئرله داغیلیمیشدی، بیرتیلیمیش دویو کیسه لریندن بالاجا تپه عمله گلیمیشدی. حمیدین آتا - آتاسی ائوه گیرهن ده گۆزلیرنه اینانمادی. آتاسی ائوین حالی نی گۆره ن ده چیغیریب آغلاماغا باشلادی: اوشاغیمین باشینا نه گلیب؟! حمید هارادادی؟! مات - مات باخیردیم. آغلاماق دا اولاردی. اما من بوز کیمی دونموشدوم. ائله بیل فاجعه نین درینلیینی بیلیمک ایسته میردیم. قاییناتام تئز ننه نی ماشینا قویدو. قاینانامی دا زورلا ماشینا آپاردی. کۆمک، یا تسلیی اوچون گوجوم یوخ ایدی. بده نیم سوستآلمیشدی. بیر یئرده اوتورا بیلیمیردیم. بیلیمیرم، نه قدر چکدی، سونرا حمیدین آتاسی قاییتدی. سیامکی قوجاقلاییب آغلادی. من ائله باخیردیم، ائله بیل اونونلا آرامدا کیلومترلرله مسافه واریدی. بیردن مسعود قورخو ایچینده چیغیردی. تلسیک پیلله لر طرف قاچدیم. اونو قوجاغیما آلدیم. تردن ایسلانمیشدی، تیتیریردی. دئدیم: هئج نه اولماییب، اوغلو، قورخما. قاییناتام دئدی: اشیالارینی ییغ، گئدک، بیر - ایکی گون بیزده قالارسینیز. یوخ، ساغ اولون. بورادا داها راحتام. بورادا قالا بیلمزسینیز. ایندی چوخ تهلوکه لی دیر. یوخ، قالارام. بلکه حمیددن بیر خبر اولدو. بلکه منه احتیاجی اولدو. باشینی تریدیب قیتله دئدی: یوخ! احتیاج یوخدور. هر شئی ییغیشدیر، گئدک. اگر آتان ائوی سنه داها راحت اولاجقسا، سنی اورا آپاریم وندا. ایندی بیزیم ائویمیز ده چوخ آرخایین یئر دئییل. بیلدیم کی، اونون چوخ شئی دن خبری وار. اما سوروشماغا جورت ائتمیردیم. بیلیمک ایسته میردیم. بیر چانتا تاپدیم. اوشاقلارین پالتارلارین دان گۆزومه دیه نلری ایچینه ییغدیم. اۆزومه ده پالتار گۆتوردوم. یاتاق پالتاریمین اوستوندن ناماز چادرامی باشیما اۆرتوب، پیلله لری ائتدیم. حمیدین آتاسی قاپیلاری قیغیلادی. بوتون یولو بیر کلمه دانیشمادیم. حمیدین آتاسی اوشاقلارلا دانیشیردی، چالیشیردی باشلارینی قاتسین. سونرا منه دئدی: قیزیم، بیلیم، قورخموسان، هیجانلانمیشام سیزه چوخ چتین بیر ضربه اولدو. اۆزونه گل. گرک

گوجلو اولاسان. نه واختا کیمی بئله مات و ساکیت اوتوراجاقسان؟ اوشاقلارینین سنه احتیاجی وار. گرک اونلاردان موغایات اولاسان. آخیر کی، دونوم آچیلدی. گۆزلریمین یاشی سئل کیمی آخدی. آغلایاراق سوروشدوم: حمیده نه اولوب؟ آتاسی باشینی ماشینا دایاییب دینمه دی. یئنه سوروشدوم: اؤلوب؟ اؤلوب، ائله دئییل؟! یوخ، قیزیم. ساغدی. بونو بیلیریک.

سیزین اوندان خبرینیز وار. منه ده دئیین. آلاها آند اولسون، هئچ کیمه دئمیه جه یه م. چاپخانادا گیزلنپ، ائله دئییل می؟

یوخ، ایکی گون اول چاپخانادا هر شئی بیر بیرینه ووروب، اورانی دا باغلا ییلار. بس نییه منه خبر ائتمدینیز؟

حمید ده اورادایدی؟ تقریباً... او یاخینلیقلاردا ایدی. یاخشیدی؟ نه دئییم؟ توتولوب. هئچ نه دئییه بیلمدیم. بیر قدر سوسدوم. اؤزوم دن آسیلی اولما یاراق دئدیم: اصلین ده، اؤلکمک ائله بودور. او، حبس دن اؤلومدن بئتر قورخوردو. یوخ، بئله فیکیرلشمه. اومیدین اولسون. الیمدن گلنی ائدجه یه م. دونه دن بری مین یئر گئتمیشه م. بؤیوک لردن نئچه نفرله گؤروشموشه م. بو گون بیر وکیلله ده دانیشمیشام. هامی دئییر، اومیدینیزی ایتیرمیین. سن ده منه کؤمک ائله. ایلگی نی اوزمه. ایندی لیک گرک آلاها شوکور ائدک کی، هله ساغدی. اینشاللا، قالانی دا دوزهلر. آتام ائوینده نئچه گون ایدی کی، اوزوقیلو دوشموشدوم.

خسته دئییلدیم، قیزدیرمام یوخ ایدی، اما او قدر یورغون ایدیم کی، هئچ نه ائده بیلمیردیم. ائله بیل اؤتن آیلا رین نیگاران چیلیغی، اوزوتولری و بو آخیرینجی ضربه بوتون ائثرژی می و گوجومو آلمیشدی. مسعود باشیمین اوستونده اوتوروب منه نوازش گؤستریردی. چالیشیردی منی یئمک یئمیه مجبور ائتسین. سیامک ساکیتجه حو ووضون دؤوره سینده دولانیردی. نه بیر آداملا داوا ائدیردی، نه دجل لیک ائدیردی، نه بیر شئی سین دیریردی، نه ده اوینا ییردی. باخیشلاریندا نسه خوشا گلمز بیر شئی پاریلدا ییردی. اونون بو حالی منی داها دا قورخودوردو. بیر گئجه ده اون اونبئش یاش بؤیوموشدو. عصبی، آجی بیر حالی واریدی. اوچ گوندن سونرا یئریمدن قالخدیم. باشقا چاره م یوخ ایدی حیاتا قاییتمالی ایدیم. اما هله ده چوخ حالسیر ایدیم. محمود تزه خبر توتوب، آرواد اوشاغی ایله گل میشدی. سعادت دورمادان نسه دانیشیردی. اونا قولاق آسماغا حؤوصله م یوخ ایدی. محمود مطبخ ده آناملا صؤحب ائدیردی. بیلیردیم کی، خبر توتماقدان اؤترو گلیب، فاطیمه چایی یئر قویوب یانیمدا اوتورموشدو کی، بیردن سیامکین عصبی چیغیرتیسی گلدی. ائله بیل توفان باشلامیشدی. پنجره یه طرف گئتدیم. سیامکین اوزو پؤرتوب قیزار میشدی. او، نیفرتله ماحمودو سؤیور، اونا داش آتیردی. بیردن قاییدیب قولامعلینی هوووزا ایته لدی. تپیکله حو ووضون قیراغیندا کی گول دانی سیندیردی. بیلمیردیم، اونو نه بو قدر قصب لندیر میشدی، اما اینانیردیم کی، نه دنسیر دئییل. حتی آرخابین ایدیم ان سونوندا، اوچ گوندن سونرا عصب لری نی بئله ساکیتلشدیریردی. بو واخت

علی علینی قالدیریپ دئدی: کۆپک اوغلو، سوس! سیامکین آغزیندان وورماق ایستهدی. دنیا گۆزومده قارالیدی. چیغیریپ دئدیم: علینی آشاغی سال! پنجره دن اؤزومو حیظه آتدیم. علییه طرف آتیلیپ دئدیم: منیم اوشاقلاریمالینی قال دیرسان، سنی تیکه -تیکه ائدره! حیرصیندن تیتره یه ن سیامکی قوجاقلادیم. هامی تعجبله منه باخیردی. علی بیردن اؤزونو ایتیریپ دئدی: من ایسته دیم اونو ساکیتلشدیریم. باخ گۆر نه ائله ییب؟ اوشاغین باشینا نه اویون گتیریپ؟ قولامعلی سویا دوشموش سیپان کیمی آناسینین یانیندا دوروب بورنونو چکیردی. علی اونو گۆستردی: گۆرمه دین نئجه سؤیوردو دای سینا؟ سن ده اوتانمیرسان، بؤیوک قارداشین یو بالاا اوشاغا ساتیرسان؟ دوغرودان دا، سن هئچ واخت آدام اولمایاجاقسان. آتام گلنده ائوده وضعیت ساکیتلشمیشدی. محمودلا آرواد اوشاغی گتتمیشدیله. علی یوخاری مرتبه ده اؤز اوتاغیندا ایدی. آنام آغلائییردی. بیلیمیردی کی، منیم طرفیمی توتسون، یا اوغلانلارین. فاطمه دؤوره مده دولانیپ، اوشاقلارین اشیالارینی بیغماغیما کۆمک ائدیردی. آتام دئدی: نئیلیرسن؟ گنده جه م. اوشاقلاریمی بورادا ازیمه یه قویما یا ج ا م. نه اولوب کی؟ آنام دئدی: نه دئییم، آغا؟ یازیق محمودون اوریی یانیردی، مطبخ ده منیمله دانیشیردی کی، بو اوشاق ائشیتدی. بیلیمیرسن، نه قارا -قیشقیریق سالدی، باجی -قارداشلارین آراسینی ووردو. آتام دئدی: یاخشی، نه اولوب، اولوب. قویمارام او ائوه گنده سن. یوخ، آتا، گنده جه م. اوشاقلار بیر هفته دن سونرا اوخولا گنده جکلر. یاخشی، گنت، اما بو گنجه یوخ، اؤزو ده تک. فاطمه ده منیمله گله جک. به -به، عجب کئشیکچی تاپمیرسان. بوندان بویویو یوخ ایدی؟ یعنی بیر کیشی یوخدور کی، گل سین، سیزه کئشیک چک سین؟ بلکه یئنه گل دیلر؟ اولماز، ایکی قادین اورادا تک قالا بیلمز. صاباح هامیمیز بیر یئرده گئدریک. او، حاقلی ایدی. بو گنجه صبیر ائله مه لی ایدیک. یئمک دن سونرا آتام سیامکی اؤز یانیندا اوتورتدو. اؤز اوشاغی کیمی اونونلا صؤحب ائتمه یه باشلادی. اوندان سوروشدو: یاخشی، اوغلو م، ایندی دوز -عمل لی دانیش گۆرو م، نه اولدو کی، سن بو قدر عصیبلشدین؟ سیامک بوتون صؤحب تی یادیندا ساخلامیشدی. محمودون دانیشیغینی یام سیلادی: اؤزوم ائشیتدیم، ننه یه دئییردی، کۆپک اوغلونو، بو گون صاباح اعدام ائدجکلر. منیم اولدن اونلاردان خوشوم گل میردی. بیلیردیم کی، نسه بیر خراب لیغی وار. پروین خانیم تاپان ائلچی بوندان یاخشی اولماز. نه قدر دئدیم، اونو هاجا غایا وئ رین. دئدینیز، یاشی چوخدور، آروادی وار، دئدینیز کی، الله آدمی دیر، دوکانین دا نه قدر مال وار. بیر کومونیس ت جوجه سینه وئ ردینیز قیزی. یاخشی ائله ییرلر الله سیزا، گرک اونو اعدام ائد ل ر. آتام سیامکین باشینی سینه سینه قویوب، ساچلارینی سیغاللایاراق اؤپدو. دئدی: سن اونا قولاق آسما. بونلارین آغلی چاتمیر. سنین آتان چوخ یاخشی آدم دیر. اوریین راحت اولسون. اونو اعدام ائتمه یه جه کلر. بو

گون بابانلا دانیشدیم. دئدی، وکیل توتوب. اینشاللاه، ایشلر دوزله جک. بوتون گنجه بونو فیکیرلشدیم. حمیدسیز نئجه یاشایاجاقلار؟ اوشاقلارا نه دئیجه؟ نئجه اولاجاق؟ جامعاتین دیلینی آغزینی نئجه باغلا یاجام؟ سحر آتام، پروین خانیم، من و فاطمه ائویمیزه گتدیک. آتام ائوین وضعیتینی گوروب ائتکیلەندی. گئدنده دئدی: دوکانین شاگیردلینی یوللایارام، کۆمک ائدرلر. بو، تک سیزین ایشینیز دئییل. جییندن بیر آز پول دا چیخاریب دئدی: آل. نه واخت احتیاج اولسا، دی. یوخ، آتا، ساغ اول. هله لیک احتیاجیم یوخدور. قفیلدهن یادیم دوشدو کی، حمیدین عایله سینین وضعیت ده یاخشی اولمایاجاق. دوغرودان، من ائوین خرجینی هارادان آلا جاقدیم؟ گۆره سەن، من همیشه لیک آتامدان، یا دا حمیدین آتاسیندان، اؤزگهلردن آسیلی اولاجام؟ یئنە اوریم دؤیونمەیه باشلادی. اؤزومه اورک -دیرک وئردیم. دوشوندوم کی، چاپخانا یئنە ایشه باشلایاجاق. اونون اورادا بیر آز سهمی وار. من، فاطمه، پروین خانیم، اوشاقلار، دوکانین شاگیردلی، آتام و آنام ایشلیدیک. آخیر کی، ائوی اوولکی حالینا قایتاردیق. حمیدین آناسی و باجیلاری نهنین اشیالارینی ییغیدیلار. اونون ائوینی ده ییغیشدیردیلار. نهنی خستخانادان چیخاردیب اونلارین ائوینده یاتیرتمیشدیلار. آباردا اولان هر زیر -زیبیلی تۆکدوم ائشییه. فاطمه گولوب دئییردی: الله ساواکین آتاسینا رحمت ائله سین. اونلار گۆره ائوی یاخشیجا ییغیشدیردین. سونراکی گون گئدیب اوشاقلارین آدینی اوخولا یازدیردیم. مسعود چوخ هوسله بیرینجی سینیفه باشلادی. سیامکین عکسینه، او چالیشیردی کی، منه سورون یاراتماسین. بیرینجی گون مدره سهیه گئدنده باخیشلاریندا بیر قورخو واریدی. اما هئچ نه دئمەدی. ساغوللاشان دا دئدیم:

سن یاخشی اوغلان سان. چوخ تئز دوست تاپاجاقسان. موطلق معلمین ده سنی سئوه جک. دالیمجا گله جک سن؟ البته! من مئهریبان، عزیز اوغلو مو یاددان چیخاردارام؟ یوخ، قورخورام ایتە سن. من ایتەم؟ یوخ، آنام، بؤیوک آداملار ایتمیرلر. ایتیرلر. ایتە دن سونرا دا تاپلمیرلار. گۆردون، شهریزادلا آتام دا ایتدیلر. شهریزادین اؤلومون دن سونرا بیرینجی دؤنه ایدی کی، مسعود اونون آدینی چکیردی. بیلیمیردیم نه دئییم. اونو قوجاغیما آلیب دئدیم: یوخ، اوغلو، آنالار ایتمز. اونلار اوشاقلارینین اینی تانیپارلار. هارادا اولسالار، تاپارلار. یاخشی؟ یاخشی. اما من اولمایان واخت آغلاما ها. یوخ، بالام، آغلامارام. نه واخت آغلامیشام کی؟ همیشه آغلا بیرسان. مطبخده تک اولان کیمی آغلا بیرسان. بو بالاجا اوشاقدان دا هئچ نه یی گیزلتمک اولمور... قهر بوغازیمی توتدو. دئدیم: آغلاماق پیس شئی دئییل. هردن گرە کدیر. آدامین اوریی یونگوللشیر. اما داها آغلامایاجام. اوندان سونرا مسعودلا هئچ بیر سورونیم یوخ ایدی. چالیشمالارینی واختیندا ائدیردی، درسینی اوخویوردو. ائله ائله بیردی کی، من ناراحت اولماییم. ایکی آی کئچدی. اونیورستلر آچیلدی. فیکیرلشمه دییم تک

شئی اونیوئرسئته گتتمیم ایدی. هر گون حمیدین آتاسی ایله موختلیف آداملارین گؤروشونه گئیدردیک. سیفاریش آلیردیق، یالواریردیق. تانیس آدام تاپیردیق، روشوت وئیردیک. حتی شاهین آروادی فرح خانیمین ایش دفترینه ده مکتوب یازدیق کی، اونو اعدام ائتمه سینلر، حبس خانادان چیخارتسینلار. اونو عادی حبس خانایا گؤندرسینلر. سؤز وئرمیشدیلر. اما بللی دئییلدی، بو قدر چالیشماغیمیزین بیر نتیجه سی واردی می؟ حمیدین نه وضعیت ده اولدوغونو بیلمیردیک. بیر مودت سونرا آچیق محکمه کئچیریلدی. حمید سلاحلی عملیاتدا ایشتیراک ائتمدینه گؤره اعدام تهلوکه سیندن قورتولدو. اون بئش ایل حبسه محکوم ائدیلدی. بیر مودتدن سونرا اونا یئمک، پالتار آپارماغا، مکتوب یازماغا ایجازه وئردیلر. هر اوچونجو گون بیر بؤیوک چانتا یئمک، پالتار، کیتاب، یازماغا دفتر –کاغیز آپاریردیم. چوخون او ائله همین وخت قایتاریردیلار. آلیقلاریندان نه قدری حمیدین الینه چاتیردی، بونودا بیلمیردیم. بیرینجی دؤنه چیرکلی پالتارلارینی یوماغا وئرنده تعجبولندیم. قریبه بیر ای گلیردی پالتارلاردان چیرک، قان، بدبخت لیک ایی. دهشتله پالتارلارا باخیردیم. چیرک، قان لکه لری منی دلی ائدیردی. حامامین قاپیسینی باغلایب، سویو وانلارین اوستونه آچدیم و برکدن آغلادیم. گؤره سن، اورادا نه چکیر؟ او دا شهریزاد، مئهدی و قالانلاری کیمی اؤلسه، بلکه داها یاخشی اولاردی؟ گؤره سن، ایندی هر دقیقه اؤلوم آرزولاییر؟ تدریجه ن پالتارلاردان اونون یارالی یئرلرینی تانییردیم. بیلیردیم، هانسی چوخ درین دیر، هانسی یاراسی ساغالیر. زامان کئچیردی. شیرکت و چاپخانانین آچیلماغیندان هئچ بیر خبر یوخ ایدی. حمیدین آتاسی هر آی منه بیر قدر پول وئیردی. اما بو وضعیت نه وختا قدر داوام ائدجکدی؟ گرک بیر قرار قبول ائدردیم. اؤزوم ایشله مه لی ایدیم. نه اوشاق ایدیم، نه السیز –آیاق سیز. قادین ایدیم، اوستومده ایکی اوشاغین مسولیتی واریدی. ایسته میردیم اونلار کیمینسه مرحمتینه سیغینسینلار. بیز گرک شرف و باش اوجالیغیلا یاشایایدیق. اؤز آیاقلاریمیزین اوستونده دورمالی ایدیک. اما نئجه؟ من نه ایش گؤره بیلردیم؟ بیرینجی آغلیما گلدی کی، پروین خانیمین الینین آلتیندا درزی لیک ائدیم. فاطمه نین کمکی ایله ایشه باشلادیم. اما بو ایشی سئومیردیم. بو ایشه گؤره هر گون گرک آنامین و پروین خانیمین ائوینه گئیدیدیم. علی و یا محمودلا اوزبه اوز گلیدیم. آنام هر گون باشیما قاخینج ائدیردی: گؤردون، دئییردیم، درزی لیک هر شئی دن واجیب دیر، سن قولاق آسمیردین؟ یئرسیز اوخولا گئدیب درس اوخویوردون؟ هر گون آخشام قزئتلی اوخیوب شیرکتلرده، ایداره لرده ایشچی آختارانلارا باخیردیم. خصوصی شیرکتلرین چوخو کاتبه ایستیردی. حمیدین آتاسی بعضی شیرکتلرده کی مسئله لر بارده گؤزلریمی آچمیشدی. اؤزوم ده حیس ائدیردیم. بعضی یئرلرده آداما ائله حریص باخیردیلار کی، ائله بیل ایشچی یوخ، معشوقه سئچیرلر. بیر مودت

یازی ماکیناسی کورسارینا گتتدیم. بعضی شئیلری اؤیرنیب، باشینی بوراخییم. چونکی اورا وئرمه یه نه پولوم وار ایدی، نه ده ایتیرمه یه واختیم. حمیدین آتاسی منه کؤهنه بیر یازی ماکیناسی وئردی. گنجهلر اونونلا مشق ائدیردیم. اؤزومنی دؤولت ایداره سین ده دوستلارینین بیرینه تکلیف ائله دی. موصاحیبه یه گئدن گون اوتوز بیر - اوتوز ایککی یاشیندا بیر کیشی ایله اوزبه اوز گلدیم. قریبه سواللار وئیردی، ایستیردی کی، اونا دئمدیکلریمی اؤزو باشا دوشسون. مندن سوروشدو: بورادا یازمیسیمز کی، عایله لیسینیز. یولداشینیز نه ایش گؤرور؟ بیر مودت ترددود ائله دیم. فیکیرلشدیم کی، حمیدین آتاسی بیزی تانیش ائدی. وضعیت دن خبری وار. اما، دئییه سهن، او، هئچ نه بیلمیردی. دلیم توتولدو: ایشی آزاددی... اونون کینایه ایله گولمه ییندن باشا دوشدوم کی، سؤزومه اینانمادی. منسه یورغون و عصبی ایدییم. دئدیم: ایشله مک ایسته یه ن منم. سیزین منیم یولداشیملا نه ایشینیز وار؟ بیزه دئمیشدیلر، سیزین باشقا یئردن گلیرینیز یوحدور. کیم دئمیشدی؟ جناب حمیدی. موعاون. سیزی بیزه او مصلحت گؤروب. اگر باشقا گلیریم وارسا، منی ایشه گؤتورمه یه چک سینیز؟ سیزه ایشچی گره ک دئییل؟ نییه، خانیم، گره ک دیر. اما ایش ایسته یه ن ده چوحدور. اونلارین تحصیلی، تجربه لری داها یاخشیدیر. اصلینده، بیلیم، نییه جناب حمیدی سیزی مصلحت گؤروب؟ اؤزو ده بئله ایصرارلا... نه دئیجیمی بیلیمیردیم. حمیدین آتاسی دئمیشدی کی، ایش آختاراندا یولداشینین حبس ده اولدوغونو دئمه. اما یالان دا دئییه بیلیمیردیم. چونکی بیلیردیم، تئزلیکله اوستو آچیلاییلردی. بو ایش ایسه منه چوخ گره ک ایدی. بورا هر جهت دن منه موناسیب ایدی. یورغون و اومیدسیز ایدییم. اؤزومو ساخالایا بیلیمدیم: ایککی دامجی گؤز یاشیم دیزلریمین اوستونه دامجیلادی. اؤزومونده چتین لیکله ائشیتدیم سسله دئدیم: یولداشیم حبس ده دیر. آدام قاشلارینی چاتیب، گؤز لرنی قیپاراق سوروشدو: نه یه گؤره؟ سیاسی فعالیتلرینه گؤره. ساکیتلشدی. دانیشماغا اورک ائله مدیم. او دا هئچ نه سوروشمادی. یازماغا باشلادی. بیر قدر سونرا باشینی قالدیریب، مکتوبو الیمه وئردی: ارینیزین مسئله سینیه هئچ کیمله دانیشمایین. بو مکتوبو یانداکی اوتاغا آپاریب خانیم تبریزییه وئرن. او، سیزه وظیفه لرینیزی ایضاح ائدر. صاباحدان دا ایشه باشلایین. منیم ایش خبریم ائوده بومبا کیمی پارتلادی. اناام حدقه سین دن چیخان گؤز لری ایله دئدی: یعنی سن ده کیشیلر کیمی ایداره ده ایشله یه چک سه ن؟ بلی، دئدیم. کیشی ایله قادنین فرقی یوحدور. الله منی اؤلدورسون! بو نه سؤزدو؟! قیامت گونو گلیب! اینانمیرام، قارداشلار ملا آتان ایجازه وئرمز بونا! اونلار دخی یوحدور. هئچ کیمین حاکی یوحدور کی، منیم و اوشاقلاریمین یاشاییشینا قاریشا. ایندییه قدر باشما گتیردیکلری بسدیر. ایندی منیم یولداشیم وار. او کی اؤلمه ییب. ایختیاریمدا اؤز الیمده دیر! هامی سینین دلی آغری باغلانندی. اصلینده، اناام چوخدا قارشى

چیخمازدی. چونکی نچه دۆنه گۆرموشدوم کی، او، منیم اؤز آياغیمین اوستونده دورماغیما و قارداشلاریما مؤحتاج اولماغیما سۆینیر. بو ایش منه یاخشی ائتکی ائلهدی. اؤزومو آرخایین حیس ائلییردیم. اصل شخصیت اولموشدوم. دوزدور، چوخ یورولوردوم، آما هئچ کیمه مؤحتاج اولماغیمدان قورورلانیردیم. ایدارهده کاتبیه، یا اوفیسین مسئول ایشچیسی کیمی چالیشیردیم. هر ایشی گۆروردوم. یازیردیم، تئلفونلارا جاواب وئریردیم، قوولوقلاری یئریتیردیم، ترجمه ائدیردیم... اوللر هر شئی منه چتین گلیردی. داغینیق و آغیر ایش گۆروردوم. ایکی هفته کئچمهده کی، هر شئی اؤیرندیم. ایندی مودیریم اولان جناب زرگری دقت و حؤوصله ایله گره کی مصلحتلری وئریردی. ایشلریمه گۆز قویوردو. اما هئچ واخت شخصی یاشاییشیم بارهده سوال وئریمیردی. حمید مسئلهسینه خصوصی مارق گۆسترمیردی. یاواش -یاواش اؤیرندیکجه منه گلن یازیلاردا قوصورلاری توتماغا باشلادیم. آخی ادبیات فاکولتهسینین طلبهسی ایدیم. بو اون ایلهده واختیمین یاریسی کیتاب اوخوماغا گئتمیشدی. بئله اولاندا، مودیریمین یانیندا حؤرمتمیم آرتدی. تدریجهن مکتوب لاری یازماغی دا منه تاپشیردی. ایشیمدن چوخ خوشوم گلیردی. اما ایندی باشقا بیر سورونیم یارانمیشدی. داها هر هفته زیندانا گئده بیلیمیردیم. اوچ هفته ایدی کی، حمیددن هئچ خبریم یوخ ایدی، نیگاران ایدیم. بیر گون اؤز -اؤزومه دئدیم: بو هفته مطلق گئدهجهم. بیر گون اول هر شئی حاضیرلادیم. یئمک بیشیردیم، شیرینی، مئیوه، سیقار و پول قویدوم. سحر تئزدن اؤزومو زیندانا چاتدیردیم. قاپیدا دوران نظارتچی کینایه ایله اوزومه باخیب، منی لاغا قویدو: ندی؟ گئجه یاتمامیسان؟ من بو واخت سنی ایچری بوراخا بیلمرهم. خاهییش ائدیرهم، من ساعات سککیزده ایشده اولمالیام. نظارتچی ائله بیل بو سؤزومو گۆزلییردی. منی و یولداشیمی تحقیر ائتمهیه باشلادی. بو واختا قدر هر جور ادب سیزلیکلرله اوزلشمیشدیم، اما هئچ کیمدن بئله چیرکین سؤیوشلر ائشیتیمیشدیم. حیرصیمدن بوتون بدهنیم تیتیریردی. اونو تیکه -تیکه ائتمک ایسته بیردیم. اما حتی بیر کلمه دئمهیه ده جورتمیم یوخ ایدی. قورخوردوم کی، نسه دئسه، حمید بو مکتوبدان، یئمکدن و پالتاردان محروم اولار.

دوداقلاریمی دیشلهیب، آغلایا -آغلایا ایشه گئتدیم. جناب زرگری حالیمی گۆروب منی اوتاغینا چاغیردی. منه یوخلامالی اولدوغوم مکتوبو وئرنده سوروشدو: خانیم صادقی، بو گون حالینیز یاخشی دئییل؟ گۆز یاشلاریمی سیلهرک، حادثهنی قیسا شکیلده دانیشدیم. او، عصبی لیکله باشینی ترپتدی، بیر قدر سوساندان سونرا دئدی: سیز گرک بونو منه اولدن دئیردینیز. بیلیرسینیز، اگر بو هفته ده سیزدن اونا خبر چاتماسا، اونون وضعیتنی لاپ پیسلشهجک. تئز گئدین، اونا آپاردیقلا رینیزی تحویل وئرمیش قاییتمایین. بوندان سونرا دا هر اوچونجو گون اول اونا باغلاما آپارین، سونرا ایدارهیه گلین. یاخشیمی؟

یاخشی، اما بعضی واختلار گون اورتایا کیمی چکه بیلر. اوندا نئیلییم؟ بو ایشی الدهن وئرمک ایسته میرم. سیز ایشینیزدن نیگاران اولمایین. من بو مساله نی یولونا قویارام. بو، بیزیم اؤز جانلاریندان کئچهن او آداملار اوچون ائده بیلجیمیز ان خیردا ایشدیر. بو کیشی نه قدر حساس، مئهریبان، آدمی باشا دوشهن آدم ایدی. اونون بعضی خاصیتلری مسعودوما اوخشاییردی. فیکیرلشیردیم کی، مسعود بؤیویهنده اونون کیمی اولای بیلر. تدریجهن یئنئ یاشاییشیمیزا اؤیرشمیشدیک. اوشاقلار بیلهرک اؤزلرینی تمکینلی آپاریردیلار کی، منه باشقا قایغی یاراتماسینلار. سحرلر بیر یئرده یئمک یئیپ حاضیرلاشیردیک. من حمیددن قالان ماشینلا اونلاری اوخولا چاتدیریردیم. یوللاری چوخ اوزاق دئییلدی. گون اورتا اؤزلری ائوه قاییدیردیلار. قاییداندا یولدان بیر چؤرک آلیب، آخشامدان حاضیرلادیغیم یئمکلری یئیردیلر. بیر قدر ده ننه یه آپاریردیلار. یازیق ننه خستخانان قاییداندا سونرا چوخ خسته اولموشدو. اؤز ائویندن باشقا دا هئچ یئر یوووشموردو. اونا دا بیز باخمالی ایدیخ. آخشاملار قاییداندا آلیش -وئرش ائدیردیم، ائوی ییغیشدیریر، قبالاری یووردوم، ننه یله بیر آز صؤحبت ائلییردیم. یوماق، تمیزلهمک، صاباحین یئمینی حاضیرلاماق، اوشاقلارین یئمینی وئرمک، درسلینه باخماق -آز قالا اون ساعات چکیردی. سونرا مئییت کیمی یوخویا گئدیردیم. بو وضعیتده تحصیلیمی داوام ائتدیره بیلجیمی فیکیرلشمیردیم. بیر ایلی الدهن وئرمیشدیم. او بیر ایللری ده بئله داوام ائلهمه یه مجبور ایدیم. همین ایل فاطمه اره گئتدی. محمود منیم اره گتتمییدن آغزی یانقلی ایدی بئینینه وئرمیشدی کی، فاطمه نی تاجیره، ایمانلی آداما اره وئرسین. اره گئدجی آدام فاطمه نین خوشونا کلمه سه ده، او چوخ عاجیز اولدوغوندان اعتراض ائلهمه یه قورخوردو. نتیجه ده اونو مدافعه ائتمک ده منیم بوینوما دوشموشدو. عایله ده منه «دؤیوشکهن خوروز» آدی وئرمیش دیلر. بو دؤنه چوخ فیکیرلشن دن سونرا ایشه قاریشدیم. محمودلا آنامان خبرسیر آتاملا صؤحبت ائدیم. فاطمه نین فیکرینی دئدیم و اوندان خاهیش ائله دیم کی، مجبوره ن اره وئریب، قیزی نی بدبخت ائله مه سین. بو دؤنه آتام قرار وئرنده آرتیق منیم مسئله مدن درس آلدیغی حیس اولونوردو. بونا گؤره محمود منه داها چوخ نیفرت ائله دی. هر حالدا، بو ایزدیواج باش توتما دی. فاطمه اؤزو ایستدی اوغلانا اره گئتدی. فاطمه نین اری صادق ساوالدی، مئهریبان، خوش اوزلو اوغلان ایدی، اؤزو ده ضیالی بیر عایله دن ایدی. دؤولت شیرکتلرینین بیرینده محاسب ایشله بیردی. محمودون دئدی کیمی، ائله بیر یاخشی ایمکانی یوخ ایدی. اما فاطمه اونو سئچدی اوچون اوشاقلاریمدا، من ده بو آدمی چوخ سؤدیک. او دا منیم اوشاقلاریمین آنادان نیسگیلی اولدوقلارینی باشا دوشهرک، اونلارلا دوست اولدو. چوخ وخت اونلاری گزینتییه و باشقا ایله نجه یئرلرینه آپاریردی. یاشاییشیمیز تقریباً اؤز یولونا دوشموشدو. ایشیمی سؤیردیم.

هر شئی من ایسته دییم کیمی ایدی. یاخشی دوستلار تاپمیشدیم. ناهار واختینی بیر -بیریمیزله زارافات، گولمک دانیشماقلا کئچیریردیک. بئله لیکله، من او بیرى ایدارهده ایشله یه نلرله ده تانیس اولدوم. بیزیم عمومی صؤحبتیمیزین مؤوضوسو اساساً ریسلردن بیرى ایدی جناب شیرازی ایدی. اونون اولدن مندن آجیغی گلیردی، هر ایشیمه ایراد توتوردو. هامی دئییردی کی، او چوخ حساس آدمی، شاعردی. اما من اوندان آجیدیللیک و قاشقباقدان باشقا، هئچ نه گؤرمه میشدیم. چالیشیردیم کی، اونونلا دانیشماییم. او، دایم منه سؤز آتیر، نسه ایلیشمه یه بهانه آختاریردی، کینایه ایله منه باشا سالیردی کی، اونون -بونون تاپشیرینی ایله ایشه گیرمیشه. اوشاقلار دئییردیلر کی، ناراحت اولما، اونون داورانیشى بودور. اما حیس ائیدیردیم کی، او، هامیدان چوخ منیمله بئله پیس داورانیر. حتی اثیتیمیشدیم کی، آرخامجا دانیشیر کی، گویا من جناب زرگرینین سئوگی لی سییه. چوخ ناراحت اولدوم. بیلیردیم، اونون دردی ندیر؟ گئت -گئده منیم ده اوندان آجیغیم گلدی. اوشاقلارا دئیمیشدیم کی، اونا یاراشمایان تک شئی -شاعرلیک دیر. او، شاعردن چوخ جینایتکارا اوخشاییر. شاعر گرک اینجه روحلو اولسون. باشی آشاغی اولسون، اؤزون دن بو قدر راضی، بو قدر گرگین اولماسین. یقین، یازدیغی شئیرلر ده اؤزونون دئیل. چاره سیز، یازیق بیر شاعری زیندانا سالیب و اونو بیچاقلا قورخودور کی، اونون آدیندان شئیر یازسین. هامی گولوردو. منه ائله گلیر کی، بو سؤزلر اونون دا قولاغینا چاتمیشدی. بیر گون مین بیر اذیتله دوزلتدیم اون صحیفه لیک یازینی بیر نچه سهوی بهانه ائدیپ جیردی. دلی اولدوم. داها اؤزومو ساخلایا بیلیردیم. چیغیردیم: بیلیرم، مندن نه ایستیرسیز؟! ایشیمده مین قوصور آختاریرسیز! سیزه نئیلیمشه آخی؟! خانیم، سیز منه هئچ نه ائده بیلمزسینیز! من سیزین کیمیلری اووجومون ایچی کیمی تانییرام! ائله بیلیرسینیز کی، من ده زرگر، یا دا مؤعتدیه م کی، منی ده بارماغینیزدا اویناداسینیز؟ من سیزین کیمی آدمالاری یاخشی تانییرام. بوتون بدهنیم تیتیریردی. جاواب وئرمک ایسته بیردیم کی، جناب زرگری اوتاغا گیردی: نه خبردی، جناب شیرازی؟ نه اولوب؟ نه اولوب؟ ایش باجارمیر. ایکی گوندو، منی گؤزله دیر. ایندی ده مقاله یه باخیرام، نه قدر سهو وار. ساوادسیز آدمی ایشه گؤتورمین آخیری بودور. گؤرک هله بوندان سونرا نه اولاجاق؟ دانیشیغینا فیکیر وئر. اؤزونو بیغیش دیر. کئچ منیم اوتاغیما. سنینله ایشیم وار. جناب زرگری اونو اؤز اوتاغینا آپاردی. اللریمله باشیمی توتوب آغلاماغا چالیشیردیم. اوشاقلار باشیما بیغیشیب منه اورک -دیرک وئیردیلر. بیزیم مرتبه نین چاپچی سی شربت گتیردی. بیر ساعات دان سونرا شیرازی اوتاغا قاییتدی. اوتاغا گیریب، اوزونو یانا چئویردی. چالیشدی کی، گؤزلرینه باخماییم. سسی توتولا توتولا دئدی: منی باغیشلایین. و تلسیک اوتاقدان چیخدی. من مات -معطل جناب زرگرییه باخدیم: او دا

قاپنین آغزیندا دورموشدو. اوندان سوروشدوم: نه اولدو؟ هئج، سیز بو مساله نی اونودون. او، بئله دیر. یاخشی و اوریی تمیز آدامدیر. چوخ عصبی دیر و هر شئیہ چوخدا حساس دیر. منه ده؟ یوخ، سیزه دئییل. ائله بیلیر کی، بورادا کیمسه باشقاسینین حاقینی یئیر. من کیمین حاقینی یئمیشم کی؟ جدییہ آلمایین. سیز گلمه میشدن قاباق او، شاگیردلرینین بیرینی مصلحت گؤرموشدو بورادا ایشله مک اوچون. ایش آز قالا آلینیردی کی، سیزین مسئله قاباغا دوشدو. سیزله موصاحیبه دن اول جناب شیرازییه سؤز وئرمیشدیم. اما بیز سنی ایشه گؤتوردوک. او دا بو «عدالت سیزلییه» دؤزه بیلیمیر. بونا گؤره ده منه و سنه دوشمه ن کسلیب. اصلینده، حاقلی ایمیش. چونکی، دوغرودان دا، من باشقاسینین حاقینی آلمیشام. بئله ایدیس، نییه منی ایشه گؤتوردونوز؟ او، باشقا یئرده ده ایش تاپا بیلردی. تاپدیدا، اما سیزین وضعیتییز چتین ایدی. عذر ایستیرم، اما بایاکی صؤحت ده مجبور اولدوم، اونا یولداشینیزدان دانیشدیم. ناراحت اولمایین، اعتبارلی آدام دیر. یادینیزدا قالسین، او اؤزو ده بوتون عؤمرو بویو سیاسی مسئله لرله مشغول اولوب. سحری گون جناب شیرازی رنگ -روفو آغارمیش، گؤزله ری قیزارمیش حالدا اوتاغیما گیردی. حیس اولونوردو کی، صؤحبت هارادان باشلایا جانی بیلیمیر. ان سونوندا، دیله ندی: باغیشلایین، الیم ده دئییلدی. من سیزین حاقینیزدا پیس شئی فیکیرلشمیشم. دوزونو ایسته سه نی، ایشینیز چوخ یاخشدیر. من چتینلیکله سیزین ایشینیزده اسکیکلیک تاپیردیم. او سهولری ریسیرین ایکی سطرلیک مکتوبلاریندا دا تاپماق اولار. همین گوندن جناب شیرازی منی حمایه ائندلردن بیر اولدو. دوستلاشدیق. جناب زرگرینین عکسینه، جناب شیرازی حمیدگیلین موباریزه وضعیتی، قروپلاری و توتولمالاری حاقیندا ماراقلانیردی. هر فورصدن ایستیفاده ائدیب منه سوال وئیردی. اونون همدردلیینده ائله کین -کودورت واردی کی، منی دهشته سالیردی. بیر دؤنه صؤحبتین اورتاسیندا اونون غضبلی اوزونو گؤردوم. رنگی قارآلمیشدی. نیگارانیقلا سوروشدوم: دئییه سن، حالینیز پیس دی؟ یوخ، سیز ناراحت اولمایین. من ده بئله حاللار چوخ اولور. بیلیمیرسینیز، ایچیمده نه باش وئیر. بیلیمیرسن، ایچیم نه گونده دیر؟ قتلانلاردان سونرا یاسلی بیر شهرهم. منی بو اودلو کدرلردن بیر آدامین قانینا سوساتمیش. اوروج توتانلار کیمی سوسوزام... بیر دؤنه او، مندن ائویمیزه هوجوم اولونان گئجه نی سوروشدو. قیساجا دانیشدیم. بیردن اؤزونو ساخلامادی، قورخمدان چیغیردی: شهر بئله آدمی قاپان ایتلرله دولودو. بونلار شعیرله نئیه مک اولار؟! دهشتله قاچیب اوتاغین قاپیسینی باغلایارق یالواردیم: سیز الله، جناب شیرازی، سسینیزی ائشیدرلر. بو مرتبه ساواک چیلارلا دولودور. او گونلرده بیز همکارلاریمیزین یاریسینی ساواکچی بیلیردیک. نیفرت و دهشت ایچینده، اما احتیاطلی داوارانیردیک. جناب شیرازی هر دن شعیرلرینی گیزلیجه منه اوخویوردو. من

شعیرلری بوتون قانیملا، بوتون ووجودوملا درک ائدیر و یاددا ساخلا بیردیم. بو آدام اوتوزونجو ایللرین سیاسی محبوسلاریندان ایدی. اونون حساس، جاوان روحو او زامان بو آغیر یوکلرین آلتیندا سینیمیشدی. بوتون یاشاییشینی محو ائتمیشدی. نیگارانیقلا فیکیرلشیردیم، گۆرسه، اوشاقلیق و یئنی یئتمه یاشیندا یاشانان آجی تجربوله بو قدرمی قالجی دیر؟ اونونلا تانیش اولاندان سونرا سیامک اوچون داها چوخ ناراحات اولوردوم. ائویمیزده آختاریش اولان گنجه اونون گۆزلرینده کی نیفرت و غضب پارلیتسی یادیم دوشوردو. گۆرهسه، او دا بو جور اولاجاق؟ او دا یاشاییشین گۆزلیکلرینی گۆرمک یئرینه، اوزونتو، نیفرت، قهر، تکلییه قرق اولاجاق؟ یازیق اوغلو! اونون اوچون نسه فیکیرلشمه لی ایدیم!

یابین آخیری ایدی. حمیدین حبسیندن بیر ایله یاخین واخت کئچیردی. محکمه نین وئردی حؤکمه گۆره او، هله اون دؤرد ایل محبسده یاتاجاقدی. باشقا چاره میز یوخ ایدی. بو وضعیته اؤیرشمه لی ایدیک. گۆزله مک یاشاییشیمیزین یئگانه مقصدی اولموشدو. اونیوئرسئته یازیلماق واختی چاتیردی. من گرک قرار وئردیم: یا همیشه لیک تحصیلدن اوزاقلاشیب آرزولاریمدان ال چکه، یا دا یئنیدن چتین لیگی، اذیتی قبول ائدیب عالی اوخولا گیره ایدیم. بیلیردیم کی، ایله دن -ایله درس لر چتینلشه جک. اونیوئرسئته قبول اولونماق آرزوم چوخ گوجلو ایدی. عاییله م منه بو آرزودان ال چکه یی مصلحت گۆروردو. قریبه اولان بو ایدی کی، ایندی حمیدین عاییله سی ده اولارلا عینی فیکیرده ایدی. حمیدین آتاسی اوریی یانا -یانا دئدی: سنین چتینلین حددن آرتیق چوخدو. بیر الدهه ایکی قاریز توتماق اولماز. آناسی، همیشه اولدوغو کیمی، بیرنجی اوشاقلاردان نیگاران اولدوغونو دئدی: سحردهن آخشاما قدر ایداره ده سه. آخشاملار دا اونیوئرسئته گئده جکسن. بس بو اوشاقلار؟ بو معصوم طیفیللرین تکلیینی فیکیرلشمیرسن؟ ایچیمده بیر غضب قاینادی. بوتون تردودلریم یوخا چیخدی. گنجه اوشاقلارلا اوتوروب چالیشدیم کی، اولارلا هر شئی ایضاح ائدم. ائله کی اصل قایغینی دئدیم، سیامک داها منه قولاق آسمادی. مسعودا باخدیم. مسعود اوزومه باخیب قاباغا گلدی: آنا، سنین اوریین چوخ ایستیر اونیوئرسئته گئده سه؟ باخ، عزیزیم، منیم اونیوئرسئته گتیمیم هامیمیزین خئیرینه دیر. بیر آز چتین اولاجاق. اما تنز قورتاراجاق، عوضینده منیم معاشیم چوخالاجاق و بیز یاخشی یاشایا بیلجیک. یوخ، من دئییرم، سن چوخ ایستیرسن اورا گئده سن؟ هه، چونکی من بو اونیوئرسئته گیرمکدن اؤترو چوخ زحمت چکمیشه م. اوندا گئت. ایستیرسنسه، گئت. بیز اؤز ایشلریمیزی اؤزوموز گۆرریک. گنجه گئدریک ننه نین یانینا کی، قورخما یاق. بلکه او واختا کیمی آتام دا گلر. سیامک الین ده کی ماشینی یئر آتیب دئدی: نه عاغیل سیز اوشاقسان سن! آتا هارادادیر کی، گله؟! اوغلو، بیز گرک اومیدیمیزی ایتیرمیک. آتان ساغ دیر. او دا گله جک.

اوشاق باشی آلدادیرسان؟ بابام دئییب کی، اون بئش ایل حبس ده قالاچاق. آما اون بئش ایلده چوخ ایشلر اولاییلر. هر یئنی ایلده خوش داورانیشلیقلانا گۆره عفو وئریلیر و واختلاری آزالیر. هه. لاپ اولسون اون ایل. نه خئیری وار؟ او واخت منیم اییرمی یاشیم اولاجاق. داها آتانی ئییلییرم؟ من آتامی ایندی ایستییرم، ائله ایندی... یئنه ده ترددوده دوشدوم. ایدارهده کی دوستلاریم دئییردیله کی، بو فورصتی الدهن وئرمیم. جناب زرگری ده دئییردی کی، کورسلارا ایش واختی گنده بیلریم، بو شرطله کی، قالان ایشلری سونرا ائده بیلیم. بختیمیزدن، او ارفهده بیزه حمیدله گۆروش وئردیلر. هم سئوینیردیم، هم ده نیگاران ایدیم. حمیدین آتاسی تلسیک منیم یانیمدا گلدی و دئدی: من حمیدین آناسینا دئمیهجه یهیم، سن ده اوشاقلارا دئمه. بیلیمک اولماز، حمید اورادا نه وضعیتده دیر. بیز گئدک، یاخشی اولسا، گلن دؤنه اونلاری دا آپاراییق. ناراحتلیغیم داها دا آرتدی. گۆروشدن اوولکی گئجه یوخودا گۆردوم کی، اونو قانلی، ازیلمیش وضعیتده گتیریلر گۆروشوموزه. سحری مین بیر ظلمله آچاندان سونرا اثرکهندن یولا دوشدوک. بیلیم کی، اوتاغی، شوشه لری توز توتوموشدو، یا منیم گۆزلریم هر شئی تور گۆروردو. ان سونوندا، حمیدی گتیردیلر. گۆزلدیمین عکسینه، تمیز، سلیقه لی ایدی. ساچلاری دارانیب، ساققالی دا قیرخیلمیشدی. اما تصووور ائتمدیم شکیلده قوجالمیش، آریخلامیشدی. حتی سسی دییشمیشدی. بیر مودت هئچ بیریمیز دانیشا بیلمدیک. آتاسی هامیمیزدان تئز اؤزونو اله آلیب، زیندانین وضعیت و شرایطینی سوروشدو. حمید اونا باخدی: زینداندی ده. نه قدر چتین لیگی اولاییلر، من آرتیق کئچمیشه. سیز اؤزونوزدن دانیشین. آنام، اوشاقلار نئجه دیرلر؟ بئله باشا دوشوردوم کی، مکتوبلاریمین چوخو اونا چاتمایب. دئدیم کی، اوشاقلار یاخشیدیرلار، بویوبولر، هر ایکسی بو ایل صنیفده بیرینجی اولوبلار. سیامک بو ایل بئشینجی، مسعود ایسه ایکینجی سینفه گئدیر. ایشیمی سوروشدو. دئدیم کی، اورادا هامی ایله یاخشی یولا گئدیرم. آخیردا اونیوئرسئت مسئله سینی سوروشدو. من ده باشیمی ایتیریمیمدن، ترددودومدن دانیشدیم. گولوب دئدی: یادیندادیر، بیر گون اورتا مکتبی بیتیرمک آرزوسوندا ایدین؟ اما سنه دیلومدا آزدیر. او ایستعداد کی سنده وار، گرک دوکتورلوقا کیمی اوخویاسان. دئدیم کی، هم درس اوخوماق، هم ده ایشله مک چتین دیر. اوسته لیک اوشاقلاری ئییلییم؟ سن عۆهده سیندن گلرسن، دئدی. سن اون -اون بیر ایل اوولکی السیز -آیاق سیز بیر قیز دئییلرسن. ایندی سن باجاریق لی بیر خانیم سان، زحمتکئش سن. من سینله فخر ائدیرم. گۆزلریم دولدو. دئدیم: دوغرودان، داها منیم کیمی یولداشین اولماسیندان اوتانمیرسان؟ من بوندان نه واخت اوتانیردیم کی؟ سن منیم خانیم مسان. گون به گون ده کامیالشیرسن. ایندی هر کیشینین آرزوسودور کی، سنین کیمی بیر قادینی اولسون. سادهجه، اوریم یانیر کی، سن منه و

اوشاقلارا گۆره بو قدر اذیت چکیرسن. بئله دئمه. سن، اوشاقلاریمیز -منیم یاشاییشیمدا ان دیرلی شئیرلرینیز. بو واخت باشیمی اونون سینه سینه قویماق ایسته دیم. حیس ائدیردیم کی، اونون سۆزلری منه نه قدر روح وئردی. ایندی هر ایشی گۆرمه یه گوجوم چاتاردی. گۆروشدن قاییدان کیمی اونیوئرسئته یازیلدیم. پروین خانیم و فاطمه منه کۆمک ائدجکلرینه سۆز وئردیلر. پروین خانیمین یولداشی خسته ایدی، هفته ده بیر -ایکی دؤنه گون اورتادان سونرا اوشاقلارین یانیندا قالیردی. اوچ گئجه ده فاطمه ایله صادق باخیردیلار اوشاقلارا. فاطمه نین بویلو لیغینین آخیرینجی آیلاری ایدی. اونا چتین اولوردو. ماشینى صادقین ایختیارینا وئرمیشدیم کی، فاطمه نی بیزه راحت گتیره بیلسین. منسه هر فورصدن یارارلانیب درس اوخوماق ایسته ییردیم. ایداره ده ایش ساعاتلاریندا، گئجه لر... چوخ واخت کیتابلارین اوستونده یوخولاییردیم. پروقرامین آغیرلیغی باش آغریمی گوجلندیرمیشدی. اما موهوم دئییلدی. آغری کسجی ایچیپ، ایشلریمه داوام ائدیردیم. وظیفه لیریمین چوخو آنالیق، ائوین ایشی، ایداره ده ایشله مک، طلبه اولماق، حبس ده اولان بیر کیشینین یاشاییش یولداشی اولماق ایدی. و من بونلاری چاتدیریردیم. حمیده محبس ده گره ک اولاجاق شئیرلی حاضیرلاماق بیر دینی آیینی یئرینه یئتیرمک کیمی عنعنیه دؤنموشدو. بو ایشی ائوده هامیلیقلا گۆروردوک. داها آغیر دئییلدی. یاواش -یاواش اؤیرشمیشدیم هر شئی. ایندی من مارافونا باشلامیش یاریش چی ایدیم، یاشاییش بویو قاچیردیم. حمیدین منه «سینله فخر ائدیره م» دئیمی قولایغیدان گئتمیردی. بیر گون ایداره ده قزتلره باخیردیم. بیردن گۆزوم بیر اؤلوم خبرینده کی آدا ساتاشدی. بو آدم جناب ایبراهیم احمدی پروانه نین آتاسی ایدی. گۆزلیم یاشاردی. آرادان نه قدر واخت کئچسه ده، پروانه نی یاددان چیخارمامیشدیم. بیر نئچه ایل بوندان قابق آنا سینا زنگ اتتسه م ده، اوندان هئج بیر خبر آلمامیشدیم. سونرا دا اؤز قایغیلارما باشیم ائله قاریشمیشدی کی، ایلگی یارادا بیلمه میشدیم. من گرک یاسا گئدیدیم. بلکه بو، یئگانه فورصد ایدی کی، پروانه نی یئیندن تاپا بیلردیم. آتاسینین اؤلومونه گۆره هارادا اولسا، گلردی. مسجی ده گیره ن ده اللریم ترمیشدی. یاس صاحب لرینین ایچین ده گۆزوم پروانه نی آختاریردی. اما اونو گۆرموردوم. یعنی او گلمه یه بیلردی؟ ائله همین واخت بیر کۆک، ساریساج خانیم باشینی یوخاری قالدیردی. باخیشلاریمیز توققوشدو. بو، پروانه ایدی. اون ایکی -اون اوچ ایلین ایچینده نئجه بو قدر دییشمیشدی؟! بیر -بیریمیزی قوجاقلاییب آغلادیق. منی یانیندا اوتوردوب، الیمی الین ده مؤحکم ساخلادی. مراسیم دن سونرا منی زورلا اؤز ائولرینه آپاردی. ائله کی ایکی لیک ده قالدیق، بیلمدیک صؤجته هارادان باشلایاق. ائله منیم پروانه م ایدی. ساده جه، بیر آز کۆکلمیشدی، ساچلارینین رنگینی دییشمیشدی. مندن: معصوم، خوشبخت سه ن؟ دئییه سوروشاندا مات قالدیم. دوروخدوم،

بیلیردیم نه دئییم. همیشه بو سوالی اؤزومه وئرنده چاشیردیم. منیم سوکوتوم چوخ چکدی. او، باشینی -ترپتدی :سنین مسئلهلرین هئج واخت قورتارمیر. یوخ، من ناشوکور دئییلهم. سادهجه، خوشبختلیین معناسینی بیلیرم. یوخسا منیم چوخ یاخشی شئیلیریم وار. اوشاقلاریم کیمی. ایکی ساغلام، یاخشی اوغولوم وار. اریم چوخ یاخشی آدامدیر. ایشلییرم، درس اوخویورام. یادیندادی همیشکی آرزوم؟ هله ال چکمه میسن؟ بو مکتبی بیتیرمین ائله ده بیر معناسی یوخدو. من بیتیردیم، نئیلدیم کی؟ مکتبی چوخدان بیتیرمیشم، ایندی طلبه یهم. تهران اونیورسئنین ادبیات فاکولته سینده اوخویورام. دوز دئییرسن؟! سن نه عینادکارسان! دوزدو، سن همیشه زیرک شاگرد اولموسان. اما فیکیرلشمیردیم کی، بو قدر ایلدن سونرا ارله، اوشاقلایینه ده درس اوخویا بیلرسن. یاخشیدی، یولداشیندا سنه قاداغا قویمایب. یوخ، عکسینه، او، منی هوسلندیرب. نه یاخشی. شعورلو اینسان دیر. گرک اونولا تانیس اولوم. اینشاللاه. اون -ونبش ایلدن سونرا اولارسان. نئجه یعنی؟ بورادا دئییل کی؟ یولداشیم حبسده دیر. الله منی اؤلدورسون! نئیه ییب کی؟ سیاسی دوستاقدیر. دوز دئییرسن؟ من آلمانیدا گۆردوم کی، بو ایرانلی موخالیفتچیلر سیاسی زیندانلاردان دانیشرلار. سنین یولداشین دا اونلاردان دیر؟ دئییرلر، اونلارا ایشگه نجه اندیرلر. دوزدور؟ منه بیر شئی دئمهییب. اما من قانلی پالتارلارینی چوخ یوموشام. ایندی ده نئچه واخت دیر گۆروشه ایجازه وئرمیرلر. بیلیرم نه حالدادیر. بس نه جور دولانیرسیز؟ ایشله بیرم. تک؟ یعنی اؤزون ایشله ییب، عایله ساخلاییرسان؟ بو ائله ده چتین دئییل، تکلیک چتین دی. پروانه، بیلیرسن، نه قدر تکهم. بوتون گونو مشغولام، بیر دقیقه ده واختیم یوخدور، اما تکلیگی بوتون ووجودوملا حیس اندیره. سنی گۆرمیمه چوخ سؤیندیم. سنه چوخ احتیاجیم واریدی. یاخشی، ایندی دئی گۆروم، سن خوشبخت سەن؟ نئچه اوشاغین وار؟ ایکی قیزیم وار: لئیلی و لاله. بیرینین سکیز، او بیرینین دۆرد یاشی وار. یولداشیم دا پیس دئییل. کیشی دیر ده. دونیانین بوتون کیشیلری کیمی. اورادا یاشاماغا اؤیرشمیشدیم. اما داها آنای تک قویا بیلمرهم. خصوصیه فرزانه نین ده ایکی بالاجا اوشاغی وار و باشی اؤز یاشاییشینا قاریشیب. اوغلانلاردان دا کی هئج نه گۆزله یه بیلمزسن. خوسرووون دا نئچه واخت دیر بورا گلکم فیکری باشینا ووروب. ایندی گرک بیر قطعی قرار وئرمک. فیکیرلشیرم کی، گرک قاییدیب بورادا یاشایاق. پروانه ایله صؤحبتمیز بیر دؤنه یه دانیشلیب قورتاران دئییلدی. قاراا گلدیک کی، جومعه گونو سحرده اوشاقلارلا اونلارین ائوینه گئدیم. چوخ گۆزل گون اولدو. عۆمرومده بو قدر دانیشمیشدیم. خوشبختلیکدن، زامان و اوزاقلیق دوستلوغوموزا زیان وورمامیشدی. قلیمین ان گیزی نقطه لرینی ده پروانه یه آچا بیلیردیم. من یولداشیمو تزه دن تاپمیشدیم و داها هئج واخت اونو الدهن وئرمیجکدیم.

اونلارین بورایا کۆچمه یی چوخ تتر باش توتدو. پروانه بیرجه سفره بوتون اشیالارینی تهرانا داشیدی. یولداشی ایشه باشلادی. اوزو ده یاریم گونلوک ایش تاپدی. پروانه منیم یاشاییشیمین ناغیلینی باشدان -آیاغا یولداشینا دانیشدی. او دا ائتکیلنمیشدی. بیر نؤو، بیزه گۆره ده مسولیت داشیییردی. اوشاقلاریمیز بیربیرله اویناییردیلار، بیر -بیرلرینی سؤیردیله. پروانه تتر -تتر اوشاقلاری کینویا، هوووزا، گزمهیه آپاریردی. بیزیم یاشاییشیمیز پروانه گیلین گلمهسی ایله یئنی بیر رنگ تاپمیشدی. بیر ایل ده کئچدی. حمیدله گۆروشلریمیز نیظاما دوشموشدو. آیدا بیر دؤنه اوشاقلاری آپاریردیم. هر دؤنه گۆروشدن قابیداندان سونرا عصبلی کورلانیردی. نورمال وضعیتیه قایتمالاری بیر هفته چکیردی. مسعود کدرلیر و ساکیتلشیردی. سیامک عصبیلشیر و وحشیلشیردی. حمید هر دؤنه حیس اولوناجاق درجهده قوجالیردی. اما من بو گۆروشلره ده راضی ایدیم.

ایدارهده رسمی ایشچی اولموشدوم، هامی منی قبول ائتمیشدی. جناب زرگری او نفوذلو باخیشلاری ایله منی نظرده ساخلایردی. بوتون ایشلرینی آرخیینلیقلا منه تاپشیریردی. جناب شیرازی ده یاخین دوستلاریمدان بیر حساب اولونوردو. داها هئچ واخت منیمله سورونی اولمادی. بیر مودتدن سونرا او، اۆلکهنی ترک ائتدی. بیر گون ایشه گلیب، اشیالارینی گۆتوردو و منه دئدی: او قهرمان یولداشینیزا منیم سالامیمی چاتدیرین. منیم آدیمدان اونا دئیین: شهادت معراجین دؤورهسینده حلالچی ختم ائله مک دئییل، هر کس کی حاق سؤز گتیردی دیلهنه باشین داردا گۆرمه لی دیر.

جناب شیرازینین گئتمی ایله ایدارهده ساکیتلیک یاراندی. حتی اونونلا بیر دردی اولمایان جناب زرگری ده ساکیتلشیدی. بیر مودتدن سونرا فاطمه نین قیزی دوغولدو. گۆزلری یاشیل بیر قیزی اولدو. آدینی فیروزه قویدوق. اوشاقلار اونو چوخ سؤیردیله. خصوصیه مسعود همیشه اونونلا اویناماغا حاضیر ایدی. پروین خانیمین اری اۆلدو. قادین اونو هئچ واخت یاخشی سؤزلره یاد ائله مه دی. باشینا گتیردی ایشلره گۆره هئچ واخت اونو باغیشلامادی. اری اۆلن دن سونرا چوخ واختینی بیزیمله کئچیریردی. من ائوه گنج گلنده اوشاقلارین یانیندا قالیردی. ائوین چوخ ایشلری نی گۆروردو کی، من استراحتا بیر آز چوخ واخت تاپیم، اوشاقلارلا اولماغا واخت آیرا بیلیم. بیر نؤو، اوزونو منیم تکلیمده گوناھکار گۆروردو. علی ده محمودون مصلحتی ایله معتبر بیر تاجیرین قیزینا ائلچی گئتدی. رسمی کبین کسمه مراسیمی اولدو. گلینین عایله سی چوخ آخماق شرطلر قویموشدو. آتام اعتراض ائتدی: آخی بیز بو خرلرین آلتیندان قالخا بیلیمجیک. اما علی دئدی کی، ائوله نندن سونرا گلینین آتاسینین حسابینا بیر چوخ قایغیلاریمیز حل اولوناجاق. بو، بیر نؤو، گه لر یاتیرماق کیمی بیر شئی ایدی. بو حادثه لرده

احمد ایشتیراک ائله میردی. هئج کیم اونونلا دانیشماق، اوندان دانیشماق ایسته میردی. حتی باجاردیقجا اونون آدینی دیله گتیرمیردیله. نئچه واخت ایدی کی، آتام رسمه ن اونو ائوده ن قووموشدو. تکجه پروین خانیم هله ده اونو گوروردو و گیزلینجه منه اوندان دانیشیردی. آخیر کی، احمد آتامی دا اؤزو ایله اوچوروما آپاردی. او زاوالی لیغیمن آخیرینجی مرحله سین ده ایدی. پول تاپماق دان اؤترو هر ایش گوروردو. بئله واختلاریندان بیرین ده ائویمیزه گئدیر. ائودکی خالچانی ییغیشدیریر کی، آپاریب ساتسین. آتام اونونلا ال به یاخا اولور. چالیشیر کی، خالچانی اونون الیندن آلسین. ائله بو واخت اوربی توتوموشدو. آتامی خستخانایا آپاردیلار. بیر هفته خستخانادا یاتدی. نئچه گون رئا نیماسیادا اولدو. حالی یاخشیلشدی. پالاتایا گتیردیله. هر گون اوشاقلارلا خستخانایا گتیردیم. سیامک تزه لیکله بوی آتمیشدی. اؤزونو یاشیندان چوخ گؤستریب راحتلیقلا ایچری کئچه بیلیردی. اما مسعودو مین بیر خاهییش، تمه ننا ایله ایکی دؤنه ایچری آپارا بیلدیک کی، آتامی گؤرسون. سیامک بوتون گؤروش واختی باباسینین الینی الینده ساخلا ییردی. بیر کلمه دانیشما یاراق اونون یانیندا اوتوروردو. اونون دوزلمینه اومید ائدیردیک کی، تأسفله باشقا بیر گوجلو ضربه آلدی و سکتته کئچیرتدی. اونو یئنه رئا نیماسیایا آپاردیلار. اییرمی دؤرد ساعاتدان سونرا جانینی تسلیم ائتدی. بئله لیکله، یئگانه آرخامی، دایاغیمی ایتیردیم. اونون اؤلومو ایله آتا ائوینه اولان باغلیلیغیم بیر آز دا آزالدی. بیر هفته یه کیمی گؤز یاشلاریمی ساخلایا بیلیمیردیم. اما حیس ائلییردیم کی، منیم آغلاما غیم سیامکین ساکیت و درین اوزونتوسونون یانیندا هئج ندیر. بو اوشاق بیر داملا گؤز یاشی تۆکمه دی. پارتلاما حالیندا ایدی. آنامسا هئج نه باشا دوشموردو: حئییف، موصطافا بو اوشاغی نئجه چوخ ایسته ییردی. اما بو، بیر داملا دا گؤز یاشی تۆکمه دی. ائله بیل هئج وئجینه ده دئییل. بیلیردیم کی، سیامکین روحی وضعیتی من فیکیرلشدییمدن ده پیس دیر. بیر گون مسعودو پروانه نین یانیندا قویوب، سیامکله آتامین قبری اوستونه گئتدیک. او چالیشیردی باشقا یئره باخسین. اؤزونو زاماندان، مکاندان اوزاق ساخلا سین. باشلادیم دانیشماغا. یاواش -یاواش اونو یانیمدا اوتورتدوم. او قدر آغلادیم کی، آخیردا او دا پارتلادی. بو آغلاماق گئجه یه قدر -داوام ائتدی. مسعود ائوه گلن ده سیامکین گؤز یاشینی گؤروب آغلاماغا باشلادی. آخیر کی، ایکی سی ده آغلا ییب راحتلان دیلار. آتامین اؤلمین دن اوچ آی کئچمه میشدی کی، احمد ده اؤلدو. اونون جسدینی بلدیه ایشچیلری خیابانلارین بیرینده تاپمیش دیلار. الینی اونون جسدینی تانیماقدان اؤترو آپاردیلار. دفن مراسیمی کئچیریلمه دی. هئج کیم اونون اوچون آغلامادی. نه قدر چالیشدیم کی، اونون حاقیندا نسه یاخشی شئی خاطیرلا ییم، اولمادی. اونون اؤلوموندن تاسوفلنم دیم اوچون گونا هکار حیس ائدیردیم اؤزومو. علی بو شرایطه توی ائله یه بیلمزدی.

مجبور اولوب یولداشینى سس سیز -صداسیز آتامین ائوینه گتیردی. آنام ائوین هر ایشینی تزه گلینه تاپشیردی. بئله لیکله، آتا ائویمین قایبسی اوزومه بیردفعه لیک باغلاندى.

۴-ونجو بؤلوم

۵۵ جی ایلین آخین بیر سیرا سیاسی جریانلارلا یاددا قالدی. میللتین داورانیسی، دانیشینگی بیر قدر دییشیلمیشدی. ایداره لرده، کوچه ده، خصوصاً اونیوئرسیتلرده قورخمادان دانیشیردیلار. حبس خانالارین پروقراملاری نیظاما دوشموشدو. حمید و باشقا محبوسلار چوخلو ایمکانلار وئرلمیشدی. پالتار، یئمک چاتدیرماق قولایلاشمیشدی. اما منیم اوریمده هله ده هئچ بیر ایشیق، اومید یوخ ایدی. بایراما بیر نئچه گون قالمیشدی. هاوادلان یاز ایی گلیردی. فیکیرلی حالدا ائوه قاییدیردیم کی، بیردن اینانیلماز بیر منظره ایله اوزبه اوز گلدیم. ائوده، قوناق اوتاغینین اورتاسیندا بیر نئچه کیسه دویو، بیر نئچه کیسه یاغ، بیر قدر چای و باشقا ارزاقلار دوزولموشدو. تعجبله باخدیم. بعضی واختلار حمیدین آتاسی بیزه دویو گتیرردی، اما این ارزاقلار اولمازدی. سیامک منیم مات -معطل قالدیغیمی گؤروب دئدی: هله بو دا وار. بونو دئییب منه بیر ظرف اوزاتدی. بیر ظرف دولو یوز تومهن لیک کاغیز پول ایدی. بونلار ندر؟ هارادلان گلیب؟ اؤزون تاپ. تاپ. بابا گتیریب؟ یوخ! پروانه گیل گتیریب؟ یوخ! پروین خانیم؟ فاطمه؟ یوخ، تاپا بیلمدین. دئییم؟ هه، تئز اول، کیم گتیریب؟ علی داییم. اما دئدی کی، سنه دئیک، محمود داییم یوللاییب. تعجب دن آز قالدی گؤزوم کلله مه چیخسین. تئلفونو گؤتوردوم، آنامین ائوینه زنگ ائتدیم. اونون هئچ ندن خبری یوخ ایدی. دئدیم، دسته یی وئر علییه، گؤزوم نه اولوب؟ علی منیمله چوخ صمیمی سالاملاشدی. دانیشماغی همیشکینه اوخشامیردی. نه خبردی، علی؟ کاسییلارا بخشیش وئیرسیز؟ ایختیارین وار، باجی. بیز وظیفه میزی یئرینه یئتیرمیشیک. هانسی وظیفه؟ من سیزدن نسه ایسته دیم کی؟ سیز چوخ قورورلوسونوز. آنجاق بیز گرک اؤز وظیفه میزی یئرینه یئتیرک. چوخ ساغ اول، علی. منیم و اوشاقلاریمین هئچ نه یه احتیاجی یوخدور. زحمت اولماسا، گل، بونلاری آپار آپاریب ئییلییم؟ بیلیم. اوریین نه ایستیر، ائله. مؤحتاج اولانلار وئر. بیلیرسن، باجی، بونون، اصلینده، منیمله بیر ایلگی سی یوخدور. محمود قارداش یوللاییب. اؤزونه دئی. تک سیزه یوللاماییب. چوخ آداما گؤندریب. من، ساده جه، تحویل وئریمیشم. بئله دئی. دئمهلی، صدقه وئریلر؟ بو نه سؤزلردیر، باجی؟ بوندان سونرا گل بیر خئییر ایش گؤرده. منیم

اوچون او قدر خئیر ایش گورموسونوز. تشککور ائدیرم. اما گل، بونلاری تئزلیکله بورادان گوتور. محمود قارداش دئسه، گلیب گوتورورم. اونونلا اوزون -دانش. یاخشی، اوزوم دانیشارام. محمودون ائوینه زنگ ائله دیم. دسته یی قولامهلی گوتوردو. سونرا آتاسینا وئردی. بیر تانیس سالامدان سونرا دسته یی آتاسینا وئردی.

سالام، باجی. نه اولوب، بیزی یاد ائتمیسهن؟ من ده ایسته ییردیم بونو سیزدن سوروشوم. نئجه اولدو کی، بیز یادینیزا دوشدوک؟ صدقه یوللادینیز؟ بو نه سؤزلردیر، باجی؟ صدقه ندیر؟ حاقین دیر. یولداشین آزادلیقدان مدافعه ائتمک اوچون بو ایمان سیزلارلا موحاریبه ائدیب، حبسه دوشوب. بیزیم موباریزه ائله مک گوجوموز یوخدور، حبسه گیرمک، ایشگه نجه گورمک گوجوموز یوخدور، هئچ اولماسا عایله لر یاردیم ائلیک. حمید دؤرد ایلدیر کی، زیندان دادیر. بیز ایندییه قدر نئجه کئچینمیشیکسه، بوندان سونرا دا ائله اولاجاق. حاقین وار، باجی، حاقین وار. اوزوموز قارادیر. یوخدا ایدیخ. قانمیردیق، آغلیمیز چاتمیردی. سیزلر گرک باغیشلا یاسینیز. یوخ، قارداش، اوزوموز کئچینه بیلریک. اوشاقلاریم صدقه ایله بؤیومه یه جک. آدام گؤندرین، بونلاری آپارسین. بو نه سؤزدور؟ بیزیم ده بعضی عؤهدهلریمیز وار. سیزلر بیزیم باشیمیزین تاجیسینیز. حمید بیزیم فخریمیزدیر. بس دئییردیز کی، حمید کومونیست اجلافدی، اعدام اولونماغا لایبقدی؟

طعنه ائله مه، باجی. سن نه کینلیسن؟! دئدیم کی، بیز قانمیردیق. بیزه ظلمله ساواشان هر کس عزیزدیر. کافیر اولسون، یا موسلمان، فرقی یوخدور. چوخ ساغ اول، قارداش. اما منیم هئچ نه یه احتیاجیم یوخدور. خاهیش ائدیرم، گلین آپارین.

محمود آجیخلاندی: قاپی قونشونا وئر، حیطه تۆک! هئچ کیم گلیب آپارما یاجاق! نوؤبتی آیلاردا بو دییشمه لر لاپ چوخالیدی. ایداره ده آرتیق هامی یولداشیمین حبسه اولدوغونو بیلیردی. بو یاخینلار کیمی ایش یولداشلاریم منیمله مسافه لی داورانیردی. اوتاغیما چوخ گیریپ -چیخمیردی. بونا اویرنمیشدیم. اما بو آرالار ائله بیل بوتون بو مانعهلر آرادان گوتورولموشدو. اونوئرسئت دوستلاریم، یا ایداره ده کی یولداشلار بیزیم مسئله میز باره ده آیدین دانیشیردی. حمیدین حالینی سوروشوردولار. اونو آلقیشلا ییردی. بیزیمله همفیکرلیکلیرینی گؤستیریدیلر. ایجلاساردا منی باشدا اوتوردولار.

بو وضعیت منی سیخسادا، سیامکه چوخ یاخشی ائتکی ائتمیشدی. ایندی او فخر ائدیردی. ائله بیل قانات چیخارتمیشدی. آیدین و قورورلا آتاسیندان دانیشیردی. میللتین ماراقلارینا و اونون توتولماغینا گؤره سواللار جاواب وئیردی. البته، دئهننده چوخ خیاللار قوروب، شیشیردیدی ده. مکتبلرین آچیلماغیندان ایکی هفته کئچمیشدی کی، منی چاغیردی. نیگاران اولدوم. فیکیرلشدیم کی، یقین، سیامک همیشکی کیمی داوا ائدیب، یا دا کیمسه ووروب. اما مودیرین اوتاغینا گیرنده

وضعیتی باشقا گۆردوم. بیر آندا معلملر و مکتبین موعاونیلری باشیما ییغیشدیلار. حمید حاقیندا سوال وئرمه یه باشلادیلار. وضعیتی، اینقیلاپین گله جک پلانلارینی سوروشدولار. مات قالمیشدیم. حمیدین توتولماغی حاقینداکی سواللار جاواب وئردیم، اما باشقا مسئله لر حاقیندا، ساده جه، «بیلیمیرم» دئدیم. آیدین اولدو کی، سیامک آتاسی حاقیندا او قدر آرتیق - اسکیک دانیشیپ، آداملار بو فیکره دوشوبلر کی، یقین، منیم ده او آداملارلا ایلگیم وار. معلملرین بیرینین گۆزو دولموشدو: ائله آتادان بئله ده اوغول گۆزله مک گره کدیر. بیلیمیرسینیز، نجه گۆزل و ائتکیلی دانیشیر! ماراقلیدی، او، آتاسی حاقیندا نه دانیشیر؟ او بیر بؤیوک آدام کیمی هامینین قاباغیندا دوروب دئدی: «آتام بو سیتهم چکمیش خالقین آزادلیغی یولوندا موباریزه آپاریر. دوستلارینین چوخو بو یولدا اؤلوب، ایللردير، اؤزو حبس ده دیر. دهشتلی ایشگه نجه لر آلتیندا مقاومت گۆستریر. و بیر کلمه ده دانیشمیر». ائوه قاییداندا ایچیمده فرق لی حیسلر واریدی. بیر یاندان سیامکین بو شرایطده اؤزونو گۆستره بیلپ، فخر ائله مه سینه سئوینیردیم. او بیر یی یاندان دا بو آرتیق - اسکیک سۆزلردن قورخوردوم. بیزه تزه دن اذیت وئره بیلرديلر. ایداره ده، اونيوئرسئتده هر اینقیلابی صؤحبت ده منه ایشاره ائدیرديلر. هر سچکی ده منی نوماینده سچیرديلر. دئییردیم کی، من چوخ شئی بیلیمیرم. بونو منیم تواضوکارلیغیما یوزوردولار. منیمله داورانیشی دییشمه یه ن آدام تکجه جناب زرگری ایدی. او، دقتله اطرافیمداکی دییشیکلییه گۆز قویوردو. بیر گون ایداره ده اینقیلاب کومیتة سی یاراتدیلار. آداملارین بیر یی کسکین بیر نطق سؤیله یه رک، منیم اینقیلابی خصوصیتیم، اینسانی دیرلریم و آزادلیق جارچیس ی اولماغیم باره ده دانیشدی. منی سچکییه نوماینده کیمی تکلیف ائله دی. یئریمدن قالخدیم. هامیا تشککور ائدی، تکلیف دن ایمتیناع ائله دیم. آخیردا دئدیم: من هئچ واخت اینقیلاب چی اولمامیشام. یاشاییش منیم راستیما بیر کیشی چیخاردیب، اونون سیاسی باخیشلاری اولوب. من آنجاق اونو تانییاندان سونرا اینقیلاپین نه اولدوغونو آنلامیش و سئومیشم. هامی گولوب ال چالدى. اینانین، دوزونو دئییرم. من بوتون وارلیغیما اونون آزادلیغینی آرزولاییرام. اما عقیده و سیاسی گوج معناسیندا منیم هئچ نییم باشقالاریندان آرتیق دئیل. بایاق نطق دئییه ن کیشی اعتراض ائله دی: اما سیز اذیت چکمیسینیز. ایللردير، یولداشینیز زیندان دایر و سیز تکباشینا اوشاقلارینیزین و اؤزونوزون یاشاییشینی ایداره ائدیرسینیز. مگر بو، سیزین اونونلا همفیکر اولمانیز آنلامینا گلمیرمی؟ یوخ، اگر یولداشیم اوغورلوق اوستونده توتولسایدی دا، من بو ایشلری گۆرچکدیم. های - کوی قالخدی. جناب زرگرینین باخیشلارینی گۆره نده بیلدیم کی، دوز دئمیشم. بو دؤنه ده منیم صداقتیمدن، تواضوکارلیغیمدان ائتکیلینیب، نوماینده سچدیلر. اینقیلاب هیجانی گونو - گوندن چوخالیردی. دوشونوردوم کی، گۆره سه ن، شهریزاد و

یولداشلارینین اؤلومو، حمیدین ایللر بویو زینداندان چکدی ایشگه نجه لر بونلارین هامیسینین بیر گون نتیجه سی اولا بیلر می؟ ایلک دؤنه ایدی کی، قارداشلاریم منیمله همفیکیر ایدی. هامیمیز عینی سؤزو دئییردیک.

بیر - بیریمیزی آنلا ییردیق. ایلک دؤنه ایدی کی، اونلار قارداش کیمی داورانیردی لار. منی و عایله می قورویوردولار. محمود او قدر ایسینیشمیشدی کی، اؤز اوشاغینا نه آلیردیسا، اوندان سیامکه ده آلیردی. آنام آلاها شوکور ائدی دئییردی: حئیف، آتانیز سیزین بئله یاخین اولدوغونوز بو گونلری گۆرمه دی. همیشه نیگاران ایدی. دئییردی، من اؤلسه م، بونلار ایللرله بیر - بیرینی گۆرمه یه جکلر. قیزیمین الیندن توتان اولمایا جاق. کاش ایندی بورادا اولاردی. گۆردی کی، بو قارداشلار باجیلاری ایله نجه مئهری باندیلار. محمود کاسئ و ا اعلانلار گتیریردی. علی اونلاری چوخالیر، من اونیوئرسئته، ایداره ده بو شئیلری اینسانلار پایلا ییردیم. سیامک صنیف یولداشلاری ایله کوچه لره چیخیب شوعارلار سسله ن دیریردی. مسعود آکسیا ایشتی راک چیلارینین رسمی نی چکیردی. اونون اوستونده «آزادلیق» یازیردی. او ایلین یابین دان بیز آکسیالارین، دانیشیق لارین، ایجلاس لارین مرکزینه دوشموشدوک. هامیمیزین بیر ایسته یی واریدی. هر گون فیکیرلشیردیم کی، حمیده بیر آددیم دا یاخینلاشمیشام. ایندی حمیدین ساغ اولماغینا لاپ چوخ سئوینیردیم. داها اونو اؤزونه قاپانمیش گۆره ن ده حمیدین یولداشلارینین یانیندا قورورلا اؤلیمینی آرزو لایمیردیم. یاواش - یاواش اینانیردیم کی، اونون چکدی اذیتلر نتیجه سیز قالما یاجاق. همین یوخولار ایندی گئچک اولوردو. سحرلر زورلا یوخودان دوران اوغلان ایندی اثرکه ن دن آیاغا قالخیردی. بیلیمیردیم، اونون بو قدر دییشیلیمیندن سئوینیم، یوخسا ناراحت اولوم. پاییزین ایلک آیینین اوللرین ده محمود دئدی کی، آتامیزا ایلدؤنومو کئچیرتمک ایسته ییر. آتامیزین ایلین دن بیر آی کئچمه سینه باخمایا راق، هئچ بیریمیز اعتراض ائتمدیک. اونون عزیز خاطیره سی و یا وئریله ن صدقه اونون روحونا هر زامان دیرلی ایدی. هامیمیز سئوینجله بیر نئچه گون اول دن قوللاریمیزی چیرمالادیق. گله جک قوناقلارین ساب ی گونو گوندن چوخالیردی. اورییم ده محمودا تشکور ائلییردیم. گون سحر تئزدن هامیمیز محمودون ائوینده ایشه باشلادیق. گوندن - گونه کؤکه له ن سعاد ت نیققیلدا یا - نیققیلدا یا گئدی ب - گلیردی. من یئرآلما سو یوردوم. سعاد ت گلیب یانیمدا اوتوردو. دئدیم: یورولمایاسان. چوخ زحمت چکیرسن.

بو نه سؤزدو؟ بو دا میللتی بو وضعیت ده بیر یئر ییغما غا بهانه دیر. دوغرو دان، قارداشیم ایندی نئجه دیر؟ گۆز دیمه سین، دئییه سن، داها بیر - بیرینیزله سورونینیز یوخدور. یوخ اشی، داها اوندان کئچیب. ماحمودو هارادا گۆرورم کی، داوا دا ائلیک؟ گلنده او قدر یورغون اولور، یا دا بئینی او قدر مشغول اولور کی، ائوه هئچ فیکیر ده وئرمیر. واسوآسیلیغی نئجه اولوب؟

چوخ یاخشیدیر. او قدر مشغول دور کی... بیلیرسن، بو اینقیلاب اونو چوخ ده ییشیب. ائله بیل دردینین درمانی بو ایمیش. ایندی دئییر کی، ائله بیل الله یولوندا جیهاده اندیرسن. اینقیلابین بؤیوک ثاوابی وار. داها خیردا مسئله لرله ایشی یوخدور. یئمکدن سونرا صؤحتلر باشلاندی. بیز آرخا اوتاقدان اوتورموشدوق. سسلری یاخشی ائشیتیمیردیک. کیشیلرین آرخاسیندا اوتورموشدوق. بیر دسته آدام دا پنجره نین آرخاسیندا دورموشدو. بیر -یکی نفر دانیلشاندان سونرا سؤز سعادتین عمی سینه چاتدی. ایندی او، نئچه آی زینداندان اولماغینا گؤره هامینین گؤزونده قهرمان ایدی. اولده او، آتامین یاخشیلیقلاریندان دانیشدی. سونرا عایله میزین اینقیلابی تاریخچه سیندن سؤز آچدی. او دئییردی: بو مؤخرتمه عایله همیشه دین و وطن یولوندا مباریزه ائدی. بو یولدا یارالار آلیب. ۴۲ جو ایله خورداد آیینین ۱۵ ده آغای خومئینی توتولاندان سونرا مجبور اولوب ائولرینی و تورپاقلارینی ترک ائدیله. قومدان کؤچوبله. بو مباریزه یولوندا جاوان اوغللارینی قوربان وئریله. گنج اوغللاری گیزیلی شکیلده اؤلدورولوب، کورکه نلری هله ده زیندان دادیر. تعجوبلندیم. اونون کیمدن دانیلشیغینی بیلیمیردیم. دیرسیمله سعادتین بؤیرونه ووروب سوروشدوم: او، کیمی دئییر؟ سنین ارینی. یوخ، او بیر جاوان اوغل کیمدیر؟ احمدی دئییر ده. بیزیم احمدی؟ هه. هئج فیکیرلشمیسن، اونون اؤلیمی نه قدر شوبهه لی اولدو؟ اوچ گوندن سونرا بیزه خبر ائتدیله. علی مورقا گئدیب اونون جسدینی تانیدی. هله دئییردی، بده نینده ضربه لر ده وارمیش. یقین، اؤزو کیمی نارکومانلارلا داوا ائلیبیمیش. اؤلونون دالینجا بو سؤزلری دانیلشما. بیزیم قومدان گلیمیز باره ده بو سفته سؤزلری کیم اویدوروب؟ سن بیلیمیرسن؟ خورداد آیینین ۱۵ ده باش وئره نلردن سونرا بورا کؤچدونوز ده. آتانا محمود تهلوکه ده ایدی. یقین، سن اوشاق اولموسان، یادیندا دئییل. هیرصه دئدیم: یاخشی یادیمدادیر. بیز تههرانا ۳۹ نجی ایله گلدیک. محمود نئجه هامیا یالان دئییه بیلیر؟ میللتین هیجانیندان، روحوندان ایستیفاده ائدیر؟ بو واخت آرتیق محمود دانیلشیردی: ائله آتادان دا بئله اوغل گؤزله مک اولار. ائله اوغل کی، جانینی و مالینی اینقیلاب یولوندا خرچلییه. هئج بیر فداکارلیق دان، گذشتدن، زحمتدن قاقمیر. سیاسی محبوسلارین عایله سینین خرچینی چکیر. بیر آتا کیمی اونلاردان موغایات اولور. او بونو دئییه ده سیامک قالخیب اونا طرف گتتدی. ائله بیل خصوصی تعلیم گؤرموشدو. دقیق بیلیردی کی، نه زامان آغا قالخیب رولونو ایفا ائتمه لیدیر. محمود ایسه دانیلشیردی: بو معصوم اوشاق ایسلام موهایدلریندن بیرینین اوغلودور. ایلرلر کی، آتاسی حبس خانادا، ایشگه نجه آلتین دادیر. جینایتکار رژیمن الی یوزلرجه بئله اوشاغی یئتیم قویوب، چوخ شوکور کی، بونون مئهریان، اونون اوغروندا جانیندان کنجه ن محمود صادقی کیمی داییزی وار. یوخسا، الله بیلیر، آتالاری حبسه

دوشه‌نده بو مظلوم عایله‌نین باشینا نلر گلردی... اوریم بولانیردی. حیس اندیردیم کی، کۆنیم منی بوغور. الیمی آتیب یاخامی دارتدیم. دویمه‌سی قیریلیب دوشدو. ائله آجیخلا قالخدیم کی، آناملای سعادته دهشته گلدیله. سعادته چادرامین بیر طرفیندن یاپیشدی: اوتور، معصومه. سن آتانی روحو، اوتور. محمود موللانی آرخاسیندا دایانیب، نیگارانچیلیقلا منه باخیردی. ایسته بیردیم چیغیریم، اما سسیم چیخمیردی. سیامک قورخاراق، قاچا -قاچا منه طرف گلدی. اونون الینی ایتله‌ییب دئدیم: اوتانمیرسان؟ آنای دیزلرینه دؤیدو: الله منی اؤلدورسون! قیز، آبریمیزی تۆکمه، قیز. نیفرتهله محمودا باخدیم. چوخ شئیلر دئمک ایسته بیردیم کی، مرثیه اوخوندو. هامی قالخیب، سینه وورماغا باشلادی. سیامکین الیندن توتوب ائشییه چیخدیم. مسعود چادرامین اتیندن یاپیشمیشدی. آرخامجا قاجیردی. ایسته بیردیم سیامکی او قدر کۆتکلییم کی، قاپقارا قارالسین. ماشینین قاپیسینی آچیب، اونو ایچری ایتله‌دیم. سیامک دینجلمه‌دن سوروشوردو: آخی نه اولوب سنه؟! سن سسینی کس! سسیم ائله حیرصلی ایدی کی، اوشاقلار ائوه چاتانا کیمی بیر کلمه ده دانیشمادیلار. اؤز -اؤزومه دئدیم کی، بو اوشاغین تقصیری نه دیر؟ ائوه چاتاندا اول محمودا، سعادته، علییه سؤیؤم، سونرا دا اوتوروب زار -زار آغلادیم. سیامک باشینی آشاغی سالیب اوزبه اوز اوتورموشدو. مسعود بیر ایستکان سو گتیردی. یاواش -یاواش ساکیتلشدیم. بیلیم، سن نییه گۆره بئله آجیخلانمیسن؟ اما هر نه اولوبسا، باغیشلا. یعنی سن بیلیمرسن؟ نئجه بیلیمرسن؟ سن بوتون مراسیملرده محمودلا گندیب بو ایشی گۆرورسن؟ سنی هامییا گۆستریر؟ او، قورور و فخرله دئدی: بلی. آتامی چوخلو تعریفلییر. بئینیمدن توسو چیخدی. بیلیمردیم کی، اوشاغا نه دئیم. چالیشیردیم ساکیت اولوم و اونو قورخوتماییم. دئدیم: اوغلو، باخ بیز دۆرد ایل آتان اولمادان یاشادیق. هئچ واخت دا هئچ کیمه مؤحتاج اولمادیق. خصوصاً محمود داییم. من جان قویورام کی، هئچ کیمدن آسیلی اولمایاق. سیز فخرله بؤیویه سینیز. اؤزگه‌نین رحم و صدقه‌سی ایله دئیل. ایجازه وئرمیشم، هئچ کیم سیزه یئتیم کیمی باخسین. ایندییه کیمی ده اؤز آباغیمیزین اوستونده دورموشوق. بلکه بیر آز چتین کئچیب، اما اوزینده اؤز قوروروموزو، آتانی قورورونو قوروموشوق. اما ایندی آخماق محمود اؤز خئیریندن اؤترو سیزی بیر کؤکلا کیمی نوماییش ائتدیریر. او، سیزدن سوء -ایستیفاده ائدیر. بیر ایش گۆرور کی، میللتین اوریی یانسین. بو نئچه ایلده او، بیر دؤنه ده حالیمیزی سوروشمامیشدی. باخ، اوغلو، سن گرک عاغیللی اولاسان. قویما یاسان سندن ایستیفاده ائتسینلر. آتان بونو بیلسه، چوخ ناراحت اولار. او، هئچ واخت ایستمز کی، اؤزو، عایله‌سی محمود کیمی آداملارین الینده واسطه اولسون. اوندان سونرا هئچ واخت قویموردوم محمود اوشاقلاری اؤزو ایله اویان -بویانا آپارسین. زنگلرینه جاواب وئرمیردیم. شهر یورین آخیری ایدی. بیز تئز -تئز

اکسیيالارا چيخيرديق. موختلیف یئرلره گئديرديم. بوتون سؤزلره قولاق آسيب اونلاری دیرلەندیریردیم. هارادا کی سیاسی محبوس واردیسا، اورادا من ده اولوردوم. بیرینجی سیرادان قیشقیریردیم. اوشاقلاریمین یومروقلاری ایکی طرفیمدن بالاجا بایراق کیمی دالغالانیردی. گۆزلیم یاشلا دولوردو، اما اوریم یونگوللشیردی. هامینی قوجاقلایب اؤپمک ایسته ییردیم. ائله بیل هامی منیم اؤز اوشاقلاریم، آتام، آنام، باجیلاریم، قارداشلاریم ایدیلر. حمیدین آتاسی ایندی داها تئز -تئز گلیب - گئیدردی. تلاشینى آرتیرمیشدی. هر گون بیر -بیریمیزله مصلحتلشیردیک. یاواش یاواش اؤیرندیک کی، مین نفر محبوسون عفو مسئلهسى قطعی لشیب. بیز ائله ائتمه‌لی ایدیک کی، حمیدین آدی دا او سیاهییا دوشسون. بو قدر هیجان و اومید عصبلیرمی ضعیفلمیشدی. اؤزومدن چوخ، اوشاقلاردان نیگاران ایدیم. قورخوردوم کی، بو قدر اومیددن سونرا اونون آزادلیغا چیخماماسی اوشاقلارا آغیر ضربه اولار. چالیشیردیم اوشاقلار بو عفو مسئلهسیندن خبر توتماسینلار. اما قاپیدان قوودوغوموز خبر بیزه پنجره‌دن گلیردی. سیامک اؤزو بو خبری ائشیدیب، هیجانلا منه دئدی. اما من ساکیتجه جواب وئیردیم: «یوخ، بونلار دؤولتین تبلیغی دیر کی، میللتی ساکیتلشدیرسین». دئیردیم کی، اینشاللا، اینقیلابدان سونرا اؤزوموز گئدیب، حبسخانالارین قاپیسینی آچیب، آزادلیغا چیخارداریق اونلاری. حمیدین آتاسی دا منیمله عینی فیکیرده ایدی. واختا آز قالیردی. اؤزومدن آسیلی اولمادان حمید اوچون آلیش -وئیش ائدیردیم. آلت پالتاری، کۆینک، ائو پالتاری آلیردیم. داها شیرین رۇبالاریمین قارشیسینی آلا بیلیمیردیم. حمیدین آزادلیغیندان سونرا نه ائدجیمیزی فیکیرلشیردیم. اما همین تاریخدن بیر نئجه گون اول حمیدین آتاسی یورغون و توتولموش حالدا بیزه گلدی. موناسیب واخت تاپیب دئدی: سیاهی تخمیناً حاضیردی. دئیەسەن، حمیدین آدی اورادا یوخدور. اما منه سؤز وئردیلر کی، اگر وضعیت بئله گئتسه، چوخ یاخیندا حمیدی ده بوراخاقلار. اما بو دؤنه احتمالی آزدیر. بو دؤنه چوخ دیندار اولانلاری سالیبلار سیاهییا. قهریمی اودوب دئدیم: بیلیردیم بئله اولاجاغینی. بیر گۆز قیرپیمیندا بوتون اومیدلریم پوچ اولدو. حمیدین آتاسی گئتدی. اما اوزونتومو و اومیدسیزلیگیمی اوشاقلاردان گیزلتمک چوخ چتین اولدو. مسعود ائله هئی اطرافیمدا دولانیب سوروشوردو: نه اولوب؟ باشین آغرییر؟ سیامک: تزه خبر وار؟ دئیە سوروشوردو. اونلارا: گوجلۇ اولون، دئدیم. گرک هله گۆزلیک. حیس ائدیردیم کی، ائوین دیوارلاری اوستومه گلیر. بدەنیم سیخیلیردی. تکلییه و ائوین توتقونلۇغونا دؤزه بیلیمیردیم. اوشاقلارین اینی توتوب ائودەن چيخیدیم. مسجیدین قاباغی قالابالغیدی. بیر دسته شوعلار قیشقیریردی. اونلارا طرف گئتدیم. مسجیدین حیطی ده آداملا دولو ایدی. اؤزومله اوشاقلارا بیر یول آچدیم. بیلیمیردیم نه قیشقیریردیلار. منیم اوچون فرقی یوخ ایدی. منیم اؤز شوعاریم

وار ایدی. قهر و آجیخلا چیغیردیم: سیاسی محبوسلارا آزادلیق! بیلیمیرم، سسیمده نه واریدیس، بیر ده قیقهدن سونرا هامی بو شوکاری قیشقیریدی. او گون رسمی تعطیل گونو ایدی. هله گون چیخمامیشدی. بیلیردیم کی، تهلوکه سیزلیک تدبیرلری گوجلنوب. اوشاقلارا گۆره گرک ائودهن چیخمایایدیم. بیلیمیردیم عصبلیمی نئجه ساکیتلشدیریم. دایانا بیلمدیم. پرده لری، ملفهله ری چیخاردیب پالتاریویانا آتدیم. شوشه لری سیلیدیم، اوتاقلاری سوپوردوم. اوشاقلارلا دانیشماغا حؤوصله م یوخ ایدی. حیطه اویناماغا گۆندریدیم. مطبخی تمیزلیدیم. یئمک بیشیرمه یه حالیم یوخ ایدی. دونه ندن قالانلاری قیزدیردیم. منیمله اوشاقلارلا چاتاردی. ننه ده او قدر ضعیفلمیشدی، چوخ آز یئمک یئیردی. اوشاقلارلا یئمک وئردیم، قبالاری یودوم. ایسته بیردیم گئدیم حیطی ده یویوم. اما گۆردوم کی، داها گوجوم یوخدور. یورغونلوقدان آیاق اوسته دورا بیلیمیردیم. بیرته ر اؤزومو دوشون آلتینا چاتدیردیم. سویو آچیب اوجا سسله آغلادیم. بورا یتگانه یئر ایدی کی، راحت آغلایا بیلیردیم. ساعات دۆرده یاخین ایدی. حامام دان چیخدیم. زال دا تئئویزورون قاباغیندا بیر بالیش قویوب اوزاندیم. اوشاقلار قاباغیمدا اویناییردیلار. گۆزلیرم یومولوردو کی، گۆردوم ائوین قاپیسی آچیلدی. حمید ایچری گیردی. گۆزلیرمی مؤحکم باغلادیم کی، بو شیرین یوخو داوام ائله سین. اما قولاغیمدا هر جور سسلر گلیردی. تردودله گۆزلیرمی آچدیم. یئریمدن قالخدیم. اوشاقلار مات مات ساچی، بیغلاری آغارمیش آریخ بیر کیشیه باخیردیلار. یئریمده قورودوم. حمیدین آتاسینین سئوینج دولو سسی بیزی اؤزوموزه گتیردی. تئنه نه ایله: بویور! دئدی. بو دا سنین یولدشین. اوشاقلار، نییه دایانمیسیز؟ آتانیز گلیب! ایندی حمیدین بویو سیامکدن ائله ده هون دور دئییلدی. بو ایللر عرضینده من دۆنه لرله اونو گۆرموشدوم، اما هئچ واخت بئله آریخ، حالسبز گۆرمیشدیم. اینینده کی بوتون پالتارلار اونا ایکی اوچ اوّلچو بویوک ایدی. شالوارینی کمرله او قدر سیخمیشدی کی، چیم دوشموشدو. پئنجینین چینی سالانمیشدی، قولو بارماقلارینین اوجونا قدر چاتمیشدی. دیزلرینی یئر قویوب اوشاقلاری قوجاقلادی. دۆردوموز ده بیرلیکده آغلاییردیق. حمیدین آتاسی گۆز یاشلارینی سیله رک دئدی: بسدی داها، قالخین. حمید یورغوندور، خسته دیر. ایندی زیندان خستخاناسیندان تحویل آلمیشام. قویون استراحت ائله سین. من ده گئدیم آناسینی گتیریم. قاییناتامی قوجاقلایب اؤپدوم. باشیمی چیننه قویوب آغلادیم. بو قوجا کیشی نئجه مئهریبان، ضیالی، باشا دوشه ن آدام ایدی؟! حمیدین قیزدیرماسی وار ایدی. کؤمک ائتدیم، پالتارلارینی چیخارتدی. چوخ ضعیف، گوجسوز ایدی. آیاق اوسته چتین لیکله دوروردو. هر پالتارینی چیخارتدیقجا نظریمده بالاجالاشیردی. آخیردا بیر دری، بیر سوموک اولدوغونو گۆروب دهشته گلدیم. بده نینین هر یئرینده بیر یارانین ایزی واریدی. ایستولون اوستونده اوتورتدوم کی، جورابلارینی چیخاردیم. اما

آیاقلارینین قئیری -عادی وضعیتینی، قیزارمیش نازیک دریسینی گۆرهنده طاقتیم قالمادی. آیاقلارینی قوجاغیمدا توتوب، باشیمی دیزلرینه قویاراق آغلادیم. اونولا نه ائتمیشدیلر؟ گۆرهسهن، ساغالا جاقدی می؟ تزه پیژاما، شالوار و آلت پالتاری گئییندیردیم. اونلار دا اونا بۆیوک ایدی، اما پئن جک -شالواری کیمی قالمیردی. احتیاطلا چارپاییدا اوزاندی. ائله بیل ایسته بیردی، بو دقیقه نین لذتینی چیخارتسین. اوستونو اؤرتدوم. باشینی بالیسا قویدو. گۆزلرینی یوموب، درین بیر آه چکیب دئدی: دوغرودان، من اؤز یاتاغیمدا اوزانمیشام؟ نئجه ایل هر گون، هر دقیقه بو یاتاغی، بو ائوی، بو دقیقه نی آرزو لامیشام. اینانمیرام گئچک اولماغینا. نه گۆزدی؟! اوشاقلار اونون بوتون حرکتلرینه فیکیر وئیردیلر. اونلاری سسله ییب، چارپاییدا اوتورتدوم. اونلارلا دانیشماغا باشلادیم. چایی حاضیرلادیم، سیامکی چاغیردیم، چۆرک و شیرینی آلمغا دوکانا یوللادیم. پورتاغال سویو چکدیم. بیر آز شوربامیز واریدی ایستدیم. هر دقیقه اونا یئمک اوزادیردیم. گولوب دئدی: عزیزیم، صبر ائله. من یئیه بیلیم. گرک بیر مودت یاواش -یاواش یئیم. بیر ساعاتدان سونرا حمیدین آناسی و باجیلاری گلدیلر. آناسی دلی کیمی ایدی. اؤزون دن چیخمیشدی. پروانه کیمی حمیدین دؤوره سینه دولانیردی. آغلا ییب قوربانلار دئییردی. باشدان -آیاغا اؤپور، سونرا تزه دن باشلا ییردی. حمیدین حتی گۆزلرینین یاشینی سیلمه یه گوجو یوخ ایدی. آستا سسله دئییردی: آنا، بسدیر. سن الله، ساکیت اول. بو قارماقاریشیقلیغین اورتاسیندا نئجه گون ایدی کی، آنام منه زنگ وورموردو. ایندی کئفیمیزی سوروشماق اوچون زنگ ائله میشدی. ائله کی حمیدین گلدینی بیلدی، اؤزون دن گئتدی. یاریم ساعات کئچمه میشدی کی، هامیسی اللرین ده گول، شیرنیات ائویمیزه آخیشدی لار. آنام و فاطمه حمیدی گۆره ن کیمی آغلاما غا باشلادی لار. محمود آرامیزدا هئچ نه اولما میش کیمی یاخینلا شیب، حمیدی اوپرک تبریک ائله دی. سونرا سعاده: ایستکانلاری حاضیرلا، دئدی. چوخلو چای دمله. ایندی قوناقلار گله جک. علی، سن ده قوناق اوتاغینین قاپیسینی آچ، ایستوللاری دیوارین قیراغیلا دوز. قابلارا مئوه، شیرینی دوزون. من تعجبله دئدیم: بیز هئچ کیمه خبر وئرمه میشیک. سیزین خبر وئرمینیزه احتیاج یوخدور. آزاد اولانلارین آدلاری هر یئرده بیلدیریلیب. میللت گله جک. بیلدیم کی، یئنه نسه حيله سی وار. قطعیتله دئدیم: باخ، قارداش، حمید خسته دیر. استراحتاه احتیاجی وار. قیزدیرماسی یوخاریدیر. گۆرورسن، سینه سی نئجه خیریلدا ییر؟ اولما یایر آداما خبر ائله یه سن. من خبر ائلمیرم آخی، اؤزلری گلیر. من هئچ کسی ائوه بوراخمایا جغام. ایندین دئییم، سونرا هئچ کیم اینجیمه سین. محمود مایوس اولدو. بیردن ائله بیل نسه یادینا دوشدو: یعنی اونون اوستونه حکیم ده چاغیرمایا جاق سیز؟ نییه کی، چاغیراجاغیق. اما بو گون تعطیل دیر. حکیمی هارادان تاپاجاغیق؟ منیم تانیش حکیمیم وار. زنگ ائدرم، گل سین. بیر

ساعاتدان سونرا یانیندا ایکی نفرله بیر حکیم ایچری گیردی. هامینی اوتاقدان ائشییه چیخارتدیلار. حکیم موعیینه یه باشلادی. گلنلرین بیرینین الینده کامئرا واریدی. حمیدین یارالارینی چکدی. آخیردا حکیم حمیدین خستلییین خرونیکی آغجیر خسته لیگی اولدوغونو دئدی. چوخلو درمان یازدی. دئدی: گرک درمانلار واختلی واختیندا وئریله. اینهلرینی ده واختیندا وورماق گره کدی. یئمه یینی ده تدریجهن آرتیرین. محمود رئسپتی آلدی. کاغیدی علییه وئردی کی، صاباح هامیسینی آلیب گتیرسین. بیردن کومئندانت ساعاتی یادلارینا دوشدو. تلسیک ییغیشیب گئتدیلر. حمیدین آناسی گتتمک ایسته میردی. آناسی زورلا آپاردی. سؤز وئردی کی، صاباح ائرتهدن یئنه گتیره جک. هامی گئندن سونرا خاهیش - یالواریشلا حمیده بیر ایستکان سود ایچیرتدیم. او قدر یورولموشدوم کی، قوناقلاردان سونرا داغیلان ائو-ئشی ییغیشدیرماغا گوجوم یوخ ایدی. اؤزومو چارپاییا چاتدیریب حمیدین یانیندا اوزاندیم. حکیمین و وردوغو اینهلرین ائتکییندن حمید تئزجه آغیر بیر یوخویا گئتدی. اونون اوزونه باخدیم. یانیمدا اولدوغونا گؤره آلاها شوکور ائله دیم. آند ایچدیم کی، اونو اوولکی گونلرینه قایتاراجام. نه واخت یوخولادیغیمی بیلمه دیم.

۵ ینجی بۆلوم

بیر هفته دن سونرا حمیدین وضعیتى دوزلمه یه باشلادی .یاخشىلاشمیشدی، قیزديرماسى کسىلمیشدی. یاخشى یئمک یئیه بیلیردی. هله تام ساغالمامیشدی، گئجه لر ائله هئى اؤسکوروردو. دؤرد ایلین پیس یئمە یی، گۆردویو ایشگه نجه لر اونو ضعیف سالمیشدی. اما حیس ائلییردیم کی، حمیدین درد ی تکجه بونلار دئییل. اونون روحو عذاب چکیردی. اؤزونه قاپانمیشدی. دانیشماغا سۆز تاپمیردی. کۆهنه دوستلارینی گۆرمک ایسته میردی. هئچ بیر سوالا جاواب وئرمیردی. حکیم دن اونون پسیخولوژی وضعیتینین نه یئرده اولدوغونو سوروشدوم. دئدی: بیر آز سورون وار، اما ناراحت اولماغا دیمز. نئچه ایلدن سونرا قفیل دییشیکلیک، عایيله یاشاییشی هامیسینا بو، بیر آز چتین گۆرونور. اوندا یاشاییشا سئوگی یاراتماق گره کدیر. گرک تزه یاشاییشا باشلایا. اونون اؤزونه قاپانماغینین نه دینی ائلامیردیم. اولر دانیشماغیم خسته لیگی ایله باغلاییردیم. اما ایندی خسته لیگی کئچمیشدی. بیر یاندان دا اونا فورصت وئرمیردی لر کی، اؤزونه گلسین. او قدر آدم گلیب -گئدیردی کی، یاریم ساعات دا بیر -بیریمیزله دانیشا بیلیمزدیک. ائویمیز کاروانسارا کیمی اولموشدو. موختلیف آدمالارلا دولوب - بوشالیردی. حمیدین آناسی اکینجی گئجه دن بیزیم ائویمیزده قالدی. مونیره -حمیدین بؤیوک باجیسی دا اوشاقلاری ایله تبریزدن گلدی لر. نه من، نه ده حمید بو قدر قاریشقیلیغا دؤزه بیلیمزدیک. بیلیردیم کی، بو قالابالغین یاریدان چوخونون گوناھی محموددادیر. هر گون بیر دسته آدم گتیریردی. ائله بیل قئیری -عادى بیر جانلی تاپمیشدی. هر گون ائویمیزه یئمک یوللایب دئییردی کی، آرتیغینی دا کاسییلارلا وئر. هامی اونون الی آچیق لیغینا تعجب ائدیردی. بیلیمزدیم، نه یالانلار اویدورموشدو، اؤزونو ائله گۆستریردی کی، گویا حمیدین آزادلیغا چیخماسی اونون خیدمتی دیر. خوشبختلیک دن، جورات ائتمیردی، یوخسا هر دؤنه حمیدی سویوندوروب یارالارینی میلته گۆسترردی. سیاسى صؤحتلر تزه دن باشلامیشدی. یاواش -یاواش حمیدین کئچمیش دوستلاری، یئنئى همفیکرلری اوزه چیخیردی. هر گون یانلاریندا بیر قروپ هوسکار گنجلرله حمیدی گۆرمه یه گلیردی لر. بو بؤیوک قهرمانی یاخیندان گۆرمک ایستیردی لر. اما حمید اونلاری گۆرمک ایسته میردی. اونلارین یانیندا داها چوخ اؤزونه قاپانیردی. بیر گون حکیم موعاینه یه گلنده منه دئدی: خانیم، نییه ائوینیز بو قدر قاریشیق دیر؟ آخی دئمیشدیم کی، خسته نین استراحتا احتیاجی وار؟ من نئيله یه بیلرم، حکیم؟ اؤزوم ده دلی اولورام. میللتی

چۆله قووا بیلیمه کی؟ اوزوم گلیمیر آخی... اما منیم اوزوم گلر. حکیم گئنده حمیدین یانینداکیلارا دئدی: سیزه دئمیشدیم کی، بو خسته نین عصبلیری گه رگیندی. استراحتاته، تمیز هاوا یا احتیاجی وار. اما بورا همیشه میدان کیمی اولور. بئله گئتسه، حالی داها دا پیسلشه جک. هامی دهشتله اونا باخدی. حمیدین آناسی دئدی: ایندی نیلیک، حکیم؟

اگر بو ائوین قاپیسینی باغلایا بیلیمیرسینیزسه، موناسیب بیر موحیط دوزه لدین، آپارین اورا. دوز دئییرسینیز، حکیم. من لاپ اول دن دئییردیم کی، آپاراق بیزیم ائوه. اورا بؤیوکدور. بو قدر قاریشقلیق اولماز. یوخ، خانیم. ائله بیر ائو اولسون کی، اورادا تکجه خانمی و اوشاقلاری اولسون. هره بیر سؤز دئدی. هامی ائوده چرخدی. منصوره چالیشدی آخیرا قالسین. ائله کی آرا خلوت اولدو، منه دئدی: حکیم دوز دئییر. من ده حمیدین یئرینه اولسام، دلی اولاردیم. یازیق دؤرد ایل تکلییه، ساکیتلییه اؤیرشیب. بونون آتجاق بیر یولو وار. گئدین شمالا. حمید ساغلانا قدر بیزیم ویلادا قالارسیز. ایندی بوموشدو. اورا دا اولدوغونوزو دا هئج کیمه دئمیرک. گؤزل بیر گونده ییغیشیب گئتدیک. شمالین سرین کولیینی ایلک دؤنه حیس ائله یه نده اوشاقلارا دئدیم: دریندن نفس آلین. بو هاوا اؤلونو ده دیریلدر. حمیده باخدیم. او نه بو گؤزل لیگی گؤروردو، نه منیم سسیمی ائشیدیردی، نه دیزه باخیردی، نه ده اوزونه ووران کولی حیس ائدیردی. منصورگیلین ویلا سینا چاتان کیمی حمید گئدیب اوتاقلاردان بیرین ده اوتوردو. اؤز - اؤزومه دئدیم کی، تسلیم اولمایاجام. منیم ایختیاریمدا هله خئیلی زامان واردی.

اگر بو ایمکان دان ایستیفاده ائدیب، اونا کؤمک ائده بیلیمه سه، من اونون یاشاییش یولداشی اولماغا لاییق دئییلهم.

بیر پروقرام ترتیب ائله دیم. او ایل پاییز گونشلی ایدی، گوندوزلر مین بهانه ایله اونو حیطه آپاریردیم. مجبور ائدیردیم کی، چوخلو یئرسین. گاه دیزین قیراغین دا، گؤزل قوملو ساحل ده، گاه دا مئشه لیک ده. بعضی واختلار دا یولون قیراغین دان آلیش - وئریش ائدیب گزه - گزه قاییدیردیق. او، اؤز فیکیرلرینه قرق اولوب آرخامجا گلیردی. اما بیر کلمه ده دانیشمیردی. منیم سواللاریمی یا ائشیتمیردی، یا باشینی ترپتمکله «هه»، یا دا «یوخ» دئییردی. اما تسلیم اولموردوم. او، بورادا اولمادیغی زامان باش وئره نلری دانیشیردیم. طبیعتین گؤزلییین دن دانیشیردیم، اوشاقلار لا اویناییردیم، شعییر اوخویوردوم، گولوردوم. قزئت، رادیو، تئلو یوروو قاداغان ائلمیشدیم. چونکی بیلیردیم کی، هر خبر اونون ایضطیرابینی چوخالدیر. بو خبرلردن اوزاقلیق منی ساکیتلشدیریردی. آخی نئچه وخت ایدی کی، هیجان، قورخو ایچین ده یاشامیشدیق. اوشاقلار واختین دان تئز بؤیوموشدولر. ایندی تزه دن اوشاقلارینا قاییدیردیلار. قاپچیردیلار، اویناییردیلار. اونلارین گولدوکلرینی ائشیدنده خوشبخت اولوردوم. حمیده دئدیم: چوخدان دیر کی، اوشاقلار بو قدر سئویمه ییبلر. ایللر دیر، اونلار ظلم اولوب. اما هله ده گئج دئییل. بونو دوزلده

بیلرک. چیللرینی چکیب، اوزونو دۆندردی. اۆز -اۆزومه دئییردیم کی، اوندان داها گوجلویهم. نه واختا کیمی مقاومت گۆستره بیله جک ؟ گونده لیک گزیتیلریمیزی چوخالديرديم. داها بیر قدر یول گئندن سونرا نفسی چاتمیردی. اما بیر آز کۆکلیمش، گوجلنمیشدی. یورولمادان دانیشا بیلیردی. سوال وئیردیم کی، یاواش -یاواش دیلی آچیلسین. ائله کی حیس ائدیردیم دانیشماغا حاضریدی، آخیرا قدر دینلیردیم. بیر هفته دیر کی، شیمالدا ایدیخ. گونلرین بیرینده هر شئی ییغیشدیردیم و بیر پیکنیک پروگرامی دوزلتدیم. بیر قدر پادا یول گئندن سونرا منظره لی بیر تپه نین اوستونده آدیالار ییئره سردیم. گونش پار -پار یانیردی. سما ایله دنیز موختلیف چالارلی ره نگلری اۆزونده عکس ائتدیریردی. او بیر طرفده ده مئشه بوتون طبیعتده اولان رنگلری، گونشین قیزیل رنگی ایله سمایا اوزانیردی. پاییزین مئهی رنگبرنگ بوداقلاری اوینادیردی. اونون سرین لیگی یاناقلاریمیزا دییر و آداما یاشایش باغیشلایردی. اوشاقلار اویناییردیلار. حمید آدیالین بیر یانیندا اوتوروب اوفوقده بیلینمز بیر یئر باخیردی. تزه دم چای اوزاتدیم. دقتله باخدیم: اوزونه رنگ گلیمیشدی. یاناقلاری دولموشدو. ایختیارسیز گولدم. تعجبله منه باخیب سوروشدو: نییه گولورسن؟ سنه، اۆزومه، دۆرد ایله منی اینجیدن آخماق فیکرلره... نه فیکرلر؟ یاخشی فیکرلر دئییلدی، اونوت گئتسین. یوخ، دئی. سۆز وئیرسن، ناراحت اولمایاجاق سان؟ سۆز وئیرم. فیکرلشیردیم کی، سن اؤلسیدین، داها یاخشی اولاردی. دوغرودان؟ سن ده بئله فیکرده سن؟ ایندی یوخ. اول بئله فیکر ده ایدیم. او واخت فیکرلشیردیم کی، بیر ده سن یاشایشا قاییتما یاجاقسان. یاواش -یاواش ارییه جکسن. اما قفیل اؤلسیدین، بیر دقیقه، بلکه ده داها آز اذیت چکجکدین. من ده همیشه بونو فیکرلشیرم. اونا گۆزه کی بئله بیر اذیتلی اؤلومه لاییق دئییلدیم. امما ایندی ساغسان. بو گونلر تئز -تئز شهریزادی فیکرلشیرم. سنی بیزه قایتاردیغی اوچون اونا میننتدارام. دۆرد ایلدیر کی، بونو فیکرلشیرم. نییه بئله ائتدیلر؟ نه خیانتیمی گۆرموشدولر کی؟ نییه منی حادثه یه قاتمادیلار؟ یعنی من بیر سۆزه، بیر مکتوبا دا لاییق دئییلدیم؟ آخیرینجی آیلار بوتون ایلگی لریمی کسیدلر. من او عملیاتا گۆزه درس آلمیشدیم. بلکه منه اعتبارلارینی ایتیرمه سئیدیلر، اونلارین یانیندا اولاردیم. ایندی شهریزاد، یا باشقالاری ساغ اولاردی. بلکه اونلارین اؤلومونده اصل تقصیرلی منم. نئیلیمیشدیم کی، بئله اوزاقلاشیرلار مندن؟ باشینی دیزلریمین اوستونه قویدو. برکدن آغلادی. اوریم آغردی. اما قورخوردوم بیرجه حرکتله اونو یئنه اۆزونه قاپانماغا مجبور ائله یهم. سوسوب قالدیم کی، دویونجا آغلا سین. او آغلا ییب کیرییه نده دئدیم: اونلار سنی اوزاقلاشدیرمادیلار. اونلار سنین عزیز دوستلارین ایدی. دوزدو، منیم دوستلاریم آنجاق اونلار ایدی. منیم هر شئیم ایدیلر. هر شئیمی آیاقلاری آلتینا آتماغا

حاضیر ایدیم. بیلیرسن کی، جانیمی، مالیمی اونلاردان اسکیک ائتمیشهم. حتی عاییلهمی ده اونلارا فدا ائتمهیه حاضیر ایدیم. اما اونلار منی ایسته مه دیلر. منی آتدیلار. منیم کومکیمه احتیاجلاری اولاندا بیر خایین، یاد کیمی داوراندیلار. بوندان سونرا نه اوزله یاشاییم؟! میللت دئمه یه جک کی، سن نییه اونلارلا دئییلدین؟ نییه اونلارلا اؤلمدین؟ بلکه فیکیرلشرلر کی، من اونلاری اله وئرمیشهم؟ سن بیلیمیرسن. حبسدن چیخاندان سونرا هامی سورغو ایله، شوبهه ایله باخیر. یوخ! یوخ! عزیزیم، سهو ائدیرسن. اونلارین سنین کمکینه احتیاجلاری اولسا دا، سنه قییمادیلار. آخماق - آخماق دانیشما. بیزیم بئله موناسیبتیمیز یوخ ایدی بیز خصوصی تعلیم کئچمیشدیک. بو یولدا ساواشیب اؤلمه لی ایدیک. بئله سفح مسئله لرین یئری یوخ ایدی. بو مسئله ده تکجه خیانتکارلار، اونلارا اینانمایانلار دایره دن خارج ائدیله دیلر. منیمله ده بو جور داورانیس ائدیله دیلر. حمید، ائله دئییل. سن سهو ائدیرسن. بعضی شئیلری بیلیمیرسن. بونو شهریزاد ائله دی. بیزه گؤره. نه دانیشیرسان؟ شهریزاد اینقیلاب مسئله لرین ده هامیدان جیدی ایدی. نییه اؤز آداملاریندان بیرینی الدهن وئرمه لی ایدی؟ نئجه آی بیر یئرده یاشادیغیمیز شهریزادی سن منیم قدر تانیمامیسان. شهریزاد اینقیلابچی، بیر پارتییا رهبری، قهرمان دان اول، قادین ایدی. ساکیتلیک، عاییله یاشاییشی، یولداش و اوشاغینین یانیندا اولماق حسرتی وار ایدی. یادین دادر، مسعودو نئجه سئویردی؟ او بیر قادین، بیر آنا کیمی مسعودون آتاسیز بؤیومه یینی ایسته میردی. اونون هدفی دنیانین بوتون اوشاقلارینین سعادت ایدی. بوتون اوشاقلاری اؤز اوشاغی کیمی گؤروردو. اما او واخت کی، آنالیق حیسینی تانیدی - اؤز اوشاغینا آین بیر ایمتیاز ایسته دی. هر آنا کیمی اؤز اوشاغینین سعادتینی هامیسیندان اوستون توتدو. حمید بیر مودت ساکیتجه منه باخدی، سونرا: سهوین وار، دئدی. شهریزاد چوخ گوجلو، چوخ موباریز قادین ایدی. اونون ایده آللاری واریدی. اونو نورمال قادینلارلا موقاییسه ائده بیلمزسن. عزیزیم، موباریز، گوجلو اولماق قادین اولماغا مانع اولمور. سوسدو. اوزونه باخاندا بیر آز راحتلانینی حیس اولونوردو. من داوام ائله دیم: یادیندادی، گئتمه لی اولدوغو همین گئجه مسعودو قوجاخالاییب، قوخولایراق نئجه آغلا بیردی؟ گئنده منه دئدی کی، نه اولورسا اولسون، گرک عاییله نی قورویاسان. اوشاقلارینی گرک ایستی موحیطده بؤیوده سن. مسعود چوخ حساس دیر. آنا - آنایا احتیاجی وار. او واخت من اونون سؤزلرینین معناسینی باشا دوشممیشدیم. سونرالار بیلدیم نه دئمک ایستدینی... اینانا بیلیمیرم. سنین حاقیندا دانیشدیغین آدام شهریزاد دئییل. یعنی بیزیم اینانجلاریمیزا اینانمیردی؟ مگر اونو مجبور ائدن واریدی، ایسته دیی واخت آیریلا بیلردی. کیم اونو قینایاردی؟ یوخ، حمید، سن باشا دوشمورسن! موباریزه اونون روحونون بیر پارچاسی ایدی. اما گیزیلی بیر طرفی ده واریدی کی، او زامانا کیمی

اؤزو ده خبرسیزیدی. بیزیمله قالدینی نئچه آیدا اؤزونو تانیماغا باشلادی. بیر طرفی سن تانیدیغین ایدی. او، سنی اؤلومدن قورودو. سادهجه، بو. قالان حیسلرینی گیزلی بیر حسرت کیمی قلبینده باسدیردی. سنی خبرسیز قویمالاری اؤزلرینی قوروماغا گؤره ایدی کی، توتولاندا چوخ شئی بیلیمه یه سن. سنه عملیاتی خبر ائتمه دیلر کی، سنی قوروسونلار. حمیدین اوزونو خصوصی بیر حال، ترددود، اومید، حیرت بوروموشدو. منیم سؤزلریمی تام قبول ائتمه میشدی، اما دؤرد ایلدهن سونرا ائشیتیدی فرقلی احتماللار اونا اینانیرجی گلمیشدی. بو صؤحتدن سونرا تئز -تئز بو باره ده دانیشیردیق. بوتون یاشاییشیمیزی، داورانیشیمیزی، ائوین شرایطینی، اونون گیزلی یاشاییشینی آچیخلادیق. دویونلر بیر -بیرینین آردینجا آچیلیردی. بونلارین هر بیرینین آچیلماسی آزادلیغا بیر قاپی ایدی. بیر دؤنه حمید دئدی: سن نئجه دیشیمیس! ساوادلی اولموسان. فیلسوف، پسیخولوق کیمی دانیشیرسان. دوغرودان، بو نئچه ایلده اونیوئرسئت سنی بو قدر دیشیدیردی؟ یوخ، منی یاشاییش، چتینلیکلی دیشیدی. سن حبسه دوشه نندن سونرا اوشاقلارین مسولیتینی داشیییردیم. سهو ائتمک شانسیم یوخ ایدی. خوشبختلیکدن، سنین کیتابلارین، اونیوئرسئت، ایشیم منه کؤمک اولدو. ایکی هفته دن سونرا حمید سئوینجلی و هوسلی ایدی. یاواش یاواش اوولکی حالینا قاییدیردی. بدهنی گوجلہ نیردی. اوشاقلار دا بو دیشیلیمه نی حیس ائلییردیلر. اونا اوولکیندن داها چوخ یاخینلاشیردیلار. نه دئییردیه، اوشاقلار او دقیقه عمل ائدیردیلر. بوتون گونو دئییب -گولوردولر. بیر گون حمیدین آتا -آناسی، منصوره ایله یولداشی یانیمیزا گلدیلر. حمیدده اولان دیشیکلیکلردن سئوینیب حیرته گلمیشدیلر. منصوره دئدی: گۆردونوز، دئدیم آخی تک یولو بودور؟! آناسی سئویندییندن یئرینده دورا بیلیمردی. حمیدین دؤوره سینده دوروب دوعا ائلییردی. منه تشککور ائدیردی. اونلار یانیمیزدا اولدوغو ایکی گون بویو یاغیش یاغدی. کامینین دؤوره سینده اوتوروب دانیشیردیق. منصوره نین اری بهمن زارافاتلاری ایله حمیدی گولدروردو. هامی دئییردی کی، حمید اؤزونه گلیب. بیر قدر موذاکیره ائل به نندن سونرا قارار گلدیک کی، بیر - ایکی هفته ده شیمالدا قالاق. حمیدین آناسی قولاغیما دئدی: نهنین حالی یاخشی دئییل. کؤهنه دوستلاری دا قاپی -قاپی حمیدی آختایرلار. اوریم آیاغیمین آلتینا دوشدو. قارار گلدیم کی، باجاردیغیم قدر بو ساکیتلیگی اوزادام. بهمن دئدی کی، ماشین یانیمیزدا قویوب گنده جک. اؤزلری کیرایه ماشینلا قاییداجاقدیلار. بئله لیکله، نؤوبتی ایکی هفته نی ده شیمالدا قالدیق. اوشاقلار بیر وولئبول توپو آلمیشدیق. حمید اونلارلا اویناییر، قاچیر، ایدمان ائدیردی. اوشاقلار آتالارینا دوستلاریندان، مکتبدن، معلملریندن دانیشیردیلار. سیامک اینقیلابی فعالیتلریندن دم ووروردو. حمیدی تعجولندیریب فیکره گندیردی. بیر گون اویناماقدان یورغون دوشوب، اوزاناراق

چای ایسته دی و دئدی: عجب اوشاقلاردی. یورغونلوق بیلیمیرلر. بونلارین نه قدر ائنئیزی سی وار؟! نجه دیلر کی، سنجه؟
چوخ سئویملی دیلر! هئج واخت اونلاری بو قدر سئوجییمی فیکیرلشمزدیم. اونلارا باخندا اؤز اوشاقلیغیمی، یئنئ یئتمه لیگیمی
گؤرورهم. یادیمدادی، اوشاقلاردان نجه آجیغین گلیردی؟ مسعودا بویلو اولدوغومو بیله نده یادین دادی، نئیلدین؟ نئیلدیم؟
گولمیییم توتدو. ایندی گیلئله نمک، آجی شئیلری خاطیرلاماق واختی دئییلدی. هئج، بوشلا گتتسین. یوخ، دی. بوتون
مسولیتلری اوستوندن آتدین. اؤزون بیلیرسن کی، منیم دردیم اوشاق دئییلدی. من اؤز گلجییمه، یاشاماغیما اینانمیردیم.
فیکیرلشیردیم کی، یقین، گلن ایله کیمی اؤله جه یهم. بو شرایطده اوشاق صاحبی اولماق، دوغرودان، آخماق فیکیر ایدی.
هئج بیریمیزین خئیرینه دئییلدی. اگر اوشاقلار اولماسایدی، نچه ایل بو قدر اذیت چکمزدین. اگر اوشاقلار اولماسایدی، منیم
موباریزه آپارماغیما هئج بیر نه دن اولمازدی. من اونلارا گؤره دؤزوردوم. سن فرقلی بیر قادینسان. هر حالدا، اونلارین
وارلیغین دان چوخ راضیام. سنه ده میننتدارام کی، اونلاری منه وئرمیسن. ایندی وضعیت دیشیب. یاخشی گله جک گؤزلییر
اونلاری. داها نیگاران دئییلهم. بو سؤزلری اوندان ائشیتیمک منیم اوچون ان بؤیوک موکافات ایدی. گوله رک دئدیم
دوغرودان؟ بس بو دؤورده اوشاغیمیز اولسا، سورون اولماز کی؟ داها قورخمورسان کی؟ حمید گولته کیمی یئریندن آتیلدی:
یوخ! سن الله، معصومه، یئنه بویلوسان؟ قهقهه ایله گولدوم: قورخما، بو تئزلیکله اولماز. اما بللی دئییل. من هله آنا اولاسی
یاشدایام. زارافات بیر یانا، اگر بو شرایطده اوشاغیمیز اولسا، یئنه ناراحت اولاجاق سان؟ بیر آز فیکیرلشیب دئدی: یوخ،
دوزدور، اوشاق ایسته میرم، اما داها ائله ده قیجیق لانمارام. شخصی قایغیلاریمیز قورتارانندان سونرا اجتماعی سیاسی صؤحتلر
باشلادی. هله بیز ایندی اؤلکه ده نه باش وئردینی درک ائتمیردیک. اونو نییه آزادلیغا بوراخمیشدیلا؟ نییه میللت بئله
دیشمیشدی؟ من اونا میللتدن، طلبه لردن، همکارلاردان، اؤز تجربه لیریمدن دانیشیردیم. باشقالارینین یاواش - یاواش
داورانیشلارینین دیشیلمه سیندن، جناب زرگری دن، شیرازیدن دانیشیردیم. و ان سونوندا، دئدینه گؤره، اینقیلاب یولوندا
جانین دان، مالین دان کئچمه یه حاضیر اولان محموددان. حمید تعجبله دئدی: دوغرودان، محمود قریبه آدمدی. هئج واخت
فیکیرلشمزدیم کی، بیر گون او، مننه ن عینی فیکیرده اولسون. حمید یاواش - یاواش باشقالاری ایله ایلگی قوروردو.
خبرلره مارق گؤستریردی. ماغازادا، کوچه لرده میللتله دانیشیردی. خئیلی دوستلار تاپمیشدی. خبر و شایعه لری بیرینجی
اونلاردان ائشیدیردی. بئله لیکله، ایکی هفته ده کئچدی. اما داها اونو قاپالی بیر یئرده ساخلاماق مومکون دئییلدی. تئهرانا
دؤندوک. بیز چاتاندا نه رحمته گتتمیش، یئددی سی چخمیش دی. اونلار قارار گلیمشیدیلر کی، بیزه خبر ائتمه سینلر.

قورخوشدولار کی، قوهوملارین گلیب -گتتمه‌لری حمیدی ناراحت ائدر. تئهرانا قاییتماق حمیدی ایللر اوله قایتاردی. یئنه کیتابلار، قزتلر... گونو -گوندن ده اطرافینا آداملار ییغیشیردی. بو آداملار اوندان زیندان گورموش، اذیت چکمیش قهرمان دوزلدیردیله. باشقان اولماغی تکلیف ائدیردیله. او، اؤزونه اینامینی یئیندن تاپمیشدی. هر گون اوولکیندن داها چوخ قورورلانیردی. بیر رییس کیمی دانیشیردی. مباریزه یوللارینی گؤستریردی. بیر هفته‌دن سونرا حمید یولداشلاری ایله چاپخانایا گتدی. مهورونو آچیب، قالان لوازیملاتلارلا بالاجا بیر چاپخانا آچدیله. دوزدور، ائله ده اساسلی بیر چاپخانا دئییلدی، اما اونلارین اعلانلارینی چاپ ائتمه‌یه بس ائله ییردی. سیامک همیشه اونون یانینجا گئیدیردی. اونون اوغلو اولماقلا فخر ائدیردی. هر ییغینجا قالداییشیردی اونون یانیندا اولسون. مسعود باشقا جور ایدی. اوزده اولماقدان چکینیردی. یئنه ده اونلاردان اوزاقلاشدی. یانیمدا اوتوروب، اونلارین ییغینجاقلارینین شکیللرینی چکیردی. اما اونون رسملرینده هئج زوراکیلیق، اؤل و یارالی اولموردو. عاشورا گونلری ائویمیزه چوخلو آدام گلدی. بیر یئرده آکسییایا گتدیک. حمید اؤز دوستلارینا قوشولوب، بیزدن آیریلدی. حمیدین آتا -آناسی تئز قاییتدی. من، حمیدین باجیلاری، فاطمه و یولداشی صادق بی چالیشیردی کی، بیریریمیزی ایتیرمیک. او قدر چیغیریب قیشقیرمیشدی کی، آز قالمیشدی سسیمی باتسین.

بیرینجی دؤنه ایدی کی، حمید اینقیلابین، میللتین هاواسینی -گوروردو. بیر آزدان حیس ائله دیم کی، حالیم دیشیب، تئز یورولورام، سحرلر یونگولوی اوک بولانام وار. ایندی سئوینیریم. اؤز -اؤزومه دئییریم، بو اوشاق باشقا بیر شرایطده آنادان اولاجاق. بیز ایندی عایله بیک. گؤزل بیر قیز اوشاغی عایله‌میزه صمیمیت و ایستی‌لیک گتیره بیلر. حمید اوشاق صاحبی اولماغین اصل لذتینی هله بیلیمیر. اما یئنه ده جورات ائتمیریم، اونا بو خبری وئیریم. بیلنده گولوب دئدی: بیلیریم، سن یئنه باشیمیزا ایش آچاقاسان. اما نیله‌مک اولار؟ پیس خبر دئییل. بو دا اینقیلابین محصولدور. اینسان قوه‌سینه احتیاجیمیز وار. اینقیلابسا ان هیجانلی گونلرینی یاشاییردی. هامیمیز نسه ائله‌مه‌یه چالیشیردیق. محمودون، بیزیم ائولریمیز آداملارلا دولوب -بوşالیردی. تدریجهن ائویمیز آشکار سیاسی قرارگاه دؤنموشدو. هله ده تهلوکه اولسا دا، آداملارین بیر یئره ییغیلماسی قئیری قانونی حساب اولونسا دا، حمید چوخدا احتیاط ائله‌میردی. اؤز ایشینده ایدی. دئییردی: منی بیر دؤنه ده توتسالار، قهرمان سایلاجام.

اونلار بو ریسکه گئده بیلملر. حمید او واختلار دوزلتدی گیزی یوللا قونشولارین ائوینه گئیدردیک. گئجه یاریسینا کیمی موداکیره‌لر ائلییردیک. بوتون جاماعات کیچیک‌دن بؤیویه قدر سیاستچی اولموشدو. شاهین گتتمه بی هامینی داها دا

هیجانلاندیرمیشدی. محمود نئجه ائدیردیه، گره ک اولان واخت تزه خبرلری آلا بیلیردیک. سیاست حمیدله ماحمودو دوستلاشدیرمیشدی. سیاسی اکسییالاری بیر بیرلری ایله موذاکیره ائدیردیلر. حمید مباریزهنی ساحلی موقامتده، ماحمودسا پارتیزان حرکاتیندا گۆروردو. بعض بو صؤحتلر سحره قدر داوام ائدیردی. دوشمه نچیلیک یاددان چیخیردی. کسینه ایلگی لر تزه دن قورولوردو. مثلن، بیزیم اییری بئش ایل آلمانیدا یاشایان داییمیز ایندی بیزیمله ایلگی ساخلایردی. خاریجه اولان هر ایرانی کیمی هیجانلا زنگ ائله بیر، ماحموددان تزه خبرلری آلیردی. محمود حتی بییقیزی محبوبه نین اری ایله ده دانیشردی. قوما تتهران بیر -بیرینه خبر اؤتوروردولر. ماراقلی دیر، محمود پولونو، ثروتینی اینقیلابدان اسیرگه میردی. هردن فیکیرلشیردیم کی، یعنی بو، همین ماحموددور؟ منیم اون اوچ یاشلی سیامکیم واختیندان اول بؤیوموشدو. اؤزونو اصل کیشی کیمی آپاریر، آتاسینین یانیندان آیریلیردی. ایندی اونو آز -آز گۆروردوم. چوخ واخت گون اورتا، گئجه نه یئدینی بیلیردیم. اما بیلیردیم کی، همیشه کیندن داها احتیاطلی دیر. مسعود قاپیلارا، دیوارلارا شوعار یازماقلا مشغول ایدی. بعضن واختی اولاندا شوعارلارین کنارلارینا گولدن بوتادان چکیردی. اوشاقلاری اینقیلابین هیجانیندان اوزاق توتماق مومکون دئییلدی. چاره سیز قالب اؤزومده مسعودون یانینا قاچیردیم. اونون اوشاقلارلا دولاشدیغی کوچه لرده کئشیک چکیردیم. اونلار راحتجا شوعارلارینی یازیر، منسه اونلارین سهولرینی دوزلدیردیم. بئله لیکله، هم اونو قورویور، هم ده اوغومون اینقیلابیندا ایشتیراک ائدیردیم. مسعود بونو گۆروب داها دا هیجانلاندیردی. آتاسینین بو تهلوکه لی ایشده ایشتیراکینی گۆره نده سئوینیردی. بو آرادا منی اوزن بیرجه شئی تزه دن پروانه دن اوزاقلاشمام ایدی. بو دؤنه بیزیم عقیده لریمیز فرق لی ایدی. پروانه او آدم ایدی کی، حمید زینداندا اولاندا منه چوخ کؤمک ائتمیشدی. اما اریم حبس دن چیخاندان سونرا بیزیمله ایلگی سینی کسمیشدی. اونلار شاهین یانیندا ایدیلر و اینقیلابچیلاری پیس آدم حساب ائدیردیلر. صوحتلریمیز آلینمیردی، ایسته مه یه رک بیر -بیریمیزی آجیلا بیر و هر دؤنه داوا ائتمک حدینه چاتیب آیریلیردیق. یاواش - یاواش بیر -بیریمیزی گۆرمه یه گۆزوموز اولمادی. حتی اونلارین اؤلکه دن نه واخت چیخماغیندان دا خبریم اولمادی. اما اونو یاشاییشیمدان سیله بیلیردیم. اینقیلابین شیرین، یاخشی گونلری کولک کیمی اسیب کئچدی. تئلو یوزیا هئی ایران مارشینی چالیردی. آپاریجی فوروغون شعیرینی اوخویوردو. سئوینجدن اؤزومه یئر تاپمیردیم. اوخویا -اوخویا بو اوتاقدان او اوتاغا کئچیردیک. بیر -بیریمیزی قوجاقلاییردیق. بیر یونگوللوک، آزادلیق حیسی وار ایدی هامیمیزدا. حمیده دئییردیم: بو یورغونلوقدان سونرا ایچدییم بیر قورتوم سو یئتمیش -سک سه ن ایلیک عؤموردن شیرین دی. مکتبلر سورعتله آچیلدی،

ایداره‌لر ایشه باشلادی. هر شئی بیریرینه دیمیشدی. وضعیت قئیری -عادی ایدی. بعضیلری «جومه‌وری ایسلامی» پارتیاسینا یازیلماغی تکلیف ائلییردی، بعضیلری ایسه شاه زامانین داکی کیمی هامینین عینی پارتیایا عضو اولماسینی پیس حساب ائدیردی. بو عرفه‌ده هامینین دقتی منیم اوستومده ایدی. هامی منی تبریک ائدیردی. ائله بیل اینقیلابی من ائلمیشدیم. هامی حمیدی گۆرمک ایستییردی. اونو قهرمان کیمی قبول ائدیردیلر. حمید چوخ اوتانجاق اولدوغوندا بئله واختلاردا الی آیاغینا دولاشیردی. حمیدین و دوستلارینین سئوینجی یئره -گۆیه سیغمیردی.

۶-ینجی بۆلوم

گونلر بیز فاتتحرلر کیمی یاشاییردیق. آزادلیغیمیزدان حظ آلیردیق. بوتون پییادا یوللاری کیتابلا، ژورناللا دولو ایدی. بیر ایل اوله کیمی بونلار قاداغان اولونموش ادبیات ایدی. ایندیهه هئچ کیم نه ساواکدان، نه ده باشقالاریندان قورخوردو. اما ایلرله داوام ائدن دیکتاتور آزادلیق دان دوغرو ایستیفاده ائتمه یی اؤیره نمه یه قوبامیشدی. صؤحبت ائتمی باجارمیردیق، موخالیفلرین نیطقلرینه قولاق آسماق مدنیتیمیز یوخ ایدی. بیز ضد فیکیرلره دؤزه بیلیمیردیک. بونا گؤره ده بیزیم خوشبختلییمیزین عؤمرو چوخ قیسا اولدو. هر پارتییا او بیرینی میللتین، دینین دوشمه نی کیمی گؤستریردی. هر گون بیر تزه قروپ وارلیغینی اعلان ائدیردی. و قالانلارینی چیرکابا باتیرماغا جهد ائدیردی. او ایلین نووروز بایرامی سیاسی صؤحبتلر، داوالار و موباحیثه لرله کئچدی. همین گون محمودگیله محمودلا حمیدین آراسیندا آغیر بیر صؤحبت باشلادی. موباحیثه نین آخری داویلا قورتاردی. محمود دئییردی: میللت دینه گؤره اینقیلاب ائله ییب. بو حاکمیت ایسلامچی اولمالیدی. یعنی نه معنادا ایسلامچی؟ حمید سوروشدو. یعنی اؤلکه ایسلام قانونلاری ایله ایداره اولونمالیدی. دئمه لی، اؤلکه مین دؤرد یوز ایل اوله قاییتمالیدی، هه؟ ایسلام قانونو الله قانوندور. هئچ واخت کؤهنه اول بیلمز. بس ایسلامین اقتصادی، حقوقی قانونلاری ندير؟ دئمه لی، سیز حرم قورماق، دوه ایله سفر ائله مک، اوغرو لارین ال-آیاغینی کسمک ایستیر سینیز؟ بونلار -آلاهیین قویدوغو قانونلار دیر. اوغرو لارین اللرینی کس سئیدیلر، بو قدر اوغرو اولمازدی. سن دین سیز سن. آلاهیین قانون دان باشین چیخمیر؟ بونلارین هامی سینین حکمتی وار. صؤحبت کسکینلشدی. حمید خالقارین حاقیندان، آزادلیق دان، ثروتین بؤلونمییندن، خیانتکارلارین اینقیلابی اعدامیندان، شورا حاکمیتیندن دانیشیردی. محمود اونو دین سیزلیک ده، الله سیزلیقده، مورتد اولماقدا اتهام ائدیردی. حمیدسه اونون دوقماتیسیت، باشی بوش، ایرتیجاعچی اولدوغونو دئدی. آخیردا ماحمید حمیده «خایین» و «جاسوس» دئدی. سعادتله اوشاقلاری، علی و آروادی محمودون طرفینی ساخلا ییردی لار. من ده حمیدی مدافعه ائدیردیم. آنام نه ائدجینی بیلمه دن اوزونو جیریردی. او، بیزیم سؤزلریمیزدن هئچ نه آنلامیردی. فاطمه ایله اری ترددود ایچین ده ایدیلر. بیلیمیردی لر هانسی جبهه ده دورسونلار. هامیدان چوخ چاشان سیامک اولدو. او، کیمین حاقلی اولدوغونو

بیلیمردی. نچه آی اول دای سینین، سون زامانلار ایسه آتاسینین دئدیکلری اونو چاشدیرمیشدی. ایندییه قدر او، بو تضادی حیسس ائتمه میشدی. ایندی اونلارین آرالارینداکی موباحیثه اونون اوشاق خاراكتئرینی آلت-اوست ائله میشدی. داها هئچ بیرینین طرفینی ساخلاماغا جهد ائله میگردی. آخیردا سیامک دؤزه بیلیمه ییب، باشینی سینهمه قویوب زار-زار آغلادی. اونا اورک-دیرک وئریب، نییه بئله ائله دینی سوروشدوم. دئدی: یعنی، دوغرودان، آتام آلاها اینانمیر؟ آتام آغا خومئینین دوشمه نی دیر؟ محمود داییم، دوغرودان، اینانیر کی، آتاملا دوستلاری اعدام اولونمالیدیرلار؟ اونا نه دئییه جیمی بیلیمه دیم. یاشاییشیمیز یئنه کئچهن ایللره قایتیدی. حمید یئنه ائوه آز-آز گلیردی. عایله نی یاددان چبخارتمیشدی. دورمادان اؤلکه نین او طرف -بو طرفینه گئدیردی. واختینی مقاله لر یازماق، دانیشیقلا، ژورناللاردا، قزئتلرده اعلانلار چاپ ائتمکله کئچیریردی. گونلر کئچیردی، اوندان خبر آلا بیلیمردیک. سیامکین اونون یانیندا اولماغینا اعتراض ائله میگردی. اما منه ائله گلیردی کی، سیامک اوولکی کیمی اونونلا اولماغا مئیللی دئییل. مکتب، اونیورسئت، ایداره لرین آچیلماغی ایله هامی اؤز ایشینه باشلادی. هر یئرده عقیده صوحتلری گئدیردی. اونیورسئته ده هانسی قروپ اوتاغا تئز چاتسایدی، اؤز قروپونون شوعارینی قاییسینا آسیردی. اعلان و خبردارلیق ورقله لر پایلا ییردی. ساده جه، طلبه لر دئییلدی. معلملر ده قروپلارلا آیریلیمیشدی. دیوارلار بیر-بیرینه ضد شوعارلارلا دولو ایدی. او ایل سینا لاری نئجه وئردیم یادیم گلیمیر. هر شئی ایدئولوژی ساواشلارین اطرافیندا دولانیردی. دوننکی دوستلار بو گون بیر-بیری ایله ال به یاخا اولوردولار. مباریزه لرده اودوزان طرفلر سیاسی یاشاییشدان سیلینیردی. آخیرینجی کورسو بیتیردیمه گؤره سئوینیردیم. حمید گولوب دئییردی: نه ماراقلی طلبه سن سن؟! درس اوخوماغی ائله سئویرسن کی! منی اله سالیرسان؟ بو دیپلومو اوچ ایله ده آلا بیلردیم. اما سنه گؤره تحصیلیمی بوراخمالی اولدوم. اما ایندی اینانیرام کی، ماگیستراتورایا دا قبول اولاجام. اما اونیورسئتن داغینق لیغی، معلملرین چوخونون گئتمه یی، کورسلارین تشکیل اولونماغی اوجوباتیندان بو ایله ده اونیورسئتی بیتیره بیلمدیم. ایداره ده ده عینی وضعیت ایدی. هر گون بیر دسته آداما «ساواک چی» مؤهورو ووروردولار. هامی بیر-بیرینی عکس اینقیلابچیلیقدا گوناها لاندیریردی. بیزیم ائوده ده باشقا هاوالار چالینیردی. سیامک مکتب دن گونده بیر خبرله گلیردی. ۱۹۷۹ جو ایلین شهر یور آیینین سونون دا قیزیم دونیا یا گلدی. بو دؤنه حمید ائوده ایدی. اؤزو منی خستخانایا آپاردی. اوشاق دوغولاندان سونرا گوله رک یانیمدا اوتوروب دئدی: هامی سیندان چوخ بو، سنه اوخشا ییر. دوغرودان؟ نچه دیر کی؟ منجه، قارابوغدایی اولمالی دیر. هله کی قیرمیزی دیر. نه بوغدایی سی؟ اما یاناقلاریندا قمزه سی وار. چوخ شیرین دی. آدینی شهر یزاد قویماق

ایستیریم. اولار؟ اما من ایستیریم کی، شهریزاددان فرق لی اولاراق، او، چوخ و خوشبخت یاشاسین. اونا بو بالاجانین آدی نه اولسون؟ ایندیجه اوزون بیر آد دئدین. نه دئدیم؟ شیرین. بو دؤنه امین یدیم کی، بو، منیم آخیرینجی اوشاغیمدی. ایسته بیردیم کی، اونون کۆرپه لنین بوتون آنلاریندان لذت آلیم. سیامک اونا هئچ فیکیر وئرمیردی. اما مسعود نه اینکی اونا پاخیلیق ائتمیردی، عکسینه، بو بالاجا معجزه یه سؤگی ایله باخیردی. مکتبدن گلن کیمی باجیسینین یانینا قاچیردی. اونولا دانی شیر، اویناییردی. شیرین ده اونو گۆره ن کیمی ال چالیب گولوردو. بؤیویه دن سونرا دا اونون قوجاغینا آتلا نیردی. شیرین ساغلام بیر قیز ایدی. اوزدهنده سیامکله مسعودون قارشیغینا اوخشییردی. مسعود کیمی گول اوز، سیامک کیمی شیطان، دجل ایدی. دوداقلاری، یاناقلاری منه اوخشییردی. قارا ایری گۆزلرینی، قارابوغدایی دری سینی حمیددن گۆتورموشدو. باشیم او قدر اونا قارشیقیدی کی، حمیدین تئز -تئز یوخا چیخماغیندان ناراحت اولموردوم. اونون ایشلریندن خبرسز ایدیم. حتی سیامکدن ده خبریم یوخ ایدی. بیلیردیم کی، درسلی همیشه کی کیمی یاخشیدی. اما قالان ایشلریندن خبریم یوخ ایدی. اوچ آی آنالیک ماذونیتیندن سونرا قارار گلدیم کی، اؤز حسابیما بیر ایلیک ماذونیته چیخیم. بو مودتده ساکیتجه اوشاغیمی بؤیوده بیلردیم. درسیمی بیتیریب، ماگیسترسینا ولارینا حاضیرلاشماقدیم. عایيله عضولریندن باشقا بیر نفر ده وار ایدی کی، شیرینین وورغونو ایدی، پروین خانیم. ایندی اونون ایشی آزالمیشدی، حیطده کی ایکی اوتاغینی کیرایه وئرمکله دولانیردی. بونا گۆره ده واختی چوخ ایدی. منیم درسلیمه حاضیرلاشماق ایسته ییمی بیلهنده شیریندن موغایات اولماغی اؤز اوزرینه گۆتوردو. اما اونیوئرسئتده ایغتیشاشلار داوام ائدیردی. بیر گون چوخ حؤرم ائله دییمیز بیر معلمی اوتاقدان دؤیه -دؤیه قوودولار. نه دن -اونون بیر واخت شاهدان موکافات آلمای ایدی. حالیم پیسلشدی. بو حادثه نی حمیده دانی شاندا باشینی ترپدیب دئدی: اینقیلاب بئله یئرسیز اورک یانینالاری خوشلامیر. اینقیلابین بیر ایشی ده تمیزله مه آپارماقدی. هر اینقیلابدان سونرا آرخلاردان قان آخیر. خالق نئچه یوز ایلیک اینتیقامینی آلیر. ییزیمکیلر هله آز ائله ییب. نئجه آز ائله ییب؟ اعدام اولونانلارین شکیللری قزتلردن دوشمور! بونلار نه دیر کی؟ بو بیر نئچه نفری ده اؤلدورمستیدیلر، اؤزلریندن شوبهه لنه بیلردیلر. حمید، بئله دانی شما. منی قورخودورسان. منجه، بو چوخ سرت تمیزله مه دی. سن چوخ حساس سان. سورون ده بوندادیر کی، بیزیم میللتین اینقیلابچیلیق مدنیتی یوخدور. یاواش -یاواش سیاسی -اجتماعی باخیش فرق ائله گوجلەندی کی، اونیوئرسئتلر باغلانمالی اولدو. بئله گۆرونوردو کی، بو دؤوره ده من عالی تحصیلیمی بیتیره بیلمه یه جه م. ثابت لیک، ساکیتلیمیز الدن گئتمیشدی. داخلیل موخاریبه قورخوسو واریدی. اؤلکه نین پارچالانماسی باره ده

شاییه لر گزیردی. حمید تئز -تئز سفره گئدیردی. بو دؤنه بیر آیدان چوخ ایدی کی، ائوه گلمه میشدی و اوندان هئج بیر خبریمیز یوخ ایدی. نیگارانچیلیغیم یئنه باشلامیشدی. اما بو دؤنه داها کئچمیشده کی دؤزوموم قالمامیشدی. قرار وئرمیشدیم کی، سفردن قاییدان کیمی اونونلا چوخ جدی دانیشیم. آلتی هفته دن سونرا گئجه یاریسی حمید یورغون، اوست -باشی چیرکلی حالدا ائوه گلدی. چاتان کیمی چارپاییسینا اوزانیب، اون ایکی ساعات یاتدی. ان سونوندا، صاباح گون اورتا اوشاقلارین سسینه اوایندی. اواینان کیمی دوش قبول ائدیب، یئمه یینی یئدی، مطبخده کی ماسانین یانیندا اوشاقلارلا دانیشماغا، اویناماغا باشلادی. من قبالاری یووردوم. تعجیله منه باخیب دئدی: دئییه سن، کوکلمیسن؟ یوخ، عکسینه، بیر آز دا آریخلامیشام. اونو آجیلاماق ایسته ییردیم. بیر نئجه آی اول قیزیمیزین دوغولماغینی یاددان چیخارتمیشدی. بونا گؤره ده هئج شیرینی سوروشموردو. ائله همین واخت اوشاق آغلادی. آجیخلا دئدیم: دئییه سن، یادینزدان چیخیب کی، بیر اوشاغینیز دا وار؟ او اوستونو وورمادی. اوشاغی قوجاغینا آلیب دئدی: بو نئجه بو یویوب؟! چوخ شیرین اوشاقدی. مسعود فخرله باجیسینی تعریفله مه یه باشلادی. اونون گولمه ییندن، ائوده هامینی تانیماغیندان، ایکی دنه دیشیندن و تزه لیکجه ایمکلمیندن دانیشدی. حمید گولدو: آی کیشینین اوغلو، من نه واختدی یوخام؟! بو ایشلرین هامیسینی بو مودتده اویرنیب؟ یوخ، سن گئتمه میشدن قاباق دیش چیخارتمیشدی. چوخ شئی اویرنمیشدی، اما سن گؤرمه میشدین. او گئجه حمید ائوده ن چیخمادی. گئجه ساعات اون ایدی کی، تئلفون زنگی گلدی. حمید یئریندن آتالانیب، پئنجه یینی قاپاراق داما قاچدی. بیر آنین ایچینده کئچمیش ایلره قایتدیم. ائله بیل هئج نه دییشمه میشدی. اورییم بولاندی. کیمین زنگ ائله دییی یادیمدا دئییل. هر نه ایدیسه، تهلوکله لی هئج نه یوخ ایدی. اما هر ایکیمیز قورخودان کئچینمیشدیک. آجی -آجی اونا باخدیم. اوغلانلاری زورلا اوتاقلارینا یاتماغا گؤندردیم. حمید ده جییندن بیر بالاجا کیتابچا چیخاردیب، یاتاق اوتاغینا گئتدی. ساکیتجه اونو سسلدیم: حمید، قاییت، ایلش، سنینله صوحبتیم وار. صیبرسیزجه دئدی: مطلق ائله ایندی ائله مه لیسن او صوحبتی؟ بلی، بو گئجه. چونکی قورخورام داها صاباح اولمایا. نه قدر شاعرانه! نه ایستیرسن دئی، لاغا قوی. اما من گرک بو سؤزلری دئییم. حمید، باخ من نئجه ایله ده هر شئی گؤردوم، یاشادیم. هئج واخت سندن هئج نه ایستمه میشم. سنین اینانجینا حؤرمه ائلمیشه م. فیکیرلرینین چوخونو قبول ائتمه سه م بئله. نئجه ایل تک، قورخو، نیگارانچیلیق ایچینده یاشامیشام. یاشاییشیمیزدا سنین ایستکلرینی هر شئی دن اؤنده توتوموشام. گئجه یاری یاشاییشیمیزین دارماداغین اولماغینا دؤزموشمه. بوتون یوکو چینیمه آلیب، اوشاقلاری بو یوتموشمه. یاخشی، نه دئمک ایستیرسن؟ منی اویاق ساخلامیسان کی،

ایندی سنه تشککور ائدیم؟ یاخشی، تشککور ائدیرم، سن چوخ فؤوقه لاده بیر قادینسان! یوخ، حمید، سنین تشککورونو ایسته میرم. من داها اون یئددی یاشیندا بیر قیز دئیله م کی، سنین قهرمان لبقلا رینا سیتاییش ائدیم. نه ده سن او اوتوز یاشیندا گوجلو جوانسان کی، ساواشیب موباریزه ائده بیله سن. اؤزون دئییردین کی، اگر شاه رژی می آرادان قالحسا، اینقیلاب اولسا، میللت ایسته دی شیلره چاتاجاق. سن نورمال یاشاییشا قاییداجاقسان. راحت، شاد، بیر یئرده اوشاقلاریمیزی بویوده جه بیک، بیر آز اونلاری دا فیکیرلش. اونلارین سنه احتیاجی وار. داها راحتلان. منیم داها گوجوم قالما ییب. سنده وظیفه نی یئرینه یئتیرمیسن قالانی نی گنجلرین ایختیارینا بوراخ. اوشاقلاریمیزین سعادتین دن باشقا هئج نه ایسته میرم. اوشاقلار آتا ایسته بیرلر. داها من سنین یئرینی توتا بیلرمه م. یادیندادی، او بیر آی شیمال دا اوشاقلار نه قدر خوشبخت ایدیلر؟ نئجه یوکسک احوالی -روحیه ده ایدیلر؟ هر شئی سنه دئییردیلر؟ اما نئچه واخت دیر بیلیم، سیامک ئیلیر؟ دوستلاری کیم دیر؟ او، یئنی یئتمه دیر. خطالی یاشی دیر. اونا گرک واخت آیراسان. خرچلری گونو -گوندن آغیرلا شیر. بو باهالیقلا، پول قایغیلاری ایله من داها تک با جارمیرام. سن هئج فیکیرلشیرسن کی، بو نئچه آیدا، من معاش سیز ائوده قالدیغیم واخت دا بیز نئجه کئچینمیشیک؟ اینان، پیس گون اوچون آیردیغیم او پول دا قورتاریب. سنین قوجا آتان نه واختا قدر بیزیم دردی میزی چکه جک؟ او کی هر آی منیم معاشیمی سیزه وئیر... هانسی معاش؟ نییه اؤزونو آلدادیرسان؟ بو چاپخانانین نه قدر گلیری وار کی، سنین کیمی هئج واخت ایشه گئتمه یه ن آداما معاش وئرسین؟ یاخشی، سنین دردین نه دیر؟ پول احتیاجین وار؟ دئیرم، آرتیق وئرلر. بو سنی بیر آز راحتلا دیر؟ نییه نه دئمک ایسته دی می آنامیرسان؟ بو قدر سؤز دانیشدی م، سن آنجاق پول دان یاپیشمیسان. اونلارین هامیسی شعی ر ایدی. سنین اصل سورونین ائله بودور. سنین دئهنین ده هئج واخت بویوک ایده آلار اولما ییب. سنین مادی تفککورون ده خالقا خیدمت هئج واخت یئر توتما ییب. یئنه باشلا دین شوعار دئمه یی ا؟ اورین خالقا، بدبخت میللته چوخ یانیر؟ گل گئدک، مملکتین ان اوجقار یئرینده معلم اولاق. اونلار بیر شئی اؤیردک، کؤمک ائدک، اؤزوموز ده اکی نچی لیک ائدک. سنین فیکرینجه، هر ایش خالقا خیدمت دیر. هئج بیر گلیریمیز ده اولماسین... من، ساده جه، ایستیرم کی، بیر یئرده اولاق. اوشاقلاریمین آتاسی اولسون. آلاها آند اولسون، هارا گئتسه ن، گلرم. بیرجه بو نیگار انچیلیق دان، قاقماق دان، عصب موحاریبه سین دن قورتولاق. یالواریرام! یاشاییشین دا بیر دؤنه ده اولسا، اوشاقلارین، عایله ن اوچون قرار وئر. حمید آجیخلا دئدی: قورتاردین؟ دوغرو دان، سن بو قدر سادلؤ وحن؟ هله ده بالاجا قیزلار کیمی یوخولارا اینانیرسان؟ فیکیرلشیرسن کی، من بو قدر عذاب چکه ندن، حبس ده یاتاندان، تعلیم گؤرهن دن سونرا ایندی، واختی

چاتاندا زحمتیمین، موباریزه مین نتیجه سینی ایکی اللی بونلارا تقدیم ائدیم؟ اؤزوم ده گئدیم اوجقار بیر یئرده دؤرد نفر کندلی ایله پاخلا اکیم، یئر شوملاییم؟ منیم کوریمده خالق حکومتین الی وار. کیم دئییر، اینقیلاب سونا چاتیپ؟ بیزیم هله قارشیمیزدا اوزون یول وار. منیم وظیفه م بوتون خالقلارین قورتولوشی دیر. سن نه واخت بونلاری باشا دوشه جک سەن؟ خالق حاکمیتی نه دئمک دیر؟ مگر خالق اؤزو سئچمه لی دئییل؟ اونلار بو حاکمیت سس وئریلر. اؤزلری بونلاری سئچیبلر. سن کیمینله ساواشاقسان؟ بسدی، سن الله! هانسی سس؟ بو سس اینقیلابدان قورخموش، چوخ شئی دن خبرسز میللت دن آلینیپ. اؤزلری ده بیلمه دیلر کی، نه جور تله یه دوشدولر. بیلدیلر، یا بیلمه دیلر. هر حالدا، میللت اونلارلادی. و سن اونلارین وکیلی دئییل سن. اؤزلری ایسته ییلر. سن ده گرک اونلارین سئچیمینه حؤرمّت قویاسان. یعنی اوتوروب الیمی الیمین اوستونه قویوم، هر شئی برباد اولسون؟ من سیاسی تفککورلو آدامم. دوغرو حاکمیتین یولونو تانیییرام. ایندی کی زمین حاضیردی، گرک ایشی بیتیرک. بو یول دا دا موباریزه دن چکینمه یه جه یه م. موباریزه؟ کیمینله موباریزه؟ ایندی کی شاه یوخدور. حاکمیت جومهوریت ده دیر. ایستیرسن کی، موباریزه ائدسەن؟ یاخشی، ائله. پروقراملارینی، پلانلارینی دئی، دؤرد ایلده ن سونرا اونلاری سسؤرمه یه قوی، اگر سنین یولون دوز اولسا، امین اول، میللت سنه سس وئره جک. آی قویدولار ها! اؤزو ده هانسی میللت؟ او میللت کی، یئتمیش فایزی ساوادسیزدیر! آلاهیین و پیغمبرین قورخوسوندان هر شئیلرینی ایکی ال لی بو دین چیلره وئرن خالق؟ ساوادلی، یا ساوادسیز. بیزیم میللتیمیز بودور. سن ایستیرسن اؤز حکومتینی زورلا حاکمیته گتیره سەن؟ بلی، اگر گره ک اولسا، بونو دا ائدره م. او واخت کی، میللت نبین اونون خئیرینه اولدوغونو بیلدی، بیزیمله اولاجاق. بیردن سیزینله اولماسالار؟ اونلارین ایدئولوگیالاری سیزدن فرق لی اولسا، نئجه؟ ایندی مین دنه آخین وار. مملکت ده اینانیرلار کی، حاق اونلارلادیر. و سیزین حاکمیتی ایسته مه یه جکلر. اونلارلا نئیه یجکسن؟ آنجاق قره زلی خایینلر خالقین منفعتینی فیکیرلشمیرلر، اونون قارشیسیندا دورولار. اونلاری آرادان گؤتورمک گره ک دیر. یعنی اونلاری اعدام ائدجکسن؟ بلی. اگر گره ک اولسا. بو سؤزلرین یئری دئییل. بو گون مطلق هامی ایله برابر نامازا گئت. ایداره ده هامی گؤزلیبر کی، گؤرسون سن نه جور ناماز قیلیرسان. هر گون بیر دسته آدمی ایشده ن چیخاردیردیلار. آدلارینی اعلان یئرلرینه یاپیشدیردیلار. هامیمیز نیگار انچیلیقلا بو اعلان لؤوحه لرینه باخیردیق. ائله کی آدیمیزی گؤرموردوک، راحت نفس آلیردیق. او گونو «یاخشی گون» آدلاندیریردیق. محاریبه باشلانان گونو بومبالارین سسینی ائشیدیر-ائتشیتمز اؤزوموزو ایداره نین دامینا آتدیق. هئچ کس نه اولدوغونو بیلمیردی. بعضیلری بونون یئنی اینقیلابچیلار اولدوغونو دئییر، بعضیلری ده

دئیردی، چئوریلش اولوب. اوشاقلارا گۆره نیگاران ایدیم. تلسیک ائوه قایتیدیم. همین گوندن منیم داها بیر قایغیم واریدی -موحاریبه. گئجهلر ایشیقلاریمیز سؤنوردو. بئنزین، یاناجاق تاپیلمیردی. اوشاقلارین اوتاغینین پنجره سینه قارا پارچا یاپیشدیر میشدیم.

گئجهلر ایشیقلا کسپله نده و گۆیده هوجوملار گوجلننده هامیمیز اورایا ییغیشیب، شام ایشیغیندا دهشتله ائشیکدن گلن سسلره قولاق آسیردیک. حمیدین یانیمیزدا اولماغی بیزه چوخ کۆمک ائده بیلردی. اما او، همیشکی کیمی ان واجیب مقامدا یانیمیزدا دئییلدی. بیلیمیردیم کی، هارادادیر. اما داها اوریمیز اوندان اؤترو دؤیونموردو.

یاناجاغین آزیغی، بئنزینین تالونلا وئریلمی گئدیش -گلیش سیستمینی بیر -بیرینه وورموشدو. چوخ زامان پروین خانیم بیزیم ائویمیزه گلمه یه ماشین تاپا بیلیمیردی. یولو پییادا گلیردی. او گون همیشه کیندن گئچ چاتدیم ایشه. گیرهن کیمی قئیری عادی وضعیتله اوزلشدیم. نظارتچی اوزونو چئویردی. سالام وئرمه دی، هئچ سالامیمین جاوابینی دا وئرمه دی. ایداره نین بیر نچه سوروجوسو گیزلینجه منه باخدی. منیمله اوزبه اوز گلنلر باخیشلارینی گیزله دیر، اؤزلینی گۆرمزلییه قویوردولار. ائله کی آیاغیمی ایچری قویدوم، یئریمده قورودوم. هر شئی بیر بیرینه دیمیشدی. سیگیرمه لرین ایچینده کی هر شئی ایستولون اوستونه بوشالمیشدی، کاغیذلار هر طرفه تۆکولموشدو. دیزلریم تیترمه یه باشلادی. قورخو، نیگارانچی لیق ایچیمی اودلا بیردی. جناب برزگرینین سسی منی اؤزومه قایتاردی: باغیشلا یین، خانیم صادقی، زحمت اولماسا، منیم اوتاغیمدا گلین. جانسیز آدام کیمی ساکیتجه اونون آرخاسینجا سوروندوم. منه دئدی کی، اوتوروم. اؤزومو بیرتهر کتیلین اوستونه بوراخییم. او، بیر مودت دانیشدی، اما من هئچ نه ائشیتیمیردیم. بیر مکتوب وئردی. اؤزومه گلیب، مکتوبو آلدیم: بو ندیر؟ مرکزی ایداره نین تمیزلنمه کومیته سیندن گلیب. یعنی؟ یازیلیب کی، سیز ایشدهن آزاد اولونورسونوز. ساده جه، باخییم. آغلامادیم. حیرصدن بوز کیمی اولموشدوم. گۆزلیم آلیشیب یانیردی. بئینیمده مین جور فیکیر بیر بیرینه قاریشمیشدی. نییه؟ دئییه سوروشدوم. دئدیم آخی. سن کومونیستلرین طرفینده سن. اونلاری دستکله مکده گوناھلاندیریلیرسان. آخی منیم هئچ بیر فعالیتیم یوخدور. بیر ایله یاخین دیر کی، ماذونیت ده یه. ایداره یه گلیمیردیم. یاخشی... نه دن یولداشینیز دیر. اونون ایشیندن منه نه؟ مین دؤنه دئمیشه م کی، من اونون کیمی فیکیرلشمیرم. اونون گوناھینی منیم آیاغیمدا نییه یازیرسینیز. دوزدور. البته، سیز اعتراض ائده بیلرسینیز. اما دئییرلر کی، ثبوتلاری وار. آداملار دا شاهیدلیک ائدیبلر. هانسی ثبوت؟ هانسی شاهیدلیک؟ من ئیلمیشه م؟ دئییرلر، ۵۶ ینجی ایلین مارتیندا یولداشینیزی ایداره یه گتیرمیسینیز. سوال

-جاواب ایجلاسی تشکیل ائتمیسینیز، عکس ینقیلابچی قزئللر پایلامیسمیز. او، منیم دالیمجا گلیمشیدی. اوشاقلار اؤزو زورلا اونو یوخاری دارتدیلار. بیلیرم، بیلیرم. هر شئی یادیم دادیر. ائله بیلیمین کی، من اونلار کیمی فیکیرلشیرم. من اونلارین قرارینی آچیقلا بیرام. سیز اعتراض ائده بیلر سینیز. اما من تهلوکه حیس ائدیرم. هم سیزه، هم اونا گؤره. یولداشینیز ایندی هارادادیر؟ بیلیرم. یننه ده بیر آیدیر کی، اوندان هئچ بیر خبر یوخدور. یورغون، پرت شکیلده اشیالاریمی ییغماغا قاییتدیم. اؤزومو آغلامقدان گوجلّه ساخلا بیردیم. ایسته میردیم دوشمه نلر منیم بو ضعیفلیمه شاهد اولسونلار. بیزیم مرتبه نین چاپچیسى عباسلى چابلا اوتاغا گیردی. تأسفله منه و داغیلیمش اوتاغا باخدی. یاواشجا: خانیم صادقی، آلاها آند اولسون، بیلیرسن، نه قدر ناراحتام. اوشاقلاریمیزین جانی اوچون، بو حاجت قیبله سینه آند اولسون، بیز هئچ نه دئمیشیک. بیز سندن یاخشیلیقدان باشقا هئچ نه گؤرمیشیک. اوشاقلارین هامیسی ناراحت دیر. آجی - آجی گولوب دئدیم: بلی، اونلارین داورانیشی و شاهدلیکلریندن گورونور. یئددی ایل بوتون گونلریمیزی بیر یئرده کئچیرتدیمیز آدمالار بئله آیاغیمین آلتینی قازدیلار. ایندی هئچ اوزومه ده باخا بیلیرلر. یوخ، خانیم، آلاها آند اولسون کی، بئله دئیل. اونلار قورخورلار. بیلیرسن کی، سعادت و خانیم کنعانی سیزین دوستلارینیزا نه بادالاقلار ووروبلار. بو گونلرده اونلاری دا ائشییه آتارلار. یوخ، بو قدر ده اولما بیلمز. دولو چانتامی گؤتوردوم. یئرده قالان بیرجه قوولوغو دا قولتوغوما ووروب گئتمه یه حاضیرلاشدیم. چای چی دئدی: خانیم، سن الله، بیزدن اورینیز سینماسین. حالال لیق - وئترین بیزه. حالیم قاریشیردی. شیرازنین شعیری یادیم دوشدو: ایچیم وبا خسته سینی گؤرموش کیمی... پیلله لری ائندیم. بیر آز کوچه لرده سرگردان دولاشدیم. گون اورتایا کیمی دولاشدیم. یاواش - یاواش نیگارنچیلیغیم آرتیردی. گله جکدن نیگارنچیلیق، حمیددن، اوشاقلاردان نیگارنچیلیق. بو دهشتلی باهاچیلیقدان نیگارنچیلیق. معاش سیز، گلیرسیز نیله یه جه یه؟ ایکی آیدیر کی، چاپخانانین هئچ بیر گلیری یوخدور. حمیدین آتاسی هئچ بیر یئرده اونا معاش دوزلده بیلمه میشدی. باشیم آغرییردی. چتین لیکله اؤزومو ائوه چاتدیردیم. پروین خانیم تعجبله دئدی: نییه بئله تئز گلدین؟ سحر ده گئج گئتمیشدین. بئله اولسا، سنی قوواجاقلار. قوودولار آرتیق. نه؟ سن الله، دوز دئیرسن؟ نییه؟! الله منی اؤلدورسون. هامیسی منیم گوناھیم دیر. سحر گئج چاتدین، اونا گؤره؟ یوخ، هئچ کیمی گئج گلیمینه گؤره ایشدهن چیخارتمیرلار. منی اونا گؤره ایشدهن چیخارتدیلار کی، ائششک کیمی ایشلییرم. ایشیمی باجاریرام. منی ایشدهن چیخارتماغا مجبور ایدیلر. ایداره تمیزلنمه لیدی... بیر نئچه گون حالیم چوخ پیس اولدو. باشیمین آغریسی بیر آن دا کسمیردی. پروین خانیم هر گون منه آغریکسیجی ووروردو. حمید کئچهن هفته کوردوستان سفریندن

قاییتیمیشدی. بیر ایکی دؤنه ائوه باش چکدی و ایشینین اولدوغونو دئییب گتدی. گئجه لر چاپخانادا قالیردی. خبر لر گونو - گوندن پیس گلیردی. دهشتیم گونوگوندن آرتیردی. بیر گئجه یاریسی ائومیزه تۆکولدولر. صوحتلریندن بئله باشا دوشدوم کی، عینی واختدا چاپخانایا دا آدمالار گۆندریلر. حمیدله قالانلارینی توتوبلار. همین سؤیوشلر، همین قورخو، همین نیفرت... بدنهیمده همین ایرنج تیتترمه باشلامیشدی. بو دؤنه سیامکین اون بئش یاشی واریدی. حساس ایدی، حیرصدن قیوریلیمیشدی. مسعودون رنگ روفو آغارمیشدی. شیرینی ساکیتلشدیرمه یه چالیشیردی. هر شئی یئیندن باشلامیشدی. سحر تئزدن منصوره یه زنگ ائدیم. دئدیم کی، باجاردیغی قدر ساکیتجه آتاسینی مسئلهدن آگاه ائتسین. بیر ساعاتدان سونرا آتاسی زنگ ائتدی. اونون دردلی، توتقون سسی اوریممی آغیریتدی. دئدیم: آتا، گرک یئیندن باشلایاق. اما بیلیمیرم، هارادان. آدامینیز وارمی، اوندان بیر ایز تاپا، بیر خبر گتیره؟ بیلیمیرم، دئدی، قوی گوروم بیر آدام تاپا بیلرهممی؟ ائوده هامیمیز گرگین و عصبی ایدیک. سیامک شیر کیمی باغیریردی. قاپییا، دیوارا یومروق، تپیک آتیردی. یئری - گؤیو سؤیوردو. مسعود قوناق اوتاغیندا مئبلین آرخاسیندا اؤزونو یوخولوغا وورموشدو. بیلیردیم کی، آغلاییر. ایستیمیر کی، هئچ کیم اونون خلوتده آغلاماغیندان خبر توتسون. شیرین هئچ بیر نه دن اولمادان آغلاییردی. اؤزوم تېدن چیخمیشدیم. بیر یاندان بیزی قارا گونه قویموش حمیده سؤیوردوم. بیر یاندان دا اؤز - اؤزومه دئییردیم، یعنی ایندی ده ایشگه نجه وار؟ گؤره سەن، حمیدین وضعیتی نجه دیر؟ او دئییردی کی، ایندی ایشگه نجه لرین ان پیسینی وئیرلر. گؤره سەن، او شالاقلار دؤزه بیله جکمی؟ آیاقلاری تزه - تزه دوزلمیشدی. اونو ایندی نده گوناھلاندیردیلار؟ اونو ایندی نه ایله موحاکیمه ائدجک دیر؟ قیشقیرماق ایسته ییردیم. تکلییه احتیاجیم وار ایدی. اوتاغا گیریپ قاپینی باغلادیم. قولاقلاریمی توتدوم کی، اوشاقلارین سسینی ائشیتیمیم. دویونجا آغلادیم. ایندی من ئیلملیدیم؟ قاچماق ایسته ییردیم. اگر اوشاقلار اولماسایدی، داغا - داشا قاچاردیم. اؤزومو اؤلدورردیم. اما بونلاری ئیلییم؟ باتان گمین کاپیتانی کیمی ایدیم. سرنیشینلرین هامیسی اومید دولو گۆزلرینی منه دیکمیش دیرلر. اما اؤزوم گمیمدن ده چوخ سینمیشدیم. بیر قورتولوش قاییغینا احتیاجیم وار ایدی. منی اوزاق بیر یئرلره آپاراجاق خیلاصکار قاییغا. یوخ، داها بو آغیرلیقدا یوکو چکمه یه گوجوم یوخ ایدی. اوشاقلارین آغلاشماسی آرتیردی. ایختیارسیز قالخیب اللریمین دالی ایله گۆز یاشلاریمی سیلیدیم. هئچ بیر چاره یوخ ایدی. اوشاقلارین منه احتیاجی واریدی. بو گمینین مندن باشقا کاپیتانی یوخ ایدی. تئلفونو گۆتوروب پروین خانیم زنگ ائدیم. اولانی قیسا دانیشدیم. اونا دئدیم کی، ائوینده اولسون کی، من شیرینی اونون یانیندا قویوم. تئلفونون او بیرى اوجوندا چیغیردی. دسته یی آسیدیم. شیرین

مسعودون قوجاغیندا ساکیتلشمیشدی. بیلیردیم کی، او، باجیسینین آغلاماغینا دۆزه بیلمز. سیامک مطبخ ماساسینین آرخاسیندا اوتوروب، یومروقلارینی، دیشلرینی سیخیردی. گنجگاهیندا دامارلارینین ترپنیمی گۆرونوردو. یانیندا اوتوروب دئدیم: باخ، اوغوم، اگر ایستیرسن، چیغیر. او قدر چیغیر کی، بوشالاسان. غضبله چیغیردی: گلدیلر، یاشاییشیمیزی بیر - بیرینه ووردولار. آتامی حبسه آندیلار. بیز آخماقلار دا سسیمیزی چیخارتمادیق! نه ائده بیلردیک؟ نه ائتمیمیزی ایستیردین؟ قارشیلارینی آلا بیلردیک؟! یومروقلارینی ماسایا چیرپدی. بارماغین قیراغی قانادی. اللرینی توتدوم. سؤیوردو، چیغیریدی. دئدیم: سیامک، سن اوشاق اولاندا هامی ایله داوا ائدیردین، عصیلشیردین. او زامانلار سنی قوجاقلاییردیم. او قدر منه تپیک، یومروق ووروردون کی، اوریین بوشالیردی. اگر ایندی ده بو، سنه کۆمک ائدجکسه، ائله. اونو قوجاقلادیم. مندن بیر باش قدر اوجا ایدی. چوخ گوجلو ایدی. راحتلیقلا قوجاغیمدان چیخا بیلردی. اما ایسته میردی. باشینی چینمه سیخیب آغلاماغا باشلادی. بیر قدر سونرا دئدی: آنا، سن نه قدر ساکیت و گوجلوسه! مسعود گۆزویاشلی بیزه باخیردی. شیرین اونون قوجاغیندا یوخولامیشدی. ایشاره ایله اونو چاغیردیم. اوشاغی یئر قویوب، یانینا گلدی. قوجاغیما چکدیم. اوچوموز ده بیر یئرده آغلا بیردیق. بیر نئچه دقیقه دن سونرا اۆزومو کنارا چکیب دئدیم: یاخشی، اوشاقلار. واخت ایتیرمیلیک. آغلاماق، زاریماق آتایا کۆمک ائتمه یه جک. گرک جدی بیر ایش گۆرک. حاضیر سینیز؟ اشیالارینیزی ییغین، بیر-یکی گون گئدین آنامگیله. شیرین ده پروین خانیمگیله ده قالار. بس سن نه ائدجکسن؟ من ده گرک بابانگیله گئدیم. اونولا آتانان بیر ایز تاپماغا چالیشاجاغیق. هر یئر باش چکملیگیک. چوخ یئر وار باش وورمالی. مین دنه اینقیلاب کومیتته سی و حربی دوشه رگه وار. سیامک دئدی: من ده سیزینله گله جه یه م. یوخ. سن گرک باجین و قارداشینان موغایات اولاسان. آتانان سونرا بو عایله نین باش چیسی سنسن. بیرینجی سی، من نمگیله گئتمه یه جه یه م. چونکی علی داینین آروادی ناراحت اولور. منی گۆره ن ده اوزونو چئویریر. ایکینجی سی، پروین خانیم شیریندن موغایات اولاجاق. مسعود دا بؤیوک اوغلانندی. منه احتیاجی یوخدور. او، حاق لی ایدی. اما قورخوردوم. اونون گنج، حساس روحو بعضی گۆروشلرده اولاجاق شئیلردن سارسیلا بیلردی. بیلیمیردیم، بو دۆنه شرایط نجه دیر. دئدیم: یوخ، اینانمیرام کی، محمود نسه ائله سین. بو قالسین سونرایا. ایکی گون اوخولا گئتمین. بیرگون ده جومه دیر. اینشالاله، شنبه یه کیمی هر شئی آیدینلاشار. هئچ نه آیدینلاشمادی. حتی داها دا قاریشدی. بو ایکی گونده حمیدین آتاسی بوتون تانیدینی آدمالارا آغیز آچدی. اما فایداسی اولمادی. مؤوقیئی اولانلار آرتیق اۆلکه دن چیخمیش دیلار. قالانلار یا قاقاق دوشموشدولر، یا دا اولانلار الیمیز چاتمیردی. حمیدین آتاسی دئییردی: ایندی

وضعیت دییشیب. بیز داها هئج کیمی تانیمیریق. چاره یوخ ایدی. اؤزوموز آختارماغا باشلادیق. پولیسلرین هامیسی مسولیتی باشلاریندان آتدیلا. اینقیلاب کومیتهلرینه گئتمه لی ایدی. کومیتهلرده حمیدین هانسی نه دنله توتولدوغونو سوروشوردولار. بیلیمیردیک نه دئیک. اوتانا - اوتانا، دهشتله دئیردیک کی، یقین، کومونیست اولدوغونا گؤره. هئج کس اؤزونو جاوابدئج بیلیمیردی. بلکه تهلوکه سیزلییه گؤره اونون هارادا اولدوغونو دئمیردیلر. ایکی گوندن سونرا یورغون، اوشاقلاردان نیگاران حالدا آنامین ائوینه گئتدیم. اوشاقلار و فاطمه ده گلدیلر. هامی نیگارانلیقلا گؤزلییردی. سیامک قینایچی حالدا دئدی: بیزه بیر خبر وئره بیلیمیردین؟ یوخ، عزیزیم، وئره بیلیمیردیم. بیلیمیرسن، نه وضعیتده ایدیم. مین یئره گئتدیک. بیل کی، یاخشی خبر آلان کیمی ایلك بیله جک آدم سن اولاجاق سان. ایندی گئدین، اشبالارینیزی ییغین، گرک ائوه قایداق. سونرا اوزومو علییه توتوب دئدیم: علی، سنینله محمودون کومیتهلرده بو قدر تانیشینیز وار. اونون هارادا اولدوغونو تاپا بیلیمزسن؟ باجی، دوزونو ایسته سەن، محموددان، عومومیتله، دانیشما. او، حمیدین آدینی ائشیتیمک بئله ایسته میر. اؤزومده تک آختاریش آپارا بیلیمرم. نئجه اولماسا، ارین کومونیست دیر. صاباح بیزه مین جور یاماق یاپیشدیرارلار. اما گیزی - گیزی بیر آز آختارارام. پرت اولدوم. جاواب وئرمک ایستییردیم، اما اؤزومو ییغیشدیردیم. نئجه اولسا دا، اونلارین کمکینه احتیاجیم وار ایدی. فاطمه دئدی: صادق ده تانییدیغی هر کس دن سوروشار. سن اؤزونه بو قدر عذاب وئرمه. سنین کی الیندن بیر ایش گلیر. ایندی نییه ائوه گئتمک ایسته ییرسن؟ گرک گئدیم، باجی. ائو - ائشیک پیس گونده دیر. اوشاقلاردا ایکی گوندور، اوخولا گئتمه ییلر. بیرینجی گوندن گئتملیدیلر. یاخشی، شیرینی منیم یانیمدا قوی. اویان - بویانا گئتمک ایسته سن، ال - آیاغینی باغلاماسین. گؤرورسن کی، فیروزه ده اونو چوخ سئویر. اوینایار اونونلا. بئش یاشلی فیروزه گؤیچک و سئویملی بیر قیز ایدی. فاطمه ایکینجی بویلو لیغنین دؤردونجو آیینی کئچیریدی. دئدیم: یوخ، عزیزیم، سن اؤزون بو وضعیتده اوشاق ساخلا یا بیلیمزسن. اوشاقلار یانیمدا اولاندا من اؤزوم ده راحت اولورام. اما پروین خانیم گله بیلسئیدی... پروین خانیم ایکی گون ایدی کی، شیرینی ساخلا ییردی. ایندی سؤز لیریمی ائشیدنده تئز یئریندن قالخیب دئدی: من؟ البته، گلرم. یاسا باتمیشدیم کی، بو اوشاغی سن آپاراندان سونرا نئیله یه جه یه م. سنین اؤزونون ایشین یوخدور؟ اینجیتمرم سنی؟ یوخ، جانیم، نه ایشیم اولاجاق؟ بو گونلرده هئج کیم پالتار دا تیکدیرمیر. گلیب بیر هفته، لاپ ایشلرین یولونا دوشه نه قدر یانیندا قالارام. جومعه گونوم ائوی تمیزله مکله کئچدی. پروین خانیم دئدیم: او دؤنه بونلار ائویمیزه تۆکوله نده آتام رحمت لیک نئجه نفری کمکه گؤندر میشدی. گؤرورسن، ایندی نئجه کیمسه سیز، آرخاسیز اولموشام؟ مسعود یانیم قاپیب دئدی: آخی ایندی بیز واریق. اؤزوموز

کۆمکلشریک. سن الله، کدرلنمه. اونون ساچلارینی سیغاللادییم: بیلیرم، عزیزیم. سیز منیمله سیز دئییه هئچ بیر دردیم یوخدور. بو دؤنه داها نهنین ائوی ایله زیرزه می ایشی یوخ ایدی. ایش بیزیم ائوله بیتدی. هئچ اولماسا، ائوی بیر آز آیرا سالا بیلدیم. گئجه اوشاقلاری حاماما گۆندریدیم. مجبور ائله دیم کی، ایکی گون عرضینده بوراخدیقلاری درسره حاضیرلاشسینلار. سیامک اؤزونه یئر تاپمیردی. علی ایشه یاتمیردی. بیلیردیم کی، حاقلی دیر. آما اؤزومو او یئر قویمادیم: گۆرورسونوز، من نه قدر مشغولام؟ نه قدر فیکریم، دردیم وار؟ نئچه شئی بارهده بیردن فیکیرلشمه لیهه؟ من سیزسیر هئچ نه ائده بیلرم. اگر سیز منه کۆمک ائتمه سه نه، نیگارانیلیغیمی آرتیرماق ایسته سه نه، الدن دوشه جه یه. سیزین ان بؤیوک کمکینیز بو اولار کی، درس لرینیزی یاخشی اوخویاسینیز. هئچ اولماسا بو ایشده منه کۆمک ائدین. مسعود جان دیله، سیامک ایسه تردودله سۆز وئردیلر. بیرینجی گون بیر نئچه یئر باش چکدیم. حمیدین آتاسی یورولموشدو. بیر نئچه گون عرضینده نئچه ایل قوجالمیشدی. اونا چوخ اوریم یانیردی. چالیشیردیم اونو اؤزومله آز یئر آپاریم. قاچ ها قاچیمیز نتیجه سیز ایدی. هئچ بیر دوز جواب آلمیردیم. محمودون یانینا گئتمکدن ساوایی چاره م قالمامیشدی. ایندی قورورومو فیکیرلشمه مه لی ایدیم. ایکراهمی بوغوب، اونون ائوینه گئتدیم. سعادت منی سوپوق قارشیلادی. قولامعلی حیطاده منی گۆرهنده اول سئویندی. سالام وئردیم. ائله بیل قفیلدن اوشاغین یادینا دوشدو کی، گرک منیمله سالاملاشما یایدی. قاشقاباغینی تۆکه رک دؤنوب گئتدی. سعادت دئدی: بیلیرم، منی گۆرهمیه گلمه میسن. اگر ماحمودو گۆرهمیه گلمیسن سه، او، ائوده یوخدور، بو گئجه ده گلمه یه جک. گئت، دئنه، اونولا ایشیم وار. ائوده اولدوغونو بیلیرم. اؤزوم ائوه گلمه یینی گۆردوم. محمود نه واخت گلیب کی، من بیلیمیشه؟ سن، دئییه سن، هئچ واخت ائوینده نه اولدوغونو بیلیرسن. گئت، اونا دئن، ایکی دقیقه لیک ایشیم وار اونولا. سعادت گۆزونو قییب، چادراسینی دؤره سیننه دولایاراق اوتاقدان چیخدی. من اوندان اینجیمیردیم. بیلیردیم کی، او، محمودون امرلرینی ایجرا ائدیر. ایکی دقیقه دن سونرا قاییدیب دئدی: محمود ناماز قیلیر. بیلیرسن کی، اونون نامازی اوزون چکیر. یاخشی، گرک گۆزلیک. گۆزلره م. سحره قدر ده اولسا، گۆزلییه ره م. ان سونوندا، اوزون مودتدن سونرا محمود ادب سیزجه ایچری گیردی. دوداغینین آلتیندا «سالام» کیمی بیر شئی دئدی. بو ائوده اولماق دان ایره نیردیم. توتولموش حالدا دئدیم: قارداش، سن منیم بؤیویوم سن. منیم سندن باشقا هئچ کسیم یوخدور. آتام منی سنه تاپشیریب. گرک منیم آرخام اولاسان. سنی آند وئیرم اوشاقلارینین جانینا، قویما اوشاقلاریم یئتیم قالسینلار. کۆمک ائله. منه نه؟ منیم الیم دن نه گلیر کی؟ من نه کاره یه م؟ سعادتین عمی سی کومیتهلرده و اینقیلاب محکمه لرینده گره کلی آدمدی. سن منیمله اونا بیر

گۆروش جورلا. حمیدین هارادا اولدوغونو بیلیمک، نه حالدا اولدوغونو بیلیمک بسیم دیر. سن، سادهجه، منی اونون یانینا آپار. سن نه دانشیرسان؟ گئدیم دئییم کی، بو کافیر، الله تانیما یان منیم قوهوموم دور؟ باغیشلا. یوخ، جانیم، من آبریمی یول دان تاپمامیشام. سن دانشمایا بیلرسن. اؤزوم اونونلا دانشارام. ایسته میرم اونو آزاد اتسینلر، یا باغیشلا سینلار. لاپ عؤمورلوک حبس وئرسینلر. سادهجه، ایشگه نجه، اعدام ائتمه سینلر. بیردن آغلادیم. ماحمود قینانج باخیشلارلا منه باخدی: یاخش، قویو یا دوشه نده بیزی یادا سالیرسیز؟ ایندییه کیمی موللارار پیس ایدیلر. ایرتیجاع ایدیلر. الله، پیغمبر یوخ ایدی... قارداش، قورتار. من نه وخت دئیمشه کی، الله یوخدور، پیغمبر یوخدور؟ نامازیمی بیر دؤنه ده اؤتورمیشم. منیم اونون ایدئیالاری ایله ایشیم یوخدور. هر نه اولسا، اوشاقلاریمین آتاسیدیر. گرک بیلیم هارادادیر، نه وضعیت ده دیر؟ سنی آند وئریم اوشاقلارینین جانینا، کؤمک ائله. دور، باجی، دور. سن هئچ بیلیرسن، نه دئییرسن؟ یولداشین ایسلامین، آلاهیین علییهنه قیام ائدی. مورتدیر. ایستیرسن، بونا گؤره اونا هئچ نه ائله مه سینلر؟ اینصافلا دی: اگر اونون الین ده حاکمیت اولسایدی، بیزیم بیریمیزی ساغ قویاردی؟ نییه دینمیرسن؟ او، آلاها موحاریبه اعلان ائدی. اونون اؤلومو واجیب دیر. یوخ، من هئچ وخت بو ایشه قول قویمارام. آلاهیین، دینین دوشمه نینی جزاسیز بوراخماق اولماز. گؤزلیم یانیردی. حیرصیم دن اود توتوموشدوم. اؤزومه سؤیوردوم کی، بورا نییه گلدیم؟! نییه بو الله دان خبرسیز، ریاکار، ایکی اوزلو آدام دان کؤمک ایسته دیم؟ دیشلریمی بیریرینه سیخیب، اوزبه اوز دایاندم. سونرا سؤیه -سؤیه، قاچا -قاچا ائوده ن چیخدیم. بوتون سوموکلریم تیتیریردی. ایکی هفته دن سونرا بیلدیم کی، حمید زیندان دادیر. هر گون حمیدین آتاسی ایله، یا دا تکجه، چادرامی باشیما سالیب، حبس خانانین مسئوللاری ایله گؤروشمه یه چالیشیردیق. اونون گوناھی بللی ایدی. اوندان چوخلو شکیل، مقاله و دانشیقار قالمیشدی. هئچ نه یی اینکار ائتمک اولموردو. بیلمدیم، محکمه سی اولموشدومو، نه زامان اولموشدو؟ توتولماغین دان بیر آی یاریم کئچمیشدی. بیر دؤنه زیندانا مراجعتیمیز زامانی بیزی بیر اوتاغا یؤنلت دیلر. حمیدین آتاسینین قولاغینا دئدیم: بلکه ده گؤروشه ایجازه وئریلر. هر ایکیمیز هیجانلا دایانیب گؤزلیبیردی. بیر نئچه دقیقه دن سونرا مأمورلارین بیر یی اوتاغا بیر باغلاما گتیردی. ایستولون اوستونه قویوب دئدی: اونون اشیالاری دیر. مات -مات باخدیم. بیلیردیم نه دئییر. آدام صبرسیزجه دئدی سیز حمید سلطانینین قوهوملاری دئییل سینیز؟ سراغا گون جهنمه واصل اولدو. بو دا اشیالاری دیر. ائله بیل بده نیمه ائلتکتریک قوشدولار. بده نیم تیتره مه یه باشلامیشدی. حمیدین آتاسینا باخدیم. کیرج کیمی آغارمیشدی. قفیلدن قیوریلیب ییخیلیدی. ایسته دیم اونا طرف گئدیم. اما آیاقلاریمدا گوج یوخ

ایدی. باشیم گيجللهندی. داها هئج نه دئییه بیلیمدیم. تعجیلی یاردیم ماشینین سسی ایله اؤزومه گلدیم. گۆزلریمی آچدیم. حمیدین آتاسی خصوصی رئاپماسیادا یئرلشدیریلیمشیدی. من ده تعجیلی یاردیم قیسمینده ایدیم. گرک خبر وئردیم. منصوره ایله فاطمه نین تئلفونو یادیمدا ایدی. طیب باجیسینا وئردیم. او زنگ ائلهدی. حمیدین آتاسینی خستخانادا یاتیرتدیلار. من گئجه ائوه گلدیم. اوشاقلارین گۆزونه باخا بیلیمیردیم. نه دئمک گرک ک گلدینی بیلیمیردیم. دانیشماغا، حتی آغلاماغا دا حالیم یوخیدی. او قدر ساکیتلشدیریجی اینه وورموشدولار کی، تئزلیکله درین بیر یوخیا گتدیم. اوچ گوندن سونرا شوکدان اؤزومه گلدیم. اوچ گون موباریزه دن سونرا حمیدین آتاسی، ان سونوندا، اؤلومه اودوزدو. همیشه لیک ساکیت لیک و آزادلیغا چاتدی. تکجه بیر شئی دئییه بیلردیم کی، ایندی او، خوشبخت ایدی. جانی قورتارمیشدی. او زامان هر کسدن چوخ اونا قییمته اندیردیم. آتا ایله اوغولون یاس مراسیمی بیر اولدو. بیز قورخمایاراق آغلایا بیلدیک. اوغلانلارین آریق بدەنلری، آغلاماق دان شیشه ن گۆزلری، گۆرکهملری اوریمی یاندیریدی. قالان واخت اؤزومده اولمادان مات -مات شیمالداکی بیرگه یاشاییشیمیزی دوشونوردوم. بیزیم عایله دن تکجه آنام و فاطمه گلیمشیدی. یئددیه کیمی حمیدین آتاسینین ائوینده قالدیق. بیلیمیردیم شیرین هارادادیر؟ آرادا بیر دؤنه فاطمه دن سوروشدوم. اما جاوابی ائشیتیمیردیم. حمیدین آناسینین حالی چوخ پیس ایدی. فاطمه دئییردی کی، بو موصیبتدن ساغ چیخمایاجاق. بیر کلمه ده دانیشمادی. دورمادان آغلاییردی. گاه اوغلانلاری قوجاقلاییب دئییردی، حمیدین ایی گلیر، گاه دا قشش ائدیپ اؤزون دن گئیدیدی. گاه دا یولدایشینا گۆره گۆز یاشی تۆکوردو. بیلیردیم کی، اوشاقلار بورادا عذاب چکیرلر. فاطمه یه دئدیم کی، اوشاقلاری بورادان گۆتوروب آپارسین. سیامک منیم ایشاره می گۆزلییردی کی، بو ائودهن قچسین. اما مسعود مندن یاپیشیب دئییردی: قورخورام کی، بیز گئندن سونرا سن داها چوخ آغلایاسان. اونا سۆز وئردیم کی، اؤزومدن موغایات اولاجام. اوشاقلارین گئتمه یی ایله ائله بیل اوریمین اوستوندن بیر بؤیوک داغ گۆتورولدو. اونلارین یانیندا اؤزومه آغلاماغا ایجازه وئرمیردیم. ایندی هیچقیرا -هیچقیرا آغلاماغا باشلادیم. ائوه قاییداندا بیلیردیم کی، بوندان چوخ یاس ساخلاماغا حاقیم یوخدور. واختیم گئدیر. ایشیم حددن آرتیق چوخ ایدی. اوشاقلار مکتبدن گئری قالیمشیدیلار. سیناوارلاری یاخینلاشیردی. یاشاییشیم داغیلیمشیدی. هر شئی دن پیس او ایدی کی، هئج بیر گلیریم یوخ ایدی. ایشیمی الدن وئرمیشدیم. بو نئجه آیی دا حمیدین آتاسینین کۆمه کی ایله کئچینیمشیدیک. گرک ائوین خرجینی فیکیرلشیدیم. بیر ایش تاپایدیم. فیکریم نئجه یئره گئتدی. بو بیر هفته ده حمیدین آتاسینین ائوینده میراث بۆلمه صؤحتلری گئیدیدی. بیر دؤنه عمی سینین خانیمی ایله حمیدین بیببسی من

طرفه باخا -باخا ننه نین ائوی حاقین دا دانی شیردی لار. او واخت بیلدیم کی، بیزیم یاشادیغیمیز ائو حمیدین بییلرینین و عمیلرینین دیر. حمیدین آتاسی ایندییه قدر ائوین خرجینی وئیریمیش. اما ایندی اؤز ائولرینی گئری ایسته بیردیلر. یاخشیی ائوی ساتیب هر کسین پایینی وئرمک ایدی. نئچه گون سونرا دا حمیدین باجیلارینین ارلرینین صؤحبیتینه شاهد اولدوم. مونیره نین اری دئییردی: قانونا گؤره، اوغلان آتادان تئز اولوب سه اوغولون عایيله سیننه هئچ نه دوشمور. کیم دن ایستیر سینیز، سوروشون. گله جک دن قورخماق، تهلوکه حیسسی منی واختین دان تئز یاسدان چیخارتدی. حمیدی ایتیر مییمیزین ائتکیسینی آزالتدی. گئجه لریم جان آلان ایضطیرابلا کئچیردی. یوخویا گنده بیل میردیم. ساکی تیلیم قالمامیشدی. ائوین اطرافیندا دولانیردیم، فیکیرل شیردیم. دلیلر کیمی فیکیرلریمی اوجا سسله دئییردیم. حیسس ائدیردیم کی، بوتون قاپیلار اوزومه باغلانیب. ایشیسیر، حمید سیر، حمیدین آتاسی اولمادان، ائوسیر، میرا سیر قال میشدیق. آلیم دا «کافیرین آروادی» مؤهورو واریدی. بو قدر در دین آراسیندا اوشاقلاریمی نئجه قورو یاجا قیدیم؟ آه، آتاجان، هاراداسان؟ گؤردون، دئدی کلرین نئجه دوز چیخدی؟ قیزین یالقیز، آرخاسیر قالدی؟ بیل میرسن، سنه نه قدر احتیاجیم وار؟! گئجه لرین بیرینده یوخودا گزه نلر کیمی دولانیردیم کی، تئلفونون سسی منی اؤزومه گتیردی. تعجبله دسته یی گؤتوردوم. اوزاقدان بیر سس سوروشدو: معصومه، سنسن؟ قوربانین اولوم، دوز دور کی، حمید... اولوب؟ پروانه ایدی. گؤز یاشلاریمی ساخلایا بیل میدم. سن هاراداسان؟ کیم دن ائشیت میسن؟ دئمهل، دوز دور؟ بو گئجه رادیولارین بیریندن ائشیت میدم. هه، دوز دور. هم اؤزو، هم آتاسی. آتاسی نییه؟ آتاسی سکنه کئچیرتدی، کدردن اؤلدو. الله منی اؤلدورسون. چوخ تک قال میسان. ایندی، احتیاجین اولان واختدا قارداشلارین سنه کؤمک ائدرلر؟ نه قارداش؟ هئچ یاسا دا گل مه دیلر. قورو تسلی ده وئرمه دیلر. هئچ اولماسا، بو یاخشیدی کی، اؤزون ایشلی میرسن، هئچ کیمه احتیاجین یوخ دور. ائه، هانسی ایش؟ قوووبلار منی ایشده ن. نئجه یعی قوووبلار؟ یعی قوووبلار، والسلام! الله منی اؤلدورسون! نییه؟ ایندی ایکی اوشاقلا ئیلیلیرسن؟ ایکی یوخ، اوچ... نه؟! نه واخت اوچ اولدو؟ ایکی ایل یاریم دی، مندن خبرین یوخ دو. ایندی قیزیمین بیر یاش یاریمی وار.

گؤرور سه ن، بیر -بیریمیزدن نئجه آلالی دوشدوک؟ سن اونلارا قاهمار چیخیر دین. بیزه دئییر دین کی، خای نیک. بو یور! ایندی یاخشی اولدو؟ یاخشی، دوغرو دان، اگر پول ایسته سه ن، کؤمک گره ک اولسا، اؤزومه دئ، یاخشی می؟ قهر بوغازیمی توت موشدو. نییه دین میرسن؟ بیر شئی دئ. دوشمه نلرین طعنه سیندن قورخوم یوخ، منی دوستلارین رحمینه مؤحتاج ائله مه. او، بیر نئجه ثانییه سوساندان سونرا ناراحتلیقلا دئدی: عذر ایستیرم، معصومه. منی باغیشلا، اؤز الیمده دئیل. سن کی منی

تانیسیرسان؟ اوریمده سۆز ساخلایا بیلیمیرم. او قدر اوریم یانیر کی، بیلیمیرم نه دئییم. من سنین اوزونتونو هئچ واخت گۆره بیلیمرم. اوریم راحت ایدی کی، سن ایستدینه چاتمیسان، یاخشی یاشایشین وار. فیکیرلشمیردیم، بئله اولاجاق. بیلیرسن، سنی نه قدر سئویرم؟ منه باجی دان چوخ یاخینسان. اگر بئله واختدا بیر -بیریمیزه کۆمک ائلمسک، دادیمیزا کیم چاتاجاق؟ سن اوشاقلارینین جانی، اگر بیر شئی گرہ کدیسه، منه دئی. چوخ ساغ اول، موطلق دئیرم. منه زنگ ائلمیین ده چوخ بۆیوک کۆمک ایدی. هله لیک هر شئی دن چوخ معنوی کمکه احتیاجیم وار. سادهجه، خاهیش ائدیرم، ایلگی نی کسمه... موختلیف شئیلر فیکیرلشیردیم. درزی لییه گتتیم. ائله بیل بو ایش آلنما یازیلیمیشدی. پروین خانیم سۆز وئردی کی، منه کۆمک ائدجک. چوخ تئز باشلادیم. اما اونون ایشی ده یاخشی گتتمیردی. بوتون موشتیریلری گتتمیشدی. گرک درین دن فیکیرلشیدیم. بیلیردیم کی، هئچ بیر دؤولت ایداره سین ده منی ایشه گۆتورمه یجکلر. بالاجا، اؤزل شیرکتلره ده مراجعت ائتدیم. اما فایداسیز ایدی. فیکیرلشدیم کی، بیر آز تورشو دوزلدیب، دوکانلارا وئیریم. یا دا تورت، شیرنی، ساده یئمکلر سفارشی آلیم. اما نئجه؟ منیم هئچ بیر تجربه م یوخ ایدی. هر ایشین ده اؤزونه گۆره سورونلری و محدودیتلری وار ایدی. بو گونلرین بیرین ده جناب زرگری زنگ ائله دی. سسی هر زامانکین دان داها هیجان لی ایدی. احوالیمی سوروشدو. حمیدین اؤلیمی خبرینی تزه ائشیتیمیشدی. تسلی وئریب، بیزه گلک اوچون ایجازه ایسته دی. صاباحی گون بئش نفر ایش یولداشیما بیرلیک ده ائویمیزه گلدیله. اونلاری گۆره ن کیمی بوتون دردیم تزه لندی. ایسته مه بهرک آغلاماغا باشلادیم. قادینلار منیمله برابر گۆز یاشی تۆکوردولر، اما جناب زرگری، سادهجه، قیزاریب دوداقلارینی دیشلیبیردی. چالیشیردی باخیشلارینی مندن گیزلتسین. هئچ واخت اونو بئله گۆرمیمیشدیم. ائله کی هامی ساکیتلشدی، او دئدی: بیلیرسینیز، دونه ن گئجه کیم زنگ ائدیب سیزه باشساغلیغی وئردی؟ یوخ، کیم؟ جناب شیرازی. آمئریکادان زنگ ائله میشدی. اصلینده، خبری بیز اوندان ائشیتدیک. دئمه لی، او، آمئریکادادیر. فیکیرلشیردیم، اینقیلابدان سونرا قاییدار. دوزدور، قاییتیمیشدی. بیلیمیرسن، نه حالدا ایدی؟ ایندییه کیمی هئچ بیر آدمی بئله سئوینجک گۆرمه میشدیم. اینان، نئچه ایل جاوانلاشمیشدی. یاخشی، بس نییه گتتدی؟ بیلیمیرم. گئندنه دئدیم کی، هارا گئدیرسن؟ سن کی آرزونا چاتمیسان. بیلیرسن نه جاواب وئردی؟ یوخ، نه دئدی؟ دئدی کی، یاشایش سۆزدن باشقا بیر شئی دئییلدی. یا اؤلوم آرزوسو، یا آرزو اؤلومو. گرک اونو ایداره ده ساخلایاردینیز. ائه، قیزیم، بیز داها اؤزوموزو ده او ایداره ده ساخلایا بیلیمیریک. سیز نییه؟ خانیم مؤالو دئدی: خبرین یوخدور؟ جناب زرگرییه ده تله قوروبلار؟ نه تله سی؟ اولمایا، سیز ده بیر ایش گۆرموسونوز؟ هه، سیز گۆردویونوز ایشی گۆرموشم.

آخی سیزه بیر شئی ائده بیلملر. جناب محمدی دئدی: نئجه ائده بیلملر؟ بو بیر باشدان -آیاغا طاغوتی دیر. هامی گولدو. منیم ده گولمه ییم توتدو. جناب زرگری مندن سوروشدو: یاخشی، سیز دئیین، گوژرک نه ایش گورورسونوز؟ هئچ، قاپی -قاپی ایش آختاریرام، تاپا بیللمیرم. هئچ نییم ده قالماییب خرجه لمه یه. گئجه یئئیدن جناب زرگری منه زنگ ائدیپ دئدی: ایسته میردیم کی، اوشاقلارین یانیندا دئییم. آما اگر، دوغرودان، ایشه احتیاجینیز وارسا، بلکه موقتی بیر شئی فیکیرلشمک اولار. البته، احتیاجیم وار. بیلیمرسینیز نه وضعیت ده یه؟ سیز مطلق ایشلمیسینین. هله لیک بیر نئچه مقاله و بیر کیتاب رئاکت ائله مه یه راضی اولسانیز، یاخشی اولار. پولو آز دیر، اما پیس ده دئییل. دایمی ایش تاپانا قدر کؤمک اولار سیزه. جناب زرگری، ائله بیل الله سیزی منه خیلاصکار ملک گوئندریب. اما من او ایداره ایله نئجه همکارلیق ائده بیلریم؟ اگر بیلسلر، سیزه پیس اولار. بیلملری گره ک دئییل. باشقا آدلا اونلارلا موقایله باغلاریق. یازیلاری من اؤزوم سیزه چاتدیرارام. بو طرفله گلمیینیزه احتیاج یو خدور. بیللمیرم، سیزه نئجه تشککور ائدیم؟ تشککور گره ک دئییل. سیز یاخشی ایشچیسینیز. ادبیات اوزره سیزین کیمی ساوادلی آدام آز دیر. اما بیر یازی ماکیناسی تاپین. صاباح آخشام سیزه ایشلری گتیرریم. سئویندیمدن بیللمیردیم نه ائدیم. اما ماکینانی هارادان تاپا جاقدیم؟ بو واخت منصوره زنگ ائله دی. حمیدین بو باجیسی هامیدان مئهریبان، هامیدان قانا جاق لی و کؤمک لیک ائدن ایدی. اوندان حمیدین آتاسینین ماکیناسینی سوروشدوم. دئدی: صبیر ائله. من بهمه ندن سوروشوم. بلکه اونلارین شیرکتین ده موقتی سنه وئره بیله جکلری بیر ماکینا اولار. دسته یی یئرینه قویاندان سونرا یونگوللوک حیس ائدیردیم. بو گون یاخشی گون ایدی. بئله لیکله، بیر مودت ائوده هم درزی لیک، هم ماشینلا یازماق و هم ده رئاکتورلوق ائدیردیم. پروین خانیم منیم کمکیم، ایش یولداشیم اولموشدو. چوخ واخت گلیب شیرینی ساخلا ییردی و بیرلیک ده تیکیش تیکیردیک. زحمت حاقیمی دقتله حسابلا ییب وئیردی. اما بیلیردیم کی، حاقیمدان چوخ پول وئیر. او، هله ده گوژل و شوخ ایدی. اینانمیردیم کی، احمددن سونرا اونون باشقا دوستو اولمایا. اما نه واخت احمددن دانیشسا، گوژلری دولوردو. او قدر دوزگون اینسان ایدی کی، اؤز راحتلیغیندان، ساکتلیبندن کئچه بیلیردی. یازیق فاطمه ده الیندن گلن هر کمکی ائدیردی. اما اؤزونون ده ایکی بالاجا اوشاغی واریدی. ارینین ماعاشی محدود ایدی. بو گونلر هر کس بیر شکیل ده سورونلرله ساواشیردی. گونو -گوندن وضعیتلری یاخشیلان آداملار آنجاق محمودلا علی ایدی. گون به گون ثروتلری چوخالیردی. آتامین دوکان داکی پایین دان تالون ماللاری آلیب، آزاد بازاردا ایکیقات باها قیمته ساتیردی. آنام همیشکین دن داها یورغون ایدی. چوخ قوجا لمیشدی. اونو آز -آز گوژوردوم و بو گوژورلریم ده چالیشیردیم

قارداشلاریملا اوزبه اوز گلمیم. هنج بیر مراسیمده ایشتیراک ائتمیردیم. بیر گون آنام زنگ ائدی، نچه ایلدهن سونرا علینین خانیمین بویلو اولما خبرینی وئردی. منی حضرتی ابولفضل سوفرهسینه دعوت ائلهدی. دئدیم: یاخشی، مبارک اولسون. منیم آدیمدان دا تبریک ائله. اما بیلیرسن کی، من گلمره. بئله دانیشما، قیزیم. گرک گلهسن. نه جورتله سوفرهیه آرخانی دؤنده ریرسن؟ بیلیرسن کی، یاخشی اولماز. ایستیرسن کی، یئنه باشینا بدبختلیک گلین؟ یوخ، آنا، اونلاری گۆرمهیه گۆزوم یوخدور. سنین اونلارلا نه ایشین؟ گل، سوفرده دوعا ائله، اللهدان کۆمک ایسته. آنا، دوزونو ایستهسن، منیم ده بیر سوفرده اوتورماغا احتیاجیم وار. بیر زیارتته گئدیپ اۆزومو بوشالتماق ایستیرم. اما ایسته میرم او قئیرتسیر قارداشلاریمی گۆروم. سن اوشاقلارین جانی، بئله دئم. نچه اولماسا، قارداشلاریندی. علینین نه گوناھی وار؟ من اۆزوم شاهدید ایدیم کی، نه قدر اویان -بویانا زنگ ائلهدی. منه گۆره گل. بیلیرسن، نه قدر واختدیر سنی گۆرمیشم؟ پروین خانیمین ائوینه گلیرسن، اما منه باش چکمیرسن. آغلاماغا باشلادی، آخیر کی، منی راضی سالدی. سوفره باشیندا بیر آر آغلادیم. آلاها دوعا ائله دیم کی، روحومو و جیسیمی گوجلەندیرسین. اوشاقلاریمین گله جه یی اوچون دوعا ائله دیم. فاطمه ایله پروین خانیم دا منیمله برابر آغلایدیلار. سعادت قیزیلا دولو بویون -بوغازی ایله مجلسین یوخاری باشیندا ایشیمشیدی. مندن اوز چئویریدی. آنام دورمادان تسبیح چئویریب دوداغینین آلتیندا دوعا اوخویوردو. علینین خانیمی دا قورورلا آناسینین یانیندا اوتورموشدو. قاباغینا تئز -تئز موختلیف یئمکلر قویوردولار. قوناقلار گئندن سونرا بیر -یغیشلا مشغول اولدوق. اوشاقلاری گزمهیه آپاران صادق بی گلدی. آنام اوشاقلارین اوزوندن اۆپوب اونلاری حیطده اوتورتدو و آش گتیردی. ائله همین واخت ماحمود ایچری گیردی. سعادت توپ کیمی دیغیرلانیب حیطه گئتدی. آنام قویمادی گتسینلر. محمودا دا آش تۆکوب قولاغینا نسه پیچیلدادی. گۆرونوردو کی، صؤحت مندن گئدیر. او قدر اینجیمیشدیم کی، ایسته میردیم هنج کیم موناسیبتلریمیزی دوزلتسین. بیلیردیم کی، ماحمودون کمکینه احتیاجیم وار. بیر یاندان دا ایسته میردیم اوغلانلار بو صؤحتته شاهد اولسونلار. سیامکی چاغیریب دئدیم: گل بو اوشاغین چانتاسینی آپار، قوی ماشینا، من ده گلیرم. مسعود، سن ده گل شیرینی گۆتور قوجاغینا. آنام: اونلارلا نه ایشین وار؟ دئدی. اوشاقلار هله آشلارینی یئمەییبلر. تزه چاتیبلار. یوخ، آنا، چوخ ایشیم وار، دئدیم. سیامک پنجرهنین قاباغینا گلیب دئدی: آنا، بیلیرسن، محمود دایی تزه ماشین آلیب؟ بیز گئدیریک اونا باخاق. شیرینی ده سن اۆزون گتیر. اوشاقلارین هامیسی ائشییه قاچدی. آنام باریشماق پروقرامینی یاخشی قورموشدو. بئله گۆرونوردو کی، محمود دا

حاضیر ایمیش. اوجا سسله دئدی: ایمانسیز ایش گۆرمه یه نلر، خیانت ائتمه یه نلرله ایشیم یوخدو. من اۆز حاقیمدان کئچدیم، هر نه سۆیوش اولور، اۆزومو ائشیتممزلییه وورورام. جهنمی یادیمدان چیخاردارام. حضرت بویوروب کی، موسلمانین گرک گۆذشتی اولو. اما دینین، آلاهیین، پیغمبرین حاقیندان کئچه بیلرمه. حیرصیمدن دیل دوداغیمی گمیریردیم. اما محمودو تانیدیغیمدان اونون دئدیکلرینی بیر عودرخاهلیق کیمی قبول ائله دیم انا منی سسلییب دئدی: معصومه، بیر دقیقه لیه بورا گل. پالتومو گئیدیم. مارت آیینین اورتالاری ایدی. هاوا اوریاتان ایدی. شیرینی قوجاقلاییب هوس سیزجه اوتاقدان چیخدیم. انا سۆزونو قورتارمامیشدی کی، کۆچه دن اوشاقلارین سسی اوجالیدی. قولامحوسئین محمودون بالاجا اوغلو نفس دره - دره حیطین اورتاسینا آتیلیب دئدی: گلین، سیامکله قولامعلینین داواسی دوشوب. محمودون قیزی آغلایاراق دئدی: آتا، تتر گل. سیامک قولامعلینی اۆلدوردو. علی، محمود و صادق تتر ائوده ن چیخدیلار. اوشاغی یئره قویوب، چادرانی باشیما آتاراق اونلارین آرخاسینجا قاچدیم. کۆچه نین اوشاقلاری ییغیشمیشدی. اۆزومو زورلا داوانین اورتاسینا چاتدیردیم. علی سیامکی دیوارا دیره ییب سۆیوردو. محمود اونا مؤحکم شیللر ووروردو. محمودون الینین نه قدر آغیر اولدوغونو بیلیردیم. اونلارین آغریسینی اۆز ووجودومدا حیس اندیردیم. دلی کیمی قیشقیردیم: بوراخ!!! اونون اوستونه آتیلدیم. چادران یئره دوشدو. اۆزومو سیامکله اونون آراسینا آتدیم. یومروغومو محمودون اوزونه توشلادیم. ائله بیل اونون چینینه ده یدی. راحتلیقلا اونو تیکه - تیکه ائده بیلردیم. بو، ایکینجی دؤنه ایدی کی، منیم اوشاقلاریملا بئله داوانیردی. صادق اونلاری کنارا چکدی. اما من یومروغومو حاضیر توتوب، سیامکین قاباغیندا دایانمیشدیم. ائله بو واخت گۆزوم قولامعلیه ساتاشدی. او، نرده نین قیراغیندا اوتوروب آغلاییردی. اناسی کورینی اووخالاییب، دیلینین آلتیندا سۆیوردو. هله ده یازیق اوشاق دوز - عمل لی نفس آلا بیلیردی. بللی اولدو کی، سیامک اونو ایتله ییب، او دا آرخاسی اوسته نرده نین اوستونه ییخیلیب، نفسی کسلییب. اوریم یاندی. ایختیارسیز دئدیم: بیین قوربان، سنه نه اولوب؟ برکدن اوستومه قیشقیردی: سن ده، بو دلی اوغلوندا مندن ال چکین! محمود غضبدن دیشهن اوزو ایله منه باخدی: باخ سنه یئنه دئییرم، سنین بو اوغلونو دا دارا چکه جکلر! بونلار دا او شرفسیز، دین سیزین توخوملاری دی. آخیرلاری دا اونون کیمی اولاجاق. گۆروم بونلار دارا چکیلنه ده ده یومروغونلا بونلاری قورویا بیله جک سهن؟ آجیغلا اوشاقلاری الدن دوشموش حالدا ماشینما ایتلیدیم. بوتون یولدا اۆزومه سۆیودم کی، نییه گئتدیم؟ اوشاقلار خوروز کیمی بیر - بیرینین اوستونه آتیلیمشیدیلار. انا می، محمودو، علینی سۆیودم. اۆز بدبختلییه آغلادیم. گۆز یاشلاریمی الیمین آرخاسیلا سیله سیله ماشین سوروردوم. ائوده بیر مودت آجیخلا او باش بو باشا گئدیب گلدیم. اوشاقلار

قورخاراق منه باخیردیلار. ائله کی بیر آز ساکیتلشدیم، سیامکه طرف دؤنوب دئدیم: سن اوتانمیرسان؟ نه واختا کیمی وحشی ایت کیمی میللتین جانینا دوشه جکسن؟ کئچهن آی سنین اون آلتی یاشین اولدو. نییه آدام اولماق ایسته میرسن؟ اوشاق اؤلسییدی، باشیمیزا هارائین داشینی سالاردیق؟ یا عؤمرونون آخیرینا کیمی حبس ده قالا جاقدین، یا سنی ده اعدام ائدجک دیلر. آنا، باغیشلا. قلت ائلمیشه. آلاها آند اولسون، داوا سالماق ایسته میردیم، اما بیلیمیرسن، نه سؤزلر دئدیلر. اول ماشینلارینین آجیغینی وئردیلر، بیزیم ماشینیمیزا گولدرلر. سونرا دئدیلر، بیز بوندان دا بدبخت اولمالیییق، چونکی موسلمان دئییلیک. من هئچ فیکیر وئرمدیم. مگر ائله دئییل، مسعود؟ اما اونلار کیریمه دی. باشلادیلار آتامین دالینجا سفح سؤزلر دئمیه. سونرا آتامین دارا چکیلیمینی لاغا قویدولار. قولامحوسئین دیلینی چیخاردیب بوینونو اییردی، قالانلاری دا گولوردولر. سونرا دئدی کی، آتامی حتی موسلمانلار قبریستانلیغیندا دا باسدیرماییلار. آتیلار ایتلرین قاباغینا، چونکی او، نجیس ایدی. اؤزومو ساخلایا بیلمدیم. ایکی یومروق ووردوم قولاغینا. قولامعلی گلدی کی، اونا قاهمار چیخسین، من ده اونو ایتلدم. آرخاسی نرده یه ده یدی. آنا، یعنی سن دئییرسن، هر نه دئسلر، من قئیرت سیز کیمی هئچ نه دئمیم؟ اگر وورماسایدیم، بو گنجه حیرصیمدن اؤلردیم. بیلیمیرسن، آتامی نه قدر لاغا قویدولار. سیامک آغلاماغا باشلادی. اونا باخدیم. ایسته دیم من ده گئدیب قولامعلینین آغزینا ایکی یومروق ایلیشیدیریم. دئدیم: اؤز آرامیزدی، سن ده چوخ پیس وورموشدون. یازیق قولامعلینین نفه سی گلمیردی. فیکیرلشیرم کی، قابیرغلارینین بیر سینیب. اوشاقلار دانیشیغیمدان بیلدیلر کی، وضعیتلرینی آنلامیشام. اونلارا حاق وئیرم. سیامک گؤزلرینی سیلیب، گوله رک دئدی: اما سن ده یامان اورتایا آتیلدین ها... آخی سنی ووروردولار. عئیبی یوخدو، من حاضر ایدیم کی، اون دنه ده او شیلله دن یئیم، اما قولامحوسئینین باشینا دا بیرینی ایلیش دیریم. مسعود باشلادی منیم سیامکی قوروماغیمی یامسیلاماغا. او، مزه لی منظره نی ائله تصویر ائدیردی کی، هر بیریمیز گولمکدن بیر طرفه دوشموشدوک. نه یاخشی کی، بیز هله گولمی یاددان چیخارتمامیشدیق. بایرام یاخینلاشیردی. منیم هئچ ایش گؤرمه یه هوسیم یوخ ایدی. اما بو لعنتلی ایل قورتاردیغینا گؤره سئوینیردیم. پروین خانیمین ایصرارینا گؤره اوشاقلارا کۆینک -شالوار تیکدیم. بو بایرام او قدر تحقیر اولونموشدوق کی، نه ائو تمیزلдіک، نه سوفره دوزلتدیک، نه ده سئویندیک. حمیدین آناسی ایصرار ائدیردی کی، ایل تحویل اولاندا اونون یانینا گئدک. اما منیم هوسیم یوخ ایدی. قونشولارین سسیندن بیلدیم کی، ایل تحویل اولدو. حمیدین یئرینین بوشلوغو تیکان کیمی گؤزومه باتیردی. اون یئددی ایل بایرامی اونونلا کئچیرتمیشدیم. حتی بیزیمله اولماسا دا، کؤلگه سینی باشیمیزین اوستونده حیس ائدیب

ساکیتلشیردیم. اما ایندی، ساده‌جه، تکلیک و اومیدسیزلیک وار ایدی. مسعود آتاسینین شکلینی الینده توتوب باخیردی. سیامک قاپینی باغلاییب، اوتاقدان چیخمیردی. شیرین سرگردان ایدی. یاتاق اوتاغیمین قاپیسینی باغلاییب آغلاماغا باشلادی. فاطمه، صادق، اوشاقلار تزه پالتارلاری ایله، سس -صدا ایله گلدیلر. فاطمه بیزی ماتم حالیندا گۆروب تعجب‌لاندی. مطبخه گلیب دئدی: باجی، سنه یاراشمیر. بو نه وضعیت‌دیر؟ اوشاقلارا گۆره ده اولسا، سن گرک سوفره سالیب، بیر ایش گۆریدین. حمیدین آناسیگیله گتتمدینی دئیهدن سئویندیم. فیکیرلشدیم کی، اورادا یاس مراسیمی وار. اوشاقلار ناراحات اولار دئییه گتتمک ایسته میرسن. ایندی گۆروره کی، سن اونلاردان دا پیس سن. دور، دور، پالتارینی گئیین. هر نه ایسه، بو ایل قورتاردی. اینشاللاه، یئنی ایل سیزین اوچون یاخشی ایل اولار. بوتون ناراحاتلیقلارین قورتارار. بایرامدان سونرا ائوین بوشالماسی و ساتیشی باشلادی. منصوره ایله آناسی راضیلاشمیردی. اما عملرله عمی آروادلاری دئییردی. کی، ائوی ساتماق واختی دیر. قیمت‌لر بیر آز آرتمیشدی و اونلار ایستیریدیلر کی، تئزلیکله ائوی ساتسینلار. ائله کی خبری منه وئردیلر، دئدیم کی، اوشاقلارین سیناوالاری قورتارمايینجا یئریمدن ترپه‌نمه‌یه‌جه‌یم. اوندان سونرا بیر شئی فیکیرلشهرم. اما نه فیکیر؟ اوشاقلارین یئمینی زورلا چاتدیریردیم، نجه ائو کیرایه توتا بیلردیم؟ حمیدین آناسی، باجیلاری چوخ نیگاران ایدیلر. اول دئدیلر کی، حمیدین آناسی ایله بیر یئرده یاشایاق. اما بیلیردیم کی، حمیدین آناسی اوزون مودت اوشاقلارین سس -صداسینا، شولوق لوغونا دۆزه بیلمز.

من ده ایسته‌میردیم کی، اوشاقلاریم محدودیتله یاشاسینلار. ان سونوندا، حمیدین عمیسی دئدی کی، قارداشینین پاییندان ایکی اوتاق، بیر ده خارابا قاراژ تعمیر ائدیپ، منیمله اوشاقلاری اورایا آپاراجاق. بئله‌لیکله، هم حمیدین آناسی تک قالماسین، هم ده بیز آزادلیغیمیزی قورویاق. قیزلارین دا فیکری آنالاری ساریدان راحت اولسون. سیناوالار باشا چاتاندان سونرا حمیدین آناسینین ائوینده کی تعمیر بیتدی. اما سیامکین شوبه‌له‌لی حرکت‌لری قویموردو کی، من کۆچمک حاقیندا فیکیرلشیم. یئنه کئچمیش نیگارانلیقلاریم باشلامیشدی. آخشاملار ائوه گنج گلیردی. سیاسی مباحیثه‌لر ائدیردی. قزتلره، خبرلره خصوصی دقت یئتیریردی. بعضی سیاسی قروپلار حددن آرتیق مئیل گۆستریردی. اما منیم داها هئچ بیر قروپا، دسته‌یه دۆزمه‌یه حؤوصله‌م چاتمیردی. چالیشدیم گونده‌لیک خبرلردن اوشاقلاریمی قورویام. اما ائله بیل منیم بو محدودیتلریم اونلاری داها دا هوسله‌ندیریردی. حمیدله آتاسینین یاس مراسیمی کئچیرمه‌یه سیامکین تزه دوستلاری کۆمک ائتمیشدیلر. اونلارلا تانیش اولدوم. چوخ یاخشی و ساغلام اوشاقلارا اوخشیایردیلار. اما اونلارین پیچیلدا ماغین‌دان هئچ خوشوم گلیمیردی. ائله بیل

آرالارین دا سیرر وار ایدی. تدریجن اونلارین بیزیم ائویمیزه گئدیب گلمه‌لری چوخالیدی. من همیشه سیامکین یاخشی دوستلاری اولماسینی ایسته ییردیم. همیشه حمیدین آناسینین سسی قولاغیما گلیردی: حمیدی دوستلاری یول‌دان چیخارتدی‌لار. سیامک موجاهیدلرین طرفدارلاریندان اولموشدو. هر تدبیرده اونلارا طرفدارلیق ائدیردی. اونلارین اعلانلارینی، قزئتلرینی ائوه گتیریردی. منی دلی کیمی آجیخلان‌دیریردی. همیشه سیاسی دانیشیق‌لاریمیز داوا ایله بیتیردی. نینکی یاخشی، هر هانسی بیر نتیجه‌یه گله بیلیم‌دیک. اوغولوم گوندن -گونه مندن اوزاقلاشیردی. ان سونوندا، بیر گون چوخ چابالاییب، اؤزومو اله آلدیم، چالیشدیم اونونلا ساکیت صؤحبت ائلییم. آتاسین‌دان، سیاسی مسئله‌لردن زیان گؤرمیمیزدن، او اذیتلردن، بدبخت‌لیکلردن، یاشاییشین چتین‌لیک‌لریندن دانیشدیم. دئدیم کی، منه سؤز وئرسین: هئچ بیر قروپا، یاخود دسته‌یه گیرمه‌سین. سیامک جدی -جدی منه باخیب دئدی: آنا، سن نه دانیشیرسان؟! مگر بئله شئی اولار؟! ایندی هامی سیاست‌چی‌دیر. بیزیم صنیفده هانسیسا قروپ‌دان اولمایان آدام یوخدور. اوشاقلارین چوخو موجاهیددیرلر. چوخدا یاخشی اوشاقلاردیر. هم آلاهی قبول ائدیب، ناماز قیلیرلار، هم ده خالقین آزادلیغی یولوندا مباریزه آپاریرلار. منیم اونلاردان چوخ خوشوم گلیر. یاخشی دوست‌دورلار. منی قوروپورلار. من هانسیسا قروپ‌دان اولماسام، تک قالاجام.

سن گرک همیشه بیر آدام‌دان آسیلی اولاسان؟ دیکلیب اؤزونو مدافعه‌یه کئچدی. بیلدیم کی، سهو ائله دیم. سسیمی آشاغی سالدیم. توتولاراق دئدیم: باغیشلا، پیس مقصدله دئمیردیم. ساده‌جه، منیم داها بو ائوده باشقا بیر سیاسی اوپونا طاقتیم یوخدور. یالواردیم کی، کنارا چکیلسین. بو دانیشیغین نتیجه‌سی بو اولدو او سؤز وئردی کی، هئچ واخت رسمی اولاراق هئچ بیر جریانین عضوو اولماسین. اما آزارکئش اولمایا بیلمز. اونون قاباغینی تکجه آلا بیلیم‌دیم. صادق له آراسی یاخشی ایدی. اون‌دان خواهیش ائتدیم کی، سیامک‌دن موغایات اولسون، اونونلا دانیشسین. وضعیت گون به گون پیسلشیردی. ائشیدیردیم کی، سیامک دؤرد یولون باشیندا قزئت ساتیر. درس‌لری ضعیف‌لیمیشدی، سینا‌ولارینی گوجلّه وئردی. هله قیمت‌لرینی آلامیش‌دی. اما امین ایدیم کی، کسیری اولاجاق. بیر گون صادق خبر وئردی کی، احتیاطلی اولوم. سیامک اوشاقلارلا آکسییایا چیخماق ایستیر. سحر تئزدن دؤرد گؤزله سیامکی ایزلییردیم. جینس شالوارینی و ایدمان آیاق‌قاییلارینی گئییندی. نئچه دؤنه ایسته‌دی آلیش -وئریش آدی ایله ائوده‌ن بایرا چیخسین، اما من مسعودو گؤندردیم. یاواش -یاواش حؤصله‌سی قاچیردی. حیطه گئتدی. بیر قدر گول‌لرله اللشدی. یاواشجا شیلانقی یئردن گؤتوروب گول‌لره سو وئردی. اؤزونو ایشله‌یه‌ن

گۆستیریدی، اما من پردنن آرخاسیندان اونا باخیردیم. یاواشجا شیلانقی یئره قویدو، آياغینن اوجو ایله حیط قاپسینا طرف گئتدی. من قاجیب اؤزومو اوندان قاباق قاپیا چاتدیردیم. اللرینی قاپینن چرچیوهسینه توتوب آجیخلا چیغیردی:

بسدی داها. ائشییه گتتمک ایستیرم. نییه منیمله اوشاق کیمی داورانیرسان؟ بئزمیشه، ال چک مندن.

رنگی سارالمیشدی. الیمی توتدو کی، منی کنار چکسین. بیلیردیم کی، گوجوم چاتماياجاق. اما دایانمالی ایدیم: منیم جنازه مین اوستوندن کئچمه میش بو گون ائشییه چیخا بیلمزسن! یئندن منه هوجوم ائدی. مسعود کمکیمه گلیب، قاباغیمدا دایاندی. سیامک منه اولان غضبینی اونون اوستونه تۆکدو. یومروق -تپیکله اونون جانینا دوشدو. دیشلرینن آراسیندان: جهنم اول، جوجه، سن نه واختدان آدام اولموسان؟ سن آناملای بئله دانیشا بیلمزسن. گرک اونا قولاق آسان. سسینی کس! سنه دخلی یوخدور. بونو دئییب اونون قولاغینا مؤحکم بیر شیلله ووردو. مسعود مووازینتینی ایتیردی. آغلایاراق دئدیم: فیکرلشیردیم کی، بؤیوک اوغلو آتاسیندان سونرا بیزیم آرخامیزدا دوراجاق. اما ایندی گؤروره کی، بیزی یادلارا ساتیر. سادهجه، بو گون ائوده چيخماماغیم ایستیرم. نییه؟ چونکی ایسته میرم سنی ده آتان کیمی الدهن وئیرم. نییه آتامین قارشیسینی آلا بیلمدین؟ او کی کومونیست ایدی؟ گوجوم چاتمادی. هر شئی ائله دیم، اما اولمادی. او، مندن بؤیوک ایدی، گوجلوی ایدی. اما سن منیم اوشاغیمسان. اگر سنه ده گوجوم چاتماسا، گرک اولوم. اگر گتتمهیه قویماسان، بونو اولدورهجه یه. یوخ، سن منی اولدور. چونکی سندن سونرا منده اولهجه یه. سیامکین گۆزلی عصیانلا دولو ایدی. بیر قدر منه باخدی، سونرا عصی لیکله پیلله ره طرف گئتدی. آياقبايلارینن بیرینی آياغینن کمکی ایله چيخاردیب، اونلاری تپیکله بیر طرفه آتدی. چارپاییدا چؤمبلتمه اوتوردو. اون بشش دقیقه دن سونرا شیرینه دئدیم: گت، قارداشینى اؤپ. باخ گور قملیدیرمی؟ شیرین قاجیب چتین لیکله چارپایینن اوستونه چيخدی. اونون کاناریندا دوروب نوازش گؤسترمه یه باشلادی. سیامک آجیخلا اونون الینی ایتله ییب چیغیردی: سن ده ال چک! گئدیب شیرینی قوجاقلاییب یئره قویدوم. سیامکین یانیندا اوتوروب دئدیم: اوغلو، من بیلیرم، بیر قروپون عضو اولماق، قهرمان لیق ائتمک نه قدر ماراقلی دیر. بشریتین، میللتین نجاتینی آرزولاماق نئجه رومانتیکدی. اما سن هارادان بیلیرسن کی، بوتون بونلارین آرخاسیندا نلر یاتیب؟ سن نیی دیشمه ک ایستیرسن؟ نییه گوره اؤزونو اولومه وئیرسن؟ سنن اولوموندن سونرا بیر دسته آدامین واردؤولت قازانماسینی؟ یوخ، سن بیلیرسن. سن بو جریانی تانیمیرسان. بونلار بئله دئییلر. بونلار عدالتی برقرار ائتمک ایستیرلر. عزیزیم، باشقالاریدا بو سؤزلری دئییردیلر. آنا، سن هئچ اونلارین کیتابینی اوخوموسان، بیر میتینقلرینه گتتمیسن، سسلرینی ائشیتمیسن؟

یوخ، عزیزیم، ائشیتیمیشم. سن ائشیتیمسن، بس دیر. سنن فیکرینجه، دوز دئییرلر؟ بلی. اگر سن ده ائشیتسیدین، بیلردین. بس سن آتاین کیتابلارین دان بیرینی اوخوموسان؟ یوخ، اونلار دوز دئییلدی. اونلار دینسیز ایدیلر. اما او دا دئییردی کی، بشریتین نجاتی عدالتین برقرار اولماسیلا مومکوندور. اما سن اونون اوغلو اول -اولا، اونون اوخودوغونون میندن بیرینی اوخومامیسان. هله بیر دئییرسن کی، او سهو ائدی. بوتون حیاتی بیر سهو گؤره اودوزوب. بلکه سن حاقلیسان. من ده سننله راضیام. اما فیکرلش، اگر او سهو ائل ییسه، سن نییه ائله مه یسن؟ سن کی هله سیاسی مکتبلرین آدینی دا بیلیرسن. فیکرلش، اوغلو. حیات چوخ دیرلی دیر. بیر سهو گؤره اونو تهلوکه یه آتا بیلمزسن. چونکی اونون یئرینی دولدورماق اولمور. سن اونلاردان هئچ نه بیلیرسن. یئرسیز دانشییرسان. فیکرلشیرسن کی، بیزی آلماتماق ایستییرلر. دوزدور، عزیزیم، سن دوز دئییرسن. من اونلار حاقیندا هئچ نه بیلیرم. اما بونو بیلیرم کی، کیم کی اؤز منافعییندن اؤترو اوشاقلارین پاک حیسلریندن، سنن کیمیلردن واسطه کیمی ایستیفاده ائدیر، اونلار یاخشی آدم دئییلر. من بئله لرینه قارشیم. من سنی یولدان تاپمامیشام کی، فیلانکس بین قودرته چاتماسین دان اؤترو قوربان وئیرم. او گون آخشام اؤلنلرین و توتولانلارین خبری گلدی.

وضعیت چوخ گرگین ایدی. سیامک هر گون دوستلاریندان بیر نئچه سینین حبس اولوندوغونو ائشیدیردی. اساس آداملار ایسه قاجیب گیزلنمیشدیلر. اما اوشاقلار دسته -دسته اعدام اولونوردولار. هر گون گون اورتادان سونرا اعدام اولونانلارین شخصیتلرینی و یاشلارینی تئلویزیادا اعلان ائدیردیلر. من و سیامک سیاهییا دهشتله قولاق آسیردیق. ائله کی تانیش بیر آد ائشیدیردی، سیامک قفس ده کی شیر کیمی اؤزونه قیسیلیردی. اؤز -اؤزومه فیکرلشیردیم، یازیق بو اوشاقلارین آتا-آنالاری، اوشاقلارینین آدینی ائشیدن ده نه حالا دوشورلر؟! آلاها شوکور ائدیردیم کی، او گون سیامکین گئتمینه مانع اولدوم.

میللتین قریبه داوارانیشی وار ایدی. بعضیلری هئچ نه اولمامیش کیمی داوارانیر، بعضیلری عصبی، بعضیلری حتی سئوینجک ایدیلر. بو قدر تضادلی بیر جمعیتده بیرلیک یاراتماق اینانılmaz ایدی. بیر دؤنه کوچه ده کئچمیش سیاسی همکاریملا قارشیلانمیشدیم. منی باشدان -آیاغا سوزوب دئدی: نه خبر، خانیم صادقی؟ ائله بیل گمیلرین باتیب.

چوخ کئف سیزسن. تعجبله دئدیم: بو وضعیت سیزی ناراحات ائلمیر؟ یوخ، منجه، نئجه اولمالی ایدی، ائله ده اولوب.

آجیخلا دئدیم: بو، صبرلی لیک دئییل، یالتاق لیق، قئیرت سیزلیک دیر. کئچمیش همکاریم قاشقا باغینی سالادی:

نئجه یعنی یالتاق لیق؟ لوغته ایضاحی وار، دئدیم. ایل یایین اوللرین ده ائودهن کوچدوک. اون یئددی ایلدهن سونرا چوخلو خاطره لری اولان ائوی ترک ائتمک آسان دئییلدی. اورانین هر بیر کریجینین من ده بیر خاطره سی وار ایدی. حتی ان آجی خاطره لر ایلر کئچهن دن سونرا منه شیرین گلیردی. بیز هله ده قوناق اوتاغینا «شهریزادین اوتاغی»، آشاغی اوتاغا «ننه نین اوتاغی» دئییردیک. اورانین هر بوجاغین دان حمیدین اییی گلیردی. هله ده هر دن ائوین گیزلی یئرلرین دن اونا عایید اولان نسه تاپیردیم. منیم حیاتیمن ان گۆزل گونلری بو دۆرد دیوارلارلا کئچمیشدی. اما باشقا چاره م یوخ ایدی. بیر ییغیشا باشلادیم. اشیالارین بعضیلرینی ساتدیم، بیر قده رینی آتدیم، بیر آزینی باغیشلادیم. فاطمه دئدی: یاخشیلارین اؤزونه ساخلا. بلکه سونرا بؤیوک ائوین اولدو. بونلاری ایتقیلا ب دان سونرا آلمیشدین. یادین دادیر؟ هه، او وخت اومیدیم وار ایدی. فیکیرلشیردیم کی، بیزیم ده بیر شیرین عاییله میز اولاجاق. اما ایندی وئجیمه دئییل. منیم هئج وخت بؤیوک ائویم اولمایاجاق. اولسا دا، بو تنزلیکله اولماز. ایندی کؤچه جه یه م، ائوده ده بونلاری یئرلش دیره بیلمره م. چوخ بالاجادیر. یئنی ائویمیز ایکی اوتاق، بیر قاراژدان عبارت ایدی. بیر دنه ده بالاجا حمام و توالئت واریدی. اوتاقلاردان بیرینی اوغلانلارا وئردیم. بیر ده منیمله شیرینین اولدو. چارپاییلاری، اوشاقلارین یازی ماسالارینی، منیم ایش ماسامی، یازی ماکیناسی و درزی لیک ماشین می بو ایکی اوتاقدا یئرلشدیرمیشدیک. حیطین او بیر یانیندا ده حمیدین آناسینین ائوی واریدی. هر شئی آپاران دان سونرا ائو بوشالیدی. ائوی ترک ائنده بوتون اوتاقلارا باش چکدیم. بوتون دیوارلارا الیمی سورتدوم. زیره مییه دوشدوم. قوجا آغاجلارا سو وئردیم. پنجره نین دالین دان ننه نین تورپاق باسمیش و داغیلیمیش ائوینه بیر ده باخدیم. گۆز یاشلاریمی سیلیب، قاپیلاری باغلادیم. حیاتیمن بو قیسمی: گنجلییم، سؤگیمله ویداعلاشدیم و گئتدیم...

۷-ینجی بؤلوم

اوشاقلار بو یئردیشمه‌دن ناراضی و دیلخور ایدیلر. بو داشینماق‌دان، چاخناشما‌دان یورولموشدولار. سیامک چارپاییا اوزانمیشدی، بیر قولونو گۆزلرینین اوستونه قویوموشدو. مسعود حیط دیوارینین دیبین ده اوتوروب، چنه‌سینی دیزینه دایامیش‌دی. بیلینمز بیر نقطه‌یه باخیردی. خوشبخت‌لیک‌دن، شیرین پروین خانیمین یانیندا ایدی، اونا گۆره نیگاران دئییلدی. اوشاقلارین بو قملی گۆرکه‌ملری منه عذاب وئیریدی. بو داغینیق‌لیق منی دلی ائدیردی. تک‌لیک‌ده بو ایشلری گۆرمه‌یه هئچ گوجوم یوخ ایدی. اونلاری دا مجبور ائده بیلیمیردیم. بالاجا بیر چاخماق اونلارین پارتلاماسینا نه دن اولاییلردی. کتچیب اوتاق‌دا اوتوردوم، درین‌دن بیر نفس آلدیم. قهری‌می اودوب، اؤزومله دانیشدیم. اؤزومو ساکیتلش‌دیره‌نه قدر بیر آز واخت کئچدی. قالخیب چای دملدیم، ائشییه چیخیب کوچه‌نین باشینداکی چۆرک‌چی‌دن ایکی چۆرک آلدیم. سس‌سیز ائوه قاییتدیم. خالچانی حیطه‌سردیم. کره یاغی، پئندیر، چۆرک، چای و مئیوه گتیردیم. اوشاقلاری چای ایچمه‌یه چاغیردیم. بیلیردیم کی، آجدیلار. ساعات اون بیرده ائوده‌ن چیخمازدان اول هره‌سی بالاجا بیر دورمک یئمیش‌دیلر. تزه چۆرکه‌لر سويدوغوم خیارین ایی اونلاری ایشتاها یا گتیردی. یاواش -یاواش، پیشیک کیمی منه طرف گلیب یئمیه‌یه باشلادیلار. ائله کی دادلی یئمک یئییب، ساکیتلشدیکلرینه امین اولدوم، دئدیم: باخین، اوشاقلار، او ائوی ترک ائتمک منه ده چتین ایدی. اما باشقا یولوموز یوخ ایدی. بیز اورادان چیخدیق، اما یاشاییش داوام ائدیر. سیزلر جاوانسینیز، یولون اوللینده سینیز. اؤز ائولرینیز اوندان دا گۆزل اولاجاق. سیامک عصبی -عصبی دئدی: اونلارین همین ائوی الیمیزدن آلماغا حاکی یوخ ایدی. حاققلاری وار ایدی. ائو اونلارین ایدی. آنالاری ساغ اولدوغو مودت‌ده او ائوی ساتمامیش‌دیلار. اما او رحمته گئتدی. گرک میراثلارینی بؤلوشدورئیدیلر. اما اونلار هئچ ننه‌یه باش چکمیردیلر. بوتون ایشلرینی بیز گۆروردوک. اونا گۆره کی اورادا بیز یاشاییردیق و اورادان بیز ایستیفاده ائدیردیک. بیزیم بابامیزین ائویندن ده پاییمیز یوخدور. هامی پای آپاریر، بیزدن باشقا. یاخشی، اوغلو، بو، قانون‌دور. اوغول آتادان تئز اؤلن‌ده اوندان میراث آلا بیلیمیر. مسعود دئدی: نییه قانون همیشه بیزیم زیانیمیزا ایشله بیر؟

بو نه سۆزلردی؟ سیزین پایلا نه ایشینیز وار؟ مگر بیز آخماغیق؟ مین یئردن ائشیتیمیشیک. بیزه ده پای دوشمه‌لی ایدی. بیزیم هئج نییه احتیاجیمیز یوحدور. هله‌لیک بابانین ائوینده اوتوروروق. بو قدر پول خرجه‌ییب، بو اوتاقلاری بیزه دوزلدیلر. ایندی‌لیک بیر سورون یوحدور. بیزه نه فرقی وار؟ سیز بؤیوبوب اؤزونوز ائوینیزی، یاشاییشینیزی دوزلدجکسینیز. من ایسته میرم، اوشاقلاریم اؤلومالی یئنه‌نلر کیمی پای، میراس دوشونسونلر. آخی اونلار بیزیم حاقیمیزی یئیبیلر. یعنی سن بئله کؤهنه ائوده یاشاماغا راضی‌سان؟ هه. چونکی منیم سیزینله باغلی داها جدی آرزولاریم وار. تئزلیکله اونیوئرسئته گیرجکسینیز. هم درس اوخویا، هم ایشله‌یه بیلجکسینیز. سونرا دا حکیم، یا دا موهندیس اولاجکسینیز. ائو - ائشیک دوزلدجکسینیز. داها بو خارابایا باخمایاجکسینیز. او زامان من ده اصیل خانیملار کیمی بو ائوده‌ن او ائوه ائلچیلییه گئده‌یه‌م. سیزه نه گؤزل قیزلار تاپاجام! اوغلانلارین قاشقاقلاری آچیلدی. آخیر کی، بو ائوده یاشاماغی قبول ائله‌دیلر. بیر هفته‌دن سونرا آرتیق یئر به یئر اولموشدوق. بیر آیدان سونرا دا صفالی، گوللو باغچامیز، گؤزل هوووزوموز، رنگلی پرده‌لری اولان راحت بیر ائویمیز وار ایدی. پروین خانیم بیزیم یئر به یئر اولماغیمیزدان راضی ایدی. دئییردی، ایندی بیزه گئدیپ - گلمه‌یی راحتلاشیب. ننه ده بیزیم ائوده اولماغیمیزا سئوینیردی. دئییردی کی، داها قورخمور. موحاریبه‌نین سس - کویو چوخالاندا، ایشیقلار سؤنه‌نده، تهلوکه سیقناللاری چالیناندا تئز اؤزوموزو اونا چاتدیریردیق. اوشاقلار، بیر نؤو، موحاریبه ایله باریشمیش دیلار. اونو یاشاییشین گئرجکلیگی کیمی قبول ائدیردیلر. بومبا آتیلان واختلاردا شیرینی مجبور ائدیردیک کی، بیزه شعیب اوخوسون. جناب زرگری تئز - تئز منه ایش گتیریر، بیزه باش چکیردی. داها منیمله ایداره‌ده کی کیمی قورو داورانیش ائله‌میردی. یاخشی دوست اولموشدوق. دردلشیردیک. من اوغلانلار باره‌ده اوندان مصلحت آلیردیم. او دا یولداشین‌دان، موحاریبه باشلایاندا فران‌سایا قاییدان قیزیندان دانیشیردی. جناب زرگری منی بیر نئچه نشریات شیرکتلرینه تقدیم ائله‌دی. ان سونوندا، بیر ژورنالدا منه ایش تاپدی. ثابت گلیری وار ایدی. دوزدو، چوخ دئییلدی، اما قالان خرچلیمی ده ائوده ایشله‌مکله قازانا بیلیردیم. اوشاقلاری ائوین یاخینلیغیندا اوخولا یازدیردیم. بیرینجی هفته قاشقاقلا گئدیردیلر درسه. دوستلارین‌دان - اوزاقلاشدیقلا رینا گؤره چوخ بئکئف ایدیلر. اما بیر آیدان سونرا او مدره‌سه‌نی یادلارینا دا سالمیردیلار. سیامک چوخلو دوست تاپمیشدی. مسعود دا کی هامی ایله مئهریبان و یولاگئدن ایدی. شیرین اوچ یاشینا گیرمیشدی. اویناییردی، قارداشلارینین باشینا چیخیردی. فیکیرلشیردیم کی، اونو یاخینلاردا بیر باغچایا قویوم. اما پروین خانیم قویما‌دی. دئی: دئییه‌سن، پولون چوخدور؟ یا ایداره‌ده، یا ائوده یازیرسان، اوخویورسان، تیکیرسن. بو قدر چتین‌لیکله قازاندیغین پولو

اؤزگه نین جیبینه نییه تۆکورسن؟ مگر من اؤلموشه؟ یاواش -یاواش یاشاییش اؤز قایداسینا دوشوردو. موخاریبه، دهشتلی خبرلر آمان وئرمهسه ده، ائله بیل هر شئی بیزدن اوزاقدا باش وئیریدی. من او قدر مشغول ایدییم کی، تهلوکه سیقنالی چالانا قدر موخاریبه یادیم دوشموردو. بئله واختلاردا بئله هامیمیز بیر یئرده ایدیکسه، نیگاران اولموردوم. چونکی اینانیردیم، بیرلیکده اۆلمک ان گۆزل اۆلومدور. آییلار کئچدی، تئروورلار، چوخلو اۆلوملر اولدو. سیاسی فعالیتلر زیرزه میلره، گیزی، قاپالی یئرلره چکیلدی. موخالیفلرین باشدا اولانلاری قاچدی. موخاریبه هله داوام ائدیردی. من اوغلانلارین گلجیندن نیگاران ایدییم. منیم سۆزلریم و دوشهمن اتفاقلار سیامکه ائتکی ائتمیشدی. داها موجاهید دوستلاری ایله گۆروشموردو. یا دا من ائله فیکیرلشیردیم. باهارین گلمه یی ایله منیم نیگارانلیغیم آزالدی. اوشاقلار سیناوارا حاضیرلاشیردیلار. اونلارین سیناوارا اونیورسئت مسئلهسینی اورتایا آتدیم. ایسته بیردیم کی، اونلار درسه، اوخولا او قدر آلیشسینلار، باشلاری باشقا هئچ نییه قاریشماسین. بیر گئجه همیشکی کیمی بیر متنی یازیردیم. اوغلانلارین اوتاغینین ایشیغی یانیردی. قفیلدن قاپینین زنگی منی یئرمده قوروتدو. قلییم شدتله چیرپیندی. سیامک اوتاقدان چیخدی. تعجبله بیر -بیریمیزه باخدیق. مسعود یوخولو - یوخولو اؤزونو چاتدیردی. زنگین سسی کسيلمیردی. هر اوچوموز قاپیا طرف گئتدیک. اوشاقلاری کنار ایتله ییب، اؤزوم قاپینی آزاجیق آچدیم. بیر نفر زورلا قاپینی ایتله دی . بیر کاغیدی گۆزومون قاباغینا توتدو. قارانیقدا هئچ نه گۆرمدیم و آنلامادیم. منی کنار ایتله ییب ایچری گیردیلر. سیامک نه سینین ائوینه طرف قاچدی. ایکی نفر آرخاسینجا قاچیب اونون توتدو. چیغیریب اونلارا مانع اولماق ایسته دیم: اونو بوراخین! منیم ده الیمی توتدولار. چیغیردیم: آخی او ئیله ییب؟ آرالاریندا ان یاشلیسی مسعودا دئدی: آنانین چادراسینی باشینا سال. ساکیت اول ییلمیردیم. چیغیریب اؤزومدن گئتدیم. مسعود اوزومه سو سپدی اؤزومه گلدیم. سیامکی آپاریردیلار. چیغیردیم: قویمارام اوشاغیمی آپاراسینیز! او نه ایش گۆروب آخی؟! اونو هارا آپاریرسینیز؟! اورتا یاشلی بیر ظابط جانیانانلیقلا منه باخدی. ائله کی او بیریلری سیامکی آپاردیلار، او، یاواشجا منه دئدی: ائوینه آپاریریق. اونونلا ایشلری یوخدور، قورخما. گلن هفته گل، دئنه کی، عزت الاله حاجی حسینی اختاریرام . اؤزوم سنه خبر وئردیم. سیزه قوربان اولوم، اوشاغیمین باشینا بیر بلا گتیرمین. سیزی آند وئیرم آلاهیینیز، اوشاقلارینیز. ظابط باشینی ترپدیب گئتدی. مسعودلا کوچه نین آخیرینا قدر اونلارین آرخلارینجا قاچدیق. قونشولار پرده لرینین آرخاسیندان بیزه باخیردیلار. ائله کی ماشین دۆنگه دن بورولدو، کوچه نین اورتاسیندا اوتوردوم. مسعود بیرته ر منی ائوه آپاردی. سیامکین تیتره یه ن سسی، قورخان گۆزلری، رنگی قاچان اوزو بیر آن منی راحت بوراخمیردی. بوتون گئجه نی

سایقلا بیردیم. داها بیر ایتکیه دۆزه بیلیمزدیم. اوغومون جمعی اون یئددی یاشی وار ایدی. دوغرودان، گوناھسیز ایدی. اونون یئگانه گوناھی یول آیریجین دا قزئت ساتماق اولوب. سحر بیرتهر قالخیب، آياقلاریم اسه -اسه ترپندیم. الیمی الیمین اوستونه قویا بیلیمزدیم. هئچ کس کمکیمه چاتما یاجاقدی. یاشاییشیم تکرار اولونوردو. اما بو دؤنه گوجوم آزالمیشدی. پالتاریمی گئیدیم. مسعود پالتارلی دیوانین اوستونده یاتمیشدی. یاواشجا اونو سسلدیم. دئدیم کی، ایکی گون اوخولا گئتمه سین. پروین خانیم گل سین، شیرینی اونا تاپشیر سین. فاطمه خالاسینا زنگ ائدیپ مساله نی دانیش سین. یوخولو -یوخولو دئدی: بو دان اوزو هارا گئدیر سن؟ ساعات نئچه دیر کی؟ ساعات بئش دیر. گئدیم محمودون یانینا. ائوده ن چيخمامیش اونو گۆروم. یوخ، آنا، یوخ، اونون یانینا گئتمه. چاره م یوخدور. اونون مین دنه تانیشی وار. نئجه اولور اولسون، اولسا مجبور ائدره م آپار سین منی حاجی آغانین یانینا. یوخ، آنا، سن الله، گئتمه. او، هئچ نه ائله مه یه جک. مگر یادیندا دئییل؟ یوخ، اوغوم، بو دؤنه مسئله باشقا جوردو. حمید یاد اوغلو ایدی. اما سیامک اؤز قانیندان دیر، باجیسینین اوشاغی دیر، اونون قوجاغیندا بؤیویوب. یوخ، آنا! آخی سن بیلیمرسن... نه یی؟ نه یی بیلیمرم؟ ایسته میردیم سنه دئییم. من دونه ن آخشام ائوه گلن ظابطلرین بیرینی کوچه نین باشیندا گۆرموشدوم. نه اولسون؟ او، تک دئییلدی. محمود دای ایله دانیشا -دانیشا بیزیم ائوه باخیردی لار. دنیا باشیما دولانندی. یعنی اونو محمود ساتیب؟ مومکون دئییل. نئجه اولاییلر؟ اؤز باجیسی اوشاغینی؟ ائوده ن دلی کیمی چيخدیم. بیلیمرم، اؤزومو محمودون ائوینه نئجه چاتدیردیم. قاپینی گوجلە چالیردیم. قولامحوسئینله محمود تلسیک قاپینی آچدی لار. قولامعلی نئچه واخت ایدی کی، جبهه یه گئتمیشدی. محمودون اینین ده ائو پالتاری وار ایدی. چيغیردیم: شرف سیز! بیزیم ائویمیزه پولیس گئیریر سن؟ سن منیم اوغومو توتدورور سان؟ سويوققانلیقلا منه باخدی. گۆزلیبردیم کی، داناجاق. یا دا منه دئییه جک کی، بئله شئی نئجه آغلیما گله بیلر؟ اما او، تمکینینی پوزمادان دئدی: سنین اوغلون مواهید ایدی. مگر ائله دئییل؟ یوخ، منیم اوغومون او یاشی دئییل کی، نسه ائلییه بیل سین. بو بیر - ایکی ایلده ده اوچ دؤنه فیکیر دییشیب، هئچ واخت دا هئچ بیر جریانین عضوو اولماییب. اؤزونو آلداتما، باجی. باشینی کولا سوخموسان، قالانلاردان خبرین یوخدور. اؤزوم گۆردوم کی، قزئت ساتیر. ائله بو؟ ائله بونا گۆره اونو حبسه گۆندردین؟ بورجوم ایدی. گۆرمور سن، نه خیانتلر ائدیرلر، نه آداملار اؤلدورورلر؟ من دینیمی، آخیر تیمی سنین اوغلونا گۆره آتما یاجاق ایدیم کی؟ یئنه اؤز اوغوم اولسایدی، بلکه ده کئچردیم. آخی منیم اوغوم گوناھسیز دیر. او، هئچ نه ائله مه ییب. بونون داها منه دخلی یوخدور. منیم بوینومون بورجو بو ایدی کی، اونو تانیتمدیریم. قالانی ایسالامین عادیل محکمه سینین ایشی دیر. اگر گوناھسیز اولسا، بوراخاقلار.

اگر سهو ائتسهلر نجه؟ اولار کی معصوم دئییلر. منیم اوشاغیم بیر سهو اوستونده آرادان گئتسین؟ اوندا سن ویجدانینا نه جواب وئره جک سن؟ منه نه؟ اگر بئله بیر سهو ائتسهلر، اوزاق یولا گئتمز. شهید اولار، بئهیشته گئدر. روحو دا ابدیته کیمی مندن ممنون اولار کی، اونو آتاسینین طالئعیندن قورتارمیشام. بونلار دین و مملکت خاینلریدیر. غضبله چیغیردیم: هئچ کیم سنین قدر دین، مملکت خایینی دئییل! سنین کیمی آداملار دینی، ایسلامی گۆزدن سالیملار. سن اؤز خئیرین دن اؤترو بوتون ایرنج عمللرینی دینین آیاغینا یازیرسان. بونو دئیهرک اونون اوزونه توپوروب ائودهن چیخدیم. باشیم آغریدان پارتلائیردی. ایکی دؤنه ماشینی یول کاناریندا ساخلائیپ آجی، ساری سو قوسدوم. اؤزومو بیرتهر آنامین ائوینه چاتدیردیم. علی ائودهن چیخیردی. یالواردیم کی، بیر ایش گۆرسون. تانیش تاپسین. خانیمین آتاسیندان کۆمک ایسته سین. علی باشینی ترپدیب دئدی: باجی، آلاها آند اولسون کی، بیلیمرسن، نه قدر ناراحتام؟ من سیامکی چوخ ایستیرم. اؤز قوجاغیمدا بؤیوموشدو. بؤیوموشدو؟! ائله دانی شیرسان، ائله ییل او اؤلوب. یوخ، ائله دئمک ایسته میردیم. دئمک ایستیرم کی، هئچ کیمین الیندن هئچ نه گلیمیر. اوستونه مواهید دامغاسی وورولان آدام گۆره نه هامی اؤزونو کنارا چکیر. بیلیمرسن آخی؟ آنامین اوتاغینا کئچیب، خالچانین اوستونده اوتوردوم. باشیمی دیوارا چیرپماغا باشلادیم. آنا دندیم: بو دا اوغلانلارین. باجیلارینین اوشاغینین قتلینه فیتوا وئریلر. آخی او، اوشاقدیر! اونون جمعی اون یئددی یاشی وار. سونرا دا دئییرسن، بیر قاندانسینیز. ائله بو وخت صادقله فاطمه گلдіلر. منی آغا قالدیردیلار، بیر یئرده ائوه قایتیدی. فاطمه ده آغلائیردی. صادق حیرص دن بیغلارینی چئنیبیردی. فاطمه یاواشجا دئدی: دوزونه قالسا، صادق اوچون ده نیگارنام. قورخورام دئیهر، او دا مواهید ایدی. آخی بیر -ایکی دؤنه او دا علی و محمودلا موباحیثه ائدیب. دئدیم: صادق بی، گل گئدک زیندانین قاپیسینا. بلکه بیر خبر توتا بیلدیک. بیرلیکده گئتدیک. بیزه جواب وئره اولمادی. عزت ولاله حاجی حسینی خبر آلدیم. دئدی، بو گون گلهمیه جک. ائوه دلی کیمی قایتیدیم. فاطمه، پروین خانیم گۆرونوشومدن آنلادیلار کی، هئچ بیر خبر یوخدور. منی نسه یئمیه مجبور ائله دیلر. سیامکین اورادا نه یئدینی دوشوندوکجه بوغازیم دان تیکه کئچمیردی. یئنه آغلاماغا باشلادیم. نه ائدیم؟ کیمین یانینا گئدیم؟ من تک قادینام. بیردن فاطمه دئدی: محبوبه! هانسی محبوبه؟ بییین محبوبه سی. آخی اونون قاییناتاسی موللادی. دئییردی، چوخ واجیب آدام دیر. بیی تعریفلیردی کی، چوخ مئهریبان و یاخشی کیشی دیر. سودا بوغولان آداملار کیمی سامان چۆپون دن یاپیشمیشدیم. آغا قالدیم. فاطمه سوروشدو: هارا؟ گرک اونون یانینا گئدیم. صبرین اولسون. صاباح صادقله گلرک، بیر یئرده گئدریک. صاباح گئج اولار. من اؤزوم تک گئدرم. ائله شئی اولار؟! نییه اولماسین؟ بییین ائوینی تانییرام. عونوانی

دیشمه ییب. یوخ، اما تک گنده بیلمزسه. مسعود پالتارینی گئیینمه یه باشلادی: تک گتتیم. من اونونلا گتدیم. سنین درسین وار. بو گون ده گتتمه میسن. بو وضعیت ده نه مکتب؟ من قویمارام سن تک گنده سه. ایندی بو ائوین کیشی سی منم. شیرینی پروینه تاپشیردیم. مسعودلا ائوده چرخدیق. مسعود تاکسی توتوب منی اوتورتدو. بییمین ائوینه چاتاندا گتجه اولموشدو. بییم گتجه نین او واختی بیزی گورهن ده تعجبله ن دی. اوزوموزه حیرتله باخیب: الله منی اولدورسون، نه اولوب؟ دئی. آغلاماغا باشلادیم: بیبی، دادیما چات. اوشاغیم الیم دن گتدیر! یاریم ساعات دان سونرا محبوبه ایله اری گلدی. محبوبه همیشکی کیمی شوخ ایدی. بیر آز دا کؤکلمیشدی. اری ده یاراشیق لی، قاناجاق لی و اوره یه یانان اوغلانا اوخشاییردی. داورانیشلارین دان حیس اولونوردو کی، بیر -بیریلرینی سئویرلر. اوزوم دن آسیلی اولمادان یئنه آغلادیم. باشیمیزا گلنلرین هامیسینی دانیشدیم. محبوبه نین یولداشی منه تسللی وئردی. اومیدوئریجی سؤزلر دئی. سؤز وئردی کی، صاباح منی آتاسینین یانینا آپاریب، اوندان کؤمک ایسته سین... بیر آز ساکیتلشدیم. بییم مجبور ائندی کی، بیر آز یئمک یئیم. محبوبه آغریکسیجی و ساکیتلشدیریجی درمان گتیردی. اییرمی دؤرد ساعات آجی و آغری ایله کتچهن گوندن سونرا یوخویا گتتیم. محبوبه نین قاییناتاسی یاخشی، اوزو نورلو بیر اینسان ایدی. منیم گؤزلریمین یاشین دان برک ائتکی لندی. منه تسللی وئردی. بیر نئچه نفره زنگ ائله دی. بعضی آدلار یازیب مؤحسونه وئردی. اونا تاپشیردی کی، منیمله تئهرانا قاییتسین. تئهرانا چاتار - چاتماز مؤحسون موختلیف آدمالارلا ایلگی یاراتدی. سحره گؤروش واختی آلدی. سحر بیر یئرده زیندانا گتتدیک. زیندان داکی مأمور مؤحسونله خوش بئش ائله یه نندن سونرا دئی: اونون سولچولار طرف اولماسی بللی دور. اما هله اونون علییه نه اعتبارلی بیر سند تاپمامیشیق. قانونی مرحله لر کتچهن دن سونرا آزاد ائدریک. اونون بو سؤزلری منی اون آی یاق اوسته ساخلادی. اون آی سورهن قارا و دردلی گونلر. هر گتجه یوخودا گؤروردوم کی، اوغومون آیاقلارینی باغلایب شاللاق وورورلار. آیاقلارینین درسی شاللاغا یاپیشیب. چیغیراق یوخودان دوروردوم. سیامکین توتولماغین دان بیر هفته سونرا آینادا گؤزوم اؤزومه ساتاشدی. آریخلامیش، سولموش و قوجالمیشدیم. ساچیمدا بیر چنگه آغ توک واریدی. حمیدین اعدامیندان سونرا اونسوز دا ساچیم دن دوشموشدو. محبوبه، اونون اری و قاییناتاسی ایله تئز -تئز ایلگی ساخلا ییردیم. دئییردیلر کی، نیگاران اولماییم، اونو آزاد ائدجکلر. سئوینیردیم، اما بیردن یادیم دوشدو کی، بعض «آزاد» اولماغی یاشاییشدان آزاد اولماق آنلامیندا دئییردیلر. بوتون بده نیم تیره مه یه باشلاییردی. منی بیر طرفدن قورخو، بیر یاندان اومید اولدوروردو. چالیشیردیم باجاردیغیم قدر چوخ ایشلییم کی، آز فیکیرلشیم. اونیوئرسئتلرین آچیلما سی خبری یاییلدی. قالان بیر نئچه درس لری می

بیتیریب، نئچه ایللر چکدیم زحمت نتیجه سیز قالماسین دئییه تزه دن اونیوئرسئته مراجعت ائله دیم. سون درجه سویوق و قاشقاباقلا دئدیله: سیزین اونیوئرسئته گیرمه یه حاقینیز یوخدور. آخی من قبول اولونموشام. کورسلاریدا بیتیرمیشم. ساده جه، سیناو وئرمه لییه م. خئیر، سیز اونیوئرسئتدن خاریج اولونموشونوز. نییه؟ مأمور ایستیه زالی گولوشله دئدی: یعنی سیز اؤزونوز نه دینی بیلیرسینیز؟ سیز بیر کومونیستین یاشاییش یولداشی، بیر خاین منافیقین ده آناسیسینیز.

عصبی حالدا دئدیم: من اونلارین ایکسی ایله ده فخر ائدیره م. سیز ایستیدینیز قدر فخر ائده بیلرسینیز، اما بیزیم ایسلامی اونیوئرسئتدن دیپلوم آلا بیلمزسینیز. بیلیرسینیز، من نه قدر بوندان اؤترو زحمت چکمیشم؟ اگر اونیوئرسئتلر باغلانماسایدی، من بو دیپلومو نئچه ایل اؤنجه آلمیشدیم. مأمور لاقئیدجه چینلرینی چکدی. داها بیر نئچه نفرله دانیشدیم، اما هئچ بیر نتیجه سی اولمادی. بوتون زحمتلریم پوچ اولموشدو. مارت آیینین اوللری ایدی. مولاییم هاوا واریدی. یازین

سیرین ایی هاوادا دولانیردی. صادق ماشیننی تعمیره آپارمیشدی. پیادا ایشه گئتدیم. ساعات ایکی ده فاطمه زنگ ائله دی: آخشام ایشده ن بیرباشا بیزه گل. صادق ماشیننی تعمیردن گتیریب. ائوه گئدی، اوشاقلاری بورا گتیرر. هوسیم یوخدور. ائوه گئده جه یه م، دئدیم. یوخ، مطلق گلمه لیسن. سنینه ایشیم وار. نه ایشین وار؟ نسه بیر خبر وار؟ یوخ، محبوبه زنگ ائله دی، دئدی کی، تهراندایلار. من ده دئدیم، گل سینلر بورا. بلکه بیر خبرلری اولدو. دسته یی یئرینه قویوب فیکره گئتدیم. منجه، بو، فاطمه نین همیشکی سسی دئییلدی. یئنه ده اوریم چیرینماغا باشلادی. ائوه زنگ ائدی، پروین خانیم دئدیم:

شیرینی حاضرلا. صادق گلیب اوشاقلاری ائولرینه آپاراجاق. گولوب دئدی: گلیب. مسعودو گؤزلیبرلر. سن نه وخت گئده جک سه ن؟ ایشیم قورتاران دا گئده جه یه م. پروین خانیم، دوزونو دئی، نه خبر وار؟ هئچ بیر خبر یوخدو. اگر بیر خبر اولسایدی، صادق بی دئیردی. ایشی قورتاران کیمی ایداره دن چیخدیم، یولوما چیخان بیرنجی تاکسینی ساخلایب، فاطمه نین ائونه گئتدیم. فاطمه گیزلتمه یه چالیشدیغی هیجانلا قاپینی اوزومه آچدی. دقتله اونا باخدیم: سالام، باجی. ندیر؟ نییه بئله باخیرسان؟ دوزونو دئی، نه خبر وار؟ گرک ائله همیشه خبر اولا کی، سن بیزه گله سه ن؟ فیروزه قاچاراق قوجاغیما آتیلدی. شیرین ده اؤزونو منیم قوجاغیما آتدی. مسعودا باخدیم. او دا ساکیت و فیکیرلی ایدی. اؤزومو اله آلیب ایچری گیردیم. یاواشجا مسعودا دئدیم: مسعود، نسه بیر خبر وار؟ بیلیمیرم، بیز تزه گلمیشیک. منه ده هر شئی شوبه هلی گلیر. هئی بیر -بیریلری ایله پیچیلداشیرلار. چیغیردیم: فاطمه، نه خبر وار؟ دلی اولورام آخی! سن الله، ساکیت اول. نه اولسا، خوش خبردیر. اورین راحت اولسون. سیامکدن بیر خبر وار؟ هه، ائشیتیمیشم، بایراما کیمی آزاد اولاجاق. دوزونو دئیرسن؟

صادق دئدی: هه، بلکه ده داها تتز... سن الله، بونو سیزه کیم دئییب؟ هارادان انشیتیمسن؟ ساکیت اول. اوتور، بیر چای گتیریم. مسعود الیمی مؤحکم - مؤحکم توتمودشو. صادق ائله هئی گولوب اوشاقلارلا اویناییردی. دؤزمدیم، بیر ده سوروشدوم: صادق بی، سن الله، دوز - عمل لی دانیش، گؤروم نه وار؟ واللاه، من هئج نه دئییه بیلرهم. باجین گرک اؤزو دئییه. او داها یاخشی بیلیر. او، کیمدن انشیدیب؟ محبوبه دن؟ هه، محبوبه ایله دانیشیب. فاطمه بیر مجمیی چایلا گلدی. فیروزه گوله - گوله، آتالانا - آتالانا بیر قاب شیرینی گتیردی. فاطمه، اوشاقلار، گلین اوتورون. دوز - عمل لی دانیشین، گؤروم محبوبه نه دئییب؟ دئییر، ایش باغلانیب. اینشاللاه، بو گونلرده سیامک آزاد اولاجاق. سن الله، دوز دئییرسن؟ مثلن، نه واخت؟ بلکه ائله بو هفته نین ایچین ده. ایلاهی، یعنی بو، مومکون دور؟ هیجاندان دیوارا سؤیکندیم. فاطمه تتز بیر ایستکان سویا اورک درمانی دامجیلاتدی. ایچیب بیر آز ساکیتلشدیم. یئریمدن قالخدیم. فاطمه سوروشدو: هارا؟ گرک گندیب اوتاغینی یئریتیر ائدم. اوشاغیم صاباح گلسه، گرک هر شئی یئرینده اول. مین دنه ایشیم وار. یوخ، باجی. اوتور. محبوبه بلکه بو آخشام بیزه گلدی. یعنی؟ نه «یعنی»؟ دوز - عمل لی دئی گؤروم، نه مسئله دیر؟ دوزونو ایسته سن، محبوبه گیل گندیلر حبس خانایا. اگر اوغلونو آزاد ائله سه لر، گتیره جکلر بورا. سن گرک عصبلینه حاکم اولاسان. ال - آیاغیم بوز کیمی اولدو. بیر یئرده قرار توتا بیلیمیردیم. بیردن مسعود قیشقیردی: سیامک!!! سیامک دیوارین آرخاسیندان چیخدی. اوریم آز قالدی سینه مدن چیخسین. اونو قوجاقلادیم. آریخلامیشدی، اوزانمیشدی. نفسیم توتولدو. اوزومه سو سپدیلر. یئنه قوجاقلادیم. اوزونو، گؤزلرینی، اللرینی حیس ائدیردیم. یعنی، دوغرودان، بو او ایدی؟ منیم سیامکیم؟ مسعود بیر ساعات سیامکین قوجاغیندا آغلادی. بو مئه ربیان، یاخشی اوغلان بو مودتده قورخمایاراق ائوین مسولیتینی چیننه گؤتورموشدو. صبر و ساکیت لیکله منه اومید وئیردی. بو قدر گؤز یاشینی هارادا گیزلیمیشدی؟ ایکی گون ائویمیزه گلیب - گئندلرین ال - آیاغی کسيلمه دی. منصوره ایله منیژه ننه یه باخیردی لار. او، گونو - گوندن هر شئی یاددان چیخاردیردی. داها سیامکله حمیدین آراسیندا فرق گؤرموردو. او قدر نذیر دئمیشدیم کی، بیلیمیردیم هانسینی یئرینه یئتیریم. ایشلری بوراخیب دؤردوموز ده حضرتی رضانی زیارته گئتدیک. سونرا دا قوما گندیب بییمین، محبوبه نین، مؤحسون بین آدیندان حاجی آغایا تشککور ائتدیک. گؤزل گونلر ایدی. حیس ائدیردیم کی، ته زده ن دیرلیمیشه م. سیامک اون سکیز یاشینا یاخینلاشیردی. بیر ایل درس لردن قالمیشدی. اما اونو بیر ایل تتز اوخولا قویموشدوم دئییه یاش باخیمیندان گئری قالمامیشدی. اما سیاسی سایقه سینه گؤره اونون آدینی مکتبه قئید ائله مه دیلر. نه قدر اور آبورا قاچدیقسا، فایداسی اولمادی. منیم آرزوم بو ایدی،

اوشاقلاریم عالی تحصیل آلسینلار، ایندیه اونا لارین اورتا مکتبی ده بیتیره بیلمه یه جکلرینی قبول ائتمه لی ایدیم. سیامک عصبی ایدی. اوخولا گنده بیلمدینه گۆره دلی اولموشدو. بیکارچی لیق، مقصد سیزلیک، ائوده اوتور ماغی، دوغرو دان دا، یاخشی دئییلدی. بو آرالار کئچمیش دوستلاریندان بیر -ایکی سی ایله گۆر و شور دودو. داها اونا لارلا چوخ اوتوروب -دورماغا مئیلی اولماسا دا، اونا لارین وارلیغی منی ناراحت ائدیردی. قرار وئردی کی، ایشه باشلا سین. منیم نجه ایشلدی می گۆروردو. زحمت و قناعتله عایله می بیرتهر دولان دیردیم. ایستیردی کی، منه بیر آز کمکی ده یسین. اما او نه ایش گۆره بیلدی کی؟ نه گه لرسی، نه تحصیلی وار ایدی. بیر یاندان دا موحاریبه هله قورتار مامیشدی و گونو -گوندن بیزه یاخینلا شیردی. بونو دوشونوردوم کی، منصوره منی گۆرمیه گلدی. سیامکه گۆره اولان نیگار انچیلیغی می اونا دانیشدیم. دئدی: دوزونو ایسته سه ن، من ده بونا گۆره گل می شه م. سیامک گرک تحصیل آلا. بیزیم عایله ده هامی اونیورسئت اوخویوب. مگر ائله اولما بیلر می کی، سیامک حتی اورتا مکتبده بیتیرمه یه؟ آراشدیردیم. قئیری -رسمی سینا وئره بیلر. اما اؤزو ایشله مک ایستیر. دئیر، اونیورسئته گیره بیلمه یه جه یه م سه، اورتا مکتبی بیتیرمک نیمه گره کدی؟ گرک اؤزل بیر ایشه گیریم. ائله یاخشیی، ایندین باشلا ییم. معصومه جان، دوزونو ایسته سه ن، منیم باشقا پلانی م وار. بیلیرم ، سنین فیکرین نه اولاجاق، اما خاهی ش ائدیره م، هر حالدا، بو، ایکیمیزین آراسیندا قال سین. و هئچ کیمله بو باره ده دانیشما. تعجبله اونا باخدیم: یاخشی. نه مسئله دیر؟ بیلیر سن، منیم ارد شیریم بیر ایلدیر کی، اورتا مکتبی بیتیریب. گرک عسگرلیه گنده. بو موحاریبه نین ده بیتمه یی یوخدور. من ده هئچ جو ره اونو موحاریبه یه گؤن درمک ایسته میرم. اؤزون ده بیلیر سن کی، او، اوشاق لیق دان قورخاق دیر. او قدر قورخاق دیر کی، گولله دن ده اؤلمه سه، قورخودان اؤله بیلر. بیز ده قرار وئردیک کی، اونو اؤلکه دن چیخاراق. اؤلکدن چیخاراسیز؟ نجه؟ آخی بونلار اؤلکه دن چیخا -بیلمز لر. ائله سورون دا بوندادیر. گرک سرحدن قانون سوز چیخارداق. بیر نفر تاپیلیب: ایکی یوز الی تومهن آیر، اوشاقلاری اؤلکه دن چیخاردیر. من فیکیرلشدیم، ایکی سینی بیر یئرده گؤن ده رک. هر ایکی سنین خئیرینه دیر. بیر -بیرلریندن موغایات اولار لار. سنین فیکرین ندیر؟ واللا، یاخشیدیر. اما من گرک پولونو دوزلدهم. چوخ نیگار ان اولما. اسکیک -آرتیغینی بیز کؤمک ائدریک. بیر یئرده اولمالاری واجیب دیر. بلکه ده ارد شیرین چوخ خئیرینه اولار. چونکی سیامک اؤز چولونو سودان چیخاردا بیلر. ماشاللا، اصل کیشی دیر. اما ارد شیرین کمکه احتیاجی وار. اگر بیلسه کی، تک دئیل، راحت گئدر. بیز ده آرخایین اولاریق. بس هارا گئت سین لر؟ او قدر یئر وار کی. بیز آراشدیر می شیق. هر یئرده قاچقین قبول ائدیر لر. بونلار اورادا تحصیل آلا بیلر لر. اونلار ماعاش دا وئر لر. سن ندن

نیگاران سان؟ تکجه پولا گۆره؟ یوخ، اگر بیل سم کی، اوشاغیمین خئیرینه دیر، یاشاییشیمیدا ساتارام. بورج آلیب گۆندرهم. اما گرک امین اولام کی، خئیرینه دیر. گرک فیکیرلشیم، اؤزو ایله ده دانیشیم .منه بیر هفته واخت وئر. ایکی گون اؤز -اؤزومه فیکیرلشدیم کی، نئیلییم؟ گۆره سەن، بو یاشدا اوشاغی قاچاقچینین الینه تاپشیرماق دوز ایشدیر؟ سرحددن کئچمک نه قدر تهلوکه لی دیر؟ سونرا قریب اۆلکه لرده یاشاماق وار، تکباشینا دونیانین او بیر طرفینده یاشاماق وار. اگر کۆمک گره ک اولسا، کیم اونون دادینا چاتاجاق؟ گرک بعضی آداملارلا دانیشاردیم. گیزلینجه مساله نی صادق بیه دانیشدیم. دئدی: واللله، من نه دئییم؟ بیلیم. هر ایشین بیر ریسکی وار. بو دا قورخونج ایشدیر. بیر یاندان دا خاریجده یاشاماق حاقین دا منیم هئج بیر تصووروم یوخدور. اما چوخلارینی تانییرام کی، کئچمیشده موهاجیر اولوبلار. البته، گئری قایتاریلارلار دا وار. سحر جناب زرگری دن ایشلری تحویل آلمالی ایدیم. او، خاریجده تحصیل آلمیشدی، منه یاخشی معلومات وئر بیلردی. مؤوضونو دانیشدیم. دئدی: البته، منیم سرحددن قانون سوز کئچمک تجروبه م یوخدور. بیلیم، نه قدر تهلوکه لی دیر؟ بو، ریسکی دیر، آدام گرک اؤزو قرار وئر. اما اگر اونو قاچقین کیمی قبول ائتسه لر، مادی سورونلری اولمایاجاق. حبس ده اولدوغونا گۆره موطلق قبول اندجکلر. اگر اؤزونون پوتنسیالی اولسا، ان یاخشی تحصیلی آلا بیلر. قوربتده اونون تک دردی تکلیگی اولاجاق. بو دا چوخ جدی دیر. بو یاشدا اوشاقلار، عمومیتله، پسیخولوژی سورونلر تاپیرلار. نه اینکی درس اوخویا بیلیرلر، بلکه طبیعی یاشاملارینی دا یاشایا بیلیرلر. ایستیمیره م سنی قورخودوم، اما بو جور اوشاقلاردا جانلارینا قصد ائتمه حالی چوخ اولور. بو ایشه او واخت قول قوی کی، او طرفده، دوغرودان، مئهریبان، اوریی یانان بیر آدام تاپا بیله سەن. اوندان موغایات اولاجاق بیر اولسون. خاریجده تانیدیغیم و ایناندیغیم بیر آدام وار ایدی سا، او دا پروانه ایدی. اؤز ائویمیزده تئلفونلاری دینلیرلر قورخوسو ایله منصوره نین ائویندن اونا زنگ ائله دیم. ائله کی حادثه نی اونا دانیشدیم، سئوینه رک دئدی: هه، موطلق گل سین. بیلیم رسن، اونا گۆره نه قدر نیگارانام. سن الله، نئجه اولسا، اونو گۆندر بورا. سنه سؤز وئیرم کی، اوندان موغایات اولاجام. اؤز اوغولوم کیمی باخارام اونا. سن نیگاران اولما. اونون سؤزلری نیگاران لیغیمی آزالتدی. داها سیامکله دانیشا بیلردیم. بیلیمردیم، او نه رئاکسییا وئرجهک؟ شیرین یاتیمیشدی. ساکیتجه اوغلانلارین اوتاغینین قاپیسینی آچیب ایچری گیردیم. او، چارپاییدا اوزانیب داما باخیردی. مسعود ایستولونون آرخاسیندا اوتوروب درس اوخویوردو. اونون یانیندا اوتوروب دئدیم: سیزینله دانیشماق ایستیرم. سیامک دیکلیدی، مسعود دا ایشینی دایاندیریب منه طرف دؤندو: نه اولوب، آنا؟ تزه نسه اولوب؟ یوخ، اوغول، ایستیرم سیامکین گلجینه گۆره بیر قرار وئرک. نه قرار؟ مگر بیز قرار وئر بیلیریک؟ بیزه هر نه

دئسه لر، گرک «گۆز اوسته» دئییه ک. یوخ، اوغول، ائله دئییل. من بیر هفته دیر کی، سنی خاریجه گۆندرمک حاقیندا فیکیرلشیرم. به به به! بس پولو هارادان آلاجاکسان؟ بیلیرسن نه قدر پول گرک کی؟ هئج اولماسا ایکی یوز مین تومهن. ائله بیر او قدر ده موهاجیرلیک آلاق اوچون گرک کدیر. برکاللاه. سن هارادان بیلیرسن؟ ائه، او قدر آراشیدرمیشام. بیلیرسن دوستلاریمین نچه سی گئدیپ؟ بس نییه منه هئج نه دئمهمیسن؟ نه دئییم؟ بیلیرم کی، یوخوندور. پول سورون دئییل. اگر سنین خئیرینه اولسا، تاپارام. سن، سادهجه، دئ گوروم، ایستیرسن، یا یوخ؟ البته کی، ایستیرم. نییه ده یوخ؟ سن گئدیپ نیله مک ایستیرسن؟ گئدیپ درس اوخویاجاغام. بورادا منیم گلجیم یوخدور. اونیوئرسئته ده قویما یاجاقلار. فیکیرلشمیرسن کی، بیزه گۆره داریخارسان؟ چوخداریخا جاغام. اما نه واختا کیمی سنین الینین آلتیندا اوتوروب، سنین تیکمینی، یازماغینی گوروم؟ گلجیم نجه اولاجاق؟ گرک سرحدن قانون سوز کئچه سن. چوخ قورخونجودور.

بو ریسکی قبول ائتمه یه حاضیرسان؟ بونون ریسکی عسگرلیکدن، جبهه یه گئتمکدن چوخ دئییل. دوز دئییردی. تئزلیکله گرک عسگر گئدییدی. بئله گورونوردو کی، بو موخاریبه هله قورتارماق ایستیرم. اما اگر سنی گؤندرسه، بیر نچه شرطیم وار. گه رک سؤز وئره سن. آند ایچیرسه کی، یئرینه یئتیره جک سه؟ سؤز وئریرم. بیرینجی شرطیم هئج بیر حالدا هئج بیر سیاسی قروپا قوشولما یاسان. ایکینجی شرطیم مومکون اولدوغو یئر قدر، یوخاری درجه لره قدر اوخویوب، ساوادلی بیر آدم اولاسان. اوچونجو شرطیم بیزی یاددان چیخارتما یاسان. ائله یه بیلدین هر واختدا باجینین، قارداشینین دا الیندن توتوب کؤمک ائدسن. سؤز وئرمه یه احتیاج یوخدور... بونلاری اونسوز دا ائله جهه. هامی بئله دئییر. اما سونرا یادلاریندان چیخیر. نجه اولاییلر کی، سیزی یاددان چیخاردیم؟ سیز هامینیز منیم حیاتیمنیز. منیم بیرجه آرزوم وار کی، بیر گون سنین یاخشلیقلارینین، زحمتلرینین عوضینی چیخیم. اینان، درس لیری یاخش اوخویاجاغام. سیاستله ده هئج ایشیم یوخدور. دوزونو ایسته سن، هر نه سیاسی جریان وارسا، اورییمی بولان دیریر. ساعاتلارلا نجه گئتمک، نجه پول تاپماق، گله جک پالانلار حاقیندا دانیشیردیق. سیامک ائله بیل جانلانمیشدی. هیجانلی و اومیدلی ایدی. عینی زاماندا نیگاران و ایضطیرابلییدی. ایکی دنه خالچا، قالان قیزیلار، حتی توی اوزویومو و شیرینین قولباغینی دا ساتدیم. بیر آز دا پروین خانیمدان بورج آلدیم. اما هله ده آز ایدی. جناب زرگری بیر گون الی مین تومهن پوللا ائویمیزه گلدی. دئدی: بونلار سنین آوانسلاریندی. آخی من بو قدرلیک سیفاریش آلامیشام. بیر آزینی دا اوزوم قویموشام. نه قدر؟ گرک بیلیم، نه قدر بورجلویام؟ بورجومو نجه وئریم؟ چوخ قویما میشام. من اوزوم حساییمی بیلیرم. گله جک ماعاشلاریندان آزادارام. هفته

تامامیندا منصوره یه ایکی یوز اللی مین تومهن وئردیم. قطعیتله دئدیم کی، بیز حاضیریق. حئیران -حئیران منه باخیب دئدی: بو قدر پولو هارادان تاپدین؟ من سنین اوچون یوزمین تومهن قویموشدوم قیراغا. چوخ ساغ اول. اؤزوم دوزلندیم. پاکیزستاندا بیرینجی آیلارین خرجی و ارزاق آلماق اوچون نئجه، اونا دا وارین دیر؟ یوخ، اما دوزلده جه یهم. سن هله لیک بونو ساخلا، همین آداملا دانیش... یوخ، سرحددن کئچیرمیین پولو وار. یاخشی، اونا من او پولو سنه تدریجهن قایتارارام. گرہ ک دئییل. بو، سیزین اؤز پولونوزدور. اوشاقلارین پاییدیر. اگر حمید بیر هفته گئج اؤلسئیدی، بو ائودهن سیزه ده پای -دوشه جکدی. اگر حمید اؤلمسئیدی، آتا دا ایندی ساغ ایدی. بیر جاوان، آریق و قاراپالتارلی قاچاقچی ایله دانیشماغین دا آین بیر داستانی وار ایدی. رمزی آدی مئهین خانیم ایدی. او، ساده جه، مئهین خانیمی آختارانلارا جاواب وئیریدی. قارار گلدی کی، اوشاقلار حاضیر اولسونلار. زاهدان شهرینه گئتسینلر. سؤز وئرمیشدی کی، دوستلارینین کؤمک لیگی ایله اونلاری سرحددن کئچیردیب پاکیزستاندا، کوئیت شهرینده کی بئینلخالق تشکیلاتلارین اوفیسینه چاتدیراجاق. دئییردیلر، اونلارا قویون دریسی گئیدیریرلر. قویونلارین ایچینده سرحددن کئچیردیرلر. بو سؤزلری ائشیدنده بده نیم تیره دی. اما چالیشیردیم سیامک منیم دهشتیمی، ترددودومو گؤرمه سین. خبر گلن گئجه اوشاقلار منصوره نین اری بهمن خانلا زاهدانا طرف یولا دوشدولر. ساغوللاشماق زامانی حیس ائدیردیم کی، ووجودومون بیر حیسسه سیننی جانیمدان آیریرلار. بیلیردیم، یاخشی ایش گؤردوم، یا یوخ. اوندان اوزاقدا اولماق دردی بیر طرفدن، اونو گؤزله یه ن تهلوکه بیر یاندان. او گئجه سحره کیمی جانامازدان باشیمی قالدیرمادیم. دوعا ائدی، گؤز یاشی تۆکدوم. اوغلوم اونا تاپشیردیم. اوچ گون دهشت و نیگارانیقلا کئچدی. تاکی سرحددن ساغ -سالامات چاتماق خبرلرینی ائشیتدیک. اون گوندن سونرا ایسلامابادا چاتمیشدی لار. اؤزو ایله دانیشدیم. سسی اوزاق و قملی ایدی. سیامکین گتیمی مسعودو چوخ ائتکیلندیرمیشدی. منیم گئجه لر آغلاماغم اونو چوخ اینجیدیردی. منصوره نین حالی مندن ده پیس ایدی. او، همین گونه کیمی بیر گون ده اوشاغیندان آیریلما میشدی. دؤرد آیدان سونرا بیر گئجه پروانه زنگ ائدی، دسته یی سیامکه وئردی. سئویمکدن سه چیغیریردیم. او مقصدینه چاتمیشدی. پروانه منی امین ائله دی کی، سیامکدن موغایات اولاجاق. اما سیامک بیر مودت گرک قاچقین کندینده قالایدی. اورادا دیل اؤیره نه یه باشلامیشدی. تئزلیکه اوخولا، سونرا اونیوئرسئته گوردی. تئکنیکی اونیوئرسئته تحصیلینه داوام ائتدی. هئچ واخت سؤزونو اونوتمادی. پروانه ائله ائتمیشدی کی، اوغلوم بوتون تعطیلینی اونلارین ائوینده اولوردو. بئله لیکله، موتمادی اولاراق اونون وضعیتیندن خبر آلیردیم. پروانه اونون اوغورلاریندان منه هوسله دانیشیردی. چوخ سئوینیردیم. باشی اوجا

ایدیم. حیس ائیدریدیم کی، وظیفه‌مین اوچده بیرینی یئرینه یئتیرمیشه‌م. وار گوجومله ایشلییردیم. یاواش یاواش بورجلاریمی وئردیم. مسعود دقت و حساس لیقلا مندن و یاشاییشیمیزدان موغایات اولوردو. ائوین آتالیق رولونو و درس اوخوماغی یاخشی یئرینه یئتیریردی. یاشاییشیمیزدا بیر ساکیتلیک یارانمیش‌دی. اما بیلیردیم کی، بو حال موقتیدیر. چونکی ائولر بیخان بو ابدی موحاریبه قورتارمیردی. تزه‌دن گولمه‌یه آلیشدیغیم گونله ردن بیرین‌ده جناب زرگری منه ائولیلیک تکلیف ائله‌دی. بیلیردیم کی، اونون فرانسیز خانیمی و اوشاغی ایران‌دان گئدیلم، اما بوشانمالارین‌دان خبریم یوخ ایدی. جناب زرگری چوخ درراکله‌لی و یاخشی آدم ایدی. اونونلا عابیه قورماق منیم بیر چوخ مادی و معنوی سورونلریمی حل ائده بیلردی. من ده اونا قارشی لاقئید دئییلدیم. اوریم‌ده اولان شئیلری راحتلیقلا اونونلا دانیشا بیلیردیم. چوخ‌دان بیلیردیم کی، اونون منه قارشی حیسلری وار. حمیددن هئچ واخت تام گۆره بیلمدیم دقتی او، منه وئره بیلردی. حمید اولندن سونرا او، اوچونجو آدم ایدی کی، منه ائلچی‌لیک ائیدردی. ایکسی سینی هئچ بیر ترددودسوز، همین آندا رد ائلمیشدیم. اما زرگریه نه جواب وئرجیمی بیلیردیم. اونونلا ائولنمییم هر جهتدن یاخشی اولاردی. اما مسعود نچه واخت ایدی کی، منی گۆزدن قویموردو. عصبی و قرارسیز ایدی. بیر دؤنه دئدی: آنا، بیزیم هئچ کیمه احتیاجیمیز یوخ‌دور، ائله‌می؟ هر نه ایستیین اولسا، منه دئی. من تاپیب دوزلدردم. بو زرگریه ده دئیین کی، بورا گلمه‌سین. داها اونو گۆرمک ایسته میرم. من اؤز وظیفه‌می بیلیردیم. من اوشاقلاریمین آتالارینین بوش قالان یئرینی دولدورمالی ایدیم. بیر نچه گوندن سونرا جناب زرگری‌دن عذر ایسته‌ییب، اونا رد جاواییمی وئردیم. اما خاهییش ائله دیم کی، هئچ واخت دوستلوغونو مندن اسیرگه‌مه‌سین.

۸-ینجی بۆلوم

یاشاییش ائله گتیرمیشدی کی، ایندی من راحت نفس آلیردیم. همیشه بئله ساکیتلیک اولاندا آخیردا نسه قفیل بیر حادثه باش وئیریدی. سیامکین گئتمیی ایله یاشاییشیمیزین اساس سورونو چۆزولموشدو. اوندان اۆترو چوخدار یخسام دا، هئچ واخت اونو گۆندردیمه گۆره پشمان اولمادیم. ایستمدیم کی، گئری قاییت سین. شکلی ایله دانیشیردیم. چوخلو مکتوبلار یازیردیم، ایسته بیردیم کی، اونون هر شئی دن خبری اولسون، ییزی اونو تماشین. مسعود او قدر ساکیت و مئهریبان ایدی کی، نه اینکی هئچ واخت منه سورون یاراتمیردی، عکسینه، قایغیلاریمی آزالدیردی. بوتون ایشلری چینینه گۆتوروردو. اما اؤزوندن تام راضی دئییلدی. چوخ زامان نیگاران - نیگاران منه باخیردی. خستلنجییمدن قورخوردو. شیرین باجیسی بیر اؤپوشله، بیر سیغاللا اونا ایستدیینی ائلتدیریردی. مسعود اونولا آتا کیمی داورانیش ائدیردی. آدینی اوخولا یازدیردی، معلملری ایله دانیشیردی، اونو اوخولا آپاریب - گتیریردی. مکتب لوازیماتی آلیردی. بومبالار آتیلاندا اونو قوجاقلایب پیللهلرین آلتیندا گیزلدیردی. بوتون آنالاردان فرق لی اولاراق، اونلارین بؤیومیینه سؤینمیردیم. قورخوردوم. محاریبه نین داوامی ایله قورخولاریم شدتله نیردی. هر ایل اؤز - اؤزومه دئییردیم: گلن ایل قورتاراجاق. اما بو محاریبه بیتیردی. اطرافیمدا، قونشولاریمدا شهید اولان اوشاقلار منی دهشته گتیریردی. قولامعلینین شهیدلیک خبری ایله اؤزومو لاپ ایتیردیم. اما اؤز الیمده دئییلدی. قارداشیمین ائوینه آیاق باسا بیلیمیردیم. نئچه آیدان سونرا سعادتلی آنامگیلده گۆردوم. قوجالمیشدی، سینمیشدی، اوزونون، بونونون دریسی ساللانمیشدی. اونو گۆره ن کیمی گۆزلیمین یاشینی ساخلایا بیلمدیم. قوجاقلادیم. بیلیمیردیم اوشاغینی ایتیره ن آنا یا نئجه تسلی وئیریم. سونرالار اوزون زامان آنامی گۆرمه یه گئتمدیم. پروین خانیمین ائوینه باش چکیردیم، اما اوریم ایسته میردی کی، اونلارین ائوینین قاپیسینی دؤیوم. منیم یاشاییشیمین ساکیت گونلری محاریبه نین اورتاسیندا، یوخسوللوق دا، ایش - گوج دن یورولاراق کئچدی. سیامکین گئدیشیندن ایکی ایل سونرا حمیدین آناسی خرچنگ خستلییندن اۆلدو. او اۆلن ده نوله رینین بیر بیرین دن آیری دوشمه مه لرینی، دربدر اولمامالارینی وصیت ائله دی. منصوره آناسینین بو آرزوسونو یئرینه یئتیردی. او بیرری باجیلارینین قاباغیندا دیوار کیمی دایاندی. اری موهندیس ایدی، سرعتله ننه نین ائوینی سؤکوب، یئرینه بیر نئچه مرتبه لی بیر ایمارت تیکدی. ایکی ایل سس - کوی، توز - تورپاق ایچین ده یاشادیق. تا کی گۆزل دۆردمرتبه لی بیر ائو حاضر اولدو. هر مرتبه یوز اللی کوادرات لیک بیر منزیل ایدی. تکجه اوچونجو

مرتبه اوچ یوز کوارات ایدی. منصوره اورادا یاشاییردی. بیزه ده بیرینجی مرتبهده منزیل وئردیلر. ایکینجی مرتبه مونیرهیه چاتدی. منیرهیه ایکی مرتبه وئردیلر او، ایکی سینی ده کیرایهیه وئردی. سیامک بیزیم بیر مرتبهمیزین اولدوغونو ائشیدن ده تئلفون دا عصبی لیکله دئدی: گرک سیزه ده ایکی سینی وئردیلر. بیرینی کیرایه وئریب، خرچلرینی اؤدیردینیز. بو، بیزیم حاقیمیز ایدی. گولوب دئدیم: آی اوشاق، سن هله ال چکمه میسن؟ اونو دا وئرمه یه بیلردیلر. سن اونو فیکیرلش کی، بیز هئچ بیر خرچ چکمه دن تمیز، گۆزل بیر منزیل صاحبی اولموشوق. بونا گۆره گرک شوکور ائلیک. ایللر سورعتله کئچدی. مسعود اورتا مکتبین آخیرینجی سینیفه چاتدی. اما هله محاریبه داوام ائدیردی. هر ایل یاخشی قیمتله یوخاری سینیفه کئچهن ده اوریم اوزولوردو. دئییردیم: نه تلسیرسن، اوغلو؟ هله بیر -ایکی ایل گئج بیتیر مکتبینی. آنا، نه دانیشیرسان؟ یعنی ایسته بیرسهن من صینیفه قالیم؟ ایستیرم کی، محاریبه بیتنه قدر سن اورتا مکتبده قالاسان. یوخ، من گرک تئز بؤیویوم. تئزلیکله سنین چینلریندن عایله نین یوکونو گؤتوروم. ایشله مک ایستیرم. عسگرلیکدن ده ناراحت اولما. سؤز وئیرم، اونیوئرسئته گیره جه. یئنه بیر نئچه ایل فورصتیم اولاجاق. ان سونوندا، او، مین بیر زحمتله، گئجه -گوندوز درس اوخوماقلا، یاخشی قیمتله اورتا مکتبی بیتیردی. بیز ایکیمیز ده بیلردیک کی، بو عایله نین سایقه سی ایله اونون قبول اولماق شانسى آزدیر. اما چالیشیردیق بیر -بیریمیزه بوروزه وئرمیک. گاه او، منه تسلی وئیردی: آخی منیم هئچ بیر سیاسی کئچمیشیم یوخدور.

مکتبده ده هامی منی سؤیردی. اگر منی آراشدیرسالار، اونلار مدافعه ائدرلر. اما بو اومیدلر بوشونا ایدی. او، عایله سینین سیاسی مسئله لرینه گۆره اونیوئرسئته گیرمکدن محروم اولدو. بو خبری ائشیدنده یومروقلارینی ایستولون اوستونه چیرپیردی. کیتابلارینی پنجره دن ائشییه آتدی. زار -زار آغلادی. من ده اونا قوشولوب آغلادیم. تسلی وئرمه یه ده گوجوم یوخ ایدی. اوندان سونرا بوتون فیکریم ذکریم اونو نئجه قوروماق ایدی. بیر نئچه آیدان سونرا عسگرلییه گئتمه لی ایدی. سیامکله پروانه زنگ ائدیب دئدی کی، اونو دا گؤندر گل سین. اما اؤزو راضی اولموردو. دئییردی، سیزی تک قویا بیلرمه. بیر یاندان پولونو هارادان تاپا بیلردیک؟ سیامکین گئتمیینین بورجلاریندان تره جه قورتولموشدوق. دئدیم: پول سورون دئییل. داشین آلتیندان دا اولسا، تاپاریق. سورون بیر بورادادیر کی، اعتبارلی آدام تاپمالیییق. بو، البته کی، ساده مسئله دئییلدی. تک بیر ایپ اوجو واردی، «مئهن خانیم» این رمزی آدی. زنگ ائتدیم. بیر کیشی گؤتوردو. دئدی: «اؤزومه». اما او گنجین لهجه سینده دانیشمادی. منی سورغو -سوال ائله دی. اینانیلماز سواللار وئردی. بیردن آنلادیم کی، تله یه دوشورم. داها هئچ بیر معلومات

وئرمه دیم و دسته یی قویدوم. سیامکله اردشیرین گتیمینی تشکیل ائدن بهمن آغادان کۆمک ایسته دیم. بیر قدر دوشوندو. دئدی کی، او دسته نین هامیسی توتولوب. سرحدلری ایندی بشقات جیدیتله گۆزلییرلر. بیلیمیردیم نه ائدیم. علی قارداشیم دئییردی: نییه ماتهم توتورسان؟ مگر سنین اوشاغینین جانی او بیرری اوشاقلاردان عزیزدیر؟ بوتون جاوانلارین بورجودور بو مملکتی قوروماق. مگر قولامعلینین جانی عزیز دئییلدی؟ البته، سیزلر گرک ساواشاسینیز. چونکی بو مملکتین بوتون خئیرینی سیز گؤرورسونوز. بیزسه اؤگئییک. پول، مقام، حورمت، راحت یاشاییش سیزلرین دیر. اما منیم اوشاغیم کیمی ایستعدادلی، باجاریق لی، درس اوخویان، تحصیلینی داوام ائتمک، ایشله مک ایسته یه ن اوشاقلارین بو اؤلکه ده حاقی یوخدور. اؤزومو ایتیرمیشدیم. مسعودون اؤزو ده منه کۆمک ائتمیردی. دئییردی: نییه بو قدر ناراحتسان؟ ایکی ایل عسگر گتتمک او قدر چتین دئییل. بو، هامینین وظیفه سیدیر. من ده گئدیرم. سونرا راحت پاسپورت آلیب، آز خرجه قانونی شکیل ده اؤلکه دن چیخارام. اما من راحت اولای بیلیمیردیم. دئییردیم، آخی موحاریبه دیر. زارافات دئییل، الله ائلمیش، اگر باشینا بیر ایش گلسه، من نئیلرهم؟ بیر یاندان دا دوشونوردوم: کیم دئییر کی، عسگرییه گئدنلرین هامیسی اؤلور. بو قدر اوشاق ساغلام قاییدید. هر شئین بیر ریسکی وار، قئیری -قانونی شکیل ده سینیرلردن چیخماغین قورخوسو موحاریبه نین قورخوسوندان آزدیرمی؟ مسعود دئییردی: آخی سن بئله قورخاق دئییلدین. سن یئگانه قادین ایدین کی، ایللر بویو سیقنال سسلرینین، بومبائین، پولئمیوتون سسلریندن قورخوردون. قالان اوشاقلارین هئچ بیرینین آناسی سنین کیمی اورکلی دئییلدی. سیز یانیما اولاندا هئچ ندن قورخورام. ایندی ده منی سیزینلر بیر یئرده عسگرییه آپارسالار، هئچ بیر قورخوم اولمایاجاق. نه دانشیرسان؟ ایستیرسن گئدیم دئییم کی، من آنام سیز هئچ یئر گتتمیرم؟ من آنامی ایستیرم؟ همیشه بئله ایدی مسعود. منیم نیگاران لیغی می همیشه زارافاتا سالیردی. یا دا بیر اؤپوشله جاواب وئیردی. ان سونوندا، همین گون گلیب چاتدی. او دا مینلرله گنج ایله بیرلیک ده تجروبه کئچمک اوچون آتیش ساحه سینه گئتدی. چالیشیردیم نیکین اولوم. گئجه -گوندوز سجادهم آچیق ایدی. اللیمی گۆیه آچیب دوعا ائدیردیم. یئددی ایل ایدی کی، موحاریبه قورتارمیردی. اما بو واختا قدر تهلوکه نی، قورخونو، نیگارانچیلیغی بئله حیس ائتمیشدیم. هر گون شهیدلرین جنازه لرینی باسدیرماقلارینین شاهیدی اولوردوق. بیلیمیرم، او گونلر شهیدلر و یارالیلار چوخالمیشدی، یا همیشه بئله اولموشدو، من ایندی حیس ائلییردیم. هارا گئدیردیم، من گونده اولان آنالاری گؤروردوم. اونلاری او دقیقه تانییردیم. قورخولو گۆزلرله، بوغولموش سسله بیریریمیزه تسلی وئیردیک. اصلینده ایسه هئچ بیریمیزین اومیدی یوخ ایدی. مسعودون تجروبه مودتی بیتدی، اما موحاریبه بیتمه دی.

بیر گون شیرینین بالاجا الینی الیمده توتاراق، مسعودو جبههیه یولا سالماغا گتتدیم. حربی پالتاردا او، یاشیندان بویوک گۆرونوردو. گۆزلری نیگاران - نیگاران بیزه باخیردی. گۆز یاشلاریمی ساخالایا بیلیمیردیم. ائله هئی دئییردی: آنا، اؤزونو قورو. گرک شیریندن ده موغایات اولاسان. باخ او بیرى آنالار نئجه مؤحکم دایانیبلار. اما من بوتون آنالارین آغلاماغینی گۆروردوم. بیز آیریلاندا مسعود بوینومو قوجاقلایب دئدی: آنا، سۆز وئر کی، من قاییداندا همیشکی کیمی گۆزل، ساغلام و گوجلۇ اولاجاقسان. سن ده سۆز وئر کی، ساغ قاییداجاقسان. گۆزدن ایتنه قدر آرخاسینجا باخدیم. اونون گئیشینی قبول ائده بیلیمیم دوز بیر هفته چکدی. اما اونون یئری نین بوش لوغونا اؤیرشه بیلیمیردیم. او گئندن دن سونرا باشا دوشدوم کی، مسعود منه نه قدر دایاق اییمیش. چینینه نه آغیرلیقدا بیر یوک گۆتوروبموش. گۆردویوم هر ایش منه اونو خاطیرلادیردی. اوچ آی کئچدی بیزیم مسعودسوز یاشاماغیمیزا اؤیرشمه میز اوچون. شیرین ده داها آز گولوردو. هر گئجه بیر بهانه تاپیب آغلا بیردی. من ساکیت لیگیمی تکجه نامازدا، دوعادا تاپیردیم. ساعاتلارلا ناماز اوسته اوتوروردوم. مسعود هر ایمکان تاپاندا زنگ ائدیردی. اونونلا دانیشانان سونرا اییرمی دؤرد ساعات راحت اولوردوم. امین اولوردوم کی، او، دیری دیر، ساغ دیر. سونرا یئنه یاواش - یاواش نیگارانلیقلار باشلا بیردی. ائله کی ایکی هفته کئچیردی، اوندان خبر چیخمیردی، ال - آیاغا دوشوردوم. اونونلا بیرلیکده گئدن دوستلارینین ائوینه زنگ ائدیردیم. چالیشیردیم بوتون واختیمی ایشله دولدوروم. ایکی آیدان سونرا، ان سونوندا، اؤزومو مجبور ائدیب، بو ایشلره باخان ایدارهیه گتتدیم. چاره یوخ ایدی. بیر خبر اؤیره نمه لی ایدیم. منی بیر قریبه اوتاغا گۆندردیلر. همین اوتاغین قارشیسیندا رنگلری قاچمیش، گۆزلری کدرلی قادین و کیشیلر گۆزلیبیردیلر. نۆوبه م چاتاندا دیزلریم تیتیریددی. بوتون گوجومو توپلایب، اؤزومو گوجلّه آفاق اوسته ساخلادیم. اوریمین سسی قولقلاریمدا ائشیدیلیردی. مسعودون آدینی دفترلرده آختاردیقلاری مودت منه بیر ایل کیمی گۆرونودو. سیزین عسگر مسعود سلطانی ایله نه کیمی قوهوملوغونوز وار؟ سورونونی ائشیدن ده گوجلّه آناسی اولدوغومو دئیّه بیلدیم. جاوابیم ائله بیل مأمورون خوشونا گلمه دی. بیر آز قاشقاباغینی ساللادی. باشینی آشاغی سالیب، یئنّه دفترلری ورقله دی. سونرا ساختا بیر مئهریبان لیقلا منی ایلشمه یه دعوت ائتدی. یئنّه سوروشدو: تکسینیز؟ آتاسی سیزینله دئییل؟ اوریم آغزیم گلیردی. چالیشدیم کی، گۆز یاشلاریمی ساخالایا بیلیم. سسیم تیتره یه - تیتره یه دئدیم: یوخ، آتاسی یوخدور. نه وارسا، منه دئیین. هئج، خانیم، ناراحات اولمایین. بیر شئی اولماییب. ساکیتلشین. بس منیم اوغولوم هارادادیر؟ نییه اوندان هئج بیر خبر گلیم؟ بیلیم. نئجه یانی

بیلیمیرم؟ اونو عسگره سیز یوللامیسینیز، ایندی ده دئییرسینیز کی، بیلیمیرسینیز؟ باخین، آنا، آچیغی، اونون بؤلویو یئنی حربی عملیاتلار آپاریب. بیزیم اورادا اولان آداملاریمیزدان دقیق خبریمیز یوخدور. آختاریریق.

من سیزین نه دئمک ایستدیینیزی آنلامیرام. دئمه لی، نسه تاپمیسیمیز. «مئییت» سؤزونو دیلیمه گتیره بیلیمیردیم. اما او، منی آنلادی. یوخ، آنجان، ایندییه کیمی سیزین اوغلونوزون مئییتی تاپیلمایب. هئچ بیر خبر یوخدور. نه واخت خبر توتاجاقسینیز؟ بیلیمیرم. منطقه‌نی آختاریرلار. ایندی هئچ نه دئییه بیلیمیرم. بیر نچه نفر کؤمکلشه‌رک منی کتیلدن قالدیردی‌لار. منیم کیمی خبر گۆزله‌یه‌ن آنالاردان بعضیلری منی قاپییا -قدر گتیردی‌لر. بیلیمیرم، ائوه نجه چاتدیم. شیرین هله مکتبدن قاییتما میشدی. بوش اوتاقلاردا گزیشیب، اوغلانلاریمی چاغیریردیم. سسیم ائوین بوشلوقوندا عکس -صدا وئیریدی. ایشکافین قاپیسینی آچیب، اونلاردان قالان پالتارلارینی ایله دیم. داها هئچ نه یادیم گلمیر. گۆزومو آچاندا گۆردوم کی، باشیمین اوستونده حکیم دایانیب. شیرین بییلرینی چاغیرمیشدی. منه بیر نچه ساکیتلشدیریجی اینه وورموشدولار. قاتارین سرنیشینلرینین چوخو عسگر ایدی. اهوازا گتیردیم. کوپئده‌کی بیر کیشی و بیر قادین دا اوغللارینی آختارماغا گتیردی‌لر. بیرجه فرق واریدی کی، اونلار اوغللارینین یارالی اولدوغونو بییلیردی‌لر. اونلارین اوغلو اهواز خستخانلارینین بیرینده ایدی تئهراندا یاز ایدی، اما اهوازا ایستی یای هاواسی واریدی. اورا چاتاندا سککیز ایله ایلک دؤنه موحاریبه‌نین اصل معناسینی آنلادیم. بو نه موصیبت ایدی! نه قدر آغری، ویران قالمیش یئرلر، داغیتتی... اوزلرین هئچ بیرینده کپچیک بیر گولوش بئله یوخ ایدی. گۆزلرین درینلیینده قورخو و گیزی بیر ایضطیراب واریدی. همصؤجت اولدوغوم هر کس ائله بیله یاسدا ایدی. قاتاردا تانیش اولدوغوم خانیم و آغا فراهانی ایله خستخانایا باش چکدیک. اونلار اوزون‌دن یارالانان اوغللارینی

تاپدی‌لار. آنا -آنا و اوغلون گۆروش صحنه‌سی چوخ ائیکیلی ایدی. اؤز-اؤزومه دئدیم کی، مسعودوم بوتون اوزونو الدهن وئرسه ده، من اونو دیرناقلاریندان تانیییرام. اساس اودور کی، ساغسالامات اولسون. اونو یئنیدن قولاقلاماق اوچون هر شئی وئرمه‌یه حاضر ایدیم. هر یئری آختاردیم. موختلیف ایداره‌لره باش چکدیم. ان سونوندا، عملیات گئجه سی مسعودو

گۆره‌ن بیر آدام تاپدیم. اونون یارالاری تزه دوزلیردی، ایندی اونو تئهرانا گۆندریردیلر. منه اومید وئرمک اوچون دئدی:

مسعودو گۆردوم. او گئجه بیرلیکده قاباغا گتیردیک. او، بیر نچه آددیم مندن قاباقدا ایدی کی، پارتلاپ باشلادی. من

هوشومو ایتیردیم. داها بیلیمیرم، قالانلاری باشینا نه اویون گلدی. اما ائشیتیمشه کی، بیزیم قروپ‌دان چوخلو شهید و

یارالی چیخیب. فایداسی یوخ ایدی. هئج کیم اوغلمون باشینا نه گلدینی بیلیمیدی. «ایتکی» کلمه سی چکیج کیمی باشیما دییردی. ناعلاج ائوه قاییتدیم. دلی اولماغا باشلاپیردیم. مسعودون پالتارلارینی اوتولپیردیم. یانیمدا دانیشانلارا آجیغیم توتوردو. اؤزومه باخمیردیم. حتی منی حاماما دا پروین خانیم زورلا آپاریردی. آنام و سعادت منه نصیحت وئیردیلر. شهیدلیک مقامیندان، اونون یئریندن دانیشیردیلار. آنام منی آلاهلایا قورخودوردو. دئییردی: گرک اونون رضاسینا بویون ایهسهن. هر کسین بیر آیین یازسی وار. اما من دلی کیمی قیشقیردیم: نییه گرک بئله پای، بئله قیسمت منه دوشه؟ ایسته میرم! بو قدر بلا چکمیشهم. بس دئییل؟ نه قدر حبسخانالار گزمیشهم، عزیزلریمین قانلی پالتارلارینی یوموشام. گئجه - گوندوز ایشلمیشهم کی، آخیردا بئله اولسون؟ سعادت آغلایارق دئدی: کوفر ائلهمه. بونلار آلاهلین سیناوی دیر. نه واختا کیمی سیناو وئرمه لییه؟ الله نییه منی بو قدر سیناوا چکیو؟ ایلاهی، ایستییرسن اؤز قودرتینی منیم اوستومده گؤستره سهن؟ منیم کیمی بیر بدبختین؟ ایسته میرم سنین سیناویندان کئچیمی! اوشاغیمی ایستییرم. اوشاغیمی منه قایتار، قوی من سنین سیناویندان کسلیم! داها گونون، آیین، ایلین حسابی الیمدن گئتمیشدی. اوووج اوووج عصب درمانلاری ایچیردیم. یوخو ایله گئچکلک آراسیندا قالمیشدیم. بیر گون سحر یوخودان دوردوم. سوسوزلوقدان یانیردیم. سرسهم حالدا مطبخه گیردیم. گۆردوم شیرین قبالاری یویور. تعجبله باخدیم. او، هئج واخت بو ایشلری گۆرمزدی. دئدیم: شیرین، سن نییه اوخولا گئتمیرسن؟ حیرتله منه باخدی: آنا، بیر آیدیر کی، مکتبلر تعطیلده دی. تعجبدن یئریمده دوندوم: نئجه یعنی؟ بس من هارادا ایدیم؟ سیناوار نئجه اولدو؟ آخیرینجی سیناوارینی وئرمیسن؟ کدرله دئدی: چوخدان سیناو وئرمیشهم. سن بیلهمیسن. نه قدر آریخلامیشدی! ایلاهی، بو مودتده من آنجاق اؤزومو دوشونموشهم! بوتون بو مودت عرضینده اونو تامام یاددان چیخارتمیشدیم. شیرینی قوجاقلادیم. ائله بیل چوخدان ایدی کی، بو آنی آرزولاییردی. چالیشیردی اؤزونو لاپ چوخ منیم قوجاغیمدا گیزلتسین. بیرلیکده آغلاییردیق. دئدیم: منی باغیشلا، قیزیم، منی باغیشلا. منیم حاقیم یوخ ایدی سنی اونودوم. شیرینی بو کدرلی اوزله گۆرمک ائله بیل منی یوخودان اویاتدی. آند ایچدیم کی، اونون قایغیسینا قالا جاغام. منیم بیر قیزیم دا واریدی و من ایندی اونا گۆره یاشامالی ایدیم. گونده لیک ایشلریمه باشلادیم. چالیشیردیم شیرکتده داها چوخ ایشله یهم. اؤزومو اله آلا بیلیمیردیم. آند ایچمیشدیم کی، شیرینین یانیندا آغلایا جاغام. اونون سیرادان یاشاییشا احتیاجی وار ایدی، ایله نجه، شادلیق ایستییردی. دوققوز یاشیندا اوشاق حددن چوخ ضربه آلمیشدی. منصوره دن خواهیش ائله دیم کی، اونو دا اؤزلری ایله شیمالا آپارسینلار. اما او، منی تک قویماق ایسته میردی. چاره سیز قالیب من ده گئتدیم.

منصوره‌نین ویلاسی اون ایل بوندان قاباقکی وضعیتده ایدی. شیمالدا کۆهنه خاطرهلر یادا دوشدو. اوغلانلارین اوینایان یئرده سسلری گلیردی قولاغیما. حمیدین باخیشلارینی حیس اندیردیم. ساعاتلارلا اوتوروب حمیدله اوشاقلارین توپ اویناماینا باخیردیم. حتی بیر دۆنه اییلیب توپلارینی اونلارا آتدیم. ایلاهی، او گونلر نه تئز کئچدی! عایله‌نین شیرین یاشایشیندان منیم پاییم، ساده‌جه، بو نئچه گون ایدی. قالان هر شئی آنجاق دردین، ظلمدن عبارت ایدی. هر بوجاق، هر طرف یادیم نه بیسه سالیردی. هر دن اؤزومدن آسیلی اولمادان قوللاریمی آچیردیم کی، اوغللاریمی، اریمی قوجاقلایم. بیردن اؤزومه گلیردیم. بیردن منصوره‌نین سسی منی اؤزومه گتیردی: هاراداسان؟ بیر ساعات دیر سنی آختاریرام. یئریمدن آتاندیم. رؤیالاریم، خاطرهلر مندن گوجلوی ایدی. قورخوردوم کی، آخیردا منه قالیب گله‌لر. اوچ گوندن سونرا ییغیشیب تئهرانا قاییتدیم. آقوست آیینین ایستی گونلرینین بیرینده گون اورتا ساعات ایکی ایدی. ایداره‌نین دهلیزینده هامی بیر -بیرینه ده یدی هامی بیر بیرینی تبریک اندیردی. علیپور اوتاغیمین قاپیسینی آچیب چیغیردی: موحاریبه قورتاردی! یئریمدن ترپنمه دیم. بو خبری بیر ایل بوندان قاباق منه دئسیدیلر، نئیلردیم؟! چوخدان ایدی کی، هئج حربی ایداره‌یه باش چکمیردیم. باخمایاراق کی، بو دۆنه ایتکین، ساواشچی آناسی کیمی منه چوخ حؤرمّت اندیردیلر، بو حؤرمّتله منه بیر موحاهیدین آناسی، بیر کومونیستین یولداسی کیمی ائشیتدیم سؤیوشلر کیمی عذاب وئیریدی. اونلاری ائشیتمه‌یه طاقتیم چاتمیردی. موحاریبه‌نین بیتمیندن بیر آی کئچمیشدی. هله مکتبلر آچیلما میشدی. سحر ساعات اون بیر ایدی کی، اوتاغیمین قاپیسی آچیلدی. شیرینله منصوره گرگین وضعیتده ایچری گیردیلر. دهشتله یئریمدن قالخدیم. نه اولدوغونو سوروشماغا قورخوردوم. شیرین آغلاییردی. اؤزونو قوجاغیما آتدی. دانیشا بیلمیردی. منصوره گۆزلریمه باخیردی و سسسیز گۆز یاشی تۆکوردو. ان سونوندا، دیلنلیب دئدی: معصومه! او، ساغدی، ساغدی! باشیمی ماسایا دایادیم، گۆزلریمی یومدوم. اگر یوخودا ایدیمسا، بو یوخودان هئج واخت اوینایماق ایسته‌میردیم. شیرین بالاجا اللری ایله اوزومه ووروردو. ساغ اولوب -اولمادیغیمی بیلیمک ایستیریدی. یالواراراق دئییردی: آنا، دور. سن الله، دانیش! گۆزلریمی آچدیم. شیرین گولدو: زنگ ائلمیشدیلر. اؤزوم دانیشدیم. دئدیلر، مسعودون آدی بئینلخالق تشکیلاتلارین سیاهیسیندا، اسیر آدلارینین آراسیندادیر. امینسن؟ بلکه سهو ائشیتیمسن؟

اؤزوم زنگ ائله دیم. اونلارلا خئیلی دانیشدیم. مسعودون آدی. دئدیلر، تئزلیکله دییشه‌چکلر. گرک اؤزومو بیر یئر چاتدیرایدیم. بیلیم هر؟ نسه مقدس بیر یئر اولمالی ایدی. منصوره‌نین آغلینا ایمامزاده صالح گلدی. قورخوردوم. گرک

دانشیدیغیم کوفرلردن توبه ائدیدییم. ایمامزادنین قبرینین دمیملریندن توتوب مین دؤنه دئییردیم: الله، قلت ائلمیشه. منی باغیشلا. سن بؤیوک سن، رحم لی سن. سن گرک منی باغیشلا یاسان. سؤز وئیریم، بوتون قضا نامازلاریمی قیلیم، دیله نچیلره صدقه وئیریم. اینسانین الینده ایتیرمه یه هئچ نه یی قالما دیغینی فیکیرلشه نده کوفر ائدیر. خاهییش ائدیرم، منه نه ائدیرسن ائله، اما اوشاقلاریم توخونما. یئنیند جانلانمیشدیم، دیریلیمیشدیم. ائویمیزه شادلیق قاییتیمیشدی. شیرینین گولوشو ائوی باشینا گؤتورموشدو. قاچیردی، اوینایردی، الینی بونوما سالیب اؤپوردو. بیلیردیم کی، اسیرلین مین دنه چتین لیگی، اذیتی وار. بیلیردیم کی، مسعود اورادا نه آغریلار چکیر، اما بونلارین هامیسی کئچه جک. اساس بو ایدی کی، او، ساغدی. هر گون اونون آزادلیغینی گؤزله ییردیم. ائوی تمیز ساخلا ییردیم. پالتارلارینی دوزلدیردیم. ایریلیق آیالاری بیر بیرینین آرخاسینجا کئچیردی. هر آی اوولکیندن چتین اولوردو. اما اونو یئنیند گؤرمک اومیدیم منی آیاق اوسته ساخلا میشدی. ان سونوندا، یای گئجه لرینین بیرینده اونو ائوه گتیردیلر. بیر گون اولجه دن کوچه یه، خیابانا ایشیق قوشموشدولار. بؤیوک پارچالارین اوستونده آدینی یازیب، تبریک ائتمیشدیلر. ائویمیز گول، شیرنی، شربت ایی ایله دولموشدو. ائویمیز آداملا دولو ایدی. چوخونو تانی میردیم. محبوبه ایله ارینین گلمینه چوخ سئوین میشدیم. ائله کی گؤردوم، حاجی آغا دا گلیب، ایسته دیم الینی اؤپم. قوناقلارا باخماق، اورانی ایداره ائتمک پروین خانیم و منصور گیلین، فیروزه نین بونونا ایدی. من صبر سیزلیک دن هئچ بیر ایش گؤره بیل میردیم. پروین، فاطمه، فیروزه نجه گون قاباق دان حاضیرلیق گؤرمکله مشغول ایدیلر. بیر گون اول فاطمه ساچلاریمی رنگله دی، قاشلاریمی گؤتوردو، اوزومو ساپلا آلدی. فیروزه گولوب دئییردی: ائله بیل خالامین تویودور. اؤزو ده گلینلره اوخشیایر. بلی، عزیزیم. تویومدور. هئچ توی گئجه مده بو قدر خوشبخت و سئوینجک دئییلیم. گؤزل، یاشیل بیر پالتار گئییندیم. مسعود بو رنگی چوخ سئویردی. شیرینه ده چوهرایی رنگه بیر دون آلمیشدیم. گون اورتادان پالتارلاریمیزی گئییب گؤزلیبردی. آنام، علی، عایله سی، سعادت و اوشاقلاری بیر یئرده گلمیشدیلر. هیجان دان دایانا بیلمه دیم. اؤزوم دن گئتدیم. گؤزومو آچاندا اؤزومو مسعودون قوجاغیندا گؤردوم. اوزان میشدی، آریخلامیشدی، رنگی سولموشدو. باخیشلاری دییشیلمیشدی. بیر آیاغی آخساییردی. گئجه لر گؤردویو کابوسلاردان، یوخوسوزلوقدان بیلیردیم کی، نه قدر اذیت چکیر. اما منه هئچ نه دانیشمیردی. بللی اولدو کی، او، یارالی، یاریمجان حالدا دوشمه نین الینه دوشوب. خستخانالاردا یاتیب. هله یارالاری دوزلمه ییب. بعضی واختلار آغری و قیزدیرماسی اولور. حکیم دئی کی، آیاغینی عملیاتلا دوزلمک اولار. بیر قدر گوجلنه ندن سونرا عملیاتا گتدی و خوشبختلیکدن، یاخشی آلیندی. اونا باخیردیم، اونولا هر دقیقه بیر یئرده اولماغین

قدرینی بیلیردیم. یوخو واختی باشینین اوستونده اوتوروب اوزونه باخیردیم. کیشی کیمی گۆزل سیماسی یوخودا ائله بیل معصوم بیر اوشاق اوزو اولوردو. دویموردوم. یاواش -یاواش ساغالیردی. اما روحو شاد دئییلدی. رسم چکمیردی، گلهجک اوچون هئچ بیر پلانی یوخ ایدی. بعضن حربچی یولداشلاری اونو گۆرمه یه گه لیردیلر. بیر آز اونلارلا مشغول اولوردو.

اما سونرا تره دن اۆزونه قاپانیردی. خواهیش ائله دیم کی، یولداشلاری اونو تک قویماسینلار. بیر گون اونون کیتابلارینی ییغیشدیریب یانینا گتیره رک دئدیم: یاخشی، داها بسدی. استراحت بیتدی. گرک گلهجه یه گۆره پلان قوراسان. یاریمچیق ایشلرینی قورتاراسان. سنین ان واجیب ایشین درس دیر. گرک بو گوندن باشلا یاسان. یوخ، آنا، مندن کئچدی. داها باشیم ایشله میر. درس اوخوماغا حؤوصله م یوخدور. اونیوئرسئته گیره بیلمه یهجه م. بو دۆنه مطلق قبول اولاجاقسان. سنین اۆزه ل ایمتیازین وار. نئجه یعنی؟ منیم کیفایت قدر بیلیم یوخدوسا، بو نئجه اولاییلر؟ اگر سن اوخوسان، هامیدان داها چوخ صلاحیتین اولاجاق. یعنی منه حاق وئریلیر کی، باشقاسینین حاقینا صاحب اولوم؟ یوخ، ایسته میرم. سن اۆز حاقینی آلا جاقسان. او حاقی کی، اوچ -دۆرد ایل بوندان قاباق سندن یئرسیز آلییلار. او واخت منیم حاقیمی آدیقلارینا گۆره من ده ایندی گندی باشقاسینین حاقینی آمالییم؟ دوزدور؟ دوز، یا سهو. بو، قانون دور، سن ده گرک بویون

ایه سن. یوخسا سن اؤیرشمیسن کی، قانون همیشه سنین زیانینا اولسون؟ یوخ، جانیم. بعضن سنین ده خئیرینه اولمالی دیر. سن بو میلته، بو اؤلکه یه گۆره اذیت چکمیسن، ساواشمیسان. ایندی بو میللت و دؤولت سنه موکافات وئرمک ایسته بیر. قبول ائتمه لیسن. بو صؤحبتلر منیم خئیریمه قورتاردی. فیروزه ده الیندن گلنی اسیرگه مدی. او، ایندی اورتا مکتبین آخیرینجی سینفین ده ایدی. کیتابلارینی گتیردی، مسعودا سوال وئرمکله اونو درس اوخوماغا مجبور ائتدی. بیر یئرده درس اوخویور، دانشیر، گولوردولر. گاه مجبور ائدیردیم، گزمه یه گئتسینلر. مسعود چوخ سرعتله اۆزونه گلیردی. همیشه آرزو ائدییی مئمارلیق فاکولته سینه قبول اولدو. اؤبوب تبریک ائتدیم. گوله رک دئدی: اۆزوموز بیلیریک کی، بو، منیم حاقیم دئییلدی.

اما یئنه ده چوخ سئوینیرم. مسعودون باشقا بیر درد دی ده ایشسیزلیک ایدی. من یاشدا اوغلان آناسینا یوک اولور، دئییردی. حتی نئچه دۆنه اونیوئرسئتی بوراخماق و ایشه باشلاماق باره ده سؤز سالمیشدی. مساله نی ایندی وظیفه ده ایشله یه ن عایيله یولداشیموز جناب مقصودییه دانیشدیم. قطعیتله دئدی: اونا ائله ایش تاپاریق کی، درسینه ده مانع اولماز. مسعودا اۆزونون ایشلیدی ناظرلیک ده ایش تاپدی. بیزیم عایيله نین دامغاسی مسعودون آنین دان سیلینمیش دی. اما اۆزو بو وضعیت دن راضی

دئییلدی. ایندی منه ده بیر ساواشچی آناسی کیمی چوخ حؤرمتم ائدیردیلر، موختلیف یاخشی ایشلر تکلیف ائدیردیلر. نه قریبه

دونیا ایدی!

۹-اونجو بۆلوم

باشاییشیمیز ساکیتجه کئچیردی. اوشاقلاریمین هامیسی ساغلام ایدی. تحصیل آلیردیلار. مادی سورونیم یوخ ایدی. اۆز گلیریم یاخشى ایدی، مسعود یوکسک ماعاش آلیردی. ائو و ماشین آماق ایمکانیدا یارانمیشدی. سیامک درسلینی بیتیرمیشدی، ایشله بیردی. همیشه بیزه پول گۆندرمهیه حاضیر ایدی. پروانه موحاریبهدن سونرا ایرانا تئز-تئز گلیب گئدیردی. او گلنده بیز تزهدن یئنی یئتمه گونلریمیزه قایدیردیق. پروانه هله ده شیطان و زارافاتجیل ایدی. هئج واخت اونا اولان بورجوم یادیمدان چیخمیردی. دوز اون ایل بیر آنا کیمی اوشاغیمدان موغایات اولموشدو. هله ده سیامک بوتون تعطیلینی اونلارین ائوینده کئچیریردی. ایکى ایل ایدی کی، پروانه منه اوغلومو گۆرمک اوچون آلمانیا یا گلمه ییمی تکلیف ائلییردی. اما مسعودو، شیرینی تک قویوب گئده بیلیردیم. ان سونوندا، او ایل حیس ائتدیم کی، دوغرودان، داها دۆزه بیلیرم. اوشاقلارین تاکیدی ایله پروانه ایله آلمانیا یا گئتدیم. گتتمک تاریخی یاخینلاشدیقجا صبریم آزالیردی. تعجوبله دوشونوردوم کی، اوغلومدان اون ایل اوزاقدا نئجه قالمیشام. ساغوللاشما زامانی شیرین چوخ دیلخور ایدی. او، ایندی اون دۆرد یاشیندا قیز ایدی، اۆزونو چوخ عاغیللی بیلیردی. اۆزو ویزا آلا بیلمدینه گۆره دیلخور اولموشدو. فرانکفورت هاوا لیمانیندان چیخاندا دایاندیم. هیجانلا اطرافا باخدیم. گۆزل، گنج بیر کیشی قاباغیمدا دایاندی. اوزونه باخاندا من آنجاق گولوشونو تانیدیم. منه سیامکدن داها چوخ، حمیدی خاطیرلاتدی. ایندی اوغلوم اوجابویلو، گۆرکملى بیر کیشی ایدی. منی مؤحکم باغرینا باسدى.

باشیم اونون چینینه گوجلجه چاتیردی. اونون بدهنینین عطرینی بورنوما چکیب زار-زار آغلادیم. بیر آزدان گۆردوم کی، بیر گۆزل قیز تئز-تئز بیزیم شکلیمیزی چکیر. سیامک اونو منیمله تانیش ائندنه اینانا بیلمه دیم. پروانهنین قیزی لئیلی ایدی. سیامکین بالاجا ماشینینا میندیک. سیامک: اولجه لئیلی گيله گئدک، دئدی، پروانه خالا یئمک بیشیریپ، بیزی گۆزلییر. اگر ایسته سن، منیم ائویمه صاباح گئدریک. لئیلی گیلین ائویندن ایکى ساعاتلیق یولو وار. ساغ اول، اوغول، دئدیم. فارسجا دانشماق یادیندان چیخمايیب. لهجهن یوخدور. یوخ، دیلی اونوتمامیشام. بورادا چوخلو ایرانلی وار. پروانه خالا دا کی آنجاق فارس دیلینده جاواب وئیرر آداما. پروانه گیلین ائولرینه چاتمامیشدان باشا دوشدوم کی، بو ایکى گنجین آراسیندا دوستلوقدان

باشقا دا بیر موناسیبت وار. پروانه‌نین گۆزل و اوره یه یاتان بیر ائوی وار ایدی. اری خوسروو نظریمه چوخ قوجا گۆروندو. اۆز-اۆزومه دئدیم، یقین، من ده اونون گۆزونده قوجالمیشام. اوشاقلارین هامیسی بؤیوموشدو. لاله فارسجا نی لهجه ایله دانیشیردی. ارده‌لان اوچونجو اوشاق اورادا دونیا یا گه لمیشدی. بیزی آنلا بیردی، اما فارسجا جاواب وئره بیلمیردی. پروانه چوخ ایصرار ائله‌دی کی، اونلارین یانیندا قالاق. اما بیز قارار گلدیک کی، سیامکین شهرینه گئدک. سونراکی هفته، تعطیل گونلری قایداق. دانیشماغا نه قدر سۆزوموز وار ایدی! آما ائله کی تک قالدیق، بیر مودت بیلمدیم نه دئییم. هارادان باشلایم. سیامک قوهوملاری سوروشدو. من دئییردیم، یاخشیدیلار، سلام دئییرلر. آرامیزداکی بوزلارین اریمه‌سی اوچون بیر گون کتچدی. بیز دانیشماغا باشلادیق. خوشبخت‌لیکدن، سونراکی گونلر شنبه بازار ایدی. کیفایت قدر واختیمیز وار ایدی. او، آیریلیق‌دان سونرا چتین‌لیکلریندن، قاچان واختلارینداکی تهلوکه‌لردن، دوشرگه‌ده نئجه یاشاماغیندان، اونیوئرسئته گیرمییندن، ان سونوندا، درس اوخویوب، ایشلمییندن دانیشدی. من مسعوددان، چکدی اذیتلردن، اونون قاییتماغیندان، شیرینین شیطانلیقلاریندان، حاضیرجاواب‌لیقلاریندان دانیشدیم. سۆزلریمیز قورتارماق بیلمیردی. بیرینجی گون او، ایشه گئتدی. من ده اطرافی گزدیم. دونیانین بؤیوکلوک و گۆزلیییندن حیران اولموشدوم. یئمک بیشیردیم. اونو اوتوروب گۆزلییردیم. هر گون آخشام بیر یئره گئدیردیک، اوغلو منه شهری گۆستیریدی. سیامک بیر دؤنه آناسیندان دانیشدی: ایندی تئز-تئز آتامی فیکیرلشیرم. او چوخ بؤیوک اینسان ایدی، ائله‌می؟ بیز گرک اونونلا فخر ائدک. بورادا اونون همفیکیرلری چوخ‌دور. منی ده چوخ سؤیرلر. اونلار آتام باره‌ده ائله شئیلر بیلیرلر کی، بیز چوخوندان خبرسیز ایدیک. چوخلاری سنی گۆرمک ایستیرلر. ایستیرلر کی، اونلار آتامدان دانیشاسان. تردودله اونا باخدیم. حمیدین روحو بیزدن ال چکمیردی. ایسته‌میردیم کی، اونو آتاسی باره‌ده مایوس ائدیم. اما حمیده بو باغلی‌لیغی اونون شخصیتین دوز فورمالاشما‌ماغینی گۆستیریدی. دئدیم: باخ، اوغلو. منیم بئله شئیلره داها صبریم یوخ‌دور. سن بیلیرسن کی، من آتانین ایدئولوگیاسینی قبول ائتمیردیم. او چوخ یاخشی، مئهریبان، شرفلی اینسان ایدی. اما قوصورلاری دا چوخ ایدی. اونون و همفیکیرلرینین فیکرینجه، دنیا ایک یئره بۆلونوردو. اونلار کیمی دوشونه‌نلر و اونلار کیمی دوشونمه‌یه‌نلر. حتی آتان منیمله داوا ائدیردی کی، نییه فیلان موغه‌نیندن، فیلان شاعردن خوشون گلیر، آخی اونلار شاهین طرفکئشلی دیر. ایستیرم کی، سن اۆزون اۆز فیکرینله، اۆز ایدئولوگیانلا، موطالیعه یولویلا پیسله یاخشینی بیر بیریندن آیراسان. آنا، سن نه دانیشیرسان؟!

آتام قهرمان ایدی! من قهرمان لیق او یونلارین دان یورولموشام. کئچمیش، خاطرلر او قدر آجی دیر کی، اودا بیلیمیرم. سن ده ال چک، گله جک دن یاپیش. قارشین دا یئنی یاشاییش وار. نییه اؤزونو کئچمیش ده بوغماق ایستیرسن؟

بیلیمیرم، منیم سؤزلریمی او نه قدر قبول ائتدی، یا بو سؤزلر اوندان بیر ایز بورا خدی می؟ اما او صؤجبت دن سونرا بیز داها سیاستدن دانیشمادیق. پروانه نی، اونون عایله سینى سوروشدوم. دیله گلدی: بیلیرسن، لئیلی نه قدر مئهریبان و عاغیلی قیز دیر؟! بیز نئس ایداره چی لیگی اوخویور. بو ایل درسی بیته جک و ایشله یه جک. اونو سؤیرسن؟ هارادان بیلدین؟ گولدوم:

هله هاوا لیمانیندا باشا دوشدوم. آنالار بو جور شئیلری تئز بیلرلر. ایستیریک نیشانلانا ق. اما بعضی سورونلر وار. نه سورونلر؟ عایله سی. البته، پروانه خالا چوخ یاخشیدیر، بو قدر واختدا منه بیر آنا کیمی باخیب. بیلیرم کی، منی سؤیر، اما بو مسئله ده یولداشینین یانیندا دیر. خوسروو نه دئیر کی؟ بیلیمیرم. ائله بیل راضی دئیل. قریبه محدودیتلر قویور. قویور راحت لیقلا بیر – بیریمیزی گؤرک. یوز ایل بوندان قاباغین ایران کیشیلری کیمی دوشونور. هئچ ائله بیل بورادا اوخوما ییب، بورادا یاشاما ییب. سؤزونون مغزی ندیر؟ بیز ایستیریک نیشانلانا ق. ایجازه وئرمیرلر؟ نیگاران اولما. اؤزوم اونونلا دانیشارام، گؤروم سورون نده دیر؟ پروانه نین منیم سیامکیمله هئچ بیر دردی یوخ ایدی. حتی سؤینیردی. سیامک منیم اؤز اوشاغیم کیمی دیر. هم یئرلیمدیر. اونونلا دردله بیلیرم. همیشه اوشاقلاریمین آلمانلارا بنزهمه لریندن قورخوشام. اونلارلا ایلگی قورمالارین دان قورخوشام. سیامکه اینانیرام. بیلیرم کی، کیملردن دیر. سنین اوشاغین دیر. اؤزوم اونون بؤیومی نی اؤز گؤزومله گؤرموشم. بیلیرم کی، هئچ بیر پیس وردیشی یوخ دور. عقل لی دیر، یاخشی درس اوخویور. گؤزل گله جه یی وار. اساس بودور کی، بیر بیرلرینی سؤیرلر. بورا ایران دئیل کی، من اونلاری زورلا آیریم. آخی سورون نده دیر؟ خوسروو سنین کیمی فیکیرلشمیر؟ یوخ، آی قیز؟ سورون باشقا دیر. بیزیم اوشاقلارلا فیکیر آیریلیغیمیز وار. بیز هله ده ایرانلییق. چوخ شئیلری قبول ائده بیلیمیرک. لاکین اوشاقلار بورادا بؤیوبولر. بیزیم نه دئدی میزی آنلامیرلار. اوزون مودت لی نیشانلیقدان دانی شیرلار. اگر اوشاقلار ایسته سه لر، بیر ایل نیشانلی قال سینلار، سورون نده دیر کی؟ بو ایران دا دا رسمی دیر ایندی. بلکه بیر – بیرلرینی تانیماق ایستیرلر، بلکه پول ییغماق ایستیرلر، یادا باشقا بیر نه دن وار؟ سن نه سادلؤوح سن. بیلیرسن، نیشانلیلیق اونلار اوچون ندیر؟ قئیری رسمی ائوله نمک. اونلار اطرافلارمدا کی جوانلار کیمی رسمی نیکاح اولمادان بیر یئرده یاشاما ق ایستیرلر. اونلارین فیکرینجه، اوزون مودت لی نیشانلی لیق بودور. هئچ اولماسا بئش ایل. اگر بو مودت ده بیر – بیرلرینی یئنه ده ایسته سه لر، ایزدیواجلارینی رسمیلشدیرجکلر. یوخسا آیریلما قلا ر. اگر بو آرادا اوشاقلاری اولسا، سورون دئیل. بیر

ساخلا یاجاق. گۆزلریم تعجب دن کلله مه چیخمیشدی. اینانمادیم: یووخ! اینانمیرام، اونلار بئله فیکیرلش سینلر؟ نییه، جانیم؟ ائله بئله دیر. هر گئجه لئیلی آتاسی ایله بونون اوستونده داوا ائدیر. معصومه جان، دوزونو ایسته سن، بئله بیر شئی خوسروون دا آغلینا سیغیشمیر. بونو قبول ائده بیلیمیر. فیکیرلشمیرم کی، سن بونا راضی اولاسان. البته کی، یوخ! نه قتلردی بونلار! سیامکه باخ! هارادان گلدیینی اونودوب. یعنی، دوغرو دان، بو قدر خاریجیلشیب؟ اورادا هله ده بیر اوغلانلا بیر قیزین دانشماغینین اوستونده قان آخیدیر، باش کسیرلر. بو دا ایستیر بئش ایل اؤزگه نین قیزی ایله قئیری - رسمی نیکاح دا یاشاسین. قولاقلار قورغوشون! قوربانین اولوم، معصوم. اؤزون اونلارلا دانش، بیزیم دیلیمیزده توک بیتیب. یاخشی، ائله بو گئجه اوتوروب بیر یئرده دانشاریق. گئجه سحره کیمی دانشدیق. اوشاقلار درین تانیشلیغین نیکاح دان قاقاق بیرلیکده اولماغینین واجیبیلیندن، دیرسیز بیر ایمضانین عشقین قاباغیندا هئچ نه اولدوغون دان دانشدیلار. بیزسه گوجلو عاییله نین ده یریندن و بو نیکاحین ثابت اولماسین دان، قانون قارشیسیندا ده یریندن، عاییله یاشایشینین حؤرمتین دن دانشدیق. ان سونوندا، بو نتیجه یه گلدیک کی، اوشاقلار بو دیرسیز بیلدیکلری ایشی بیزه گۆره ائتسینلر. باجارماسالار، بوشان سینلار.

خوسروو سئوینه رک دئدی: چوخ ساغ اولون، بو آغیر بیر یوکو منیم چینیم دن گۆتوردون. دوغرو دان دا، نه قریبه دونیادیر! هله ده حضم ائده بیلیمیرم. بو سفرین گۆزل لیک و شیرین لیگی سیامکه لئیلین نیکاح مراسیمی ایله کامیللش دی. گلینمین پروانه نین قیزی اولدوغونو دوشونه نده فرحیم دن اؤزومه یئر تاپمیردیم. یاخشی ایللر سرعتله کئچیر. گۆز یوموب آچانا قدر شیرین اورتا مکتبین آخیرینجی سینفینه چاتدی. مسعود دا اونوئرسئته آخیرینجی کورسونو بیتیریردی. دیپلوم مدافعه سی نه حاضیرلا شیردی. ایداره ده ایشلری آغیرلا شمیشدی. ائوده ده داوام لی طراحلیق ائله بیردی. اما اوشاقلار نسه نیگارارن گۆرونوردولر. بیلیردیم کی، نئچه واختدی نه باره ده سه منیمله دانشماق ایستیرلر. تعجبله نیردیم. چونکی بیز مسعودلا همیشه چوخ راحت و صمیمی دانشیردیق. بیلیمیردیم مسئله ندیر کی، او، بونو دانشماق دان بئله چتین لیک چکیر. ان سونوندا، بیر گئجه شیرین دوستونون آد گونونه گئتمیشدی. مسعود گلیب یانیمدا اوتوردو: آنا، اگر من سیزدن آیریلماق ایسته سم، آیری بیر ائوده یاشاما ق ایسته سم، سن چوخ اینجیرسن؟ اوریم اوزول دو. نییه بیزی ترک ائتمک ایستیردی کی؟ چالیشدیم اؤزومو اله آلام. دئدیم: آخیردا هر اوشاق بیر گون آتا - آناسین دان آیریلماق. اما بو آیریلیغین نه دن ندیر؟ مثلن، ائوله نمک. ائوله نمک؟ یعنی ائوله نمک ایستیرسن؟ قوربانین اولوم، نه یاخشی! ان سونوندا، قارارا گلدین. بو، منیم ده آرزوم دور. دوزو، اونون ائولنمین چوخ فیکیرلشمیشدیم. ایلرله آرزوم ایدی کی، فیروزه ایله عاییله قورسون. اونلارین اوشاق لیق دان بیریریلرینه

قانلاری قاینایردی. آلاها چوخ شوکور. قورخوردوم راضی اولمایسان. نییه راضی اولماییم؟ موبارک دیر. یاخشی، نه واختا تعین ائلیک توپو؟ هارا تلسیرسن؟! اولجه گرک ائلچی گئدک. گۆرک وئیرلر، یا یوخ.

بو نه سۆزدور؟ البته، وئره جکلر. سندن یاخشیسینی تاپاجاقلار؟ اونلار اوشاقلیق دان سنی سئویرلر. الله، فیروزه نه گۆیچک گلین اولاجاق؟! مسعود قاشقباغینی تۆکدو: نه فیروزه؟ فیروزه منیم باجیم دیر. بوز کیمی اولدوم. نئجه اولاییلردی کی، من بو قدر سهو ائلییم؟ بیر بئله صمیمی ایلگی لر، بو قدر معنالی باخیشلار، چوخلو دردلشمه لر... چالیشیب اوزومو اله آلدیم. دئدیم: یاخشی، بس قیز کیم دیر؟ رامینین خالاسی قیزی دیر. اییرمی دۆرد یاشی وار. چوخ گۆزلدیر. اعتبارلی و حۆرمتملی عایله دیرلر. آتاسی نقلیات باخانلیغینین تقاعدچوسودور. نییه بس بو واختا قدر سسین چیخماییب؟ دئییب گولدوم. ایسته دیم کی، مسعود سوبوق لوغومو حیس ائله مه سین. اوچ آیدیر، تانیس اولموشام. بیر آیدیر کی، بیر - بیریمیزه سؤدییمیزی دئمیشیک. اوچ آیدیر، تانیس اولموسونوز و آرتیق ائوله نمیه قرار وئرمیس؟ آنا، سن نییه بئله دانیشرسان؟ میللت ائلچی لییه گئدیر، ایکی دۆنه بیر - بیرینی گۆرور، بیر نئچه دۆنه بیر یئرده گزمه یه چیخیر و ائوله نیر. اوغلو، یاخشی اولار کی، سیز بیر - بیرینیزی تانییاسینیز. عشق گرک ائله درین اولای کی، هر شئی عوض ائده بیلین. سنجه، بونون اوچون اوچ آی آز دئییل؟ آنا، باغیشلا، سن فلسفه یه باشلادین. دوزو، سیز سؤگی باره ده هئج نه بیلیمیرسینیز. تويا قدر سن هله یولداشینین او: دوز - عملی گۆرمه میشدین. عشق حاقین دا دانیشا بیلمزسن. اوریم تیره دی. دئدیم: سن منیم سؤگیمدن نه بیلیرسن آخی؟ فوروغ دئمیش، منیم بوتون یارالاریم عشق یاراسیدیر. آخی بو باره ده بیزه هئج نه دانیشمامیسان. ایندی ده دانیشمیرام. ساده جه، بیل کی، بیزیم آرامیزدا سؤگینین نه اولدوغونو بیلن تک سن دئییلسن.

یاخشی، ایندی نه دئییرسن؟ نیلیک؟ هئج نه. بیر آز زامان گره ک دیر. زامانین چئشیتلی سیناوارین دان کئچمیلیسینیز. بیزیم بئله ایمکانیمیز یوخدور. اونون ائلچی سی وار. بیز همیشه لیک بیر - بیریمیزی ایتیره بیلریک. بو دا او سیناوارین بیریدیر. او، دوغرو دان، اگر سنی سئوسه، بو ایزدیواجا گیرمه یه جک. اونون وضعیتینی بیلیمیرسینیز. عایله سی اونو مجبور ائدیر. مگر سیزی زورلا ره وئرمه دیلر؟ گرک اونو باشا دوشسینیز. اوغلو، او، اوخوموش، شعورلو قیز دیر. عایله سی ده بئله دیر. منیم آتا - آنام اوتوز ایل بوندان قاباغین آدمالاری ایدی. قیزی زورلا نیکاح ماساسینا اوتورتما یاجاقلار کی. ایندی وضعیت چوخ دییشیلیب، نه دییشیلیب؟ بیزیم عنعنه لریمیز ائله همین عنعنه لر دیر. هله ده عایله لر ائله بیلیر کی، قیزین ان بؤیوک هدفی اره گتتمک اولمالی دیر. بعضن اؤزلری اونو مجبور ائده بیلرلر. اصلینده، اونو اون سککیز یاشیندا اره وئرمک ایستیردیلر. او،

ایندییه کیمی دایانیب. ائله ایسه او، بیر ایل ده دایانا بیلر. آنا، سن نییه بو قدر اعتراض ائلییرسن؟ بیر کلمه دئن کی، اونولا عاییله قورمانی ایسته میرم. من بئله دئمیرم. هله اونو گۆرمیشهم. بلکه ده چوخ یاخشیدیر. سادهجه، دئییرم، بیر آز صبیر ائدین. صبیره واختیمیز یوخدور. یاخشی، اوند، بویورون. من نه ائله مهلییه؟ مسعود یئرین دن آتالاندی. قارشیمایا بیر کاغیز قویوب دئدی بو تئلفون نۆمره سینی آل، ائله ایندی زنگ ائله و بیر یگونه گۆروش تعین ائله. اؤزومو ایتیرمیشدیم. آنام یادیم دوشدو. او دا ایسته بیردی محمود باجیسی قیزی آلسین. محبوبه یه ائلچی گتتمک اوچون نه قدر تاکید ائله دی. ایندی ایلک دؤنه ایدی کی، مسعود بئله ایصرارلا مندن نسه ایسته بیردی. اونون سؤزونو یئر سالا بیلیمدیم. اما فیروزه نین، فاطمه نین، صادقین اوزو گۆزومون قاباغیندان گتتمیردی. بو خبر اونلارا نئجه آغیر ضربه ووراجاقدی! چاره یوخ ایدی. تئلفونو گۆتوردوم. حیس ائله دیم کی، زنگیمی گۆزلیبیردی. چوخ ایستی دانیشدیلا. مسعود سؤینیردی. ائله بیل چینین دن بیر یوک دوشموشدو. باشیم دولانیردی. چالیشیردی منی ده سؤین دیرسین. اما من فاطمه ایله فیروزه نی اونودا بیلیمدیم. فیروزه اونو تحصیل آماغا هوسلندیرمیشدی. بس نه اولدو؟ یعنی من اوغلو تانیدیغیمی دوشوندویوم حالدا، بئله سهو ائتمیشدیم؟ بیرینجی دؤنه من و مسعود گتتدیک. ائولری بؤیوک و قدیم ایدی. اوتاقلار موختلیف انتیق اشیا لارلا بزیدیلیمیشدی. مئبل لی، انتیق اشیا لی، آغیر پرده لی ائو راحت و ساکیت ائوده ن چوخ، هوتئله، رستوران اوخشاییردی. لاده نین آناسی منیم یاشلاریمدا بیر خانیم ایدی. ساچلارینی ساری رنگ ده بویامیشدی. یاخشی دا بزیمیشدی. آياقلارینا جوراب گئیمه میشدی، هوندوردابان باشماقدا ایدی. تئز - تئز سیقار چکیردی. آتاسی آغیر، زهملی بیر کیشیه اوخشاییردی. ساچلاری چال ایدی. گئجه تانیشلیقلا و موختلیف صؤحتلرله کئچدی. اونلار گۆزلیبیردی کی، من جدی مسئله لر حاقیندا دانیشیم. اما حیس ائدیردیم کی، هله چوخ تئز دیر. ائله کی آياق یولونا گتتمک ایسته دیم، لاده نین آناسی ایصرارلا منی ائوین خصوصی حیسه سینه آپاردی. ایسته بیردی ائولرینین، حیطلرینین قالانیندا گۆسترین. نزاکت نامینه دئدیم: گۆزل ائوینیز وار. سؤینجک دئدی: ایستیرسینیز، قالان اوتاقلاریدا گۆستریم؟ یوخ، یوخ، تشککور ائدیرم. اما قادین منه زورلا بوتون اوتاقلاری، حتی یاتاق اوتاقلارینیدا گۆستردی. ائوه قاییداندا مسعود دیلخورلوقلا دئدی: نییه دانیشمادین؟ نه دانیشماق؟ هله بیرینجی دؤنه ایدی. اوزونو چئویردی. داها بیر کلمه ده دانیشمادی. شیرین مسعودلا کوسولو ایدی. اما ماراغینی ساخلایا بیلمه دی: هه، آنا، دانیش، نئجه ایدی؟ سیز نییه منی اوشاق گۆروب، هر شئی مندن گیزلدرسینیز. یوخ، قیزیم، بو نه سؤزدور. سن به بین باجیسیسان. او، آرخامجا گلیب چارپاینین اوستونده اوتوردو: یاخشی، دی. پالتاریمی دییشه - دییشه دئدیم: سن سوروش، من

دئییم. قیز نجه ایدی؟ بیر آز دوشونوب دئدیم: بویو بیر آز مندن آچاقدی. اما مندن چوخ اتلی جانلیدیر. یعنی کۆک دور؟ یوخ، دولودو. مندن اتلی جانلی اولان کۆک حساب اولونماز آخی. یاخشی، سونرا؟ دریمی، دئییه سن، آغ ایدی. اما چوخ بزندیینه و اوتاقدان ایشیق آز اولدوغونا گۆره دریسینین رنگینی تام آنلامادیم. گۆزلی ده قهوی ایدی. ساچلارینی دا آچیق قهوی رنگه بویامیشدی. نه گئییمیشدی؟ دیزینین یوخاریسیندان دار، قارا بیر اتک. بیر دنه ده قارالی -چهرایی پئن جک. آنا -آتاسی نجه ایدی؟ آنا -آتاسی حورمتلی آدمالارا اوخشییرلار. آناسی منیم یاشلاریمدا اولاردی. اما چوخ اؤزونه باخمیشدی. چوخدا قشنگ گئییمیشدی. ائولری ده دولو ایدی چینی گول دانالارلا، انتیق اشیالارلا. قیزیلی رنگ ده مئبلر و باهالی پردلر. بس مسعود بی من بعضه نده قئیرت لنیر؟ ایندی ایستیر بئله بیر آرواد آلا؟ واللاه، من بیلیمیرم. بونلار، دئییه سن، ایشی بی شیریلر. یاخشی، بس سنین خوشونا گلдіلر؟ نه دئییم؟ بیردن دؤنوب آرخایا باخدیم. مسعود سینه سینی قاپییا دایامیش، قولاق آسیردی. دولو، ناراحات گۆزلی ایله منه باخیردی. سونرا باشینی ترپدی، بیر کلمه سؤز دئمهدن اوتاغا گئتدی. هر گۆروشده حیس ائلییردیم کی، او عایله ایله بیزیم فیکرلریمیز چوخ فرق لیدیر. من بو ایکی جاوانین بیر -بیرینه یاراشماماغینی آیدین گۆروردوم. اما مسعود هئچ بیر شئی گۆروردو. ائله والتج اولموشدو کی، گۆزلی اطرافینی گۆروردو. منیمله دانیشماغا قورخوردو. من ده هئچ نه دئیمیردیم. گۆزلییردیم کی، اؤزو دیله گل سین . ساده جه، هر دن گلیب منه دئییردی کی، مثلن، اونلار صاباح بیزی گۆرمه به گلک ایستیرلر، یا دا لاده نین بؤیوک باجیسی بیزی دعوت ائدی. من ده هئچ اعتراض ائتمه دن اونونلا هر یئر گئدیردیم. سۆزلی ائشیدیردیم. بؤیوک قیزین کبین اوچون ایکی یوز سیککه آلماغین دان، لاده نین تزه اره گئدن خالاسی قیزینا بریلیانت اوزوک آلینماغین دان... بیر دؤنه عصی لیکله دئدیم: سیز بو بیر هفته ده آز قالا اون تو یا گئتمی سینیز کی. هامیسی کیرییب بیر -بیرلرینه باخدی لار. یاواش -یاواش حؤوصله دن اولوردولار. ایندی ده دانیشیردی لار کی، توی اوچون ان یاخشی وخت یای دیر. بیلیمیردیم نه ائدیم. نه قدر اؤزومله موبارزه آپارسام دا، اولموردو. بو قیز اوریمه یاتمیردی. بو دایاز دوشونجه لی، همیشه بزک دن، پالتاردان دانی شان عایله ایله موناسیبت قورا بیلیمیردیم. مسعودلا دا بونو دانی شا بیلیمیردیم. اؤز اؤزومه دئییردیم کی، او اؤزو گرک بو فرقی آنالایا. ان سونوندا، بیر گون مسعود دیله گلدی. ائله دیلخور و سویوق دانی شدی کی، اونو هله هئچ وخت بئله گۆرم می شیدیم: یاخشی، آنا، بو او یون نه وختا قدر اوزاناجاق؟ او یون ندیر؟

نییه لادهنین عایله‌سینه هئج نه دئمیرسن؟ نه دئیمیمی ایستتیرسن؟ فیکرینی دئی. سن اؤزون فیکرینی دئی. منجه، سن ده لادهنین عایله‌سی ایله تانیس اولموسان. اونلاری نئجه گؤرورسهن؟ منیم اونون عایله‌سی ایله نه ایشیم وار؟ من اونو سئویرم.

هر آدم بیر عایله‌ده بویویور. اورانین مدنیتی، تربیه‌سینی گؤتورور. اونلارین مدنیتینده نه سورون وار؟ حددن آرتیق موعاصیردیلر. نئجه یعنی حددن آرتیق؟ سنین فیکرینجه، کیم حدینده موعاصیردی؟ بیلیم. سنه نه گره کدیر؟ سانباللی آدم‌دیلار، داها نه ایستتیرسن؟ نئجه بیلدین کی، سانباللی آدم‌دیلار. چوخلو انتیق گولدانلاریندان؟ یا نومایشه قویوقلاری مئثللریندن؟ آنجاق پالتاردان، ساچ رنگلریندن دانیشیرلار. یا دا بیربیرلرینین دالینجا قئیت ائلییرلر. آنا، سن اؤزون چوخ گؤزل لیک سئوهر ایدین آخی. همیشه منه ایراد توتوردون کی، شالوارینین رنگی کؤنینین رنگی ایله اوغون گلیمیر. ائوه بیر شئی آلماقدان اؤترو یوز ماغازانی گزیردین. عزیزیم، گؤزل لیک سئومک، یا ائوی گؤزل، تمیز، ذؤوقلو، اوره یه یاتان ائتمک یاشاییش نیشانه‌سیدیر. من بونا اعتراض ائلمیرم. هر کسین یاشاییشی اونون سلیقه‌سینین نومونه‌سیدیر. اونون فیکری، مدنیتی، دونیا یا باخیشی دیر. آخی سن اونلارین ائوینده، یاشاییشلاریندا نه گؤردون کی، خوشونا گلمه‌دی؟ یعنی سن آنلامادین؟ یوخ! ایندییه کیمی اونلارین ائوینده بالاجا بیر کیتابخانا گؤرموسه، یا هانسینینسا الینده بیر کیتاب گؤرموسه؟ بیر علمی، مدهنی، یا اینجه صنعت اثرلریندن دانیشدیقلا رینی ائشیتیمسن؟ بو نه سؤزلردیر؟ هامی کیتابلارینی گؤز قاباغینا قویور کی. سنین اونلارین کیتابلاری ایله نه ایشین وار؟ ایسته بیردیم گؤروم، اونلارین فیکرلری نئجه‌دیر؟ آنا، بیزیم ائوده مین جور کیتاب وار. کیم اونلار باخاندا بیزیم فیکرلریمیزی اؤیرنمیش اولور؟ درین دوشونهن آدم‌لار باشا دوشور. نئجه؟ مثلن، کومونیستین کیتابخاناسیندا سولا عاید کیتابلار اولور. ماکسیم قورکینین، باشقا روس یازی‌چیلارینین، رومن رولانین کیتابلارینی گؤز قاباغینا قویور. تک -توک ده اونلارین ایدئاسینا ضد کیتابلار اولاییلر. دینی کیتابلار ساخلامازلار. اما ائوینده دینی کیتابلار داها چوخ اولان عایله، دئمهل، دینداردیر. اینقیلابدان سونرا چوخ ائولره گیریب بو دینی کیتابلار. میللت‌چیلرین کیتابخانالاریندا سیاست‌چیلرین خاطرهلری، ایرانین موختلیف تاریخ کیتابلاری اولور. یاخشی، دئیک کی، بئله‌دیر؟ اونلارین سیاسی باخیشلاری سنین نه یینه گره کدیر؟ چونکی ایندییه کیمی یاشاییشیم موختلیف سیاسی خطرلردن کئچیب. من ده بئله آدم‌لاردان بیر اولموشام، تاثیرلنمیشم. گرک بیلیم کی، بو دؤنه کیمین یانیندایم؟ سنین سیاسی اویونلاردان زهله‌ن گئدیردی آخی. اؤزون دایما بیزدن سؤز آلمیسان کی، هئج بیر سیاسی جریان قوشولما یاق. اما هئج واخت

سیزه دئممیشه کی، اوخومایین. منه دئ گوروم، ایندییه کیمی لادهن اوخودوقلاریندان، عقیده سیندن، دونیا یا باخشیندان سینه نسه دانیشیب؟ اوغول، سن یارادیجی آدمسان. سن کیتابلا بؤیوموسن. اینجه صنعت مسئله سینده سیزین هئج بیر اوخشارلیغینیز یوخدور. بیر ده کی، آخی سن ایمان لی آدمسان. بونلار ایسه شاهچیدرلار. گؤزلیرلر ولیعهد قاییت سین. نییه؟ بلکه بونا گوره کی، او زامان ایچکی ایچمک آزاد ایدی؟ مسعودجان، بو قیزین سنینله هئج بیر اورتاق نقطه سی یوخدور. هئج واخت سن ایستدیین کیمی گئینمیر. بیر یثره گئتمک ایسته یه نه بیر -بیرینیزله داوا ائدجک سینیز. ناراحت اولما. او، منه گوره چادرا اؤرتمه یه حاضیردیر. سن ده ایناندین؟ آخی بو دا دوز دئیل. بیر فیکیر صاحبی اولان، شخصیتی اولان آدم بئله مذهب سیز اولماز. ایندی ده مذهب سیز اولدو؟ منی سؤدینه گوره بئله دئیر. یوخ، آنا، سن، اصلینده، بهانه آختاریسان. سینه گوره هامی پیسیدیر، بیزدن باشقا. من نه واخت بئله سؤز دئیمیشه؟ اونلار یاخشیدیلار. بلکه بیزدن ده چوخ. اما بیزدن فرق لی دیر. یوخ، سن، ساده جه، بهانه آختاریسان. سن مندن سوروشدون، من ده فیکریمی دئدیم. بو، سنین بوتون یاشاییشین و گلجینله باغلیدیر، بیلیرسن، بو، منه هر شئی دن واجیب دیر. آنا، من اونو سؤیرم. ایندییه کیمی هئج بیر قادین منی بئله جلب ائله مه ییب. او، هامیدان فرق لی دیر. ماتیم -قوتوم قورودو. ایندییه کیمی نجه اولوب کی، بیلیمیشه. بلی، بو قیز مسعودو جلب ائله ییر. چونکی یاشاییشیندا گوردویو بوتون قادینلاردان فرق لی دیر. اونا چوخ گوجل و خصوصی قادین لیک حیسلری وار کی، مسعودون یاشاییشیندا اولان قادینلار او شئیلری گیزله دیر. بو قیزین بوتون حرکتلرینده، داورانیشیندا خصوصی بیر عیشه، ناز وار. حرکتلری نرمه -نازیک، عیشه لی، تحریک ائدیجی دیر. بیر کلمه ایله، چوخ جاذبه داردیر. مسعودون اونون ائتکیسینه دوشمی دوغال دیر. بئله شرایطده هئج منتیقی سؤز نتیجه وئره بیلمزدی. دئدیم: منیم ان بؤیوک آرزوم اوشاقلاریمین خوشبختلیگی دیر. اینانیرام کی، بو خوشبختلیک عشق و محبتله دولو اولان ایزدیواج دادیر. من سنین عشقینه حورمت ائدیرم و هر نه ایسته سه ن، ائدرم. حتی اؤز ایستدیم اولماسا دا. ساده جه،

سندن بیر ایستیم وار. بیر ایل نیشانی قالین. بو مودتده بیر -بیرینیزی یاخشی تانیا بیلر سینیز. چونکی گئدیپ -گلمک محدودیتی آزالاجاق. بیز ده پول بیغیب اونلارین ایستدی کیمی توی ائله مه یه حاضیرلاشاق. بیلیرسن کی، ایستکلی یوخدور. بو، منیم یئگانه شرطیم دیر. لاده نین عایله سی چوخ اعتراض ائله سه ده، منیم مؤحکم دایانديغیمی گؤروب شرطی قبول ائتدیر. بیلیردیم کی، اونلارین قورخولاری بو اوزون نیشانی لیک دان، دینی اعتقادلارین دان دئیل. بلکه داها چوخ یئرلرینی مؤحکمه ن دیرمک دن اؤتروودور. اونلار یوخاری سوییه ده بیر نیشان ائتمک ایستیردیر کی، بوتون قوهوملاری

گله جک بيله تانیش اولسونلار. مراسیمین تاریخینی ایکی هفته سونرایا قویدولار. داها مؤوضونو گیزله ده بيلمزدیم. گرک هامییا خبر وئریدیم. اما نئجه؟ بو عشق و ائلچی لیک مسئله سینی فاطمه یه، فیروزه یه و صادق بیه دئمه لی ایدیم.

بیر گون سحر فاطمه گيله گئتدیم. چوخلو آلاهیین ایسته یین دن، قیسمتیندن دانیشدیم. فاطمه شوبه و ترددودله منه باخدی. ان سونوندا، سوروشدو: باجی، نه اولوب؟ نسه دئمک ایستیرسنسه، بیرباشا دئی. نه دئییم؟ همیشه آرزوم ایدی کی، گلیب فیروزه نی مسعودوما ایسته ییم. اما اولمادی. ائله بیل الله ایسته میر. فاطمه نین اوزو قارالدی. دیلخور - دیلخور دئدی: نئچه واخت ایدی حیس ائدیردیم کی، نسه اولوب. الله ایستمیر، یا سیز ایسته میرسینیز؟ بو نه سؤزدور، فاطمه؟ من فیروزه نی شیریندن ده چوخ سئویرم. بو، منیم ان بؤیوک آرزوم ایدی. هر شئی چؤزولموش بیلیردیم. اما بيلمیرم کی، نه اولدو، عشق بو اوغلانین باشینا ووردو. آیاغینی بیر باشماغا دیره ییب دئیر کی، او قیزی ایسته ییرم. بیزی مجبور ائله دی کی، ائلچی لییه گئدک. ایندی ده قارار گلیلر کی، نشانلانسینلار. فیروزه الین ده مجیمی توتمودو، سندیرله دی. فاطمه قاجیب مجیمینی اوندان آلدی. فیروزه بیرجه بونو سوروشا بیلدی: نییه؟ اوتاغینا قاچدی. فاطمه قاییدیب آجیغلا منه باخدی: آخی هله بونلار اوشاق اولاندا دئدینیز کی، فیروزه مسعودون دور. آرالاری دا چوخ یاخشی ایدی. دئی بيلمزسه ن کی، مسعود فیروزه نی سئومیردی. چوخدا سئویردی. هله ده سئویر. اما دئیر کی، اونو باجی کیمی سئویرم. فاطمه آجیخلی - آجیخلی گولوب اوتاقدان چیخدی. بیلیردیم، چوخ سؤز دئمک ایسته ییردی، اما حؤرمتمیمی ساخلا ییردی. فاطیجان، آلاها آند اولسون کی، نه دئسه ن حاق لی سان. منیم الیمدن گلن بو اولدو کی، بو توپو تاخیره سالیم. ایندی قارار گلدیک کی، بیر ایل نشانلی قالسینلار. بلکه بو اوغلانین گؤزو آچیلار. بو نه سؤزدور دئیرسن، باجی؟ عاشیق اولوب، عئیبی یوخدو. اینشالاله، خوشبخت اولارلار. سن ده پیس قایینانلار کیمی نشان دان قاباق اولاری آیرماغی فیکیرلشمه. سن بيلمیرسن، فاطمه. اگر بیر اورتاق نقطه لری اولسایدی، اوریم یانمازدی. بيلمیرسن، نئجه باشقا - باشقا آدمالاردی! دئمیرم، پیس قیزدیر. اما ییزه گؤره دئیل. ایندی اوژون گلیب گؤره جک سن. سنین ده فیکرین گره کدیر. بلکه من اول دن راضی اولمادیغیما گؤره دوز قرار وئرمیرم. من هله یاخشییام. هئچ نه دئمیرم. دؤزورهم. اما شیرین هئچ اونا طرف باخماق دا ایسته میر. یقین، او قیزدا نسه وار کی، مسعود اونو ایستیر. ایستیرسن من گئدیم فیروزه ایله دانیشیم؟ بيلمیرسن، بو اوشاغا گؤره نه قدر ناراحتام؟ فاطمه چینلرینی آتدی: بيلمیرم، بلکه ده دانیشماق ایستمز. عئیبی یوخدور. ان پیس حالدا، اوتاقدان قووار. یاواشجا قاپینی آچدیم. فیروزه چارپایی دا اوزانمیشدی. گؤی گؤزلری یاشدان ایسلانمیشدی، اوزو قیقیرمیزی ایدی. منی گؤره ن کیمی آرخاسینی منه

چئویردی کی، اوزونو گۆرمیم. بو مئهریبان قیزین آغلاماغینی گۆرمه یه طاقتیم یوخ ایدی. یاتاغین کاناریندا اوتوروب اونو سیغاللادییم. دئدیم: مسعود هئج سنینله اولماغا لاییق دئییلدی. باخ گۆر باشینا نه اویون گله جک. ایت کیمی پئشمان اولاجاق. بو مسئله ده زیان گۆره ن اؤزو اولاجاق! ظریف چیینلری ترپه نیردی. اما هئج بیر سؤز دئمه دی. من سؤگی دن سینماغین یورغون لوغونو، ازیلمیینی بیلیردیم. قالخیب کور - پئشمان ائوه قاییتدیم. مسعودون نیشانین دان اوچ آی سونرا فیروزه اره گئتدی. بئله گۆرون دو کی، من بوندان خبر توتان سون آدام ایدیم. اینجیمیشدیم، اما اونلار حاق وئردیم. بیلیردیم کی، فیروزه شعورلو، گۆزل قیزدی. چوخلو ائلچیلری وار. اما فیکیرلشمیردیم کی، بئله تئزلیکله اره گئدر. بیر گون اونو گۆرمه یه گئتدیم. سوروشدوم: عزیزیم، نییه بئله تلسدین؟ بیر آز گۆزلییدین. راحتجا کیمه سه کؤنول وئردین. ائله بیر آداما کی، سنین قدرینی بیلین. آجی - آجی گولدو: یوخ، خالا، من بوندان سونرا داها ائله بیر سؤگی ایله هئج کیمی سئوه بیلرمه. بونا گۆره ده آتا - آناما دئدیم کی، کیمه ایسته بیرلر، وئرسینلر منی. البته، اؤزومون ده سؤهراب دان خوشوم گلیر. عاغیل لی و یاخشی اوغلان دیر. منجه، گله جک ده اونو سئوه بیلرم و هر شئی اونودارام. اوریم ده «البته» دئدیم. اما کاش کی بیر ایل صبر ائدیدین. بو نیشان چوخ چکمه یه جک. ایندیدن باشلا ییلار. یوخ، خالا، اگر مسعود ایندی، بو دقیقه گلیب ال - آیاغیما دوشوب، ائلچی لیک ائله سه، قبول ائتمه رم. منیم مسعودا یاراتدیغیم اوبراز سیندی. ایچیمده بیر شئی ائله سینیب کی، بیر ده چتین دوزه له. حاقلیسان. اما بیلیمرسن، سنین گلینیم اولماغینی نه قدر ایسته ییردیم. خالا، بسدیر. کاش کی بو سؤزو هئج واخت دئمزدین. بو سؤزلر منی بدبخت ائله دی. گۆزومو آچاندان اؤزومو سنین گلینین و مسعودون آروادی گۆردوم. ایندی ده اؤزومو اونا خیانت ائله میش قادین کیمی حیس ائدیرم. بیزیم بیر بیریمیزه گۆره هئج بیر عؤهدلیمیمیز یوخ ایدی. اونون حاقی واردی کی، اؤز گلیجینی اؤزو سئچسین. خوشبخت لیک دن، سؤهراب اوخوموش، گۆرکه ملی، مئهریبان و چوخ قاناقلی ایدی. ضیالی بیر عایله ده بؤیوموشدو. فراسادا تحصیل آلمیشدی. تو ییلارین دان بیر آی سونرا پاریسه گئتدیلر. فاطمه، صادق و من آغلار گۆزله اونلاری یولا سالدیق. مسعودلا لاده نین نیشانلی لیغی یئددی آی چکدی. مسعود ائله بیل کی، آغیر بیر یوخودان آییلدی. ائله هئی دئییردی: بیزیم دانشماغا سؤزوموز یوخ ایدی. من ساعاتلارلا مئعمارلیق دان، رسام لیک دان، اینجه صنعت دن، فیکیردن، دین دن، عنعنه دن دانشیردیم. اونونسا هئج نه یه ماراغی یوخ ایدی. فیکری ساچلارین دا، پالتارلارین دا ایدی. حتی ایدمانا دا ماراغی یوخ ایدی. تکجه من پول دان دانشاندا ماراقلانیردی. قریبه آداملار ایدیلر. آج قالماغا حاضیر ایدیلر، اما هانسیسا قوناقلیغا تزه پالتار گئییمه لی ایدیلر. نئچه آی دان سونرا راحت بیر نفس آلدیم.

اما چوخ تأسفله نیردیم کی، بو آرادا گۆزل فیروزه‌نی الدن وئردیک. بو تأسف خصوصیه مسعودون دانیشیغیندا و داورانیشیندا حیس اولونوردو. مسعود تزه‌دن ایشه و درسه باغلانندی. شیرینله آراسی دوزلدی. عایله‌میز اؤز کئچمیشینه قاییتدی. مسعود نئچه آی ایدی کی، منی اینجیتدینه گۆره اؤزونو قیناییردی. ایستیردی نئجه اولسا، بونون عوضینی چیخسین. بیر گون سئوینجک ائوه گلیب دئدی: آنا، موشتولوغومو وئر، ایشین دوزلیب. منیم ایشیم؟ منیم ایشیم اونسوز دا دوزلمیشدی. یوخ، سنین تحصیلینی داوام ائتمه‌نی نظرده توتورام. دیپلومونو آلاق ایستدینی و تحصیلینی داوام ائتمک ایستدینی بیلیرم. سنین اونیوئرسیتدن آتیلماغین گۆزومون قاباغین دان گئتمیر. ایندی بیر نئچه نفرله دانیشمیشام. ادبیات اونیوئرسیتین موعاونی، منیم ساواش یولداشیم دئییر کی، سن قالان درسیرینی ده کئچیب، دیپلومونو آلا بیلرسن. سونرا دا راحتجا ماگیستراتورایا گیره بیلرسن. او اینام کی سن ده وار، سن لاپ دوکتورلوق دا آلا بیلرسن. دونوب -قالدیم. او کاغیدی آماغا داها هوسیم قالمامیشدی. دئدیم: داها اونو ایسته میرم. آنا؟! یعنی ایستمیرسن؟! یوخ، عزیزیم. بوشونا زحمت چکمیسن. آخی نییه؟ نییه؟ نییه ایلرله بو حاقی مندن آلدیلار؟ ایندی ده مین میننت و تانیشلایلا ایسته بیرلر او دیپلومو منه لطف ائدیر؟ یوخ! ایسته میرم. ایندی منی ساوادیم گۆره تانیبیرلار. منه رئاکته‌ما گۆره پول وئیرلر. هامی منیم ایشیمی قبول ائدیر. داها بو بیر تیکه کاغید منه گره ک دئییل. حتی سؤزو ده منه گولمه‌لی گلیر. همین ایل شیرین سینا وئریب سوسیولوگیا فاکولته‌سینه قبول اولوندو. چوخ سئوینیردیم. باشیم یئنه اوجا ایدی. هر اوچ اوشاغیمین عالی تحصیلی واریدی. شیرین تئزلیکله اونیوئرسیتده دوستلار تاپدی. من اونون گئدیب -گلمینه، دوستلارینا نظارت ائده بیلیم دئییه تکلیف ائدیردیم کی، توپلانتیلارینی بیزیم ائوه سالسینلار. بئله‌لیکله، داها امین اولوردوم. اطرافین داکی آدمالاری تانیبیردیم. یاواش -یاواش ائویمیز شیرین دوستلاری اوچون قرارگاها چئوریلدی. باخمایاراق کی، بعضی بو، منیم ایشیمه مانع اولوردو. مجبور اولوردوم کی، ائو تمیزله‌مه‌یه، یئمک حاضیرلاماغا، قوناق یولا سالماغا بیر آز چوخ زحمت چکیم. اما راضی ایدیم. هامیسینی قبول ائدیردیم.

ایکی ایل سونرا، قیشین اوولترینده پروانه ایله منیم بیرینجی نوه‌میز دونیا یا گلدی. بیغیشیب آلمانیا یا گئتدیم. گۆزل و سئویمه‌لی بیر قیز ایدی. آدینی دورنا قویدولار. پروانه ایله اوشاغین باشینا دولانیردیق. هانسیمیزا چوخ بنزیر دئییه موباحیثه ائدیردیک. ننه اولدوغوما باخمایاراق، اؤزومو اون ایل بوندان اوولکیندن داها جاوان حیس ائدیردیم. اوشاق ایکی آیلیق ایدی. اوندان ال چکمک چتین ایدی، اما نووروز بایرامینا ایرانا قاییتماغا مجبور ایدیم. شیرینله مسعودو تک قویماق ایسته‌میردیم. قاییداندان سونرا اطرافیمدا بعضی دییشیک‌لیک‌لری حیس ائله دیم. شیرینیم مه‌نی بیر اوغلان دوستو ایله تانیش ائله‌دی.

آدی عبدالله فرامزی ایدی. ماگیستراتورا طلبه‌سی ایدی. اونلارین آراسیندا خصوصی مئهریبان‌لیق حیسن ائله دیم. دوستلاری گئندن سونرا شیرین مندن اونلار باره‌ده فیکریمی سوروشدو. باشا دوشدوم کی، محض فرامز باره‌ده فیکریمی اؤیره‌نمک ایستیر. اؤزوم قصداً اونون باره‌سین‌ده هئچ نه دئمیردیم. آخیردا دیله گلیب سوروشدو: فرامز نئجه اوغلانندی؟ او، سنی تعریفلییردی. دئییر، او دقیقه بیلینیر کی، آنان جاوانلیغیندا چوخ گؤزل ایمیش. نه یاخشی اوغلان‌دیر! ائله بو؟ بئله بیر دغه گؤرمکله‌ده اونو نئجه تانییا بیلرهم؟ ائوین ایکینجی اوغلودور. اونلار دا اوچ اوشاق‌دیلار. بیزیم کیمی. فرامز مسعود کیمی‌دیر. اییرمی یئددی یاشی وار. چوخ ساوادلی‌دیر. آناسی معلمه‌دیر، آتاسی دا اینشات موهه‌ندیسی. چوخ زامان سفرده اولور. او دا آتاسینین اوفیسینده ایشلییر. مگر سیزین فاکولته‌ده دئییل؟ یوخ، دئمیدیم کی، او، اینشات فاکولته‌سین‌ده‌دیر؟ نیگنین نیشانیسی سوروشون چوخ یاخین دوستودور. بیز اونیوئرسئته اونو چوخ گؤروردوک. اما سن گئندن سونرا رسمه‌ن بیزیم قروپ‌دان بیر ی اولوب. چوخ واخت بیزنه‌ن اولور. سن ناراحت اولمورسان کی؟ یعنی من اونولا یاخین دوست اولسام، سن ناراحت اولمازسان کی؟ باخ، قیزیم، سن داها بؤیوک بیر قیز اولموسان. تئزلیکله اییرمی بیر یاشین اولاجاق. من سنه و اؤز وئردیم تربیه‌یه اینانیرام. اؤز حاق -حقوقونو دا بیلیرسن. اونو هئچ کسین تاپدالاماسینا ایجازه وئرمزسن. شریعت و جمعیت قانونلارینا باغلی آدم‌سان. هوس تورونا دوشمزسن. حیسلرینی جیلوولایا بیلرسن. عقللا قرار وئره بیلرسن. دوغرودان؟ جدی فیکیرلشیرسن کی، من بئله‌یه‌م؟ البته، عزیزیم. چوخ واختلار سن مندن ده متیق‌لی فیکیرلشیرسن و قرار وئیررسن. مندن یاخشی حیسلرینی جیلوولایا بیلیرسن. دوز دئییرسن؟ نییه اؤزون‌دن شوبه‌ه‌لیرسن؟ اولمایا، تزه‌لیکله حیسلرین او قدر گوجلنیر کی، قورخورسان آغلینا قالیب گلر؟ چوخ قورخورام... چوخ یاخشی. ائله بو قورخونون اؤزو سنین آغلینین و متیقینین هله ایشلیدینی گؤستریر. دوزونو ایسته‌سه‌ن، بیلیرم نیلییم. نه ائله‌مه‌لی‌سه‌ن کی؟ ساده‌جه، درسینی اوخو و اونو تانی. گله‌جک پلانلارینی قور. اؤزونو فرصت وئر کی، هم اونو، هم اؤزونو یاخشی تانیاسان. اما من اونو چوخ فیکیرلشیرم. ایستیرم اونو چوخ گؤروم، اونولا بیر یئرده اولوم. سن کی اونیوئرسئته اونو گؤرورسن. نه واخت اوریین ایسته‌سه، دعوت ائله ائوه گل سین. البته، من ائوده اولان واخت. من ده اونولا تانیش اولماق ایستیرم. قورخورسان کی، من بیر دؤنه... بیلیرم... چوخ ایرلی -گئدیم؟ یوخ! سن بئله ایش گؤرمزسن. من اؤزوم‌دن چوخ سنه اینانیرام. بیر قیز نسه ائله‌مک ایسته‌سه، اونو زنجیرله ده باغلاسان، اؤز ایشینی گؤره‌جک. هر مانعه‌دن قاچاجاق. آدمین گرک ایچینده سرحدلر اولار. ساغ اول، آنا. سن چوخ یاخشیشان. راحت نفس آلدیم. نووروز بایرامینین تعطیلین‌دن سونرا بیر

گون گون اورتادان سونرا مسعودلا ائوده تک ایدیک. یانیمدا اوتوروب دئدی: آنا، حیس ائدیرم کی، گلجیمه گۆره جدی بیر قرار وئرمه لییه. سن نه فیکیرلشیرسن؟ نئچه واخت دیر، من ده بونو سینله دانیشماق ایستیرم. دوزونو ایسته سه، منیم ائلچی لیکن ائله ده خوشوم گلیمیر. ایستیرم کی، اؤزون بیرینی به یه نه سن. اؤزونون یاخشی تانیدیغین بیرینی. دوزونه قالسا، کئچهن دغه کی سهویم دن ائله گۆزوم قورخوب کی، بیر ده کیمسه سئو ییلمیمه اینانمیرام. اما بوتون دوستلاریم ائو - ائشیک صاحیبی اولوبلار. تکجه من قالمیشام. قوربانین اولوم، خوشبخت اولماق سنین حاقین دیر. دانیش گۆزوم، ایندیکه نه مسئله دیر؟ جناب مقصودینین اییرمی بئش یاشیندا بیر قیزی وار. کیمیا فاکولته سینین طلبه سیدیر. اونون داورانیشیندان بئله آنلادیم کی، کورکه نی اولماغیما اعتراض ائتمیر. جناب مقصودی یاخشی کیشی دیر. عایله سی ده یاخشی اولار، ساده جه، بیر عئیبی وار. نه عئیبی؟ او، ناظر موعاوینی دیر. سیاسی وظیفه سی وار. آنا، یاخشی گۆرک. سن، دوغرودان دا، آغ ائله میسن. اولمایا، قورخورسان او دا توتولار، اعدام اولونار؟ نییه ده یوخ؟ دوزونو ایسته سن، هر سیاسی اویوندان قورخورام. بونا گۆره سندن نیگار ایدیم و سۆز آلدیم کی، هئج واخت سیاسی وظیفه ده چالیشما یاسان. اگر هامی بئله فیکیرلشسه، مملکتی کیم دولان دیراجاق؟ باغیشلا، اما سنین بیر پسیخولوqa احتیاجین وار. آخیردا قرارا گلدیک کی، ائلچی گئدک. ائلچی لیک گونو شیرینله حاضیرلاشیب چیخیردیق کی، مسعود دئدی: سیزدن بیر خواهش ائده بیلریم؟ اگر مومکون دورسه، جناب مقصودینین حورمتینه گۆره باشینیزا بیر چادرا آتین. آجیخلاندیم: بیزیم اؤز اینانجیمیز وار. من اؤزومو باشقالارینا گۆره دییشه بیلرم. بیلیرسن، عؤمرومون اولیندن نئچه دؤنه گئییمیمی کیملرینسه ایسته یینه گۆره نه قدر دییشمیشیم؟ قومدا چادرالی ایدیم، تئهرانا گلدیم یایلیق اؤرتدوم. آنانلا ائوله نه نندن سونرا حجابیمی قویدوم قیراغا. اینقیلاب اولدو، تزه دن ماتتو گئییب، یایلیق باغلامالی اولدوم. سونرا لاده ن خانیمین ائلچیلیینه گئدیم. ایستیردین، شیک گۆرونوم. او گون دئکولتئده گئیینسئیدیم، آجیغین گلمزدی. اما ایندی ریسینین قیزینین ائلچیلیینه گئدنده چادرا اؤرتمه ییمی ایستیرسن. یوخ، اوغلو، چوخلارینین قاباغیندا دایانا بیلمه سه ده، سنین، اوغلو مون قاباغیندا سینمایاجام. اؤز گئییمیمی اؤزوم سئچه بیلیرم. بیز اولدوغوموز کیمی گئتملیک او ائلچی لییه. ایستر خوشلارینا گلر، ایستر گلمز. عاطیفه آغیر، دینه باغلی، ساکیت و عقل لی بیر قیز ایدی. آغ دری سی، قهوی، ایری گۆزلری واردی. آناسی کیمی مندن و شیرین دن اوزونو گیزلدیردی. قوللوق پرگار، قوناق پرور قیز ایدی. جناب مقصودی ده همیشه کیمی مئهریان ایدی. من هله ده مسعودا ائدی کؤمکلره گۆره اؤزومو اونا بورجلو بیلیردیم. بیر آز کؤکلمیشدی، ساچلاری آغارمیشدی. بیز ایچری گیرهن کیمی مسعودلا ایش باره ده دانیشماغا باشلادیلار.

ائله بیل کی، بیز بورا ائلچی لییه زادا گلمه میشدیک. اونون ائوی منه محمودلا الینین ائوینی خاطیرلاتسادا، بو منه پیس ائتکی ائله میردی. شیرین عاطیفه ایله چوخ تئز دوستلاشدی. ائلچیلیمیز ده راحت آلیندی. یازدا توی ائله دیک. مسعود بیر نئچه ایل اول آلدیغی ائوده یاشاماق ایستهسه ده، جناب مقصودینین ایصرارلارینا گؤره اونلارین بوش ائولرینین بیرینده قالاسی اولدولار. مسعود اشیالارینی ییغیب، بیزدن آیریلان گون اؤزومو نه قدر توخ ساخلاماغا چالیشسامدا، آلینمادی. او ساغوللاشیب گئدن دن سونرا بوش اوتاقدان چارپاینین اوستونده اوتوردوم، دیوارا، قاپی - پنجره یه باخدیم. ائو اونسوز بومبوش گؤرونوردو. آغیر بیر قم واریدی اوریمده. ائویمین قوشجوغازلاری اوچور، یووام بوش قالیردی. ایلک دؤنه ایدی کی، گله جکده تک قالاجاغیمدان دهشته گلدیم... مسعود تئز - تئز منه باش چکیردی. دئییردی: داها ایشله مه. سنین استراحت واختین دیر. اوغلو، من ایشیمی سئویرم. ایندی بو ایش منه ایله نجه کیمی گلیر. اونسوز اؤزومو گره کسیر حیس ائلییرم. اما او، هئچ نه ائشیتیمک ایسته میردی. منی تقاعوده چیخارماقدا قرارلی ایدی. ثابت گلیریم اولاجاقدی، اما ایشله مه یه بیلیمیردیم. یئنه ده بعضی موقاوبله لرله باشیمی قاتیردیم. مسعود دا منه پول وئیردی. بیلیردیم کی، مادی وضعیت یی یاکشیدیر، اما ایشیندن راضی دئییلدیم. همیشه دئییردیم: سن یارادیجی آدماسان. مئمارسان. نییه بو قدر اؤزونو ایداری ایشلره خرچلییرسن؟ دؤولت ایشلرینده قازانیلان کاریرا بوش شئی دیر. ائله کی ایندیکی آدمالار گئتدیلر، سن ده باشی اوسته یئره دیه جکسن. آنا، بیلیرم، نه یی نظرده توتورسان. هئچ نیگاران اولما، منیم بو او یونلارلا ایشیم یوخدور. تئزلیکله موستقیل بیر ایش باشلاداجام. قرار وئرمیشیک کی، اوشاقلارلا شیرکت آچاق. هله لیک ایشله مه لییه م کی، اؤز عؤهدده لیکلریمی یئرینه یئتیریم. شیرکتیمیزین ایشی یولونا دوشهن کیمی هر شئی بوشلایاجام. بئله صؤحبتلردن نه قدر قاچماغا چالیشسامدا، بیر نئچه آیدان سونرا شیرینین ائولی لیگی ایله باغلی جدی صؤحبه گیرمه یه مجبور اولدوم. فرامز ماگیستراتوراسینی بیتیرمیشدی. کانادایا گئتمه یه حاضیرلاشیردی. گئتمه میشدن قاباق شیرینله رسمی نیکاخا گیرمک ایستییردی کی، اونون دا گئتمه یی قولایلاشسین. من شیرینین تحصیلینی یاریمچیق بوراخماسی ایله راضیلاشمیردیم. سؤز وئردیلر کی، فرامزین ایشی بیر ایل چکه جک. و بو مودتده شیرین درسینی اوخویاجاق. کبین کسیددی. فرامز گئتدی کی، بیر مودتدن سونرا گلیب شیرینی ده آپارسین. بونوما دوشهن وظیفه نی، بورجو یئرینه یئتیرمیشدیم. اوشاقلاریمین هامیسی ائو - ائشیک صاحبی اولموشدو، آلی تحصیل آلمیشدی. آغیر بیر یوکو یئره قویموشدوم. داها هئچ هدفیم یوخ ایدی. ایندی نه ائدجیمی بیلیمیردیم. بئله گؤروردوم کی، باشقا بیر ایشیم قالما ییب. اؤزوم اؤزومه اورک - دیرک وئیردیم. دئییردیم،

خوشبخت لیکن، هله واخت وار. هئچ اولماسا، شیرینین گئتمینه هله بیر ایل وار. اما تکلین، قوجالین قارا بولودلاری
باشیمین اوستونو آلمیشدی - بیلیردیم.

۱۰ ونجو بۆلوم

شیرینین گئتمک واختی یاخینلاشدیقجا، نیگارانلیغیم چوخالیردی. اؤزوم اؤزومله موباریزه آپاریردیم. قوجا آنالار کیمی اوشاقلاردان آسیلی اولماق ایستهمیردیم. چالیشیردیم کی، دوستلوق چئوره می گئیشله ندریم. اما بو یاشدا یئنی دوست تاپماق چتین ایدی. اؤز عایله مله ده گئیش - گلیشیم یوخ ایدی. آنام چوخ قوجالیب الدن دوشموشدو. پروین خانیم دا یاشلانمیش دی، حؤصله سیزین بیر ی اولموشدو. بونا باخمایاراق، یئگانه آدام ایدی کی، چتین واختیمدا منه دایاق اولوردو. فیروزه گئندن سونرا فاطمه اؤزونه قاپانمیش دی. منیمله چوخ اونسیتده اولموردو. منی اوشاغینین اوزاقلاشماغیندا تقصیرلی بیلیردی. هردنیر جناب زرگرینی گؤروردوم. او دا بیر نئچه ایل ایدی کی، ائولنمیشدی. چوخ خوشبخت گؤرونوردو. بیر تسلیم وار ایدی کی، پروانه تهرانا قایتمیشدی. اونولا جاوانلیغیمیزی یادا سالیردیق، دئییردیک، گولوردوک. او ایل پروانه نین آناسی خستلنمیشدی. او دا واختین چوخونو تهراندا کئچیریردی. پروانه دئییردی کی، شیرین گئندن سونرا من گرک ائوی کیراییه وئریب اوشاقلارین ائوینده قالیم. منیمسه اوشاقلاریمی اینجیتمک فیکریم یوخ ایدی. یاییں ایستی گونلری باشلامیشدی. شیرینین جئیهزینی حاضیرلاماقلا مشغول ایدیم. پروانه ایله آلیش - وئریشه گئدیردیم. هر گون بیر بهانه ایله بیر یئرده اولوردوق. یاییں ایستی گونلرین دن بیرینده تزهجه اوزانمیشدیم کی، قاپنین زنگی منی یئریمدن قالدیردی. پروانه ایدی. گؤزومو یوموب آچینجا اؤزونو پیلله لرین یوخاری سینا چاتدیردی. یاناقلاری قیزارمیش دی. آلتیندا، دوداقلاریندا تر - پارلا بیردی. نه اولوب؟ نه خبر؟ پروانه یاییلینی آچیب اوتوردو: منه سرین سو وئر. بیر ایستکان سو وئریب سوروشدوم: دئی گؤرک، نه اولوب؟ بیلیرسن، کیمی گؤرموشه م؟ حیس ائله دیم کی، اوریم بیر داش کیمی یئره دوشدو. اونون داورانیشی، حرکتی تخمیناً اوتوز اوچ ایل بوندان قاباغی خاطیرلاتدی. بیرتهر اؤزومو اله آلیب: سعیدی؟! دئییه سوروشدوم. هارادان بیلدین؟ اوریم او واختکی کیمی چیرپمیردی. او دا ائله همینکی کیمی هیجان لی و صبرسیز ایدی. یاخشی، دئی. دئی، هارادا گؤردون؟ نئجه اولدو؟ دؤز. گئتمیشدیم داواخانایا. آنامین درمانلارینی آلمایا. اورانین حکیمی منیم تانیسیم ایدی. قوناغی وار ایدی. هر ایکسی پشختانین دالیندا دورموش دولار. من قوناغین اوزونو گؤرموردوم. سسی تانیش گلدی. باشین دالی، بویو. اوزونه باخماغا چالیشدیم. نه دن سیز حکیمه طرف گئتدیم. حکیمه بوش - بوش سوالار وئردیم.

قوناق قاییدیپ تعجبوبله منه باخدی. معصومه، او ایدی. او دا سنی تانیدی؟ هه. ماشاللاه، نه یادداشی وارمیش! البته، اول بیر آز دوروخدو. من تئز ائینه ییمی چیخاردیب اونا گولدم کی، یاخشی تانیسین و سالام وئرسین. دانیشدینیز؟ ایندی ده قارداشلارین دان قورخمورام کی؟ چوخ قوجالیب؟ نئجه اولوب؟ گیجگاهلارینین توکو تمام آغاریب. قالانی دا آغقارادیر. بالاجا ائینک ده تاخمیشدی. او واخت ائینک تاخمیردی، ائله دئییل؟ یوخ، تاخمیردی. اوزدهن ده بیر آز قوجالیب. اما چوخ دیشمه ییب. خصوصاً گۆزلی همین گۆزلردیر. نه دئدی؟ آتامی سوروشدو. دئدیم، چوخ دان اولوب. تسلی وئردی. من ده بوتون اوزلولوبومله اوندان بعضی شئیلر سوروشدوم. دئدی کی، نئچه واختدیر آمئریکادا ایمیش. اما ایندی بورادا یاشاییر. عایله سینی سوروشدوم. دئدی کی، آناسی ایبرمی ایل اول رحمته گئدیپ، باجیلاری دا ارده دیر. ایندی ایران دا تک دیر. عایله سی آمئریکادا قالیب. سونرا دا تئلفون نؤمره سینی آلدیم. صبرین اولسون. تئلفونو یازاندا دئدی: «دوستلاردان نه خبر وار؟ ایلگی نیز وارمی؟» سئوینجک دئدیم کی، هه. او دا سیزی گۆرمک ایستیییر. گون اورتادان سونرا زنگلشک، بلکه گۆروشدوک. بیلیرسن، گۆزلی نئجه ایشیلدادی؟! سوروشدو: «سورون اولماز کی؟» منجه، هله ده قارداشلارین دان قورخوردو. ایندی نه دئییرسن؟ آغلیما مین فیکیر گلدی. ماتیم -قوتوم قورودو. پروانه منی سسله دی: دئییرم، آخشام زنگ ائل یه نه من نه دئییم؟ ایستیییرسن صاباح گل سین؟ گل سین؟ هارا گل سین؟ یا بیزه، یا بورا. ساده جه، باخ گۆر صاباح شیرینین پلانی ندیر؟ صاباح نه گوندور؟ اوچونجو گون. بیلیمیرم، نه پلانی وار. عئیی یوخدور. آنانگیلین ائوینه گلر. منجه، گلمه سین. بو ایشین باشینی بوراخ. نازلانما. گۆرمک ایسته میرسن اونو؟ بیر ده کی، او، بیزیم کۆهنه یولداشیموزدو. گۆر آرادان نئچه ایل کئچیب. بورادا نه پیس ایش وار کی؟ بیلیمیرم، ال -آیاغیم اسیر. دوغرودان... ائله بیل هله ده یئنی یئتمه سن. اما داها اون آلتی یاشیم یوخدور، اونو گۆرمک ایسته میرم. او، منی او یاشیمدا خاطیرلاییر. منی بو وضعیتیمده گۆرسه، قورخار. بو نه دئمک دیر؟ مگر تکجه بیز قوجالمیشیق؟ اؤزو ده قوجالیب. اما سن، خسروو دئمیش، گیردیما خالچاسی کیمی سه ن. داها دا یاخشیلاشمیشام بوش -بوش دانیشما. اؤزوموز بیلیریکی کی، قوجالمیشیق. پروانه مانتوسونو گئیهرک دئدی: من آخشام گلمه یه جه یهم. اگر زنگ ائله سه، صاباح ساعات آلتیا آنانگیلده گۆروش دئیجه یهم. اما سن بیر آز تئز گل. تئلفونلا دانیشاریق. اوتاغا گئتدیم. اینانین قاباغیندا اوتوردوم. اؤزومه یاخیندان باخدیم. چالیشدیم اون آلتی یاشیلیغیمدان اوزومده بیر شئی تاپیم. گۆزلیمین قیراغی خیردا قیریشلارلا دولو ایدی. بورنومون یانیندان ایکی ختت دوداقلانما قدر اوزانیردی. گوله نده درینلشن چالالار ایندی اوزون ختلره دؤنموش دو. او شفاف، صاف دریم ایندی لکه لرله دولو ایدی. خورمایی ساچلاریم

سئیرلیمیشدی. رنگلمیمه باخمایاراق، دییینین آغلاری گۆرونوردو. حتی باخیشیم دا دییشیلیمیشدی. یوخ، من داها او گۆزل قیز دئییلهم. سعید اونا عاشیق اولموشدو. شیرینین سسی منی آیلتدی: نه اولوب، آنا؟ بیر ساعات دیر، اؤزونه باخیرسان. بیلیمیردیم بئله گوزگو سئوئنسن؟ سئوگیم؟ الیمده اولسا، بوتون آینالاری سیندیرارام. بیی، نه اولوب کی؟ شاعرین دئدی کیمی، اؤزونو سیندیر، آینا سیندیرماق خطادیر. سنه نه گؤستریب کی بو گوزگولر؟ اؤزومو. قوجالیغی می. سن کی قوجالماقدان قورخوردون؟ بلی. اما بعضی بیر حادثه، بیر شکیل آدمی کئچمیشینه قایتاریر. او زامان آینایا باخیرسان. گورورسن کی، کئچمیش ده کی آدم دان نه قدر فرق لیرسن. اما، آنا، سن همیشه دئییردین کی، هر یاشین اؤز گۆزلیگی وار. دوزدور، اما جاوانلیغین گۆزلیگی باشقا شئی دیر. بوتون دوستلاریم دئییرلر، آنان نئجه ده خانیم -خاتین دی. منیم فیکریمجه، سن همیشه هامیدان گۆزل سن. اوشاق اولاندا همیشه سنه اوخشاماق ایستیمیشه. سنه پاخیللیق ائدیردیم. نئچه ایل بوندان قاباغا کیمی چوخ آدم سنه باخیردی، نینکی منه. گۆزلیم سنین گۆزلیرین رنگین ده دئییل، دریم سنینکی کیمی صاف دئییل دئیله کدرلنیردیم. بو نه سؤزلردیر؟ سن داها گۆزل سن. منیم رنگیمین آغلیغی همیشه بئله فیکیر یارادیردی کی، گویا خسته یه. ایندی نه اولوب؟ گنجلیین یادینا دوشوب؟ آدم بو یاشا چاتاندا کئچمیش اونون اوچون گۆزللشیر. حتی پیس گونلری ده گۆزل گورونور. گنج اولاندا گلجی فیکیرلشیریک. گلن ایل نئجه اولاجاق، بئش ایلدهن سونرا نه اولاجاق؟ تلشیریک کی، گونلر تئز -تئز کئچسین و بیز تئز گلهجه یه چاتاق. اما ائله کی یاشا دولورسان، داها گلهجک اولمادیغینا گۆره کئچمیشه باخیرسان. آخشام پروانه زنگ ائدیب دئدی کی، صاباح گون اورتادان سونرا، ساعات آلتی یا گۆروش وئریب. او گئجه سحره کیمی اؤزومله ساواشدیم. اؤز -اؤزومه دئدیم کی، یاخشییی بودور، اونو گۆرمه ییم. هئچ اولماسا گنجلیک خاطره میز و گۆزلییمیز اؤزوموزه قالار. بو ایللر عرضینده نه واخت گۆزل پالتار گئیسهم، اؤزومو بیهنسم، آرزو ائدیردیم کی، او، منی بئله گورسون. ایندی سه... سحر تئزدن پروانه زنگ ائله دی: نئجه سهن؟ سحره قدر یاتمامیشام. بیرینجی ساچلارینی رنگلرسن. سونرا ایستی دوش قبول ائدرسن. سونرا بیر بویوک کاسا سرین سو دوزلدرسن، ایچینه بوز تۆکرسن. اوزونو اونون ایچینه سالارسان. اوزونو بیر نئچه دؤنه سویا سالیب -چیخاردارسان. سونرا من گئیره ن ماسکالاردان وورارسان. وور، اییرمی دقیقه گۆزونو یوم، یات. سونرا یو. سونرا او سان کیرئمی اوزونه یاخشی یاخ. ساعات بئش ده بورادا اول کی، سنی یاخشيجا دوزلدیم.

نه یی دوزلدرسن؟ تزه گلینه؟ الله بیلنه مصلحت دیر. بلکه ده اولدون؟ بسدی، آى قیز. اوتان. بو یاشدا؟ یئنه دئییر، بو یاشدا. بیر ده بئله سؤزلر دانیشسان، آلاها آند اولسون، سنى ووراجاغام. نه گئییم؟ آلمانیادان آلدیغیمیز بوز دونونو.

بوخ، او، گنجه، ایله نجه پالتاری دیر. دوز دئییرسن. او کرئم رنگلی پالتارینی گئیین. یاخشی، اؤزوم بیر شئی فیکیرلشرهم. یادیندان چیخماسین. سنه دئدیکلریمی ائله ها. پروانه نین امرلرینی آز - چوخ یئرینه یئتیردیم. ائله ماسکا چکیب اوزانمیشدیم کی، شیرین اوتاغیما گیریپ تعجبله دئدی: نه اولوب؟ بو گون یامان اؤزونو باخیرسان. هئچ... پروانه مجبور ائدیپ کی، بو ماسکادان ایستیفاده ائدیم. من ده یوخلاییرام، گوروم نجه دیر بونلار؟ شیرین چینلرینی آتیپ گتتدی. ساعات دوردون یاریسی حاضیرلاشماغا باشلادیم. ساچلاریمی فتلدیم. پالتارلاریمی گئییب آینایا باخدیم. اؤز - اؤزومه دئدیم، هئچ اولماسا اون کیلو کؤکلمیشه. بوتون پالتارلار منه قوصورلو گورونوردو. شیرین قاپنین آغزیندا دایانیپ دئدی: آنا، نه اولوب؟ هارا گئدیرسن؟ یعنی بئله گئیینیپ بزئمک پروانه خالایا گوره دیر؟ آخی بیلیرسن، پروانه بیر - ایکی نفر کؤهنه دوستلاریمیزدان دعوت ائله ییب. ایسته میرم اونلارین قارشیسیندا قوجا و چیرکین - گورونهم. پروانه خالا نچه نفر دعوت ائدیپ؟ او، بیر نفری گوروب. دئییب، کیمی گؤرسه، چاغیرسین. ایندی بیلیم، اؤزو تک گله جک، یا اون نفرله. خوشبختلیکدن، شیرین منیمله گلمک ایسته مه دی. اؤز یاشیدلاری ایله قالماغی اوستون توتدو .

ان سونوندا، بیر قهوی رنگ ده دون گئییندیم. هوندوردابان، قهوی رنگ آیقاییسیدا واریدی. آلتینین یاریسینی کئچمیشدی کی، پروانه گيله چاتدیم. او، دقتله منه باخدی: یاخشی، قوی قالانینی دا من دوزلدیم. باخ ایسته میرم منی اینانیلماز شکله سالاسان. نه وارسا، اودور. بوخ، آى قیز. سن ائله بئله ده گؤزل سن. اما بیر - ایکی قوصور وار، گل اونلاری دا دوزلدک. درین ایسه هله ده آینا کیمی دیر. هه. اما سینمیش آینادی. ایندی چاتلاری ائله ده گورونمور. ائله سعیدین گؤزلی ده

ضعیف دیر. ایستیرسن، اونو قارانیق اوتاق دا قبول ائدک کی، گورمه سین... دوز ساعات آلتی ایدی کی، قاپنین زنگی چالیندی. هر ایکیمیز یئریمیزدن آتلاندیق. پروانه دئدی: بلکه ده اون دقیقه دیر قاپنین آرخاسیندا دوروب کی، واختیندا زنگ چالسین. اونون حالی بیزدن ده بئتر دیر... پروانه قاپیا طرف گتتدی. سونرا بیر نچه آدیم قاییدیپ، گوردو من یئرمده دورموشام. الی ایله ایشاره ائتدی کی، گلیم. من یئرمده قوروموشدوم. پنجره دن گوردوم کی، پروانه اونو حیطه طرف چاغیریر. بیر آز کؤکلمیشدی. بوز رنگده بیر پئنجک شالوار گئیینمیشدی. ساچلاری چالاشمیشدی هله اوزونو گورممیشدیم. نچه دقیقه دن سونرا پروانه ائوه گیریپ آخیلی حالدا دئدی: سن هاراداسان؟ اولمایا، ایستیرسن چای مجمییسی ایله

گیره سەن، گلین خانیم؟ سەفەلە مە. اوریمم آغزیمما گلیر. آياقلا ریم قورویوب. گئە بیلیمم. گلیرسن، یا یوخ؟! بیر آز گۆزلە. نەجە یەنی؟ اوتان. مندن سنی سوروشدو. دئدیم، گلیمسن. نییه اۆزونو اون دۆرد یاشلی قیز کیمی آپاریرسان؟ گۆزلە، قوی اۆزومە گلیم. یاخشى، ایندی گئدیم اونا نە دئییم؟ دئییم، خانیمین اوریی گئدی؟ اولماز آخی، تک اوتوروب. یوخ، دئەن، آناسینین یانیندادیر. ایندی گلیر. اینادا اۆزومە نظر سالیب، ساچلاریمما بیر ال چکدیم. اۆزومو الە آلیب، حیطة چرخدیم. سورعتلە یانلارینا گئدی: سالام، دئدیم. سعید یئریندن آتیلیب، آياق اوستە دوردو. مات - مات منە باخدی. بیر نەجە دقیقەدن سونرا اۆزومە گلیب یاواشجا دئدی سالام. بیر نەجە کلمە حال - احوال دان سونرا بوتون هیجانیم کئچدی. پروانە چای گتیرمە یە گئدی. بیز اوزبە اوز اوتورموشدوق. هئچ بیریمیز بیلیمردیک نە دئیک. قهوی ی گۆزلری هله جذب اندیجی ایدی. اۆزو دە هله اورە یە یاتیملی، یاراشیق لی ایدی. اومید اندیردیم کی، من دە اونون گۆزومە بئله گۆرونورەم. پروانە گلدى و صۇحبەتین بوزو سیندی. یاواش یاواش قیزیشدیق. هرە اۆزون دن دانیشدی. بیرینجی سعید باشلادی: اورتا مکتبی بیتیرەندن سونرا ائولنیب، آلمانیا یا گئدیم. ایکى قیزیم، بیر اوغلو وار. بۆیوک قیزیم اردەدیر. آلمانیا وطنداشییام. ایندی آنام خستە اولدوغونا گۆرە بورادایام. اینشاللا، حالی دوزەلەندن سونرا اۆزوملە آپاراجام. ائوین تک اوغلو اولدوغوما گۆرە عسگرلیکدن آزاد ائەدیلر. اورمییا یا قایتدیم. عملیریمین کۆمک لیگی ایله داواخانا آچدیم. دوروموموز یاخشىلاشدی. آتادان قالان تورپاقلاریمیزین قیمتی آرتدی. باجیلاریمی بیر - بیر ارە وئردیم. سونرا داواخانای ساتیب، آناملاتهرانا گلدیم. یولداشلاریم ایستیریدیلر بیر درمان شیرکتی آچسینلار. من دە اونلارلا شریک اولدوم. ایشیمیز آرتدی. سونرا شریکلریمین بیرینین باجیسی ایله ائولندیم. بیر مودتدن سونرا اکیز اوشاغیمیز اولدو. اینقیلابدان سونرا هر شئی بیر - بیرینە دە یدی. شیرکتین وضعیتى بللی دئییلدی. موخاریبە باشلایاندان سونرا لاپ پیس اولدو. یولداشییمین بوتون قوهوملاری موهاجیرتە گئدیریدیلر. او دا ایکى آياغینی بیر باشماغا دیرەدی کی، بیز دە گئدک. هر شئییمیزی ساتدیق. گئدیک آمئریکایا. یاشاییشی صیفیردان باشلاماق منە چوخ چتین ایدی. اما یاواش - یاواش هر شئی یولونا دوشدو. اوشاقلار چوخ راضی ایدیلر، سئوینیریدیلر. بیر - ایکى ایلدەن سونرا همیشەلیک آمئریکالی اولدولار. یاشاییشیمیز یاخشى ایدی. هر شئی ییمیز وار ایدی. خوشبختلیکدن باشقا. باجیلاریمدان، دوستلاریمدان، تهراندان، اورمیادان اؤترو دارىخیردیم. قورخونج قریبلیک چکیردیم. موخاریبە بیتەن دن سونرا دئدیلر کی، وضعیت یاخشىلاشیب. من دە گلدیم. گۆردوم، شیرکت یئریندەدیر. یئیندن باشلادیم. بیر آپارتمان آلدیم. یولداشییمی گتیرمە یە گئدیم. اما او قایتماغا راضی اولمادی. آخیردا قارار گلدی کی، من تهراندایاشاییب، پول قازانیم. نازی

ده اورادا قالیب، اوشاقلاردان موغایات اولسون. آلتی -یئددی ایلدیر کی، بئله یاشاییریق. اوشاقلار بویوبوب. هامیسی باشقا ایالتلره کۆچدو. اما نازنین هئج ایرانا قاییتماق فیکری یوخدور. ایلده بیر دؤنه اونلاری گۆرمکدن اؤترو گئدیرم. بیر آی اونلارلا قالیرام. قالان واخت تکلیک، ایش و خاطره لر. بیلیرم کی، دوزگون بیر یاشایش دئییل. اما اونو دیشمهیه گوجوم چاتمیر... پروانه سعیده باخیب، ماسانین آلتیندان آیاغیما ووروردو. اما منیم سعیده اوریم یانیردی. همیشه اومیدیم وار ایدی کی، هئج اولماسا، او، خوشبخت دیر. اما بئله گۆرونوردو کی، او، مندن ده تک دیر. سونرا دا من حمیدله تلسیک ائولنمیدیم، اونون نجه یاخشی، مئهریبان آدام اولماغیندان، موباریزه سیندن، زیندانا دوشمییندن، آزادلیغا چیخماغیندان، یئنیدن توتولوب، اعدام اولونماغیندان دانیشدیم. اوشاقلاریمین اوچونون ده آرتیق اؤز یاشایشلارینی قوردوغونو دئدیم. گنجه او قدر دانیشدیق کی، زامانین نجه کئچدینی اونوتدوق. تئلفونون سسی ایله اوچوموز ده یئرمیزدن آتالاندیق. پروانه دسته یی گۆتوروب تعجبله دئدی: شیرین دیر. دئییر، ساعات اوندور... دسته یی آلدیم. هاراداسان، آنا؟ نیگاران قالمیشدیم. عئیبی یوخدور. بیر دؤنه ده سن منه گۆره نیگاران قال. بیز دانیشیردیق، بیلمدیک واخت نجه کئچدی. ساغوللاشاندا قارار گلدیک کی، بیر ده ییغیشاق. عونوانلاریمیزی و تئلفونلاریمیزی بیر -بیریمیزه وئریب آیریلدیق. ائوه گلدیم. هله پالتارلاریمی دیشممیشدیم کی، تئلفون زنگ چالیدی. پروانه ختین او باشیندان گوله رک دئدی: تبریک ائدیرم. آروادی دا یوخدور. نجه یعنی یوخدور؟ بس او باره سینده دانیشدینی کیم ایدی؟ دئدی کی، آریلییلار دا. آنلامادین؟ یازیق. اینشاللا، خانیمی دا گلر، یاشایشلاری یولونا دوشر. بسدی، آی قیز. سن سفح سن، یا اؤزونو سفح لیه وورورسان؟ عزیزیم، اونلار رسمی ار -آرواددیرلار. آریلمایییلار. بوشانماق دان دا سؤز سالمادی. یعنی گرک گندیب مطلق بیر یئره ایضا آتالار؟ بونلار یئددی ایلدیر کی، آیریدیرلار. سن ده بیر آغلینی ایشه سال. بیر آز رئالیست یاخشی، اگر بئله دیرسه، نییه رسمه ن آریلمایییلار؟ آروادین نییه گرک؟ ار بورادا ائشک کیمی ایشلییر، پول قازانیر، اونا گۆندیر. اؤزو ده هئج بیر اذیت چکمیر. آدام گرک آخماق اول کی، بئله بیر قیزیل یومورتا وئره ن توپوغو الیندن وئره. بو دا کی اگر آریلماق ایسته سه، گرک ثروتینی آروادلا یاری بؤله. او دا، یقین، بونو گرک بیلیمیر. ایلاهی، سن نلر فیکیرلشیرسن؟ من مینلرله بئله جوتلوک گۆرموشم. اورین راحت اولسون. چرشنه گونونه قدر ائو -ائشی ییغیشدیردیم، یئمک بیشیردیم، اؤزومه باخدیم. سونرا چوخ گۆزل بیر گون کئچیرتدیک. گۆروشلریمیز بئله جه داوام ائتدی. حیس ائدیردیم کی، گنجلییم اؤزومه قاییدیر. ایندی بزیردیم، پالتار آلیردیم، حتی بعض شیرینین ایشکافینا دا ال آتیب، اونون پالتارلارین دان گئیینیردیم. حتی حیس ائدیردیم کی، اوزوم، دریم ده جاوانلاشیر. ایندی

تئلفونون زنگی منی یئریمدن دیک قالدیریردی. شیرینین باخیشلاریندان قاچیردیم. بیلیردیم کی، او، هر شئی گۆرور. دیشیک لیکلری حیس ائدیر. اما نه اولدوغونو آنلایا بیلیردی. بیر هفته اونونلا نۆوتی گۆروشموزدن سونرا دئدی: آنا، او کۆهنه دوستلارینی تاپاندان بری یامان دوزلمیسن. آلاها آند اولسون، حرکتلرین شوبهه لی دیر. نئجه یعنی شوبهه لی دیر؟ نئیلیرم کی؟ اوللر ائلمدیین شئیلری ائلییرسن. اۆزونه باخیرسان، تنز -تنز هاراسا گئدیرسن، ماهنی اوخویورسان. نسه بیرته رسه... آخی نئجه بیرته ر؟ عاشیق قیزلار کیمی. پروانه ایله بئله قرارا گلدیک کی، سعیدی شیرینله تانیش ائدک. بو یاشدا اوشاقلاریملا گیزلنپاچ اویناماق منه آغیر گلیردی. بو نتیجه یه گلدیک کی، اونو پروانه نین عایلو ی دوستو کیمی شیرینله تانیش ائدک. شیرین بیر -ایکی دۆنه اونونلا اوزبه اوز گلدی. اونون سعید حاقین دا فیکرینی بیلیمک ایسته ییردیم. اما شوبهه لرینی گوجلەندیرمک ده ایسته میردیم. ان سونوندا، اۆزو بیر گون دئدی: پروانه خالا بونو هارادان تاپیب؟ اوزاق قوهوملارینداندیر. اوزون ایللر بورادان اوزاق دا قالیب. نئجه بیه م؟ هئج. ماراقلی قوجادیر. قوجا؟! بلی. یاراشیق لی و شخصیت لی دی. اما پروانه خالایا یاراشمیر. تربیه سیزلیک ائله مه، پروانه خالانین بوتون قوهوملاری یاخشی آداملاردیرلار. بس نییه اۆزو بئله دیر؟ نئجه دیر؟ بیر آز سفئح دیر. اوتان! آدم خالاسی حاقین دا بئله دانیشماز. دئییب گولمیین نه یی پیس دیر؟ او، بورادا اولاندا سیز بوتون گونو پیچیلدا ییرسینیز. سن بونا پاخیللیق ائدیرسن؟ یعنی منیم بیر یولداشیم دا اولماسین؟ عکسینه، سئوینیرم کی، سیز اۆزونوزو خوشبخت حیس ائلییرسیز. ساده جه، او ائله بیل یاشینین فرقین ده دئییل... همین یایی، دئمک اولار کی، گونا شیری بیر -بیریمیزی گۆروردوک. عزیز، خوشبخت گونلر ایدی. اوچ کۆهنه دوست بیربیریمیزین یانیندا نه قدر راحت و خوشبخت ایدیک. بیربیریمیزله راحت دانیشا بیلیردیک. منیم دئمیه جسارت ائتمدیکلری می پروانه دانیشیردی. ان سونوندا، بیر گون پروانه اوندان سوروشدو: سعید، سنه بیر سوال وئرمک ایستییرم. بوتون بو ایللر عرضینده معصومه ایله بو سوالا جاواب آختارمیشیق. نییه سن او گئجه ایتدین؟ نییه قاییتما دین؟ نییه آنانی ائلچی لییه گۆندرم دین؟ بو گونه کیمی هامیمیز چالیشیردیق کی، او گئجه دن دانیشما یاق. چونکی هم من اوتانیردیم، هم ده، چوخ گومان کی، سعید ده اوتانیردی. بونا گۆره پروانه نین سوالی منی اوتانیردی. اونا آجیقلا ندیم. اما پروانه عینا د ائله دی: بیز کیفایت قدر صمیمی اولموشوق. منجه، بونو دا دانیشا بیلریک. اۆزو ده بئله موهوم مسئله دن. او حادثه ایکی نینیزین ده یاشاییشینی دیشدی. ائله دئییل؟ سعید، اگر جاواب وئرمک ایستمیر سنسه، وئرمه. بوخ. اصلینده، من گرک بونو چوخدان دئییدیم. همین گئجه دن سونرا باش وئره نلر باره ده چوخدانیشماق ایسته ییردیم. اما قورخوردوم معصومه ناراحات اولار... او گئجه من هر یئردن

خبرسیز داواخانادا ایشلییردیم کی، احمد گلدی. باشلادی سؤیمه یه. حکیم عطایی اونا طرف گتدی کی، ساکیتلش دیرسین. حکیمه هوجوم ائله دی. من حکیمی کنارا چکمک اوچون قاچدیم. منی یومرو قلاماغا، تپیکله مه یه باشلادی. اونونلا البیخا اولماق ایسته میردیم. چوخ کتفلی ایدی. محله نین هامیسی اورا ییغیشمیشدی. من چوخ اوتانجاق ایدیم. اوتاندیغیم دان آز قالیردیم اولوم. منی مین جور سؤیوشله تحقیر ائله دی. دئییردی کی، باجیسینی یولدان چیخارتمیشام. سونرا بیجاغی چیخارادیب، منه هوجوم ائله دی. میللت تۆکولوشوب اونو توتدو. منی اورادان اوزاقلاشدیردیلار. سونرا هه ده لیدی کی، اگر منی او طرفلرده گۆرسه، اۆلدورجک. البته، من اونون هه ده لریندن قورخموردوم. اما حکیم دئدی کی، من بیر نئجه گون ایشه گلمیم. حالیم دا پیس ایدی. یئریمدن ترپه نه بیلیمیردیم. بده نیمه او قدر وورموشدو کی، هر یئریم شیشمیشدی. گۆزلریم ده شیشمیشدی. الیمه بیر نئجه تیکیش آتمالی اولموشدولار. نئجه گوندن سونرا حکیم عطایی منی گۆرمه یه گلدی. دئدی کی، احمد هر گئجه کتفلی حالدا گلیب، داواخانانین قاباغیندا سؤیوش سؤیور. سنی موعالیجه ائدن حکیم تبتای حکیم عطایییه دئمیشدی کی، سنی موعالینه ائله مک اوچون ائوینیزه گلیب. سنین نئجه پیس وضعیتده اولدوغونو اونا دانیشمیشدی. حکیم منه مصلحت گۆردو کی، بیر نئجه آلیق بورادان اوزاقلاشیم. تا کی آرا ساکیتلشنه ده قاییدیب، سنه ائلچی گۆندیریم. بعضن گئجه لر اوغرولا کیمی ائوینیزین آرخاسینا گلیردیم. اومید ائدیردیم، سنی پنجره دن گۆره جه یه م. او ایل اونیوئرسئته گئتمدیم، سیناو وئرمدم، اورمییا گئتدیم. حکیمین خبرینی گۆزلدیم. قرارا گلمیشدیم کی، کبین کسدرک، من ده عالی تحصیل آلیم. اگر قبول ائله سن، توی ائدک، سن ده قالاسان آنامین یانیندا. من بو فیکیرده ایدیم. آنام دا حاضیر ایدی. اما حکیم دن هئچ بیر خبر گلمه دی. اۆزوم تهرانا قاییتدیم، گئتدیم یانینا. منه مصلحت گۆردو کی، تحصیلمه داوام ائله ییم. هر شئی یئیندن باشلایم. کدرلنمیم. ائله دانیشدی کی، ائله بیلدیم، الله ائله ممیش، سن اۆلموسه ن. ان سونوندا، دئدی کی، سنی تله م -تلسیک اره وئریلر. دنیا گۆزومه قارالیدی. اۆزومه گلمیم آلتی آی چکدی. سونرا یاشاییشا داوام ائله دیم... اونو دینلیدیکجه دوشوندوم کی، بیز دونیانین ان خوشبخت جوتلویو اولاییلردیک. آه، اگر منی، ساده جه، بیر نئجه آی گئج اره وئرسئیدیلر... یابین گۆزل گونلری سورعتله کئچدی. اوکتیابر آیینین سرین لیگی پاییزی گتیرمیشدی. پروانه نین آناسینین حالی یاخشیلانمیشدی. حکیملر اونا سفره چیخماغا ایجازه وئرمیش دیلر. پروانه ده اونو اۆزو ایله آپارماغا حاضیرلاشیردی. بیر گون من، او، سعید حیطاده اوتورموشدوق. چوخ کدرلی ایدیم. پروانه نین گئدیشی منی اوزوردو. اۆزومو چوخ تنها حیس ائلییردیم. ققیلدن سعید دئدی: بو گونلرده من ده گئدیرم. پروانه ده، من ده دونوب قالدیق. من سسیم تیتریه تیتریه

سوروشدوم: هارا گئدیرسن؟ آمریکایا گتتمک ایسته بیرم. هر ایل یابین اوولین ده گئدیردیم، اوچ آی اوشاقلارین یانیندا اولوردوم. بو ایل ده گتتملیدیم، اما ایندییه کیمی گتچیکدیرمیشهم. دوزونو ایسته سهن، گتتمک ایسته میرم. اوتوردوغوم یئرده دونوب قالمیشدیم. پروانه چای گتیرمه یه ائوه گتدی. سعید فورصدن ایستیفاده ائدی، الینی الیمین اوستونه قویدو. دئدی: گتتمه میشدن اول گرک سنینه دانیشیم. اما تکلیک ده. صاباح گون اورتا کئچهن هفته گتتدیمیز رستورانا گل. ساعات بیرده گؤزله یه جهم. مطلق گل. بیلیردیم، نه دئمک ایستیر. همین گون بیرته رستورانا گیردیم. ان اوزاق کونجده اوتورموشدو. پنجره دن ائشیه باخیردی. اونا طرف گتتدیم. آباغا قالخدی. سالاملاشیب اوتوردوق. ناهار ائلدیک. هر ایکیمیز فیکیرلی ایدیک. هئچ بیریمیز دانیشمیردیق. یئمیمیزی تام یئیه بیلمدیک. ناهاردان سونرا دئدی: معصوم، بیلیرسن کی، من تکجه سنی سئومیشهم. یاشاییش بیزیم قارشیمیزا مین بیر چتین لیک چیخارتدی. اما بلکه ایندی بونون عوضینی چیخماق اولار. بلکه یاشاییش بوندان سونرا بیزه خوش اوزونو گوستریمک ایستیر. گئدیرم نازی ایله بیردفه لیک دانیشیم. بوشانا ق. ایکی ایل بوندان قاباق اونا دئمیشدیم کی، یا ایرانا گل سین، یا دا بوشان سین. ایندی او، بیر رستوران آچیب، وضعیتی ده یاخشیدیر. دئیر، اورادا قالمق خوشونا گلیر. من داها بو جور یاشاییش دان، یاشاماقدان یورولموشام. اگر امین اولسام کی، منیمله ائوله نه جکسن، راحت اولارام. راحت قرار وئره م، قطعیتلی اولارام. ایندی نه دئیرسن؟ منه اره گلر سن؟ بو تکلیفی گؤزلیردیم. اما یئنه ده اوریم اوزولدو. دیلیم دولاشدی: بیلیم. نئجه یعنی بیلیم سن؟ یعنی اوتوز ایلده ن سونرا هله ده اؤزون قرار وئره بیلیم سن؟ سعید، اوشاقلاریم... اوشاقلاریم نئیلیم؟ هانسی اوشاقلار؟ هامیسی بؤیویوب. داها سنه احتیاجلاری یوخدور. قورخورام اینجیه لر. آخی آنالاری بو یاشدا... بیر دؤنه ده اؤزوموزو فیکیرلشک. بو یاشاییش دا **بیزیم ده پاییمیز وار**، ائله دئیل؟ گرک اوشاقلارلا دانیشیم... یاخشی، دانیش. اما منه تنز جاواب وئر. واختیم یوخدور. گلن بیرینجی گونه بیلتیم وار. سفریمی تاخیره سالا بیلیم. پروانه گیله گتتدیم. هر شئی اونا دانیشدیم. پروانه، بو یاشدا تزه دن اره گئدیم؟ اوشاقلاریم نه دییه ر؟ نه دئیجه کلر؟ سن جاوانلیغینی اونلار حصر ائله دین. ایندی گرک اؤزونو فیکیرلشه سن. اونلار هامیسی اؤز یاشاییشلارینی قوروبلار. سنینه حاقین وار کی، قوجالیقدا بیر یولداشین اولسون. منجه، اونلار چوخدا سئوینرلر. سن بیلیم سن... قورخورام کی، اونلار یاشاییش یولداشلارینین، دوستلارینین یانیندا اوتانارلار. یاخشی، سن الله! جاوانلیقدا آتانی دوشونوردون، سونرا ارینی، ایندی ده اوشاقلارینی. او قدر قادین وار کی، دؤنه لرله اره گئدیر. سن ده اینسانسان. سنین ده اؤزونه گؤره حاقین وار. گتجه اوشاقلار نه دئیجه جیمی فیکیرلشدیم. چالیشدیم اونلارین رئاکسییالارینی گؤزومون قاباغینا

گتیریم. سحر تئزدن پروانه زنگ ائدیپ سوروشدو: دانیشدین اوشاقلارلا؟ یوخ، آی قیز. گنجه یاری کیمه دئیجه یه؟ نجه دئییم؟ ایسته بیرسن من دئییم؟ سن؟ یوخ، اؤزوم دئمه لییم. پروانه بیزه گلدی. شیرین گئینیب دئدی: من شاهنازا باش چکمه یه گئدیم. پروانه تأسفله: شیرین، من سنی گۆرمه یه گلمیشم، سن هارا گئدیرسن؟ باغیشلا، خالا، گئتمه لییم. شیرین گئتدی. پروانه ایله چارپاییلار اوزانیدی. بیر آز صؤحبت ائله دیک. آخشام تئراسدا اوتورموشدوق کی، شیرین بیر تورتلای گلدی. یالواریشلا پروانه یه باخدیم. او دا باشی ایله ایشاره ائله دی کی، ساکیت اولوم. سونرا پروانه قفیلدن دئدی: شیرینجان، توپلا آران نجه دیر؟ تویدان اؤترو اؤلوره. یاخشی، کیمین توپوندان صؤحبت گئدیر؟ گلین کیم دیر؟ کیم اولماغینی ایستیرسن؟ شیرین چیینلرینی چکدی: نه بیلیم. اگر گلین آنان اولسا نجه؟ شیرینن آغزینداکی چای چۆله پوسکوردو. اوجادان گولدو. پروانه ایله بیر-بیریمیزه باخدیق. چالیشدیق بیز ده گولک. پروانه دئدی: نه اولدو؟ بئله گولمه لی دیر کی؟ البته، گولمه لی دیر، خالا! تصوور ائله، آنام بو یاشدا گلین پالتاری گئیسین، باشینا تور آتسین. یانینداکی بی ده الی عصالی. یقین، من ده گلینن اته یینی توتمالییام. سن الله، تصوور ائله. گولمه لی دئییل؟ من اوتانیب کدرله باشیمی آشاغی سالدیم. بارماقلاریمی بیر-بیرینه سیخدیم. پروانه آجیخلا دئدی: بسدیر. آنانین هاراسی یاشلیدی؟ ائله دانی شیرسان، ائله بیل یوز یاشی وار. آنان هله جاوان دیر. بی ده هله الدن دوشمه ییب. سنن فرامز بیندن داها یاراشیق لیدی. سن الله، بوراخ بو سؤزلری، خالا. بئله دانی شما. منیم آنام خانیم دیر. بئله شئیلر اونا یاراشماز. اؤزونون ایکی گلینی، ایکی نوه سی وار. ایندی ده بیر قیزی اره وئرمک فیکرینده دیر. نه اولدو، آنا؟ سنه قوجا دئیمیندن ناراحت اولدون؟ باغیشلا، قیزیم، پروانه خالاندی دا. گولمه لی-گولمه لی دانی شیر. پروانه آجیخلاندی: نییه گولمه لی اولور؟ آلمانیدا سکسن یاشلی کیشیلر ائوله نیرلر، هئچ کیم ده گولمور. اوشاقلاری سئوینیرلر، قوناقلیق وئیرلر. پروانه خالا، سیز او طرفده چوخ اولموسونوز. بورا باشقادر. بورادا منیم اوزوم گلمز دئییم کی، آنامین توپودور. هم آنامین نیی اسکیک دیر کی، اره گئده؟ امین سن کی، هئچ نیی اسکیک دئییل؟ البته. یاخشی ائو-اٹشی وار، ایشی وار. اوغلانلاری اللرینی اونون اوستون دن چکمیرلر. اؤزو ده من اره گئندن سونرا گلیب منیم اوشاقلاریمی ساخلا یا جاق. من داها دؤزه بیلمدیم. قالخدیم، ایستکانلاری بیغیب ایچری گیردیم. پنجره دن گۆردوم کی، پروانه دانی شیر، شیرین آجیغلا اونا باخیر. پروانه چانتاسینی گۆتوروب ایچری گلدی. مانتوسونو و لچینی گۆتوروب یاواشجا دئدی: اونا دئدیم کی، اینسانین هر یاشدا محبته احتیاجی دا وار. دئدیم کی، بورا گلن همین آغا آنانین ائلچی سیدیر. پنجره دن شیرینه باخدیم. دیرسکلرینی ایستولون اوستونه قویوب باشینی اللری ایله توتموشدو. پروانه گئندن دن سونرا تئراسا گئتدیم.

باشینی قالدیردی. یاشلا دولو گۆزلرینی منه دیکیب دئدی: آنا، دئی کی، پروانه خالا یالان دئییر. دئی کی، بئله دئییل. نییه؟ دوغرو دور. سادهجه، من هله اونا جاواب وئرممیشه. راحت نفس آلدی: ایلاهی! پروانه خالا ائله دانیشدی کی، من ائله بیلدیم، ایش بیتیب. سن بونو ائلمزسه، ائله دئییل می؟ بیلیمیرم. بلکه ده ائله دیم. آنا، بیزی فیکیرلش. بیلیرسن، فرامز سنه نئجه حورمت ائله بیر. همیشه سنین خانیملیغین دان، زیالیلیغین دان دانیشیر. دئییر، بو همین آنادیر کی، آیاغینا سجده ائتمک اولار. ایندی من نئجه دئییم کی، آنا، اره گئتمک هوه سینه دوشوب؟ من جینایت ائلمیرم کی، منه حورمتی آزالسین. شیرین آجیخالا قالخیب اوتاغینا قاچدی. بیر نئجه دقیقه دن سونرا زال داکی تئلفون دان گۆردوم کی، نؤمره ییغیر. بیلدیم کی، مسعودا زنگ ائدیر. فیرتینا باشلا بیردی. بیر ساعات دان سونرا مسعود توتولموش حالدا ایچری گیردی. من تئراس دا اوتورموشدوم. اؤزومو قزئت اوخویان کیمی گؤستریم. شیرین یاواش سسله، اما سورعتله اونولا نسه دانیشیردی. بیر آزدان تئراسا گلدیلر. مسعود قاشقاباغینی ساللامیشدی. آنا، شیرینین دانیشدیغی بو سفئح مسئله دوزدو؟ هانسی سفئح مساله؟ آنا، سیزه ائلچی کلمینی دئییرم. چوخ اینجیمیشدیم. چالیشدیم تمکینیمی الدن وئرمیم. دئدیم: منه چوخ ائلچی گلیب. آتانیزین اؤلوموندن سونرا منه او قدر ائوله نمک تکلیف ائدیبلر کی؟ من بیلیرم، سنی ایسته یه چوخ اولدو. سن چوخ گۆزل قادین ایدین. گنجه یاتاندا دا قورخوردوم کی، بیردن اره گئدرسینیز. یوخودان دلی کیمی اویانیردیم. او واخت جناب زرگرینی اؤلدورمک باره ده دوشونوردوم. اما بیلیردیم کی، سن بیزی بوراخمایا جاق سان. اینانیردیم کی، سن دونیانین ان گۆزل و فداکار آناسیسان. بیزی هئچ نییه دییشمزسن. ایندی نه اولدو کی، بیزی یاددان چیخارتدین. من هئچ واخت سیزی اونوتمامیشام. اونوتمایا جغام دا. او واختلار سیز اوشاق ایدینیز. منیم حمایه مه احتیاجینیز وار ایدی. سادهجه، سیزه گۆره یاش آیریدیم. او واختلار سیزین سئوینجینیزدن و راحتلیغینیزدان باشقا، هئچ نه دوشونموردوم. اما داها منه احتیاجینیز یوخدور. فیکیرلشمیرسینیز کی، ایندی اؤز گنجیمه اؤزوم قرار وئرمه لییه؟ بونا حاقیم وار. یوخ، آنا. خاهیش ائدیرم، بئله دانیشما. سیز بیزیم باشیمیزین تاجیسینیز. هله ده منه یئر اوزونده سیزدن عزیز بیر شئی یوخدور. نه قدر کی ساغام، سنین نؤکرینه. نه دئسن، ائلیره. سن ائولی کیشیسن. سیز گرک اؤز یاشاییشینیزی، سورونلرینیزی فیکیرلشسینیز. من ایسته میرم کی، مندن نیگاران اولاسینیز. ایستیرم ، گۆرسینیز کی، تک دئییلمه، خوشبختمه... ائله مه، آنا. گرک دئییل. سن تک قالما یا جاقسان. من قویمارم تک قالاسان. من ایسته بیرم عؤمرو مون فالانینی همیشه آرزوسوندا اولدوغوم بیر آداملا کئچیریم. آنا، سن بیزیم باشیمیزا نه اویون آچیرسان؟

من اویون آچاق نه ائدیره کی؟ هئچ فیکیرلشمیس کی، بو حرکتین بیزی نه قدر اوتان دیراجاق؟ قهردن بوغولوردوم. دانیشا بیلیمیردیم. منیم گۆزل، پاک سئوگیمدن نئجه دانیشیردیلار؟ قالخدیم. باشیم چوخ آغریییردی. درمان آتدیم. اوتاغیما کئچیب، قاراللیق دا اوزاندیم. مسعود گتتمه یه حاضیرلاشدی. ایچری گیردیله. شیرین اونو یولا سالاندا دئدی: هامیسی بو پروانه خالنین باشینین آلتیندان چیخیر. یازیق آنام هئچ بئله دئییلدی. اونون قولاغینی او پروانه خالا دولدوروب. هئچ واخت اوندان خوشوم گلهمیب. اؤزونو ائله یونگول آپاریر کی. او گتجه بیزده جناب مقصودییه ال اوزاتماق ایسته ییردی. اؤزو آنامین یئرینه اولسایدی، ایندییه قدر مین دؤنه اره گتتمیشدی. او گتجه نی قیزدیرما ایچین ده کئچیرتدیم. ویدان عذابی چکیردیم. مسعودون قملی، یورغون دوروشو، شیرینین گۆز یاشلاری منی راحت بوراخمیردی. بیر یاندان دا سعیددن کئچه بیلیمیردیم. سحر اولدو، اما یئریمدن قالخماغا طاقتیم یوخ ایدی. نئچه دؤنه تئلفون زنگ ائله دی. شیرین دسته یی گۆتوروردو. کیمدیه دانیشمیردی. بیلیردیم کی، سعیددیر. مندن نیگاران ایدی. شیرینله دانیشماق ایسته میردی. تئلفون بیر ده زنگ چالیدی. شیرین سویوق بیر سلام وئردی و منه طرف دؤندو: آنا، پروانه خانیم دیر. تئلفونو گۆتور. دسته یی گۆتوردوم. پروانه عصبی حالدا دئدی: ایندی من پروانه خانیم اولموشام؟ آز قالمیشدی، منی سؤیسون. باغیشلا. عیبی یوخدو. سن اؤزون دانیش. نئجه سن؟ چوخ پیس. باشیمین آغریسی کئچمیر. مسعود دا بیلدی؟ نئیه دی؟ شیرین نه دئییر؟ ایکی سی ده چوخ پیس اولوب. نه اؤزون دن راضی اوشاقلاردیرلار. تقصیر اؤزون ده دیر. او قدر اونلارین قاباغیندا اؤزونو یاواش تانیتمیسان کی. ایندی هئچ دوشونمورلر کی، سنین ده حاقین وار. بیلیمیرم. هله لیک قوی اؤزومو بیر آز توپلاییم. یازیق سعید یاریمجان اولوب. دئییر، ایکی گون دور، اوندان خبریم یوخدور. نه واخت زنگ ائدیره، دسته یی شیرین گۆتورور. بیلیمیر، بورادا وضعیت نئجه دیر. اونا دئنن، هله زنگ ائله مه سین. اؤزوم سونرا زنگ ائدرم. آخشام اوستو گل، اوچوموز گئدک، پارکدا بیر آز گزک؟ یوخ، حالیم یاخشی دئییل. آخی منیم بورادا ایکی گونوم قالیب، سعیدین ده گتتمینه چوخ قالماییب. حالیم پیس دیر. آیاق اوستونده دورا بیلیمیرم. مندن اونا سلام دئ. سونرا اؤزوم اونا زنگ ائدرم. شیرین قاپیا سؤیکنیب، آخیخلا منه قولاق آسیردی. دسته یی یئرینه قویوب دئدیم: منیمله ایشین وار؟ یوخ! بس نییه جهنم قاپیچیسی کیمی بورادا دورموسان؟ ایسته بیردیم گۆروم بو پروانه خانیم نه واخت گئدیر. اؤز شیرینی بیزدن نه واخت اوزاق ائله یه جک؟ اوتان! آدام خالاسی حاقین دا بئله دانیشماز! منیم بیر خالام وار، او دا فاطمه دیر. بیر ده پروانه حاقین دا بئله دانیشسان، اؤزوندن کوس.

قاندین؟! آه، باغیشلا. بیلیمیردیم، پروانه خانیم سیزه بئله عزیزدیر! بلی، عزیزدی. ایندیسه گئت. یاتماق ایسته بیرم. گون اورتایا یاخین سیامک زنگ ائلهدی. سویوق سالامدان سونرا دئدی: آنا، بو نه سؤزدو، اوشاقلار دئییر؟ هانسی سؤزلر؟ اره گئتمک مسئلهسی. یعنی بئله قلیز ایشدیر؟ البته! سن آتام کیمی بیر آدامدان سونرا نئجه باشقا کیشیه اره گئده بیلرسن. بو، آتامین خاطره سینیه خیانت دیر. مسعوددان، شیریندن فرقلی اولاراق، من اوتانمیرام. اما شهید آتامین خاطره سینیه بئله موناسیبتیه دؤزه بیلرم. اونون طرفدارلارینین گؤزو بیزده دیر. اونون خاطره سینیه نئجه قورودوغوموزا باخیرلار. سیز ایسه ایستیرسینیز بیر یئرسیز، کؤک سوز آدامی اونون یئرینده اوتوردا سینیز. اوزون بیلیرسن، نه دئییرسن، سیامک؟ آتانان ائله دانی شیرسان، ائله بیل پیغمبر ایدی. بیر میلیون ایرانلی تاپا بیلرسن کی، آتانین آدینی دا بیلیمیر. بؤیوتمه بو مساله نی. میللت قهرمان یاراتماغی سئویر. بیر نفر یارادیب، اونون آرخاسیندا گیزلیرلر. آتانلا دا بئله اولدو. آتدیلار قاباغا، دستکله دیلر، اما ائله کی حبسه دوشدو، هامیسی قاجدی. ائله کی اونو اؤلدوردولر، هامی اونونلا ایلگی سینی داندی. سونرا دا باشلا دیلار اونو تنقید ائتمه یه، سهولرینی سایماغا. بیزه اونون قهرمان لیقلا ریندان نه قالدی؟ ائه، آنا... سن هئچ واخت آتامین موباریزه سینین بؤیوکلو یونو، ده یرینی درک ائله مدین. اوغلو، گؤزونو آچ، بونو سنه گؤره دئییرم. حقیقتی گؤر. آتان یاخشی کیشی ایدی. اما ضعیف نقطه لری ده چوخ ایدی. هئچ کس گونا ه سیز دئییل. منیم آتام هر شئی اینسانلارین قورتولوشی اوچون ائله دی. ایستیردی بو مملکت ده سوسیالیزم قورسون، آزادلیق، قانون، عدالت گتیرسین. بیر ده کی، من سنه سیاست دن دانی شماق اوچون زنگ ائله ممیشه م. ایستیرم بیله سه ن کی، من آتامین یئرینی هانسیسا کیشینین توتماغینا راضی اولا بیلرم! والسلام! بونو دئییب دسته یی آتدی. اونونلا دانی شماق فایداسیز ایدی. اونون دردنی من دئییلیم، آتاسی ایدی. آخشام اوستو مسعودلا عاطیفه اوغوللاری ایله بیزه گل دیلر. قالخیب مطبخه گئتدیم. مئوه یودوم. دئدیم، قوی شیرینله مسعود راحت -راحت پلانلارینی جیز سینلار. حیس ائدیردیم کی، عاطیفه دن گیزلیرلر. اما اونون دا قولاغی نسه چالمیشه دی. قفیل سوروشدو: کی م؟ کی م اره گئتمک ایسته ییر؟ مسعود چاشدی: آنانین کؤهنه رفیقه لریندن بیر. گلینلری، کورکه نی وار. ایندی ده اره گئتمک ایستیر. وای! عجب قادی نلار تاپیلیرلار. نییه بیر اونا دئمیر کی، بو یاشدا نه ار بازاردی؟ ناماز قیلیب، اوروج توتماق، او دونیاسینی قازانماق اوزینه، اره گئتمک هوه سینیه باخین! من الیم ده مئوه قابی ایله قاپیدا دایانیب، عاطیفه نین دانی شیغینا قولاق آسیردیم. مسعود شیرینه باخیب گؤزونو مندن گیزلتنی. مئوه قابینی ایستولون اوستونه قویوب دئدیم: بیردفعه لیک اونا دئین کی، گئتسین قییر آلیب، دیری -دیری اوزان سین! صاباح پروانه گیله گئتدیم. شیرین ده پالتارینی گئیینیب دئدی: من ده گلیرم.

گره ک دئیل. ایسته میرسن یانیندا اولوم؟ یوخ! آغلیم کسهندن منه قاروول چکیلر. ایندی ده بئله شئیلره نیفرت ائله بیرم. سیز ده اگر بو داورانیشلارینیزدان ال چکمه سه نیز، چیخیب ائله یئرہ گئده جه یه م کی، هئچ بیرینیزین الی منه چاتماسین. پروانه چامادانلارینی ییغیردی. اونا هر شئی دانیشدیم. دئدی: اوشاقلار آدامین روحونو نجه اؤلدورورلر. سیامکه باخ. او، نییه باشا دوشمور؟ آنام همیشه دئییردی کی، هامینین پایینی آیریپ کنارا قویورلار کی، او پای اؤزو یئیته. هردن منه ائله گلیر کی، منیم پاییم اولماییب. یئنی یئتمه واختی آتام، قارداشلاریم گؤره اؤز پاییمدان کئچمه لی اولدوم. سونرا اریمه گؤره. منه یا بیر قهرمانین، یا بیر وطن خاینینین آروادی کیمی باخیردیلار. سونرا بیر موخالیفتچینین آناسی کیمی تانیدیلار. سونرا ساواشچی آناسی اولدوم. نئچه دؤنه منی گاه یوخاری قالدیریب، گاه یئرہ چیرپیدیلار. بونلارین هئچ بیر ی منیم اؤز پاییم دئییلدی. هئچ واخت هئچ کیم منیم محض اؤزومون کیم اولدوغومو، نه ایستدیم سوروشمادی. سن اؤزونو ایتیرمیسن. سن هئچ واخت بئله شیکایت ائتمزدین. سنه یاراشمیر. دایان، دؤز، اؤز ایستدینی ائله! داها ایسته بیرم. اونا گؤره یوخ کی، ائله یه بیلیم. اما داها هئچ نه بین دیری یوخدور. اودوزموش، سینمیش بیر آدامام من. ائله بیل اوتوز ایلده هئچ نه دیشمه ییب. بو قدر اذیت چکمیشه، اما هئچ نه ائده بیلیمیشه. همیشه ایسته دیم کی، اوشاقلاریم منه دستک اولسونلار، منی باشا دوشسونلر. اما ایندی اونلار اوچون منیم ایسته ییمین، سئوینجیمین، کدریمین هئچ بیر دیری یوخدور. داها اومیدیم قالماییب. اونلارین فیکیرلری، باخیشلاری سعیده اولان تمیز حیسلریمی ده چیرکلندیردی. جهنمه کی! قوی نه ایسته ییرلر، دئسینلر! سن هئچ کیمه قولاق آسمامالیسان. گوجلو اول! اؤز ایشینی گؤز. بو اومیدسزلیک سنه یاراشمیر. سنین چاره ن سعیده گؤروشمک ده دیر. قالدخ. قالدخ او یازیغا بیر زنگ ائله. ایندی دلی اولوب. سعید گون اورتادان سونرا پروانه گیلہ گلدی. پروانه داها ایسته میردی بیزیم دانیشیقلا ریمیزدا ایشتیراک ائله سین. اؤز ایشلری ایله مشغول اولدو. دئدیم: سعید، چوخ تأسف ائدیرم. بیزیم ائولنمییمیز مومکون دئیل. راحت بیر عایله گؤرمک منه قسمت دئیل. سعید کدرله دئدی:

بوتون گنجلییم بو اومیدسز سؤگی دن پوچ اولدو. دئیم، هئچ بیر قادینا باخمامیشام. دئیم، هئچ واخت نازینی سئومه میشم. اما جورائله دئیہ بیلرم کی، منیم یاشاییشیمین اصل سئوگیسی سن ایدین. سنی تاپاندا فیکیرلشدیم کی، الله، ان سونوندا، منه رحمت قاپیلارینی آچیب. ایسته ییب کی، عؤمرومون آخیریندا سعادتن نه اولدوغونو گؤروم. ایندی سنین یانیمدا اولما یا جاغینی بیلک منه چوخ چتیندیر. ایندی کئچمیشدکیندن ده تکهم. سنه هر زامانکیندان داها چوخ احتیاجیم وار. سنه یالواریرام، بیر ده فیکیرلشه سن. سن اوشاق دئییلسن. داها اون آلتی یاشیندا بیر قیز دئییلسن کی، سنین ایجازهن

آتانین الینده اولسون. ایندی اؤزون قرار وئره بیلرسن... گؤزلیرم دولموشدو. دئدیم: بس اوشاقلاریمی نئیلیم؟ یعنی سن اونلاردان آسیلی سان؟ اصلا. اما اونلارین اوتانماقلارینا نه دن اولماق ایسته میرم. اوشاقلاریم منیم ان ضعیف یئریمدیر. ایندی بئله دئدیکلرینه باخما. سونرا بو مساله نی اونوداجاقلار. بس اونوتماسالار؟ بو حرکتیم اونلارین اوریینی بیردفهلیک یارالاسا نئجه؟ هر شئی قایداسینا دوشه جک. دوشمه سه، نئجه اولاجاق؟ سعادتین ده بیر قیمتی وار. اونو اؤدمک گره کدیر. من سعادتین اوزینی اوشاقلاریملا اؤدمک ایسته میرم. گل بیر دؤنه اؤزونو دنیزه آت. اؤزونو دنیزه آتان آدام آزاد اولما بیلر. یوخ، سعید. من ده اؤزون او دنیزه آتاجاق اورک یوخدور. منجه، اوشاقلار بهانه دیر. سن اؤزون ایسته میرسن. بلکه ده. یاشاییش منی چوخ سیندیریپ. او قدر یورغون و کدرلییه م کی، بئله بیر قرار وئره بیلمره م. اؤزومو یوز یاشیندا حیس ائله میرم. تأسف. اما، دوغرودان دا، من سنه «هه» جاوابی وئره بیلمره م. اما، معصوم، بونولا بیزی تزه دن محو ائدجکسن. بیلیرم. بو، بیر نؤو، اینتیحاردیر. بیرینجی دؤنه دئییل. پروانه گئتدی. سونرا سعیدی بیر نئچه دؤنه ده گؤردوم. اوندان سؤز آلدیم کی، یولداشی ایله باریشسین و اورادا قالسین. هر حالدا، ایستی، یاخشی اولماسا دا، عایيله صاحبی اولماق تک اولماق دان یاخشی دیر. سعیددن آیریلانندان سونرا ائوه طرف گلدیم. سویوق پاییز کوله یی اسیردی. چوخ یورغون ایدیم. تنهالیمین یوکو آغیرلاشمیشدی. قدهملریم سوستلاشمیشدی. قارا ژاکتیمه بوروندوم. گؤیه باخدیم. قارشیدان چوخ سویوق بیر قیش گلیردی...

۲۰۰۱

سون